

PARTHENII
NAUMACHICA.

PARTE II
MATHAMATICA.





NICOLAI PARTHENII
GIANNETTASII
NEAPOLITANI E SOCIETATE JESU
NAUMACHICA,
S E U
DE BELLO NAVALI
LIBRI V.
AD EXCELLENTISSIMUM
PRINCIPEM
ANTONIUM
RAMBALDUM
COLLALTI COMITEM, &c.



NEAPOLI, Apud Bernardum-Michaëlem Raillard, M.DCC.XV.

SUPERIORUM LICENTIA.

NICOLAI PATRIBUS

GIANNETTASII

DE REGIBUS E SOCIETATIBUS

NAVALIBUS CHICIS

DE BELLO NAVALI

L. 1. 2. 3. 4.

AD REGES E SOCIETATES

ROMANAS

ANTONIUM

DE REGIBUS E SOCIETATIBUS

ROMANIS



IN VINDOBONA
PUBLI-
CUM

AD EXCELLENTISSIMUM
PRINCIPEM
ANTONIUM
RAMBALDUM

COLLALTI COMITEM, &c.

P. V. C. D.

Æstus erat, gelidique cava testudine saxi,
Tollit ubi pexos supra pulcherrima crines,
Effusosque auro similes dat ludere in auras
Inter Sirenes Chelomelis prima sorores,
Confidens, placidi captabam murmura Ponti,
Quem leni Zephyrus pulsabat verbera, dum Sol
Libratus medio pendebat fervidus axe.
Solutus & hic Fato super impendente, futura
Et vita super immortalis plurima mente
Volvebam tacita mecum: suprema tenere
Jam jam Cœlicolum loca lata, amnesque videbar
Lactifluos, sincera quibus fluit omne per ævum
Plena, effusa, sacro manans de fonte voluptas,
Felicis inter cursabat spiritus oras:
Et sanctum Elysium, & felicia rura piorum.

Lu-

Lustrabat læta sub imagine, cum levis artus
Invasit sopor; extemplo mihi visus ab alto
Adventare citis lapsus Cillenius alis,
Aque hæc facundo dedit ore: Quid humida propter
Litora? quid placido cessas prostratus in antro?
Intermissa diu sumenda ad carmina rursus
Plectra tibi, magnoque iterum clamore sonandum.
Et magnis Helicōn numeris, lucique beati
Parnassi, totoque ciendus vertice Pindus.
En novus, en Magnus offert COLLALTIVS Heros,
Se tibi, Mantoo dignus vel carmine, tantis
Fulget imaginibus Majorum, atque ære vetusto:
Et propriis fulget virtutibus. Hic tibi finis,
Metaque cantandi Fatis concessa benignis.
Ne tenues vires prætende, pigramque senectam,
Non duras Parcas, non deficientia fila:
Stamina stant & adhuc lentis labentia fuis.
Sic jubet Omnipotens: olli parere necesse est,
Sint rigida quamvis, & dura fronte sorores.
Tantus amor COLLALTIADÆ, tam maxima cura
Est Patri Magno, cœli qui sidera torquet:
Quique indonatos & laude, & carmine Magnos
Non finit ire Viros, quorum pulcherrima virtus,
Et mens alta, capax, ad maxima quæque, vel armis
Munia sint Martis peragenda, aut docta Minervæ
Æternis calamo sint committenda papyris,
Ingenii monumenta, tot & versuque, Lyraque
Præstantes inter Vates te sydere ab alto

De-

Delegit Musis concordibus . Ergo age plectrum
Sume iterum : dabit ille novas ad carmina vires ,
Et juvenile pigris infundet mentibus œstrum .
Hæc Maja satus : & pernicibus ilicet alis
Findit iter liquidum , & patrio se reddit Olympo :
Excitior somno ; inque alium me numine versum
Sentio : nigrescunt cani , color inditus alter
Est ori ; roburque novum languentibus olim
Artubus infusum , fortesque ad munia nervi
Exercenda vigent : scribendo dextera constat :
Vox juvenem sonat ; & citharam sociare sequendo
Aptior ac prius ; & vitales corpore toto
Diffundunt sese vires , mirabile visu .
Ilicet expelli senium , rursusque juventam
Efflorère : stupent fluctus , mirantur & ipsæ
Improvisa Deum miracula , & undique circum
Latitiae effusæ saliant , sacra Numina ponti ,
Ætatemque novam Vati gratantur amico
Nerèides , Phorcique chorus , Dorisque , Thetisque ,
Quæque per Oceanum vaga fluctuat Amphitrite .
Scriptorum quondam mihi credita fabula Grajùm ,
Centenos ætate senem , qui duxerat annos ,
In juvenem rursus rediisse salubribus herbis ,
Aurora pastum prima , & Gangetide lymphæ
Indus , (1) uti memorant , fuit olim corpore grandis ,
Mente capax , doctus naturæ inquirere causas ,

Astro-

(1) Author est Olympiodorus Platonicus.

Astro rumque ortus , variantis & aëris oras :
Hic cum jam centum Titan exhauferat orbes
Signiferi , rebusque alios induxerat ortus ,
Atque aliam mundo faciem , tum læta secundu[m]
Gemmiferi tendens lento pede flumina Gangis ,
Vitalem ad fontem veniebat , & aurea car pens
Gramina , quæ riguo sparsim sub fonte vir ebant ,
Mandebat lætus , lympha mox plurimus hausta ,
Et fluvio & Nymphis libans largo ore bibebat .
Vix herbis hilaris , fontique indulserat ; alter
Protinus aspicitur , juveni , mirabile dictu[m]
Omnia fit similis senior , vocemque , coloremque ,
Incessumque ipsum , & nervos virtute valentes .
Sic decies repetens medicamina , mille per annos ,
Credere si dignum , redivivo in corpore vixit .
Ipse sed auriferi non Gangis flumina potus ,
Non herbis pastus medicis ferrugine prima .
Venturæ lucis , magno sed munere Divum ,
Qui tibi concordi voto , RAMBALDE , faventes ,
Annosum ad cantum faciunt juvenescere Vatem .
Hæc igitur si clara Jovis mens , sacra Tonantis
Si sunt iussa , quibus Vatem parere necesse est ;
Hæc , quæ Marte super medias pugnante per undas ,
Auspicio , ductuque tuo descripsimus , ipse
Aspicias , precor , & vultu digneris amico .
Nam sic illa tuo præfixo nomine fronti
Ibunt clara magis , quam si luceret Apollo
Partheniæ insidens puppi , totamque per auras

Cæsariem fulvo splendentem effunderet auro
Ibunt clara magis totum delata per orbem
Terrarum, præeunte tuba, & pernicibus alis
Fama victrici redimita fronde capillos:
Atque hæc perpetuo cantabit carmine, & ore
Blandiloquo populos vulgabit læta per omnes:
Prima quod hic jactat præfixum pagina Nomen,
Est COLLALTIA DUM RAMBALDUS Maximus Heros,
Quem tituli, regale genus, fascesque superbi,
Ingentes & opes, & avorum illustria facta
Et palmæ innumera, & signati adamante triumpho,
Regnataeque urbes, gentesque ad jussa vocata
Italia in magna, & Moræ in finibus altis,
Supra homines tollunt, magnisque Heroibus addunt.
Ast animi dotes, peperit quas solus & ipse,
Quæque homines Divis æquant felicibus, illum
Extollunt terris, cœlique in sidera condunt.
Et similem reddunt Superis. Prudentia rebus
Plurima tractandis, animusque ad fortia factus
Magnanimus, constans, nulla formidine victus:
Grandis & in miseros Clementia, Grandis in omnes
Munifici vis alma, effusa ad munera dextra.
Mens æqui, rectique tenax, & conscia honesti:
Et Comitas vincere animos, victosque tenere
Insignis Gravitas: blando sed mixta lepore.
Et nitidi mores, & rara modestia vultus:
Addet & his animum studiis regalibus aptum,
Tot disciplinis Heroo Principe dignis,

Artibus & tot Musarum, doctæque Minervæ
 Excultum, & palmas, toto plaudente Lyæo,
 Ingenii toties magna cum laude relatas.
 Atque alias referet virtutes Fama, sonorum
 Æs inflans, tractim terrarum effusa per oras.
 Ipse etenim celeres haud possum æquare sequendo
 Grandiloquæ pennas Famæ, & memorare canendo,
 Quæ Dea, cui fortès insunt ad cærmina nervi,
 Atque tubas animare potens, vulgabit in omnes,
 Sive sub Eoo degant, seu Vespère, gentes.
 Parthenio sat erit Vati tua iussa secuto,
 Materiam Famæ dignam, Heroemque dedisse.

Ex Surrentino Nostro Kalendis Novembris anni MDCCXIV.



MAURITIUS AB ANTONELLIS

*Præpositus Provincialis Soc. Jesu in Regno
Neapolitano.*

Cum librum, cui titulus *De Bello Navali*, à P. Nicolao Parthenio Giannettasio Societatis nostræ conscriptum, aliqui ejusdem Societatis Theologi, quibus id commissum fuit, recognoverint, & in lucem edi posse probaverint: potestate, à P. Michaeli Angelo Tamburino Præposito Generali, ad id nobis tradita, facultatem concedimus, ut Typis mandetur, si ita iis ad quos pertinet videbitur. In quorum fidem has literas manu nostra subscriptas dedimus. Neapoli 13. Kalen. Jun. 1714.

Mauritius ab Antonellis.

EMINENTISSIMO SIGNORE

Bernardo-Michele Raillard supplicando espone à V. Em. come deve dare alle stampe un libro intitolato: *Naumachica, seu de Bello Navali*, composto dal Padre Nicolò Giannettasio della Compagnia di Gesù, e per tanto la supplica per la revisione per la solita licenza, e l'averà a grazia ut Deus.

Dominus D. Januarius Majello revideat, & referat. Neap. 20. Junii 1714.

NICOLAUS CAN. ROTA PRO-VIC. GEN.

D. Petrus-Marcus Giptius Can. Dep.

EMINENTISSIME DOMINE.

Jussu Eminentiae Tuae legi Nicolai Parthenii Giannettasio è Soc. Jesu *Bellicorum Navalium libros quinque*, in iisque non modo Marones, Papiniosque, atque alios summos Patriæ nostræ Poetas redivos stili magnitudine, dicendique ubertate deprehendi; verum etiam Fidei puritatem, morumque sanctimoniam ubique servatam, assertamque demiratus sum: Quare Typis mandari, omniumque manibus teri ad augmentum eruditionis, & pietatis incitamentum maximum operæ pretium futurum puto, si ita Em. T. videbitur. Ex Ædibus Seminarii Archiepiscopalis pridie Kalendas Julias MDCCXIV.

Em. T.

*Humill. Addictiss. & Obsequentiss. Serv.
Januarius Majellus.*

Attenta supradicta relatione Domini Revisoris, Imprimatur. Neap. 30. Junii 1714.

NICOLAUS CAN. ROTA PRO-VIC. GEN.

D. Petrus-Marcus Giptius Can. Dep.

ECCELLENTISSIMO SIGNORE

Bernardo-Michele Raillard supplicando, espone a V. Ecc. come desidera dare alle stampe due libri uno intitolato: *Naumachica, seu de Bello Navali*: E l'altro: *Hyemei Puciolana*, composti dal Padre Niccolò Parthenio Giannettasio della Compagnia di Gesù. Per tanto supplica V. Ecc. per la solita licenza, e l'averà a grazia ut Deus.

Rev. Pater Franciscus Savastanus videat, & in scriptis referat.

GASCON REG. MIRO R. MAZZACCARA R. ULLOA R.

Provisum per S. E. Neap. 21. Junii 1714.

Mastellonus:

EXCELLENTISSIME DOMINE.

Non sine liquidissima animi voluptate perlegi de mandato Excellentissimae Vestrae librum, qui *Naumachicorum* inscribitur, à P. Niccolao Parthenio Giannettasio nostrae Societatis conscriptum, nihilque in eo reperi, quod Regiae Jurisdictioni adversetur, quin omnia ad Reipublicae ornatum maximè conducant; quippe quae loculentissimè testentur in hoc uno Egregio aequè Vate, ac Cive etiamnum Neapoli nec suos desiderari Sannazarios, ac Pontanos, nec veteres olim incolas Marones. Quare typis, atque adeò Immortalitate dignissimum censeo, si ea Excellentissimae Vestrae mens fuerit. Ex Neapolitano Collegio die 22. Novembris 1714.

Excell. Vestrae

Omni obsequio addictissimus, Famulus
Franciscus Savastanus Soc. Jesu.

Visa relatione imprimatur, & in publicatione servetur Regia Pragmatica.

GASCON REG. GAETA REG. MIRO REG. MAZZACCARA R.
ULLOA REG.

Provisum per S. E. Neap. 26. Novembris 1714.

Mastellonus.

PRÆ-

PRÆCEPTORI OPTIMO

STUDIOSISSIMUS OLIM AUDITOR.

UT sacra PARTHENII formarent unius ora,
Sudarunt multa, sedula turba, Dea
Uranie pueri distinxit lumina prima,
Iussit & Aetherei noscere iura Poli;
Eloquii Regina potens placidissima lingua
Flumina de nitido currere fonte dedit:
Ficttricem effinxit mentem divina poesis,
Flectere & omnigenos tradidit arte modos:
Acre sed Historia ingenium protudit, ut avi
Prisci reliquias erueret tenebris.
Felix Parthenope, quæ hoc uno dives alumno,
Cætera si desint, ire superba potes.
Hinc si scire cupis quantum hic supereminet omnes,
Et qualis deceat laurea digna comas;
Artificis manus una alios, sed plurima nostrum
Divarum finxit dextera PARTHENIUM.



AN-

ANTONIUS RAMBALDUS JOACHIMO ANTINORIO,

Cùm Vienna Neapolim rediret.

Mlgrantem, reducemq; sequor, tu ad Patria tendis
Littora Sebethi, Parthenopemque tuam.

*Haud procul Adriacis Regio me accersit ab oris
Præbuit optatum quæ mihi prima diem.*


*Cum tibi contigerit cara succedere terra,
Nec mora, Thyrræno linteæ crede mari.*

*Fluctus ubi assurgit pacato in marmore, & altum
Surrentum Baccho tempus in omne viret.*

*Dirige tunc proram felicia littora circum
Vatis ubi sedes inclytæ PARTHENII est.*

*Quem sic aggredere; avulsum radicibus imis
Cor tibi, si posset, mitteret ille suum.*

*Sed vetat hoc fatum, nec dum lux illa refulsit,
Quæ fortunatum solvat in Elysium.*



SONETTO
DEL SIGNOR
CONTE COLLALTO
AL SIG. ABB. ANTINORI

Nel suo ritorno da Vienna in Napoli.

TU parti, Io parto, Amico, e tu nè vai
Del tuo Sebeto à riveder le sponde;
Io non lungi dall'Adria alle chiar'onde,
Dove vidi del giorno i primi rai.

Ma poiche giunto al patrio suol farai,
Di gir t'affretta, ove il Tirren diffonde
Più lieti i flutti, e di pampinea fronde
Cinto è Sorrento, e non la perde mai.

Per quei lidi beati intorno intorno
Drizza la prora al fortunato Eliso,
Dove del Gran PARTENIO è il bel soggiorno.

Dilli, ch'io ben vorrei da me diviso
A lui ne gisse il cuor, ma che quel giorno
Non giunse ancor ch'io goda il Paradiso.

VATI PARTHENIO

(1) PHILOPARTHENII

TETRASTICHON.

Astrorum (2) fedes, & (3) fines edocet Orbis,
Velivolascq; (4) rates, Undivagosq; (5) græges,

Atq; (6) anni, (7) Martisq; vices, (8) Patriæq; triumphos:

Quis Vatem hæc unum scribere posse putet?

(1) Est hic ANTONIUS RAMBOLDUS Collahi Comes, Vatis amicissimus. (2) Cosmographiam innuit, quam Vates ad instruendos suos Auditores scripsit: & Francisco Pignatello Archiepiscopo Tarentino, qui subinde Cardinalis, & Neapolitanus Antistes renunciatus, dedicavit. (3) Geographiam, quam eundem ob finem composuit: & Jacobo Cardinali Cantelano Archiepiscopo Neapolitano nuncupavit. (4) Nautica, quæ octo libris complexus, quibus & Piscatorias Eglocas adjunxit: & Cayolo de Cardenas Comiti Acerraram inscripsit. (5) Halientica, quæ decem libris absolvit, & eidem Comiti, Viro Vatis amantissimo, obtulit. (6) Anni tempora Æstates Surrentinas, quas eidem Tarentino Anipsiti, à quo Vates Tarenti per quam humanissimè exceptus, dedicavit: Aurumnos item Surrentinos, quos Thomæ Aquinati Castilionis Principi dedicavit; Ver Herulanum, quod Alphonsò de Cardenas Caroli filio inscripsit. His addende Kliemes Putcolana, quas olim intuitu Cardinalis Cantelmi, qui Authore familiarissimè utebatur, vix captas, nunc in gratiam Collahi-Comitis, absolvere parat, ut sub anni Eraditi titulo unâ prodeant. (7) Bellica, quibus XV. libris universam bellandi artem edocuit, & ejusdem Principis Aquinatis Nomine inscripta in lucem edidit. His Nymachica erant adjungenda, quibus Author quinque Bellum Navale libris in ultima senectute complexus est, & Comiti Collahi, cujus in gratiam scripta, nuncupavit. (8) Historiam Neapolitanam tribus Tomis contentam, quam hactenq; eundem Cardinali Cantelano, composuit; & Carolo Paceco Carisæ Magdalupensium Duci dedicavit. His alter Tomus addendus, ut ad proximiora tempora Historiam perducatur, si longior ætas, & viris dabunt; & ut boni deus Supremi Vati nostro literarum amatores optamus univarsi.



N I C O L A I
P A R T H E N I I
G I A N N E T T A S I I

V I T A .

Partim ab ipso Auctore, partim à quodam ejus Familiari, Descripta.



Nicolaus Parthenius Giannetasius Neapoli via Toletana honestis Parentibus natus anno MDCXLVIII. Primam pueritiam sub rigidam Parentis disciplinam laudabiliter egit. Anno MDCLVI. patre pestilentia sublato (matrem jam sexennis amiserat) fratribusque, & consanguineis fere omnibus eadem lue eneētis, solus ipse penè miraculo servatus est. Nam pestis utroque genere correptus, bubone scilicet pestifero, & pustulis toto corpore diffusis, quod genus durius habebatur, sine ope, atque opera medicorum, sine medicamine; post diutinam cum morbo constitutionem, quo etiam tempore, phrenesi laboravit, insperato convaluit. Dum verò in adibus solus puer, atque inscius sedet, vespillones ad esserenda cadavera ingressi, mercedis loco suppellectilem totam extraxerunt: mox qui

A

qui in inferiori contignatione habitabant pecuniam plurimam, & gemmas, atque argentea vasa abstulerunt. Interea dum ignarus consilii hæret, quidam, qui vix illum afinite attingebat, adfuit; qui puerum secum domum deduxit, tutorque à jure constitutus: nam Justitio sublatò, quod remitti jam vis pestilentiae capisset, judicia fieri cæperunt. Sub hujus tutelam hominis ineruditi, atque inculti aliquid pueritiæ sine lucro, inter ludos, ac pueriles nugas transegit. Inde pubertati jam proximus; cum domi Sacerdotem quemdam haberet, qui grammaticam præprimè callebat, hujus usus opera, brevi se à grammaticæ tricis expedivit. Cum verò eo tempore is apud Patrem Joannem Baptistam, Zupum cognomine, Mathesi operam daret, author fuit, ut Parthenius Mathematicas disciplinas leviter attingeret, quas mox proprio, ut dicitur, Marte, ita didicit, ut Magister evaderet. Pari diligentia, nullo facem præbente, græcas, & hebraicas literas ita etiam attigit, ut eas aliis traderet. Decimumquintum annum agens ad Philosophiæ, ac Jurisprudentiæ studium se contulit: etsi ejus ingenium libentius in Mathesim, ac Musas, delicias suas, ferebatur. Totum triennium, quod in his studiis consumpsit domi suæ, quæ ad Olympiam, juxta Turrulam, sita erat, vitam solus egit, longè à strepitu urbis, longè ab amicis, longè à curis omnibus. Itaverò eo tempore vixit, ut nemini gravis, nemini offendiculo esset, quod in adolescente libero, & cui vitæ necessaria mediocriter suppetebant, non leve bonæ indolis argumentum erat. Hinc factum, ut Canonici Lateranenses, qui ad Pausylipi radices habitant, Ædisque Virginæ, cui à proxima Puteolana Crypta cognomen apud vulgus popularium est, curam habent, illum sæpè ad se trahere conati sint; idemque facilitare studuerunt Servitæ, qui Sinceri ædes, etiam Virgini dicatas incolunt. Cumque animadvertissent Juvenem ad Societatem Jesu animum inclinare, illum ab hoc consilio revocare pluribus conati sunt: In Societate, nullo illi adiumento futurum vel ingenium, vel literas: imò vix expleto tyrocinio, aut ad Calabros, aut ad extremos Salentinos amandandum, ut pueros, vile ministerium, grammaticæ præceptis institueret: quando si ipsorum institutum susciperet, in patria, ac dilecta sibi Olympiæ vitam quietè commodeque duceret, & primos etiam honores consequeretur. Quibus hæc ille solitus reponere, se ab omni ambitione alienum, imò turpe ducere, ut qui semel mundanis rebus nuncium misisset, omnibusque divitiis se abdicasset, commoda honoresque quæreret. Sibi gratum fore

fore, si terras remotiores videret, & uti cupiebat quam maximè, diversarum gentium mores, atque ingenia disceret. Quid iucundius, quam terram illam lustrare, quæ Græciæ suppar, imò & major, tot celeberrima antiquitatis monumenta; tot egregia suorum facta in se una contineret. Mox adultior, cum sensim in liberiores vitam, amicorum consortio, traheretur, de vitæ suæ statu seridè cogitare cœpit: cumque ad id quantocius faciendum à quodam religioso homine incitaretur, Societatem Jesu ingressus est pervigilio Virginis natæ, quem ille diem solennem semper habuit. In Tyrocinio, se divinarum rerum meditationi dedit; à cæteris rebus adeo abstractus, ut is, qui tyronum Magistro socius erat, ut stolidum, indoctumque despicere; sapiusque Magistrum moneret, ut tyronem adeo rudem, tardæque Minervæ tempestivè dimitteret, quod & ille fecisset, ni Pater quidam, cui Pedacio cognomen, intercessisset, qui juvenem apprime noverat, & unice diligebat.

Haënus Aët.
Aor.

Verùm non diù latuit, quàm ineptè de Ingeniis iudicium feratur ab iis, qui putant, brevi se illa tempore, aut dignoscere, aut metiri posse. Tyrocinio vix expleto, Nepetias missus, molestissimam erudiendorum grammaticæ præceptis puerorum provinciam suscepit. Qua in re ita se, suasque vires exercuit, ut omnium expectationem, quæ sanè, vel de ejus ingenio nulla erat, vel certè minima, longè superaverit. Neque enim unico eo labore contentus, ubi multas quotidie horas in pueris erudiendis consumpserat, reliquum diei tempus, exercendo stylo, & Musis excolendis insumebat. Quinimò pluries ventri jejunium indicens, noctes serè integras inter amena hæc studia transigebat: & licet Mathematicum scientiis dabat etiam diligenter operam, strenueque: potior tamen pars mansuetioribus Musis ascribebatur. Quibus ille exercitationibus ita ingenium exacuit, atque ad magna excitavit, ut postremo, quo docuit pueros anno, Poësim illam, quæ SABRIDES inscribitur, occæperit, & ad decimum usque librum perduxerit. Quod opus imperfectum licet, ac mutilum, tametsi reliquis operibus, quæ multo post tempore maturior edit, par omnino dici non possit, cæteris tamen omnibus admirabilis reputari potest: tum quòd illud, tot dilentus tricus, curisque, anno uno, confecerit; tum maximè, quòd vel ab ipsa adolescentia non sanè levia præclari ingenii argumenta præbuerit: ita enim Divi Xaverii, Indiarum Apostoli præclarissima gesta persequitur, ut in uno, eodemque Opere, & accuratus Geographus, & elegans Poëta videatur. Tempore erudiendis pueris constituto, ab eo

religiosissimè exacto, suam Scholasticæ Theologiæ operam dedit, tres fermè annos Panormi, postremum verò Neapoli: quibus absolutis, publiceque, de more, propugnatis universæ Theologiæ thesibus, iterum in Calabriam profectus est, & Rhegii Philosophiam triennio docuit. Hinc Neapolim, de Moderatorum Imperio, rursus revocatus est; ac Matheos Facultati, cuius scientissimum iam dudum noverant, in Collegii Maximi Academia edocendæ impositus. Hic parem nactus genio materiem, ingenio theatrum, omnem in ea Sparta pro virili parte, exornanda, Parthenius operam collocavit non sine maximo Facultatis eiusdem, et universæ Academiæ emolumento; nam eiusdem studio, ac diligentia, è vestigio suo restitui nitori visa, propè jacens pridem in tenebris, Mathesis. Tanti nimirum Doctoris exciti Auditores, convenire frequentius, imbui avidius, pluris rem mathematicam æstimare. Plurimum verò ad id contulit ipsius Parthenii industria, qui, ut sibi demandatam Mathesim commendaret magis, ex umbra in Solem eduxit, ac pulverem, præter Problemata, privatis identidem eruditis certaminibus, exposita, publicas etiam concertationes instituit, in quibus Physio Mathematicæ Positiones palam propugnandæ, in Aula Maxima, proponebantur. non sine pompa. & optimatum juxta, atque eruditorum virorum frequentia, non minus rei novitate, ac Authoris præconio illectorum: quodd sanè & sibi, & rei mathematicæ ampliorem circumdedit famam. Extant hodiè, numero non exiguo, graphicè depictæ Tabulæ, propositorum Problematum Iconismis insignes, ex parietibus inferioris Ambulacri ad domesticum Viridarium dependentes, quibus triumphat etiamnum Partheniana Mathesis. Quamvis autem in his studiis totus videretur, ut Cosmographiam etiam, ac Geographiam in suorum Auditorum usum concinnatam in lucem emitteret, haud tamen aliis ulla deerat ex parte. Versatus in linguis apprime erat, in græca præsertim, & hæbraica: ijs etiam edocendis admotus, geminatum haud abnuvit onus; quin plures continenter annos tulit tanta eruditionis præstantia, & impositi muneris neglectu quodam, ut hac una de causa, minus bonus Præceptor in linguis visus fuerit, quodd nimia in docendo celeritate, ac præceptorum copia, Auditorum suorum animos obruebat: vitio, ingeniosis viris perfamiliari, qui è suo aliorum metiuntur ingenia. Nec tot, non sanè exiguis, contentus laboribus, Divinarum, profanarumque rerum privatum addidit studium: qua in re ita felix processu fuit, ut quæ

à sacris, cœterisque Scriptoribus posteritati commendata ; longo studio, ac labore haurienda essent, ab eo uno, nullo negotio, quisque ediscere posset : Usque adeo, quæ diffitis Regionibus, temporibus variis gesta essent, & pluribus digesta libris memoria tenacissimè septa, retinebat, ac non sine lepore quodam denarrabat . In primis verò amœnorum literarum studiis, in quæ, nativis quibusdam emicabat igniculis, ubi per tempus liceret, non commodabat se modo, sed penitus impendebat . Hac de causâ egregios Poëtas, ut eorum exempla, aut penè jam fugientia, aut non adeo pervulgata studiosæ Juventutis præmanibus faciliùs haberi possent, atque in ea, velut in Speculum, inspicere, Fracastorium, Sanazarium popularem suum, atque Rapinum recentem Gallum, qui paucis ante annis, de cultu hortorum elegantissimè scripserat, iterum Neapoli, typis mandandos curavit, eosque, repetito editionis honore, donavit . Mox etiam aliquid de suo moliri cocepit . Nautica primum, succisivis horis, otii pertenantissimus hostis, atque acerrimus, aggressus est : quæ ad umbilicum perduxit ; & revocavit ad limam, & publici tandem juris fecit . Juvit plurimum eruditum otium, quo per feriatis dies plenius fruebatur . Subautumnales quippe Vacationes, Massam Lubrensem primum ; mutato deinde consilio, in eum locum, propè Surrentum, quem Cocomellam Indigenæ, Colomelidem ipse reformato ad elegantiam Nymphæ cujuscumque in speciem, nomine, suis in libris identidem poëtico more appellat, secedere solebat . Hic omni solutus cura, tenui admodum contentus victu, quem sibi ipse sæpissimè præstinabat, coquebat, & parabat, humanioribus hisce literis non dabat se, sed prorsus abdebat . Ità facile fuit grandia moliri, & ad rem perducere . Hac ratione Nauticorum Libri, ad unguem perfecti, ac castigati . Hac etiam Hallieuthicorum quoque Opus alterum adiectum ; ac tertium denique operosius Bellicorum, pari semper Musæ elegantia, candore, atque majestate . Ut hoc etiam eruditum oblectaret otium, plura ad cumulum soluta oratione commentatus est, familiari stylo, ad curiositatis illecebram, & latinitatis lenocinium unice fasto ; eaque in plures distributa libros, Æstates Surrentinas, Autumnos Surrentinos, Ver Herculaneum inscripsit . Hæc omnia, ex intervallo, præio commendavit, atque in lucem edidit ; Nautica primum, quæ tanto plausu excepta fuere, ut omnes in eo redivivum Sannazarium, aut Maronem ipsum mirarentur : quod ei calcari fuit, ut cætera opera maturaret, Typisque committeret . His artibus emanare in Vulgus

Parthenii nomen, ac longè, latèque inclarescere: illius, non sine ambitu quodam, certatim familiaritatem exposcere cum literati populares, tum exteri, cum primis vero summo ab loco viri, ut non facile dictu sit, quot, quàm magnis ipse floruerit amicitiiis. Principem, jure merito, sibi vindicat locum Carolus de Cardenas, & Laini Marchio, Acerrarum Comes, Sacri Romani Imperii Princeps, primus Parthenii Macenas, cui Nautica, & Hallieutica nuncupavit: nec silentio prætereundi sunt Thomas de Aquino, Castil-lionensium Princeps, cui Bellica, Franciscus Pignatellus Tarentinus tunc Archiepiscopus, nunc S. R. Ecclesiæ Cardinalis amplissimus, ac Neapolitanus Archiepiscopus meriti-ssimus, cui Geographiam dicavit. Omnibus verò, meo quidem judicio, jure præferendus Eminentissimus Jacobus, Cardinalis Cantelmus. Is, cum jampridem nostrum, ex eius Libris, perspectum haberet Parthenium, Neapolitanæ Ecclesiæ admotus clavo, ubi se contulit in sedem, adeo illum propè effusus benevolentiae habenis, prosecutus est, ut eidem arctissimo penè familiaritatis nexu coniunctus videretur. Cum eo frequens miscere sermones, curru, animi causa, deambulatum vehi, in Diocesim interdum obire, cibum, communem ad mensam, per sæpe sumere: verbo: seriarum laxamenta curarum suavissima Parthenii consuetudine supplere. Quod fidem superat, non dedignatus est tantus vir, sæculo major suo, nostrum Parthenium, in suo degentem Surrentino, quo se recipere per autumnales vacationes solebat, humaniter convenire, ibidem ab eo excipi, certis etiam quibusdam epulis, non sine commendatione laudis, vesci quas Parthenius, suis ipse manibus, egregius æquè Coquus, ac Vates, scitè apparabat; ibique per dies aliquot ejus frui consuetudine, eruditione oblectari. Non semel etiam in Neapolitani Collegii Aula, aut soluta, aut adstricta numeris oratione dicentem, sua præsentia honestavit. In primis vero quanti illum faceret, ostendit, cum publicè in eadem Aula, ad eruditam Panegyrim recitaturus Bellicorum Librum VI. antequam prodiret in lucem, non modo adesse ipse voluit, sed tres alios purpuratos Patres, qui tum fortè fortuna Neapoli agebant, invitandos curavit, Vincentium Ursinum, Joseph de Aguirre, & Fortunatum Carrasa: visique (quod rarè Neapoli spectaculum) quatuor Cardinales amplissimi sub Umbella textili ex auro assidentes, Parthenium dicentem pronis auribus accipere, & plausum dare. Hoc Authore, ad Neapolitanam Historiam latinè scribendam, sæpè compulsus, animum denique appulit, quàm plurium annorum labore molitus, sub extremum vitæ tempus ad unguem perfectam,

Typis

Typis mandavit, & Carolo Carafæ, Matalunensium Duci, Mæcenati sanè amplissimo dicavit. Tandem, acerbò sanè funere Cantelmo è vivis erepto, cum ipse sex, ac viginti solidos annos Neapoli, In Mathematicis tradendis, suam egregie locasset operam, ac tot in lucem editis sui ingenii monumentis, suum nomen æternitati mandasset, sanctioris otii percupidus, alia cogitare cepit. Quare Neapolitano Collegio relicto; Patriæque sibi charissimæ vale dicto, in Surrentinum secessit; ubi ita decem ferme annos vixit, ut non immerito loci illius Apostolus dici possit: quamquam enim ætate gravis, & viribus non sanè multum validis utebatur, ea tamen, vix apud Posteròs fidem invenient, quæ ipse unus die, noctuque domi, forisque peragebat: vix ulla ipsi à laboribus quies, præter eam, quam laborum mutatione unice experiri solemus: labori enim uni vix absoluto, alius, nullo temporis intervallo, succedebat. Festis diebus, totum ferè ante prandium tempus in accipiendis confessionibus infumere consueverat; qui sane labor sextam semper horam, non raro septimam attingebat. Meridie vero Sacram Scripturam pleno Auditorum consessui explicare solitus, non sine magno omnium plausu; eo tamen, qui non ex vana eloquentia, sed ex sacro sermocinandi genere exoriri solet. Cavebat enim sibi religiosissimus homo quammaxime ab eo plausu, quem, ut sibi captent non pauci, Auditoribus suis vel magno detrimento esse non dubitant, vel nulli certe adiumento. Quippe eam maxime ob causam vitam tot Laboribus exercitam eo in loco transigere instituerat, ut suam scilicet non suæ, sed aliorum utilitati, operam navaret. Hac etiam de causa, ut locum Auditoribus suis, qui supra modum augebantur quotidie, præberet ampliorem, Ecclesiam à fundamentis ad culmen crexit, quæ suis laboribus, etsi non satis aptum, at certè commodius Theatrum esset futurum, cuius idem ipse Author fuit, & Architectus, ut brevi significatum Epigraphæ. voluit pro Templi fronte inscripta, quæ sic habet:

Partheniæ Matri Vates Parthenius.

Neque ea in re impensis vel magnis pepercit; sed quid quid suis Libris, qui per omnes fere Europæ plagas vulgati venderentur, collegerat, volens consumpsit, quatuor scilicet nummorum aureorum millia. Verùm qui dies festos tot laboribus transigebat, cæteros quoque dies non minoribus, licet diversis laboribus transigere non renebat. Sæpe enim diebus hisce ab ijs vocabatur, qui apud eum pluries in hebdomada peccata sua deponere assolebant: tum
deinde

deinde tribus continenter horis quotidie Surrentini Seminarium Alumnos Theologiam, Philosophiam, atque Rethoricam docebat, ut jure merito non unum virum, sed plures in uno dixeris, usque adeo ea unus omnia probè exercebat, quæ vel multorum viribus imparia viderentur. Porro neque his Parthenius laboribus contentus erat, & qui mentem tot studiis assiduè agitabat, corpus quoque multiplici exercitatorum genere defatigare solitus erat: ut cum plurima vel ingenii, vel eloquentiæ argumenta tradidisset, virtutis etiam maximæ non vulgaria documenta præberet: suis enim ipse manibus Templi pavimentum verrere, coquinarum rem expedire, nec rarè farinæ massam subigere consuevit. Quibus laboribus, non tam suæ, quàm Sociorum suorum necessitati demississimus Pater consulebat. Ipse enim adeo cibi abstinens erat, ut vix octonas alimenti uncias singulis diebus absumeret: Cœlesti scilicet Sacræ contemplationis cibo assatim satur, quem in Templo, ante Aram Maximam, qua manè, qua vespere, longum in tempus, producebat, adeo ut Illustrissimus Philippus Anastasius, Archiepiscopus Surrentinus à claritate doctrinæ morumque probitate spectatissimus, qui sæpè numero cum invisebat, non sine admiratione, testatus sit, à se nunquam alibi Parthenium inventum, nisi vel in Gymnasio docentem, vel in Templo precantem. Nec silentio prætermittendum, adeo religiosæ Paupertatis amantem fuisse, ut vestibus nunquam passus fuerit indui novis, sed his amicis quempiam alium antè, ac tum obsoletas ipse, detritasque sumebat. Interea loci, sibi, & Deo, nec non Animarum saluti suo in Surrentino procul a turba, vacanti Parthenio, novus, insignis accessit Mæcenas. Antonius Rambaldus is fuit, Collatri Comes Vir, qua generis amplitudine (e regali siquidem Longobardorum Regum sanguine prognatus fertur) quam morum probitate, qua doctrinæ, amœniorum præsertim literarum laude, spectatissimus in paucis. Venerant in hujus manus Parthenii Opera, tantaque in iis perlegendis (ut erat limati ingenii Vir) voluptate perfusus, ut affirmare non dubitaverit, sua in iis Tempe, suum Helicon, suas se ciliacias invenire. Hinc crebras ad Parthenium ex ultima Germania literas, amoris significationibus, atque humanitatis sale asperlas dedit: apud eumque institit, ut suo ære Opera omnia in unum collecta, iterum Typis commendarentur: quòd, ipso adhuc supersite Parthenio, executioni mandari cepit. Nec humanissimo Mæcenati dolebat Parthenius, ut aliquam amoris rependeret vicem, Naumachica prope-rato stylo (tres enim ferè mense sumpendit) quæ Bellicis, antè

antè editis ; deerant ; composuit ; eidemque amantissimo Principi consecravit . Eidem Puteolanas Hyemes , quæ una desiderabantur , ut annum totum eruditum absolveret , dicare parabat ; sed fato præreptus , opus reliquit minutis in schedis , quas aliorum curâ , & industria digeri necesse fuit , ut Pars extrema non absimilis prodiret . Mortuus est Massæ ad Delubrum , quæ proinde Lubrensis cognominatur . Illuc , officii causa , se contulerat , ubi , dum inde redditum maturat , ex nec opinato apoplexia correptus , aliò , in Cælum nempe abitum maturare coactus est : ibi enim duos ferme dies cum morte luctatus ; Ecclesiæ Sacramentis , quibus potuit , ritè munitus , tandem Anno , reparatæ salutis 1715. die decima Septembris , sub horam vigesimam primam , ad Superos evolavit . Hoc ipsum improvisum illi non fuit ; cum enim aliquot ante mensibus plurimum e naribus sanguinis emisisset , adeo sensim viribus destitui cœpit , ut mortem quodammodo imminentem quotidie expectaret . Nec sine Numinis consilio factum , ut Massæ potissimum supremum obiret diem , ibique tumularetur , cujus collegio vivus decem nummum aureorum millia ex paternis bonis splendide donaverat : Quamvis hoc idem dolendum maxime fuit Surrentinis , qui plurimi ad ferale nuncium Massam illico properarunt , ut communis Parentis funus communibus lachrymis prosequerentur , quod Parthenii corpus procul ab eo solo , quod ipse decennio , tot sudoribus excoluerat ; procul ab eo Sepulcro erat tumulandum , quod ille sibi in Ecclesiâ , jampridem à se erectâ , constituerat , cui Epitaphium illud ex lib. 4. Naumachiæ inscribendum mandarat .

Propter Olympiaca quæ Templum Virginis orto

Hic Surrentina magna Genitricis in Ede,

Quam rea construxit Voti , Matricique sacravit

Parthenii argutum cecinit Sacra Musa , silet nunc.

Demum , quodnam fuerit de Parthenio , tota Europâ , judicium illustrium Virorum ex his paucis testimoniis collige.

EX GALLIA RENATUS RAPINUS

Atque ut dicam de elegantissimo carmine , quod sentio , mihi visus recognoscere spiritus , & admirabile ingenium , quod spirat vester ille Sannazarius , præcæ ætatis Vatibus eximius styli sui candore , et ingenuitate merito comparandus . Certè non ita nunc sentio , quàm cum Italiam peragrarem , quæ jam abundè laudis habet vel in uno Parthenio , in cujus Opere singularis est nitor carminis cum

Ex Epistola Renati Rapini,

Maroniana majestate conjunctus.

*HONORATUS FABER.*Ex Epistola ad
Jac. Calvzum.

Librum de re Nautica totum avidè lustravi summà cum animi voluptate: in eo quippe plures gemmas nactus sum, quam quispiam in Erithræo, vel in ora Piscariæ, ut vocant, inveniat! Dictione culta, latina, nec sine delectu: metrum nitidum, locutio probè tornata, & ornata: descriptiones amænæ, singularis litorum, portuum, sinuum, fretorum, imò, & Syrtium, nec non & Acus Magneticæ peritia: omnia demum ex largâ, & docta vena ubertim profluentia summopere placuerunt. Noster verò Rapinus, quàm lætis oculis, & quantâ voluptate animi librum hunc exceperit, legerit, & relegerit, ac centies osculatus sit, haud dubiè significat; nihilque tale à Cisalpinis, hoc currente, & proxime lapsò sæculo, in publicam lucem editum esse, jure censet, & opinioni meæ, quam ad eum rotundè scripseram, omninò suffragatur. Vale,

*LEONARDUS FRIZON.*Epist. ad Partheni-
um,

Tandem aliquando liber tuus advenit expectatissimus; & omnem vicit expectationem. Nihil me jamdiu sic affecerat, quàm Piscatoriorum, ac Nauticorum tuorum lectio. Equidem vix opus ullum à Georgicis in simili genere comparandum prodiit in lucem. Veterem Italiæ laudem revocasti ab Aëtio; ne ultra progrediar, illo tuo, quem cæteris ego Italici carminum elegantia antepono. Gratulor itaque tibi ex animo, mi Parthenie: & miror tam præclarum opus, tam varium, tam eruditum, tam excultum, semestri te studio, confectum. Amant Poetæ nostri, quibus hunc librum ostendi, expetuntque suavissimorum lectionem poematum: atque ex his unus, maximè ad poemam natus, facile mecum sentit, pluris esse Neapolitanum hunc Vatem, quam Gallum illum, quem tu plurimi facis, Te vero mi Parthenie, tam splendidi, felicisque Parnassi locus, & lumen, intueri videor, ex quo Piscatoria, & Nautica tua accepi. Facultatem istam eleganter, expediteque scribendi, ex animo tibi gratulor, et vires tibi quotidie precor ad opus eximium absolvendum, Halieutica nimirum, quæ quidem meliori, quàm Oppianus fortunâ perficiet, novamque præconii materiam præbebis. Vale.

Ejusdem ad Eundem.

Nunc ut de Halieuticis tuis dicam, gratulor tibi, mi Parthenie, carmina auro, quod Oppiano fuit pro suis quondam Halieuticis annumeratum, pretiosiora. Enim vero thesaurum eruditionis profudisti, effecistisque, ut deinceps Halieutica non desiderentur Ovidiana.

chi

Rapinum intelligit, quem, ut cultissimum Poetam non semel laudat Parthenius.

(*emulus ille*)*.....cui credere posses**Carmina caruleis composuisse Deos.*

Quæ quidem tanto hic plausu accepta sunt, quanto olim
Piscatoria, & Nautica, ut jam in ore omnium, animoque
verferis. Vale. *IDEM.*

Quoad Præceptoris tui Parthenii, quo tantum merito
gloriaris, opera attinet, jam illi significaveram. Nauticorum,
opus post Georgica collocandum duxi, quibus Haliutica
conjungenda, in quibus mira eruditio, & carminis elegan-
tia. Analesta Collegii Neapolitani ab ipso Parthenio huc
missa legi. Verum hujus Piscatoria, Nautica, & Haliutica
adamo, auream in Italiam Poeseos ætatem revocantia. Vale.

*EX ERUDITORUM ACTIS**Parisis Gallicè editis 1686.*

Villebrordus, Snellius, Crescentius, Moriforus, Dudlaeus,
Ricciolus, & Fournierus abundè de navigatione scripse-
runt: nullus tamen hucusque hanc artem nobis carmine
tradidit. Ipsa fortasse rei difficultas cæteros hætenus ab
opere destinuit. Hæc vero apud Parthenium novæ rei tra-
ctandæ rationi cedit, qui opus isthuc arbitratus est (ait ip-
se) si minus elegantia carminis, novitate tamen gratum
eruditis futurum. Interim asfirmare licebit, absque eo,
quod viri modestiam lædamus, hujusmodi versus mirifice
illius ingenium commendare: quippe qui puri, naturales,
facilesque sint: & eo magis probandi, quo difficiles sanè
res quam felicissimè explicent; quas quidem, non sine ma-
gno labore, vulgari, quis, patrioque sermone exponeret.
Hujusmodi sunt delectus, cæsiæque arborum pro navium
structura; quicquid ad ventos pertinet; methodus itineris
exactè metiendi; ratio longitudinis, ac latitudinis investi-
gandæ; nec non & vertiginis Magneticæ Acus; sexcentæ-
que aliæ descriptiones necessariæ. Quapropter apud nos
tantà voluptate legitur, quantà & Eclogæ, quas varii ar-
gumenti, ad hujus operis exordium apposuit.

MICHAEL LE TELLIER.

Excultæ Nationis agmen claudat Pater Michael le Tel-
lier, quem honoris gratia nomino. Is in Generalibus Co-
mitiis, Romæ habitis anno 1706. interrogatus, quid ipse
ingenuè de Parthenio nostro sentiret? Paucissimis verbis
plurimum sententiæ complexus fuit: Vir, reponens, cui
nihil deest, nisi antiquitas.

EX RELGIO.

Missis aliis, instar omnium sit Jacobus Sebelbroot, qui
epistola ad Josephum de Palma Gandavo Neapolim data,
hæc

*Ex Epistola ad
Jac. Calu Bardi-
gala Piscarium
data.*

hæc scribit. Cum primum Nicolaum Parthenium Giantassum conveneris, hæc illi, meo nomine renuncies: me scilicet opera sua Poëtica (quæ jamdiu in meas munus pervenere, quanto gaudio huiusmodi facile est iudicare) summa voluptate legisse, & identidem lectitare, legique hic passim, atque inter eruditos humaniorum literarum, quorum hic (absit verbo invidia) plurimi sunt, assidue versari, ac summis laudibus commendari, interque antiquos aureæ ætatis vates meritò accenseri. Sanè plus ille præstitit hac ætate, quàm totum Belgium nostrum. Magni semper duxi, nunc maximi duco, me per mensem integrum Neapoli versatum, & Virgilii Sepulcrum ad Cryptam Puteolanam, & Sannazarii ad Mergellinam non semel vidisse. Ex his magnorum Poetarum cineribus eximios illos spiritus hausit Parthenius, per quos parem illis olim gloriam jurè, meritoque sortiretur. Vale.

EX GERMANIA.

Ex Epist. Vienna
ad P. Sigismundum
Kosklam Neapolim
data

Egidius Domig, inter literatos vel in paucis rarus, post effusus de Parthenio laudes, epistolam sanè auream, hæc tandem gemmâ consignat: Vir, quem Ævo nostro præcipuum rei literariæ Decus, ac lumen esse voluerunt benigni superi, sapientissimis viris dicendus videretur.

EX ACTIS LIPSIAE

Editis anno 1688.

Si iudicii quid ferre de Poeta hoc licet, sanè is, uti ejusdem cum Marone est nominis (nam & Maro ob castimoniam dictionis, Parthenius fuit appellatus) & ejusdem cum Sannazario patriæ, ita utrumque si non exæquat ex æsse, certè quàm felicissimè imitatur. Omnia enim tersa, & amœna hujus sunt Piscatoriis, æquè ac in illorum Eclogis, Sed de Nauticis ejusdem Parthenii quid dicemus? sunt in illis quoque omnia eximia, vel Marone, ac Sannazario non indigna,

EX ITALIA

*Thomæ Ceva ex Epistola Riccardi Noris;
Angli Mediolano Neapolim data.*

Apponam hic iudicium Thomæ Ceva, quod quidem magnifices, cum vir sit candidi sincerique animi, acris ingenii, & inter poetas vel in paucis rarus. Hic Piscatoria, & Nautica avidissimè legit, atque opus rari ingenii, excultique esse pronuntiavit: neque hoc sæculo simile quid iis in lucem editum, quibus nihil eorum desit, quæ absolutissimè, excultissimèque poetæ sint. Atque ob id se superis gratias agere, quod tantum Italiæ detulerint, ut jam Itali Gallos vel humanioribus literis superent. Vale.

MEL.

MELCHIOR ABRIGA:

A Poësis laude spectatissimus.

Habet, inquit, nostra ætas in Parthenio, quod ei futuræ invideant, Quod si in Sarbievio Horatium, in Hoschio Ovidium, in Pontano Statium superiores ætates sunt admiratæ: nostra in Parthenio Virgilium è Pastore in Piscatorem, ex Agricola in Nautam nobili quadam metamorphosi, vel potius metempsychosi conversum venerabitur.

SCIPIO MAPHÆVS

Veronensis.

Is, qua literis, qua nobilitate insignis, insignem amoris notis Epistolam Parthenio scripsit: in ea, post multa, quæ ad tanti viri laudem cumulatissimè faciunt, is, inquit, maximè hujus Epistolæ finis est, ut probe scias, nullum ubique terrarum hominem inveniri magis tibi deditum, & quem summa admiratio tui magis unquam incessest. Ut vero in posterum beneficio etiam tuo teneas, atque devinciar, rogo te atque etiam rogo. Librorum omnium, cum quos in publicam lucem protulisti, tum quos fortasse adhuc apud te feras, atque oculis, notitiam quandam, atque catalogum cupio quam maximè, ne mihi in posterum aliquis desit; vel imprimendorum cognitio me fugiat. Indicabo autem, quos penes me, magni thesauri loco jam habeam. Piscatoria nimirum, & Nautica, edita anno 1686. Haliæutica 1689. & Ver Herculæum 1704. Bellicam editam credo, sed videre non dum licuit: de altero Libello, soluta oratione compaeto, rumor percrebuit, sed Titulum nemo indicare potuit. Te igitur, Italiæ nostræ decus, atque ornamentum enixè precor, ut desiderium istud obsequii mei apud te argumento sit, utque istorum, & si qui alii sunt: ut suspicor, titulum integrum, & annum, locumque editionis describere ne pigeat: incredibili enim voluptate, quæ huc pervenire lego, ac perlego, quibus novem Musas mella poetica crediderim instillasse. Illis profecto precinunt,

Virg. Eclog. 8.

... *Quorum stupefacta carmine lyrces.
Et mutata suos requierunt flumina cursus.*

Reliquum est, ut valere te in longum ævum, votis omnibus adprecor. Latinas enim Musas Italo Cælo asserere, & fugientes sistere, Tu solus potes.

THOMAS RAVASIUS:

Ravasiæus, nostri temporis insignis Poëta, qui Partæ tertia Operum poetæcarum lib. 4. de miraculis aquarum, hoc de Parthenio testimonium elegantissimè profert.

*Quæ quoniam baroo descripsit singula Vates
Carminè, Parthenius Vates, quo splendida gaudet*

Part.

Parthenope, doctæque audet concurrere Manu;
 Seposui curam hanc ultro, Cantuque peperci,
 Scilicet evectus Genii Cælestibus auris
 Perfidis ille oras adiit, litusque repostum
 Siccorum Garamantum, Atlanteosq; recessus;
 Unde modis retulit miris ignota Natantum
 Ingenia, insolitos mores, variasq; figuras.
 Quosq; dolos vaser, & solertes repperit artes
 Piscator. Stupuit formosus ab anne canentem
 Seberbus, stupuere suis Sirenes in undis.
 Et miseris Stellæ nautis monstravit amicas
 Securasque vias; necnon Zephyro obvia tendens
 Carbasæ per Syrtis, perq; Acroceraunia tutum
 Sivarit iter. Post, belli acres tolerare labores
 Ausoniam docuit Pubem, & spe laudis honestæ
 Dura pati, patriisque repellere finibus hostes.
 Nunc paria insigni fama, & super æthera notus
 Facta atandæ, longa annorum caligine mersa
 Æternum dat habere diem, laudesque potentis
 Parthenopes, veterumque Patrum monumenta recenset.
 Fortunas pariter Regum bellicæ, domique
 Eventus sacris properat mandare futuris.
 Salve Romuleæ lux o clarissima linguae
 Carminis Eloquiique potens: Tu sæcula primus
 Instauras nostris in finibus aurea, doctæ
 Te studia Althorem, servatoremque salutant;
 Et tibi diversis applaudit partibus Orbis.
 Interea dum Tu solida virtute paratum
 Curris iter, pictoque præit te gloria Curra
 Sat mihi sit, te summa Poli convexa petentem
 Aspicere, attonitoque sequi trans nubila visu.

NICOLAUS DE ANGELIS SOC. JESU

Tantis Viris liceat postremo hoc loco præclaræ indolis
 Juvenem inferere, qui cum de se maximam expectatio-
 nem concitasset, immatura morte præreptus sui deside-
 rium nobis acerbissimum reliquit. Pauculos hos versus
 ad nostrum Parthenium, ut suam ei observantiam testifica-
 retur, misit; ex eis, quos hic subnectam veluti è floribus;
 quanta Poësim mellis fefellerit, facile deprehendet candi-
 dus Lector.

M O S A R U M
De Parthenii Bellicis suauiludia
CALLIOPE EPIGR. I.

Qua nova Pierii reboant de gurgite Fontis
Classica? Bellona regna inter inospita Vates.
Dulcè canens palmas jam non sua munera carpit.
Res miranda: suis ni jam miracula rebus
Demeret assuetus vatis labor, ille repostas
Naturæ pervisit opes, ille aethera menti
Supposuit: tantis unus sit clarior ausis.
Quod si Pierii luce hac umbrantur alumni;
Ne mirere: suo conduntur sydera Phæbo.

C L I O II.

Erudit ad sævas vel carmen amabile pugnas;
Fataque Campanus non sua cantat olor.
Quid non Parthenio voluit tua musa licere?
Mars Phæbi, Phæbus Martis honestat opes:
Scilicet ingenio qui non extollitur uno
Jactitat obsequiis numina bina suis.
Quique omnes meritis sumam devicerat orbis
Par erat ut victo vinceret orbe duces.
Jam non humana quarat fastigia laudis:
Numina quem flexo poplite magna tremant.

E R A T O III.

Hoc pretium musæ est, hoc dicere bella disertè:
Versibus invidiam promeruisse suis.
Promereas & bella: tua chelys amula vatuna
Obsrepat, o quanti muneris instar erit.

T H A L I A IV.

Vatuna gloria, Partheni priorum
Facundissime cygne Gratiarum.
Quid me belligero fugas tumultu?
Cantus quid prohibes amæniores?
Et nunc tristibus hinc & inde pugnis
Cogis suavè canens rudem juventam,
Et nomen meruisse, gloriamque.
Sed nec belligero fugas tumultu,
Cantus nec probibes amæniores.
Tam Martis benè temperas jocosus.
Cantu murmura; tam decenter ardes.
Vicisti, fateor, levem Thaliam,
Nec victam puto me: sacram Poetana
Pulchrum est vincere, pulchriusque vinci.

T E R P S Y C O R E V.

Invida Parthenius docuit dum bella, remotus
Castaliis Hæmus visus adesse iugis.

EX

*Extinuere Dea, cupit hic, dixere vicissim,
 Propugnare sacros, an populare specus?
 Fallimur: aut nisi, dixi, petit astra gygantum;
 Aut raptura suam secula terret opus.*

MELPOMENE VI.

*Immane quantum videt! & vano tamens
 Bellona fastu suscitât graves dolos,
 Gravesque flammâs; mente non sanâ feror
 Se tentat, & se vincit, hortantur sua
 Illam facinora, totus in fronte est furor
 Cœloque summa jactat, ac terris mala
 Io fremens triumphe! Parthenius viam
 Sternit, vel hostis ipsa me virtus juvat;
 Immane quantum fallitur! bello necem
 Bellum hoc minatur, surget hoc bello quies:*

EUTERPE VII.

*O' quem te referam phœbei prima senatus
 Gloria, vox nomen non capit ulla tuum:
 Te ne ego Mantoum? canit hic tantum arma, docendo
 Tu canis, hoc major: cuncta Maronis habes.
 Orphea? at hic molli traxit iuga carmine, cantus
 Tu vel belligero saxea corda trahis.
 Quid superest? tua te dicant bella horrida Martem
 Te tua ni Pallas dixerit esse Iovem.*

POLYHYMNIA VIII.

*Ille, quis hoc credat? nuper qui retibus orbem
 Ceperat, en ferro vincere rursus amat.
 Quam bene! vincitur meliori pectora nexu,
 Providus hoc ferro vincla priora secat.*

URANIE IX.

*Quis hic sonus? quæ jussa? quod Divum melos;
 Pimpleaque cantus? totus an Phœbo calet
 Pacatus orbis? fallor: invisa fremunt
 Marvortis artes, ipsa nunc ferri jocos
 Invita quamvis laudo, nunc bellum placet;
 Placent tumultus, displicet tantum mihi
 Non posse verbis vincere altisonis opus.
 Huc plectra Phœbe: Phœbe dic laudes vivo
 Sed te decentes; stulta quid Phœbum moror?
 Jam vatis horrens arma non ullis datam
 Tentare Phœbo regiam liquit novo
 Gratare virtus: invia cares via.*

SCRIPTOR.

*Hæstænus Aonides: fletant sua vota volentes
 Ore sequi: plectrum par tibi fama tuum est:*



NAUMACHICORUM

LIBER PRIMUS.

DUCERE quæ classēs, quæ campis cura marinis
Ad pugnam struere, alatis seu prælia gaulis,
Seu tibi rostratis sint committenda carinis:
Quæque adhibenda inito sit jam solertia Marte:
Quique altus, potiorque auræ spirabilis usus,
Sive premas hostem, seu te subducere in altum

Ntiaris, longove acies invertere gyro;

Hinc canere incipiam; terrestri ut fulgida lauro

Tempora, navali valeam quoque cingere ferto.

Tu verò tantorum operum, Dux inclyte, Vati

Adis, ò COLLENTIADÉ, & felicibus auris

In velum descende, novas & suffice vires:

Si tua iussa sequens ævi sub Vespere plestrum

Ex alta assumit pinu, desuetaque fila

Ad numeros revocat, digitisque tremantibus aptat:

Tu potis affectæ vitium reparare senectæ,

Florentesque iterum per membra infundere vires.

Namque tibi Ausonidum focundo à stipite Regum

Dena per annorum deductus sæcula sanguis,

Æternumque tua victurus prole, decora

Cujus jam gemino partu dedit esse Parentem

Starembergiadam claro de nomine conjux.

Regum, inquam, Ausonidum, quorum navalia bella,

Terrestres pugnæ, ductique ex hoste triumpho,

Implevere dies anni: queis additus ullus

Haud unquam, lauro qui non splendente nitescat

Clarior, insigni quàm si fulgesceret auro,

Sapphyrove foret, nitidove adamante notatus.

Tom. I.

A

Ergo

Ergo age, navalis quando tibi debita laurus,
Nec tibi tot claris animus Majoribus impar,
Accipe difficiles artes, quibus æquore in alto
Et classem instruere, & duram committere pugnam;
Atque antiqua novis valeas cumulare trophæa.

At tu, qui Regnum Ausoniæ, nomenque Latinum
Instaurare Deum concordi numine Cæsar
Sanguine Romano venies, navalia bella,
Queis Romæ Tethys, queis vastis serviet undis
Oceanus, Rubrique sinus & Caspia Doris,
Versibus his renuas ne discere: nam Deus isthæc
Inspirat Vati, atque in talem destinat usum.

Classes parandæ, qui-
bus, ceu ponte, disjun-
dæ matibus terræ con-
junguntur.

Principio validas tibi classes cura parare
Plurima sit, pube insigni, nautisque peritis,
Atque omni instructas belli, victusque paratu.
Nam velut instrato sociantur flumina ponte,
Quò liber valeas utramque excurrere ripam,
Atque hæc rura modò, modò visere & illa: Latini
Sic magna Imperii moles, tot regna, tot oræ
Terrarum, sparsæ mediis tot & insulæ in undis;
Classibus immixtis, strato ceu gurgite ponte,
Adnectuntur; adire quibus concessa potestas
Sit, quæcumque tibi magni lustrare necesse
Imperii loca, sepositosque invisere fines:

Utilitas, & incommo-
da si desint.

Hostibus exemplo, si res occurrere, & oras
Tutari, & subitos populorum extinguere motus?
Quin etiam externis poteris commercia terris
Jungere, & immenso rerum ditescere censu:
Vespere seu merces, seu deportentur Eoo.
At si classe vacas, pelago discclusus ab omni;
Illa tibi pariter certissima commoda deerunt.

Confirmatur similitu-
dine.

Ac vasta ceu mole gigas prostratus arena,
Vivida cui desit virtus, animique tepescat
Innatus vigor, evaleat quò sponte sua se
Tollere humo, magnumque caput jacitare sub auras;
Non aliud porro, ni futile corpus, onusque est.
Sic etiam Imperii moles, vastissima quamvis,
Torpesceat dejecta, suo privata vigore,
Si classes desint, nimirum spiritus; illo
Ut sibi concessum per se quæcumque moveri.

Item exemplo ex Car-
thaginienibus.

Aspice Pœnorum vires, sparsoque per omnes
Europæ fines, Libyæquæ, Asiæque colonos;
Aspice tot domitas tantis cum gentibus urbes,
Congestas & opes una Carthagine: classes
Instructæ, totoque immissa potentia ponto,

Imperium potuit tantum, tantasque parare
 Divitias, quibus adscitum victricibus armis;
 Augetur facile imperium, longumque per ævum
 Durat ab externis tutum, floretque, vigetque.

Tempore non alio crevit Res Romula, quàm cum
 Magnum turritis calcavit curribus Æquor.

Tum longè in fines venit Romanus Iberi,
 Illyricosque sinus, atque intima Regna Liburnorum;
 Et trans Jonium penetravit victor in ortum;

Ex Romanis;

Ac tandem, Pœnis non una clade subactis,
 Oram omnem Lybiæ lustravit ad usque columnas;

Hinc, & in Oceanum velis majoribus audax
 Intentavit iter, gelidasque cucurrit ad Arctos;

Parte alia Rubrum proscindens abiete pontum

Arabiam domuit felicem thure Sabæo;

Et cum gemmifera commercia Perfide junxit,

Victor & extremum, ditemque investus ad Indum est.

At, si exempla juvat memorare, & facta minorum,

Aspice in Adjacæ secessu Doridos Urbem,

Quam Veneti Heroum soboles clarissima bello;

In mediis posuere vadis; stabilemque sub ipso

Instabili fecere mari: secura vadossi

Mœnia cui fluctus, & non superabile vallum;

Rarum opus in terris, quo non quid pulchrius unquam

Hesperia in magna sol vidit, & æquius ullam

Juppiter omnipotens urbem prospexit ab alto;

Postquam Tarpejas superis evertere turres

Visum est, & Dominæ ruit alta potentia Romæ;

Classibus hæc validis, armisque instructa marinis,

Quot victrix maria excurrit? quot litora, & oras

Subdidit Imperio? quot gentes illa subegit?

Quot regna? & quantos egit post bella triumphos?

Indomitum quondam non una clade tyrannum

Auroræ fregit; classesque est ausa fugaces

Inter Abydenas arces absumere flammis;

Ipsius ante oculos spectantis ab arce tyranni;

Atque suas ignominias, sua funera stentis.

Quin etiam totum dimissis navibus Orbem

Per dites latè populos commercia junxit,

Vim quibus argenti magnam congestit, & auri,

Quod validum est belli robur, spes certa triumphi.

Crescite felices populi, rebusque secundis

Consilio durate, suis dum vellera fufis

Explent concordii fatorum numine Parcæ:

Cæsare venturo cum rursus Romula surget

Ex Venetis. Urbis des-
 cribitur, & illius laudes
 stictim perscringuntur;

4 NAUMACHICORUM.

Majestas, Venetos cui tum submittere fasces
Non ipsi renuent vestra de stirpe nepotes:
Omnis adorabit quando gens Itala Romam,
Et gentes omnes, & totus serviet Orbis.
Et nunc qui regno indocilis requiescere in uno
Omnem unus bello, terra pelagoque fatigat
Europam, miscens clades, & funera passim:
Illius imperium nimirum affectat, inani
Sed nisu: quando summorum numine Divum
Non nisi Romano dabitur, cui debita mundi
Arbitria, & justis moderari legibus Orbem.

Navalia primum, &
qua industria edifican-
da.

Nauticis in rebus ver-
satus sit Prætor oportet:
idcirco Authoris Nauti-
ca creber evolvar.

Sed jam, quæ propriæ ductandis classibus artes;
Dicamus. Primum tibi sit Navalia tuto
Cura loco posuisse, leves ubi pangere currus;
Compactosque queas medias deducere in undas;
At loca ponendis quæ sint Navalibus apta,
Nostra docere valent te carmina, quæ super alto
Oceano, & varia ventorum scripsimus arte;
Non opus ingratum Nautis, Classisque Magistris:
Nam quicumque maris spumosa per æquora puppes
Prætor agit, cursuque hostem insectatur, ut illum
Ad pugnam eliciat, referatque ferocibus armis
Palmam exoptatam; vel, si fortuna reposcat,
Securos velis conatur adire recessus.
Ventorum hic teneat naturam plurimus, æstum
Et pelagi alternis variantem, & pyxidis usum,
Ac bene depictos tabula percalleat Orbis;
Ut brevia, & scopulos possit vitare, reductos
Utque sinus, tutoque petat curvamine portus,
Dirigat & certos per tot maria invia cursus.
Nec sibi commissæ gentis, nec classis in uno
Speciem, curamque omnem Palinuro ponat: at ipse
Per magnum Oceanum, quæ jussus tendere, cursum;
Instituatur, clavumque vigil moderetur: & ipse
Quæ cæli facies, quæ ponto sidera surgant,
Quæque ostenta nigra transcurrant nocte per auras
Sedulus observet, quibus omnes noscere ventos,
Et tempestates, imbresque & læta serena
Evaleat: simul ipse vagos in (1) pyxide (2) Rhombos,
Quæ via per pelagi campos carpenda patentes,
Investiget, Acus variantis & exerceat omnem

Er-

(1) *La Bussola* Itali dicunt. (2) Mundi plagas, ex quibus
venti spirant, pyxidibus angulis indicatus.

Errorem, pictos & per se consulat orbes?
Idcirco, ut tutis infidas classibus undas
Naviget, eventusque gerantur bella secundo;
Nautica, Partheniæ quæ describere Camœnæ,
Plurimus evolvat; non quippe est futile carmen.

Perge, locus fuerit, postquam Navalibus aptus
Designatus, erit confestim turribus altis,
Instructæque omni armorum, fortique juvena
Firmandus, validum ut Navalibus arceat hostem.
Quæ postquam confecta, marinas præcipe turres
Abjctibus tolli festis, & cuncta parari
Armamenta, mari quorum certantibus usus:
Assiduamque operi fabros impendere curam.

At quoniam puppes, queis æquore bella ciemus,
Sunt genere in duplici: hæ rostris armantur acutis
Perque fretum remis fugiunt, velisque, Triremes,
Hac ætate vocant Italorum turba minorum,
Penteres Graii quondam dixere vocantes.
Ast illas, magno quæ surgunt corpore, Naves
Atque etiam Gaulos appellavere, Notisque.

Impulsæ, aut Zephyris spumantia marmora fulcant.
His vincti Oceanum, quæ sol utrumque recurrens
Cardine diverso terrarum respicit Indum,
Currimus, inclusas & circumfundimur undas.
Conclusam tantum rostratæ Dorida pinus
Remigio juvenum valido, velisque flagellant.
Idcirco geminæ classes ad bella parandæ
Altera turritis è navibus, altera rostris
Præmunita suis, atque acribus utraque nautis
Utraque bellaci, veterique est pube replenda:
Utraque & in propriis præfulgeat armamentis.
His semper maris arbitrium, Romane, tenebis,
Cæsar, & immensas regni tutaberis oras.

At quoniam possunt Mars, & Neptunus obesse
Classibus interdum, pugna non ille secunda,
Fluctibus hic tumidis, & tempestatibus atris;
Idcirco semper Navalibus altera classis
Structa sit, extemplo quæ mitti in cœrula possit,
Casus ubi, sortisque vices variabilis urgent.
Ergo novas selecto puppes compingere trunco,
Et veteres studeant habiles sarcire ministri.
Sic quicumque fero descendat turbine casus,
Haud classes reparare labor, pelagique tueri
Antiquum arbitrium, & sorti superesse malignæ.
Quin ea præterea sit cura impensior, arce

Navalia turribus, fir-
manda, & armis.

Tum rostratæ, seu lan-
gæ naves, tum Gauli as-
sidua fabrorum cura,
compingendi.

Ex utroque genere ge-
mina classis sit semper in
promptu ad omnem ca-
sum sufficienda.

Portus muniendi, &
purgandi, futuri classibus
periculum,

Instructa portus defendere, & ora dolosis
Hostibus, utrimque extenta prohibere catena,
Et, quos assidue cumulos humentis arenæ
Vi multa intrudunt venti, fluctusque vadosi
Egerere, obduktosque sinus aperire carinis.
Sic, vel raucifonis incumbens atra procellis
Tempestas fremat, aut Mavors non æquus, habebit
Perfugium, quod se classis secura reducat:

Et, quædamna ferox Mars intulit, aut Notus atrox
Sarciat: instaurata novis & navibus ire
Rursus in adversos hostes, & prælia possit,
Spe certa palmæ committere, si Dens adfit.

His animadversis, portu deducere classes,
Tempus, & Oceanum plenis decurrere velis.
Sed publi primum quæ disciplina marinæ,
Quæ dandæ leges, te, Dux Romane, docebo;

Quæ martimæ publi
disciplina tradenda sit,
quæ leges,

Naviget ut tuto classis, bellumque secundis
Auspiciis tractetur, erit lex prima iubenda,
Ne quis succensum de nocte in navibus ignem,
Ni cornu inclusum, circumferat. Igne cavendum
Semper, ubi præbent sese tot pabula flammis.
Subdolan annonom si quis furetur, acerba
Pleste illum poenâ; verum si copia parva
Subducta, est virgis cædendus more vetusto.
E putri quoniam sentina, & fæcibus atris
Assidue vapor exspirat maleficus, & illo
Immundæ scabies generantur, & aspera tabes;
Idcirco quisquis sordes demittat in æquor;
Sæpius & naves purgentur, & Anthlia crassam
Hauriat è fundo sentinam, & fluctibus addat.
Siqua ratis Marte adverso, nimbove laboret,
Præcipue obscura cæli sub nocte, remota
Sitque procul reliqua sociorum è classe, nitentes
Attollat summo puppis de vertice flammæ;
Ut propior quæcumque fuerit ratis, illicet ipsa
Auxilium puppi festinet ferre labanti.
Dum Sol perfundit radiis ardentibus Orbem
E specula navim si quis conspexerit, omni
Det classi signum, demittens vela suprema
Ter de more: ratem quæ cura impensior ipsam;
Totoque in cursu pariter premat explorantem.
Quin etiam conclusa tenent cum cærule classes,
Inque sinu tuto religantur, inertia siquem
Corripiat vigiliam, confestim pleste severa,
Dux, poenâ; Tutela ratum tibi semper habenda est.

Nec

Nec nobis damnosa magis socordia, quam cum
Accrescit securo loco. De navibus ausit
Non miles, non nauta aliquis descendere, voto
Ni prius annuerit poscentis iusta, magister.

Præterea semper, cum jam nox appetit, æstu
Ni spumet pelagus, ni turbine sæviat Eurus,
Convenient primique Duces, legatus & unâ
Consulis ad puppim; patrioque è more salutent;
Atque humiles simul accipiant quæcumque jubebit
Mox accepta rates vulgabunt iussa per omnes.
Si quis Præfectus turritæ puppis, aperto
Sanguineus campo dum Mars committitur, ipse
Cesset iners mortis formidine territus, aut se
Propriat pugna, merita nece plectitur, ante
Tristem ignominiam perpassus more Latino.
Nimirum si torque suo, & fulgentibus armis
Nudetur coram Prætorè, Ducumque corona.
Dignus & ut pœna pariter plectatur eadem,
Qui duros inter confictus iussa superbus
Contemnit: simulatve sibi non dicta Magistro.
Nam sic sæpe manu victoriâ parta refugit.
Clavigeri vitio si fors ratis incidit inter
Occultas syrtes, vel saxa patentia, vel si
In latus occurrat sociorum, protinus illum
Pro merito, Prætor, dejectum munere plecte.
Tandem prima ratum, quæ primum aspexerit hostem;
Ære bis exploso fociis det signa carinis.

Insuper his, regno similis quia Martia classis,
Urbes cui multæ, & Provincia plurima sublit,
(Sunt etenim naves mediis in fluctibus urbes,
Quælibet & classis pars est Provincia) regni
Instar erit, sic illa suo Prætorè regenda.
Nimirum summis belli de rebus habendum
Concilium cogat, primæ ad subfellia puppis.
Ad quod convenient tantum legatus, & unâ
Ductores primi, quæ classes cura minores
Ducere: quo Prætor cœtu, Consulve Supremus
Præsideat: quæque ipse Duces peragenda rogabit.
Admitti interdum poterunt, qui Nautica docti
Sunt usu longo, & multa virtute decori;
Ut, sua quæ fuerit de re sententia, dicant.
Hoc ubi concilium fuerit jam tempus habendi,
Æra bis explodat valido prætoris pulsu,
Rutraque ab Artemonis malo vexilla nitescant.
Hoc super est alium mos cœtum cogere, summos

In cursu quotidie Du-
cum concilium apud
Prætorè habendum;
quæque decreta per clas-
sem vulganda.

Concilium item de re-
bus agendis habendum
est. Et quo signo ūnga-
li Duces advocantur.

In quem ductores præter, clarosque Magistros,
Acciri jubeas, qui primas ordine naves
Præfetti ducunt, veterano è robore lecti.
Quos omnes super annona, cursuque tenendo
Portibus & super, & ventis, pelagoque rogabis?
Cogendo cui signa dabit Prætoria, bombo
Si ter raucifono reboet, non amplius, ictu.
Vertice & ex alto tollat vexilla dolonis.

Legati etiam singula-
rum classium suum con-
cilium, cum res petit,
habebunt, quæque con-
stituta, ad Prætores,
cum primum licebit, re-
ferant,

Ille etiam, cui certa subest Provincia regni
Cœrulei, poterit super illa accire suorum
Concilium: & quæ illo fuerint consulta, reportet
Mox, ubi permillum, Summi Prætoris ad aures.
Ast illud, cum tempus adest, bombardæ tonitru
Coget, & appensum mali de vertice signum.
Tandem quisque sua Præfetus nave Senatum
Cogere primorum poterit, cum jam premit ingens
Calus, nec puppim Prætoris adire potestas.

Quæ cum lacœnis Sey-
talæ prævidere quid sin-
gulis Ductoribus agen-
dum dubiis in casibus,
aut improvise incursu
hostes opprimendi,

Insuper his, etiam tibi Dux præ cura videre
Plurima, Ductores quidnam, reliquique Magistri
Singuli agant, cum sæva ruens sine more procella
Disjecit classem longè, & diversa per undas.
Idcirco, (1) tabulas inscriptas more Laconum
Tradere cuique Ducum, poteris, quibus ipse futuri
Sollicitus minio signasti, atrove liquore,
Quos jubeas illos se tum deducere portus,
Quas oras: contra quos & vitare necesse est.
Id tibi tum pariter faciendum, linea in altum
Dum variæ è vario portu dant vela carinæ.
Et magnum meditaris opus, subitusque rebelles
Opprimere, aut segnem deprendere cum struis hostem:
Rectorum has nulli tabulas aperire potestas,
Ni jussum cum tempus adest, vel cum ipsa petit res,
Quas nec Præfetti poterunt rescindere, cœtu
Ni coram Procerum: si secius ipse severas
Desumat tanto pœnas pro crimine Consul.
Nam sic parebunt reliqui, sic munia quisque
Explebit sua, sic ductabitur ordine classis
Martia, felicique eventu bella gerentur,
Arbitrioque Ducis. Sed jam canentia vela
Eurus agit, lætisque ruens adfibrilat auris.
At, Nerei vastum quo classis naviget æquor
Ordine, præcipiam: temerè haud errare per altum

Ille nunquam rescin-
dendæ, ni suo tempore
& Coram Primoribus,

Quem ordinem in na-
vigando teneat Classis,

Fas

(1) Lacœnæ Seytalæ. Itali dicunt *Lettere scritte in cifra*.

Fas homini, concessa cui mens munere Divûm est:
 Quando etiam bruti pisces, ignavaque Cete
 In certas acies, in turmas humida findunt
 Æquora, perque juga, & versus motantur eosdem:
 Ergo omnem in turmas tres primûm divide classem:
 Sintque pares numero turmæ: primamque supremi
 Rectoris Legatus agat: reget ipse secundam
 Rector: & extremam Legatus diriget alter.
 Prima in conflictu est acies (1) Antica: secunda
 Est (2) Media, & pugne robur: postrema labanti
 Suppetias latura, acies (3) Postica vocatur,
 Quam Grajo pariter de nomine dicimus (4) Uram:

Præterea sit quæque acies divisa (5) cohortes
 In tres, & terno insistentes ordine, campos
 Per Nerci currant turrice cœrula puppes:
 Longævique Duces experti prælia multa
 Ordinibus præfint. At nunc quibus agmina signis
 Incedant distincta: Supremi è vertice mali
 Vexilla alatas solvat Legatus in auras,
 Inque dolone gerat labari victricia signa:
 At media de puppe Pharos splendet: & ipse
 Legatus primam ducet per marmora turmam,
 Et classis frontem regat omnem. Prætor ab alta
 Victrices Aquilas mali cervice, simulque
 Explicet Imperii labarum fatale Latini,
 Et labarum è puppi pariter, pariterque secundis
 Expandat Zephyris Aquilâs, triplicemque micanti
 Luce pharum auratæ præfigat culmine puppis.
 Ipse manum medii primam reget agminis. Altor
 Extremæ Legatus agit qui classis habenas
 Vela super media attollat vexilla Quirini,
 Candidaque in mali referat cervice Supremi
 Signa, pharumque sua radiantem puppe reponat:
 Agminis extremique manum reget ipse priorem.
 Quique Duces reliquas ducunt per falsa cohortes
 Æquora, dent etiam vexilla argentea ventis,
 Signa carinarum. Præfæsti flammea possunt
 Egregii, primo quæis ordine contigit alto
 Carpere iter, sua signa leves expandere in Euros.
 Postquam omnis tali directâ est ordine Classis;
 Naviget, & Prætor ventis felicibus usus,

Tom. I.

B

Præ-

Prætoria prima navi-
 gat, reliquæ suo ordine
 sequuntur.

- (1) Vanguardia. (2) Battaglia. (3) Retroguardia.
 (4) La Coda. (5) Squadre.

IO NAUMACHICORUM

Præcedat : reliqui, descendit ut aura, sequantur.
At, si pugnatum properet, frons prima secundos
Accipiat Zephyros, hostique occurrat. Apertum

Exploratrix tatis sem-
per in specula fretum
præcedat,

Inspecura fretum, quæ velocissima cursu
Prima exploratrix præeat ratis : omnia & acri
Observe studio, lata æquora circumspiciens.
Cumque hostes longè venientes viderit, ære
Exploso, aut velum demittens, illicet omni
Det classi signum, & numerum simul indicet ictu :
Quaque plaga mundi veniant. O, vertice ab alto
Hostilem vigil, hostilem custodia classem
Exclamat, roseoque illam descendere ab Euro.
Ergo agite, in pugnam cunctis properare carinis
Tempus, & egregiam palmam virtute referre.
At prius instructas quàm, Dux, in prælia classes
Educas, quæ multa queunt prodesse merendo
Hostibus è victis fertum navale, docebo.

Cum ad pugnam in-
struenda acies, prima, se
potior cura ventorum sit,

In primis, sparso quoniam ceu lumine mundus,
Et velut ætheria mortales vivimus aura,
Et quacumque petat res opportuna, movemur ;
Sic etiam classis, sic navis quælibet Euris
Aligeris animata volat, curritque per æquor,
Inque plagas omnes, inque omnes vertitur oras.
Maxima ventorum idcirco tibi cura adhibenda
Semper erit : ventis nec quidquam impensius unquam
Oblerva ; nam tota illis victoria pendet.

Qui ventis bene uti-
tur facile palmam adipi-
scitur,

Dura secundabunt læto si prælia statu,
Illicet incipito, & palmæ spem concipe certam.
Quandoquidem, vento qui scit feliciter uti,
Atque adeo in pugnam plenis descendere velis,
Hic claros referet superato ex hoste triumphos.
Ergo omni studio, atque omni conaberis arte ;
Ne tibi spirantes Euros solertior hostis
Præripiat, pugnamque ineat ductoribus illis.

Idcirco pugnandum, si
venti vela secundo in-
tendunt statu.

Si Zephyri intendens velum favet aura, valebis
Hostilem primò, tutòque invadere classem :
Conferere & pugnam collatis cominus armis :
Navibus & pyræis, Eurique afflantibus auris,
Adversas inter portare incendia pinus.
Sæpius unde venit Victoria. Commoda venti
Hæc si percipiat fors ille sagacior, in te
Inruere æstutum poterit, stragemque creare.

Si contrariis spirent au-
ra, omni conatu vitan-
dum certamen est,

At si forte tuis felices Æolus auras
Hostibus in velum regnato immittit ab antro,
Atque maligna riget vultu fortuna ; recede

Tu procul, hostiles & longius ære tonanti
Arceto puppes: & quo vicinior ille
Approperat, propiusque manus conferre laborat,
Adniteris eò magis orbe errare reflexo;
Donec vel venti cadat ira, vel ipse sequendo
Illius (1) arbitrium meruisti in vela secundo.

Pergamus; si fors plures in prælia pinus
Turritas ferus hostis agat; certòque vereris,
Ne circumventum te fulminet, undique & igni
Devolet, in pugnam ne tum descende: sed altum
Concede in pontum, & Cauro da vela secundo.

Ut vento (2) immineas hosti: lætetur & ille
Adversa in flabra, atque adverso gurgitis æstu.
At verò è campo si vento obstante negatum,
Non æquam numero classẽ subducere, totas
Assurge in vires, numerumque acerrima penset
Tum virtus, palmamque petat majoribus ausis.

Assit omnem impendes operam, cava litora longè
Effugere, in velum cum fiat contrarius Auster;
Ne te forte Notis veniens è puppe secundis
Opprimat hostis atrox, flammisque involvat acutis.
Occani per aperta rates duc semper: apertum
Sylvæ fretum condensa, queas ubi condere classẽ,
Cum mare, cum cælum ferrugine textit opaca
Humida nox, celatque arreptum per vada cursum.
Nam quascumque velis terrarum vertere ad oras,
Alatas poteris delulis hostibus alnos.

Quin etiam perscpe sinus, vallesque reductæ,
Atque extenta tegunt quia Promontoria puppes,
Ut certum nequeat numerum deprendere ab alto,
Explorator eas ne tum festinus ad arma;
Sed maria alta petes, & venti (3) lora tenere
Nitere, quò sensim totum se se explicet hostis.
Festinate, Duces, lentè, Zephyrosque secundos
Captate, & captos velis retinete fugaces.

At durum properemus opus, tonat horribilis Mars,
Atque undæ, atque ipsi succedunt prælia venti.
Præcipe, Dux, igitur curvis in navibus omnem
Armari pubem. Sed qua ratione juvenia
Classica sit telis oneranda, & navita certis
Quisque locis vario pro munere ritè locandus,

B 2

Et

Si viribus superet ho-
stis, è campo exceden-
dum.

Quod si non deur,
virtute merenda victo-
ria cit.

Cum contrarius fiat
Auster vitanda litora, in-
que apertum pelagus du-
cenda est Classis.

Idem scitandum cum
Promontoria, sinusque
tegunt hostes.

Quo ordine Nautica
pubes instruenda.

(1) Vento in poppa. (2) Star sopra vento. (3) Mantenerne
il vantaggio del vento.

Et qua liblator tormenta tonantia tractet
 Arte, canam paucis: prohibet me tempus, & auræ
 Dicere plura: vetatque moras Mars ducere longas.
 Classica qui tractant, triplex genus: impiger armis
 Miles, tormentis liblator, navita velis
 Rem gerit: & pugnae pariter labor omnibus unus:
 Ordine quos tali statues, Bellona sub æquor
 Cùm vocat, & litui pugnas, & classica clamant:
 Arcibus in geminis proræ, puppisque iubeto
 Delectum pubis florem se sistere sclopiis
 Armatum longis: reliqui tueantur utrumque
 Navigii latus, & rigidis feralia cannis
 Continuo adversum protrudant pondera in hostem:
 Nonnulli pilis, ferroque & fistula ahæna
 Defendunt tabulata: citi jaculantur & illi
 Ardentes flammarum orbes, atque ignea (1) chytra
 Hostilem in puppim, jamjam, cùm cominus ibunt,
 Certi turritas confestim ascendere pinus.
 Mox, tormenta quibus curæ, sic instrue: docta
 Quotquot librandi præcellunt arte, ruentem
 Contra hostem explodant, admota fesse, metalla
 Ignivoma, & certo colliment verbere puppes
 Semper in adversas, inque æra sonantia; crebro
 Ut tandem possint diffringier utraque pulsu.
 Continuus, solersque aliis purgare canales,
 Atque onerare labor: reliqui, qui prima merentur
 Ætate in primâ stipendia, fomite flammæ
 Accendant, tormenta ligent, currusque reducant:
 Et fontes tabulata super diffundere curent;
 Ne pulvis recidens violentus suscitaret ignes,
 Incendatque ratem subito: quæ maxima semper
 Cura adhibenda: malum quando non durius ullum est.
 Tandem, quod jam subsequitur, sic instrue nautas:
 Insignes clavo insistant, versentque carinam,
 Ut res, ut venti, ut varians Fortuna reposcit.
 Hi tabulata super, prompti versare, recurrant,
 Vela manu prima, & funes, ferrumque recurvis
 Dentibus armatum: juvenes carchesia summa
 Amplectantur, ibique pedes, atque alta gubernent
 Vela: & sulphureum, cùm res deposcerit, (2) ignem;
 Et rapidum versent inimica in septa bitumen.
 Insuper hoc etiam dicendum carmine nostro;

Le-

Quaque solertia quis-
 que sua ministeria exer-
 cat,

Clavigeri, & nautarum
 munera,

(1) *Granate.* (2) *Fauci incendiarii.*

Legibus ut certis, atque ordine cuncta regantur:
 Navigii Rector, veluti Præfectus in urbe,
 Præsideat cunctis, moremque imponat: & olli
 Sese omnes flectant: pubis bellacis habenas
 Centurio teneat: senior cursumque, ratemque
 Puppæ gubernator fidens moderetur ab alta,
 Et quotquot curant navalia munera nautas.
 Dux tormenta regat, cujus sunt tradita curæ;
 Et libratores omnes, currusque tonantes.

Præfeci, ac ceterorum
 Ducum munia,

Sed neque præteream, nostris quod versibus ante
 Dicendum tibi, Prætor, erat, nova, dura minorum
 Scilicet ignivomas deferre, inventa, (1) carinas,
 Pulvere, quæ pyrio, densoque bitumine facta,
 Horrida in hostiles rustant incendia puppes.
 His etenim si Marte tui fervente valebunt
 Artibus & propriis, & magnis ausibus uti,
 Securam sperare potes post prælia palmam,
 E' debellato, succensis navibus, hoste.

Incendiariæ naves in
 pugnam ferendæ,

Nam tota ex unis sæpe his victoria pendet:
 Et pandet pariter per certa incendia clades.

Nam veluti glauco cum sulfure, Vesbius atroque
 Intunuit satur è nitro, nimioque calore

Illæ, seu Vesbius, in-
 cendia, & ruinas in hostes
 ferunt,

Fervescens, flammæ ex se concepit, ad auras
 Illicet impatiens sua viscera ruſtat, & altis
 Verticibus surgit, cælumque immanis, & atrox
 Fulmineque, tonitruque & turbine territat atro.

Iratos iterum credas fera bella gigantes

Moliri in Superos, propriaque in sede Tonantem

Appetere, & totum flammis involuere Olympum.

Omnia tum circum vastantur rura, propinquæ

Vastantur villæ, & trepidis cum civibus urbes,

Diluvio oppressæ, & latis torrentibus igneis,

Terrarum & vastis sorbentur hiabibus undæ

Vicini maris, exhaustis & fluctibus ignes

Succedunt, tostique patent per litora pisces.

Non secus accenso cum protinus igne, carinæ

Flammivomæ magnis violenta incendia bombis

Ruſtavere sinu, grandi vi pulveris atrii

Disrupto, & cælum texerunt undique nimbis,

Cominus ingenti diffusis impete flammis,

Et formidanda complexus cuncta procella

Vulcanus furit, atque immensas fervidus infert

Abc.

(1) Barlotti.

14 NAUMACHICORUM

Abietibusque, virisque neces, atque omnia perdit.
Dilacerata volant, ambustaque corpora, & altæ
Diffiliunt, tota distracta mole, carinæ.
Quæ quoniam saxis onerantur, & ære, nitroque
Compacto in globulos, stybioque, atroque veneno
Imbutos, stygius quibus alto horrente procella,
Depluit è cælo guttis ardentibus imber,
Idcirco cædes, incendia, vulnera, mortes,
Innumerosque creant luctus: nec stragibus ullum
Effugium datur: & cunctos trahit una ruina.

Quo tempore, & quis
illarum inventor,

Sed quibus inventis? & qua monstrante fororum
Eumenidum in nostras hæc dira incendia terras
Erupere? ferocæ quisnam fuit ille minister
Dirarum, cui tanta animis innata malignis
Barbaries, feritasque fuit? Vos dicite Vati
Pierides, dum bella placent, Martisque per omnes
Ire vias, mediisque etiam configere in undis:
Ut COLLALTIADÆ nimirum mollia iussa,
Tantus amor, studiumque viri, faciatis, & olli
Regia navali cingatis tempora ferto.

Tempestate illa, qua descendere Britanni
Legibus è Latiis, antiquaque sacra perosi
In ritus abiere novos, cultusque profanos.
Atque acti furiis, odiisque immanibus acti
Divinas multis violarunt cædibus aras.

Poëtica narratione de-
scribitur,

Nempe animos tantum valet irritare malignos
Pellicis unius facies fucata veneno,
Et nunquam tumidi saturanda superbia regis:
Vir fuit Arctoo natus sub fidere, & Uctæ
Lactatus mammis, gelidisque in fluctibus altus:
Idcirco toto feritatem pectore primis
Hauferat ex annis, fibrisque immiserat altis
Barbariemque ipso referebat nomine: dictus
Nam Draco Hyperboreis est gentibus: alter & illo
Haud gelido vixit sub cælo immanior unquam,
Qui de more vagi prædonis navibus omnem
Oceanum latè currens prædisque, rapinisque
Et multis hominum necibus turpaverat. Atram
Ut rabiem, atque omnem in Superos Rex barbarus iram
Evomeret, classi, quam multis struxerat annis
Et sumptu ingenti, pubique armaverat acri
Prædonem hunc dirum furiis, flammisque litandum
Ductorem imponit, baculoque insignit eburno.
Et jubet, ut clades, strages, incendia, mortes
Romulco fides Patri deportet in oras.

Nil

Nil sit tam sanctum, nil tam venerabile, ferro
 Quod non evertat, flammisque involvat acutis.
 Si sanctum est illud, sique est venerabile, iniquis
 Ausit quod furiis se magni opponere regis,
 Cujus Religio, Pietasque est una libido:
 Quæque cruenta sacras mactetur victima ad aras
 Est acris vindicta, animis desumpta superbis.
 Ergo his instructus monitis, de litore prædo
 Solvit, & Arctos dat barbara vela per undas.
 Vix altum tenuere rates, cum puppe sub alta
 Manibus infernis, Diti que immania sacra
 More novo facit, execrandaque carmina fundit
 Multa precans: cursuque super, iussisque nefandi
 Regis, & Eumenides, & totum consulit Orcum.
 Extemplò totus turbati a gurgite pontus
 Incipit, & nigris obduci nubibus ær.
 Nec mora terribili tonitru, quo maximus æther,
 Et maria alta, imique specus sonuere profundi,
 Concussæque procul terræ: mox turbine magno
 Tempestas sequitur, varioque à cardine mundi
 Horrida diversi committunt prælia venti.
 Attolluntur aquæ, spumasque ad sidera jactant
 Nunc tumidæ in montes: nunc subsidentibus undis;
 In valles humiles curvantur; & ima laceflunt
 Tartara: præcipientesque ruunt è nubibus imbres.
 Fulgura crebra micant: tonat alto à vertice cælum;
 Fulmineo & totus pulsu discinditur ær.
 Credideras rupta penitus compagine rerum,
 In chaos ire iterum, atque in cœpta informia mundum:
 Tempora vel Pyrrhæ rursus rediisse, sub altis
 Quæis totus perit demersus fluctibus orbis.
 Mox ubi paulisper cœli, ventique, marisque
 Effusa est rabies, & sævi turbinis ira:
 Ac sua confestim placido lux reddita cœlo est,
 Isthæc terrifico vox murmure clara, sinistra
 Parte poli tonuit, trepidasque exterruit aures:
 Perge, Caledonios in fines dirige classem:
 Atque hinc extremæ venies ad litora Thules:
 Illic mira tibi monstrabo inventa, tyranni
 Quæis iram saturem, flammæque, & funera portes;
 In quo quot Latius scripserunt nomina signis.
 Hæc ubi Tartareo vox improvisa remugit
 Murmure, confestim stygiæ fremuere cavernæ
 Et nutare sinu, atque ingenti concitus æstu
 Nereus assurgens diversa recurrere, & omne

Draci navigatio:

Exorta tempestas des-
cribitur.

Igni-

Ignibus obscuris visum est ardescere cælum.
 Mox Notus adverso veniens violentus ab axe
 Execranda suo perflavit flamine vela.
 Barbarus oraclis dirarum erectus, & auras
 Accipiens, votisque suis, cursuque secundas
 Currit Hyperboræ vada Tethios, & petit Arctos;
 Arctos, Oceani quas nunquam perluit unda.

Arctos mundi limes,
 & Thule insula describitur.

Et Hecla mons,

Ultimus è quatuor, qui se discrimine certo
 Diffugiunt semper, quæ circulus implicat Orbem,
 Temperiemque suo concludit limite, & alti
 Supra aperit glacies, nebulasque & frigora mundi;
 Insula vasta jacet: Thulem cognomine quondam
 Dixere, & noti limes fuit ultimus Orbis:
 Nunc à frigoribus nomen gens barbara fecit.
 Hujus ab immensis surgit radicibus Hecla:
 Qui nivibus, flammisque, & vasta mole superbus
 Vesbion, & Phlægram, summumque laceffit Epomeum;
 Vulcanumque, Æthnamque, & mostra horrenda Chymæra;
 Nam vomit ambustus tot vasta incendia Crater,
 Quot Vesuvius apex, quot formidanda Chymæra,
 Phlægraque, Vulcanusque, atque his immanior Æthna;
 Monte sub hoc nuper sedem defixit ab antris
 Translatam stygiis Dis horridus, omnia vellet
 Axis Hyperboræi cum regna invadere, gentes
 Inque omnes diri virus diffundere Averni.
 Et potuit; quando, jam se mortalia corda
 Moribus induerant pravis, corruptaque dudum
 Illecebris sævæ Veneris: qua dirior urget
 Nulla lues mentes hominum, cogitque vetustam
 Ejurare Fidem, perque omnia crimina ferre
 Sese præcipientes, votis furialibus actas,
 Præterea novitatis amor, vulgoque placendi
 Libertas, qua nil succedit gratius unquam,
 Paulatim ritu antiquo, sacrisque paternis
 Abduxit gentem, & contage infecit amara:
 Vos igitur quotquot populorum sceptrâ tenetis;
 Solliciti veteres Patrum defendite ritus,
 Et mores arcete novos, nova dogmata, sanctam
 Si servare Fidem, pacataque regna tenere,
 Ultricesque manus cupitis vitare Tonantis.
 Sed jam luctificus prædo transmiserat altas
 Orcadas, & gelido quotquot nant æquore, terras:
 Tandem, vela Noto nunquam laxante remotæ
 Ingenti plausu contingunt litora Thules.
 Est portentosi montis radice sub ima

Con-

Heclæ vallis, ubi à
prædone, Acherontæ
ritu, Diti litatum depin-
gitur,

Convallis nemorosa, sinuque amplectitur undam
Ignibus ardentem stygiis, quam vertice ab alto
Heclæ vomit, tetrumque bituminis efflat odorem;
Hujus in extremâ, atque exesâ rupe caverna
Horrida, nigra patet, fumoque obsessâ maligno;
Tartarcam expirat tenebroso ex ore mephitim.
Ante aditum saxo è solido jacet ara, Tyranno
Hic Acherontæ sacra gens facit: axe sub alto
Quæ glacies, nebulasque, æternaque frigora durat:
Hic Manes colit, in dubiis hic consultit Orcum:
Accipit & responsa, sono non reddita certo.
Quippè tegit Dis ambiguis mendacia verbis,
Et miseros homines oraclo ludit inani.
Nimirum meritam patiatur credula pœnam
Gens, quæ Romuleas leges, & Numina spernit:
Huc Draco, quæsitâ postquam tellure potitus,
Se ducit: circumque virum diffunditur omnis
Classica turba: præit scipione insignis, & ense
Aurato, & sparsim gemmis radiante coruscis.
Ille suos, gressuque ipso, vultuque minaci
Barbariem præfert, rabiemque expirat, & iram.

Ut vallem ventum est imam, se protinus antrum
Infert in medium: flexoque hic poplite Ditem
Horrendo ritu, & Manes veneratur Averni.
Mox hircum putore gravem supra immolat aram
Marmoream; sædoque implens cratera cruore,
Haurit, & infernis Furiis, Noctique propinat.
Idque omnis, diri ritus imitata magistri,
Turba facit navalis, & auribus astat apertis,
Exceptura sonos quoscumque effuderit imis
Ex adytis specus, horrendusque immiserit Orcus:
Nix cuncti biberant, subitè mirabile monstrum
Cernitur ex antro cervicem educere, & alto
Corpore paulatim confurgere; qualis in astra
Tollitur Enceladus, vasta vel mole Vesuvum
Qui quatit Oromedon, terretque sepultus Olympum:
Nubila jam supra caput invehit: occupat & jam
Umbra minax Heclæ fastigia summa, nivesque
Exsuperat, rapidisque accedit proxima flammis.
Confectim insoliti specie perterrita monstri
Carpere turba fugam, celerisque ascendere naves
Apparat, impendenti & se subducere Fato,
Quod fore vicinum, certumque, & triste putabat:
Cum Draco terribili visu non territus, Orco
Nimirum hæc solitus spectare horrentia spectra,

Tom. I.

C


In-

Inter Avernales & convivariæ umbras:
 Ne socii trepidate, inquit, formidine monstri,
 Nil etenim, ni vana oculos illudit imago,
 Immenfusque Gigas est umbra: ò cernite, rursus
 Ut jam decrefcens fe contrahat, ut caput altum
 Demittat, fenfimque omnes jam colligat artus.
 Quinque erat Alcides, vix nunc Pigmæus; & auras
 In tenues fugiens horrenda evanuit umbra.
 Attamen hic Ditis mos eft, oracula gentes
 Ut, fi non folitæ veniant expofcere, tali
 Percuffæ fpecie fâcrato protinus antro
 Diffugiant. Vix verba fuis dedit ille, repofitis
 Cùm rauca ex adytis fpeluncæ hæc intonuit vox:

Incendiarium navium,
 Dite monftrante, inven-
 tum ab Hecla defcendi.

Sulphure uti gravidus multo, nitroque tonanti
 Impositas fupra moles, immania faxa,
 Atque metalla finu quæ continet, impete vaflo,
 In cælum jaculatur: acerba fervidus ira
 Pectore cùm toto, totis cùm naribus ignem
 Efflat Titanum de gente haud ultimus Hecla:
 Inque ipfos fuperos infert incendia, & ipfas
 Imbre relabenti faxorum, & pulveris attri,
 Et flammis urbes, & campos undique vaflat:
 Non fecus ipfe gravi compingens corpore haves,
 Illarumque finu concludens flamma nitri
 Semina: mox faxis, denfoque bitumine, & ære
 Plurimus, & ferro gravidabis: & inde feroces
 Inque hoftes medios immitte: nitroque minifter
 Inniciat flammæ, cùm claffi cominus ibunt
 Adverfæ. Sucenfus ibi nitratus ad auras
 Erumpet pulvis, validasque ad fidera mittet
 Impositas moles: atque incendia vafte, ruinasque
 Inferet, & rapidis confumet cuncta favillis.

Hæc ubi de ftygiis vox eft emiffa cavernis,
 Impete mons valido circum concuffus, & omnes
 Infremuere finus, magnæque immugiit ira
 Inclufus gremio (1) Arctodes; Sic horrida primùm
 Ignivomas, inventa, rates niger extudit Orcus.



NAU:

(1) Gigans fub Hecla ab Arcto dictus.



NAUMACHICORUM

LIBER SECUNDUS.

A S r age, nunc vitreo quæ cura extendere campo
 Instructam, Prætor, classem, quoque ordine fluctus
 Per medios iter arripit, seu remige forti,
 Findat aquas, vento sen vela instante secundo,
 Tempus, ut expediam; brevibusque exponere dictis
 Contendam citus; argutum deponere quando
 Jam plectrum devexa annis memè admonet ætas;
 Ut mea venturi teneant post Fata nepotes.
 Ipse vel in primis Vati charissimus olim
 Ad Medicas capiet felix (1) Eulalius Herbas:
 Sed si priscus amor, si quidquam dulcia possunt
 Otia, Sirenum mecum transacta sub oris,
 Istis egressus spatiis, curisque solutus,
 Grandiaque heroæ meditaris carmina versu,
 RAMBALDI (serò mihi Vati cognitus Heros:
 Proh sortem infensam! primis noscendus ab annis
 Qui fuerat, nostro versuque, lyraque sonandus)
 Tu genus egregium, atque illustria facta sequare:
 Non labor incassum: tibi gloria multa futura est.
 Illius interea auspiciis dum persequor artes
 Bellandi heroas, postremaque litora tango,
 Affer opem, doctamque seni tu porrigè dextram?
 O Vatem immemorem! nostræ sed parce senectæ,
 Parce precor; fugiunt anni, simul ipsa labascit

C 2

Mens

Hortatur Eulalius: ut
 RAMBALDI genus, & il-
 lustria facta, posteritati
 mandet.

Auxilium illius in ex-
 tremam jam senectute po-
 stulat.

(1) Franciscus Savastanus, cujus sub Eulalii nomine, me-
 minit Vates in Surrentinis Dialogis.

Mens annis: tacitum non te, dulcissime (1) Briga;
 Non te præteream, magna de stirpe nepotum,
 In magnum pariter qui mox venturus honorem es,
 Pierium fumes dicenda ad Musica plectrum:
 Et varias leges numerorum, & consona fila,
 Et sacros Rhythmos, & docta inventa docebis,
 Majorique tuum superabis laude Parentem.
 Tuque etiam, primis ætas dum floret in annis,
 Et juveni arrident Musæ, sacrumque recludunt
 Parnassi fontem, & pater ipse arridet Apollo,
 COLLATÆ decora alta Domus, totque inclyta avorum
 Fæcta, triumphales palmas, & clara trophæa,
 Et memorare iterum, meritâque extollere laude,
 Incipe, Melpomene finem cum dulcis habebit;
 Festinaque tui partes explere Parentis.

Hortatur & Brigam, ut
 ubi Muscis supremam
 manum imposuerit, de
 RAMBALDO dicere aggre-
 diatur.

Sed me terribili sonitu Vulcania ad arma
 Æra vocant; medioque instruenda in marmore classis,
 Et primum, quando conclusum currimus æquor,
 Rostratasque agimus dura in certamina puppes
 Threjjicum contra Regem, qui victor Eoi
 Regna tenet, vexatque immanis more Tyranni;
 Has opus instruere in pugnam, quod certius hostem
 Vincant, optatamque ferant post prælia palmam.
 Contineat, Prætor, classis, quam ducis in hostem,
 Octoginta simul (2) Penteras & insuper unam
 Sex unâ (3) Hepteres, magno vel corpore Gaulos.
 (Namque etiam interdum mos est, ut in agmine Gauli
 Rostratas socient ad prælia dura Triremes)
 Tres primum in Partes Penteres divide cunctas:
 Septem & viginti accipiet sibi quælibet; (4) Agmen;
 Ut memorant, priscis pars quæque est dicta Latinis.
 Primum agmen Legatus aget, mediumque tenebit
 Prætor, postremum ducet Legatus & alter.
 Exin tres acies fac, Dux, ex agmine toto,
 Quæque novem Penteras habet sub triplice versu
 Instruētas: annisque Duces, & robore primi
 Ductabunt versus: illos & cuncta juvenus

Ars rostratæ classis in-
 struendæ.

Audiet

-
- (1) Melchior à Briga magnæ spei juvenis, qui jamnunc
 Musica meditat. (2) Quinqueremes, *Galere* vulgus Italarum vocat, cumque
 Triremibus confunduntur. (3) Septiremes, *Galeazze*, dicunt Veneti, apud quos fre-
 quens usus. (4) *Squadra* Italici audit.

Audiet, in pugnam seu vadere, sive per æquor
Ire opus : ast ipsi Prætoris jussa facestant.
Consulis imperio subsit Legatus uterque :
Nam persæpe solet Consul quoque ducere classem :
Et ducet, quoties immensis viribus hostem
Appetimus, totoque armis decernimus asse.

Præterea ne fortè aliquis pugnantibus error
Occurrat, variet leges, atque omnia turbet :
Semper & est inter certamina dura cavendus
Error, quisquis erit; contempta sæpe favilla
E' tenui magna exarsere incendia flamma.
Omnis & idcirco Penteris lecta juvenus
Ductoris jussis obtemperet, & simul ipsos
Quæque duces proprios rerum ad diversa sequatur
Prompta ministeria, atque usus descendat ad omnes :
Seu sit remigio insistendum, sive metallis :
Sive manus hosti jamjam conferre propinquo
Res petat, è prora & longis arcere sarissis :
Seu stet in hostilem saltu transcendere puppim.

Perge igitur, Prætor, cùm primum instruxeris agmen,
Inque acies ternas distinxeris; inter & æqua
Intervalla acies statuenda, simulque Triremes
Rostratas inter spatium stat figere certum.
Quantum acies currit, tantum sit inane recurrens :
Et tantum versus inter, quantum ipsa Triremis
Occupat Oceani toto se corpore tendens :
Majus at intersit spatium latus inter utrumque ;
Ut via remigio pateat largissima : nec se
Impediant remi, cursumque morentur in hostem.
Utque etiam versus inter tranare Biremes,
Velocesque simul possint excurrere Lembi,
Prætoris vel jussa, novam vel ducere pubem
Præstat in auxilium lassis, dum prælia fervent.
Atque hinc te, Prætor, moneo, Lombosque, Biremesque
Atque etiam celeres ornare ad bella Celoces :
Has & sclopiferis armabis, & ære minori,
Quod nostro, ut dictum, versu, Falcunculus audit.
Suppetias poterunt hæ ferre Triremibus, hostis
Cùm premit, & juvenes inferre è puppe recentes,
In latus hostilis pariter se vertere Pinus :
Tormentis quater, atque effringere pulvis alas.
His etenim auxiliis res perditæ sæpe revixit,
Et de victori Victoria magna relata est.

His jam præmonitis, quod fortius instat, agamus.
Primum, Prætor, ubi instruxisti in fluctibus agmen,

Legati agminibus præ-
sunt : ipsi, & universæ
classi Prætor, vel Con-
sul.

In pugna omnis error
præcavendus idcirco cu-
jusi navis juvenus Præ-
fecto pateat.

Quæ certa inter agmi-
na discrimina consti-
tuenda sint.

Et quæ ipsas inter na-
ves, ut expeditior sit ex-
cursus : nec inter cun-
dum, pugnandumque se
mutuò impediunt.

Biremes etiam in acie
adhibendæ, ut expeditior
opem sociis ferant, no-
vumque militem labo-
rantibus immittant.

Illius

Hepteres prima fronte
locandæ.

Illarum magna utilitas
in confictu: cisque
magna ex parte Naupactica
victoria adscripta
est: qua si bene Latini
usi essent, conelamatum
jam tunc de Othomanico
imperio fuisset.

Modus sinuæ aciei
explicandæ traditur,

Illius in gemino turrata mole Triremes,
Hepteres Graii quondam dixere vocantes,
Dispones cornu, tres dextra, tresque sinistra:
Inque uno instructas versu sub fronte locabis.
Non secus agminibus geminæ terrestribus alæ
Stant Equitum, cursuque accendunt prælia primæ:
Navibus his Veneti, queis olim crebrior usus,
Sæpius ingentes retulere è Thrace triumphos.
His, ut fama canit, Naupacti est palma relata:
Qua non majorem fastis scribere vetustis
Christiadæ: gestis qui si felicibus uti
Concordes animo voluissent, protinus omne
Eversum imperium Turcarum, & reddita præcis
Romulidum sacris jam Græcia tota fuisset.
Atque Asia, & quicquid terrarum Solis ad ortum
Othomani dura vexant ditione Tyranni.
Sed proh fata Dedit! numquam sua commoda norunt
Mortales, fortive sciunt servire secundæ.
Verum odio in præceptis acti, & discordibus iris,
Quod nequeunt hostes, sese perduntque, ruuntque;
Sed quò me dolor, & non jam medicabilis ictus,
O utinam foret & post emendabilis error,
Me rapuit! Sed erit pretii sat questibus olim,
Cæsaris auspiciis cum tu, RAMBALDE, superbum
Odrysium contra turritis classibus, ibis,
Latè Asiam, & totum victor vastabis Eoum.
Interea properemus opus; classisque struendæ
Accipe nunc leges alias: si fortè placebit
Rostratam sinuare aciem: namque ordine tali
Interdum præstat contra procedere in hostem.
Sex uno instructas versu sub fronte locabis
Hepteres, pugnae robur, Martisque futuras,
Altero & in versu dextra, lævaque repones
Sex etiam naves, humili quæ corpore surgunt;
Atque agiles velo currunt: hæc fulmina torquent;
Hepteres postquam cœperunt prælia bombis
Horrissonis, pressique Scythæ formidine nutant.
Hinc Primum lævo in cornu tu versibus Agmen
Expones geminis, binæ fac ordine primo
Sint acies, & quæque novem sub signa Triremes
Colligat: expositæque simul sint ordine bino.
Tertia mox acies insistat structa secundo
In versu, primasque inter spatia æqua relicta
Directum aspiciat: per & illa, ubi tendere in hostem
Est opus, irrumpat, nutantiaque arma suorum

Firmet, & explosis sustentet praelia ahenis,
 Tormentis, de puppe tonant, quæ fulmine rauco.
 Ast ubi jam Primum lævâ construxeris Agmen
 Ad dextram Medium spatii discrimine iusto
 (Quantum acies instructa vagis sese explicat undis,
 Tantum intermedium pelagi sit inane relictum)
 Expones Agmen numeris, & legibus iisdem.
 Non secus arte pari Postremum dirige contra
 Extentum pelagi vacuum latus inter utrumque:
 Quâ se tota acies, cum tempus, & ipsa petit res;
 Æquatis moveat signis, sistatque ruentem
 Hostem, insultantemque recentibus obruat armis.
 Vel, si fors cedat, primis urgentibus, ipse
 Succedas pugnae, longèque sequare fugacem:
 Ut sit plena tuis victoria: funditus ille
 Deletus, maris imperium tibi deferat uni.

Insuper his, ritu sêdeat si fortè phalangis
 Rostratam vitreis classem protendere campis,
 Has adhibe leges; tres dextro, tresque sinistro
 Hepteres cornu: medias discrimine longo
 Velivolas humili surgentes corpore naves
 Dirige: raucifonis quæ praelia prima metallis
 Accendant, crebroque laceſſant fulmine Thraces?
 Ordinibus geminis amplo discrimine retro,
 In parvas acies divisam dirige classem.
 Inque duas acies versus partire: Triremes
 Sint quinque in primo positæ, quatuorque secundo:
 Quatuor & vacua aspeſcent discrimina primi:
 Tres acies dextrâ constabunt ordine Primum
 Agmen, tres mediæ Medium, reliquæque sinistra
 Postremum facient Agmen. Quæ forma Phalangis
 Invisam reddet classem. Terreſtribus olim
 Ut certaminibus Macedum fortissima in armis
 Atque invisita Phalanx habita, & certamine victrix;
 Seu peteret conferta, feros seu pelleret hostes,
 Odryſii, quorum, Selimo sceptrâ tenente
 Europæque, Asiæque, & ditia regna Canopi,
 Ingens Jonio, Ægæoque potentia ponto,
 Et validas secum classes ad praelia agebant;
 Lunatas acies vitreis exponere campis
 Consuevère, vagæque imitantes cornua Phœbes;
 Falcatam duplici cornu sinuare solebant:
 Fidebantque Deæ se, cuius imagine jactant;
 Latuos palmam egregiam, exuviasque Latinas;
 Praelia post armis certata, & numine Divæ.

Ars explicandæ classis
 ritu Phalangis,

Quæ ratio potior du-
 citur.

Tutæ sub Selimo Re-
 ge, Lunatam instruebant
 classem, & qua ratione,

Et

Et quoniam numero præstabant, sæpe carinas
 Hostiles poterant medias comprehendere, casse
 Ceu longo cervos, aprosque à monte ruentes
 Claudit Venator, prædamque ad tecta reportat.
 Hos ego Barbaricos mores, pueriliaque artis
 Inventa, haud equidem laudarim carmine nostro.
 Mars petit ingenium, atque heroæ robora dextræ.

Quæ minimè Vari pro-
 batur.

Nonne vides, ut sæpe Scythæ certamine victi
 Terga dedere fugæ, & portus petiere patentis?
 Innummeras quamquam traherent ad prælia puppes;
 Pube pari, & totum velarent æra telis.

Varie Turcarum cla-
 des referuntur, Italorum
 virtute paræ.

Quid memorem fractas toties ad litora Cretæ
 Barbaricas acies? Quid duri saxa Capharei:
 Quid Maleam, Euripique undantes sanguine fluctus
 Threjjicio, & latè dispersas æquore Lunas?

Fumat adhuc incensa Scytharum plurima classis,
 Hellesponte, tuas ad fauces: & tua, Smyrne,
 Altera flagrat adhuc furvis ad litora flammis.
 Quid Naupactæam referam clademque, ruinamque;
 Et penitus Thracum everfas cum mille carinis,
 Et vires, & opes, & robora cuncta Tyranni?
 Tristis adhuc, lentusque fluens Achelous acerbam
 Flens ignominiam: tristes & Echinnades atram
 Nunc etiam sortem, non æqua & Numina culpant?
 Attamen immeritò, propriam culpæ suorum
 Desidiam debent, & inertis robora dextræ.

Quæ vivit adhuc, etiam
 si distracta in varia mem-
 bra Italia sit.

Virtutem & nostram, ingeniumque, artemque magistram?
 Vivit adhuc, distracta licet, proh Fata Deorum,
 Fortunæque vices variabilis! Italia virtus:
 Nec sunt degeneres majorum à sanguine, nec cum
 Terrarum imperio pariter cecidère Nepotum
 Mentis magnanimæ, fortesque ad prælia dextræ.
 Præterisse juvat sed tristitia, Fataque forti
 Ferre animo, sortemque iterum expectare benignam.

Interea, COLLEALTE, sequar tua maxima iussa:

Et præstat properare; brevis nam terminus ævi
 Cantanti superest: missis licet ipse tabellis
 Regnata de sede, Marique a flumine nuper
 Nestoris ætatem, & centum promiseris annos;
 Votaque Parthenio pro Vate emisseris Almo
 Saberidæ, & Lojolæ, & Partheniæ Genitrici:
 Hujus & exemplar deductum ab imagine prisca,
 Quam magni, ut perhibent, depinxit dextera Lucæ;
 Addideris sacrum pignus, divinaque dona.
 Atque hic Parthenia iussisti affigier Æde,

Dextræ,

Dextræ, animique tui monumentum insigne futurum.
 Ast ego, jam sordent quando mortalia, sordet
 Tellus culta suis cum rebus: displicet omne,
 Quod non perpetuum vivit, semperque futurum est.
 Tantum à Cælicolis peterem concedier ævi,
 Concelebrare tuas quantum sat versibus esset
 Egregias laudes, & Nomina clara tuorum.
 At tibi, Musarum quando Dux alter, & auctor
 Existis, nitidoque facis florescere cultu
 Illustres studiorum artes, & docta Minervæ
 Munera, det longum prece nostra Juppiter ævum?

Ergo age, rostratis unâ cum puppibus alta
 Turritos si mole trahas ad prælia Gaulos:
 In geminas illos acies partire, paresque
 Sint acies numero: versuque deinde sub uno
 Rostrate ad geminum classis latus instrue, ut hostes
 Horrisonis bombis, Euro spirante, laceessant.
 Hostiles vel fronte petant, si duxerit illos:
 Barbarus & raucis pariter tonet ipse metallis.
 His vero alatis tractas si puppibus arma,
 Rostratisque simul, juvat illud mente sagaci
 Discere; quod multum palmæ conferre merendæ,
 Dux, valet: Æolis illæ spirantibus auris,
 Bella gerunt melius: validis nam pulsibus Euri
 Se facile in latus inestunt, tonitruque frequenti
 Horrendas gremio glandes, & fulmina torquent.
 Ast hæ pacatis pugnant felicius undis
 Cominus, & primis explosis igne metallis
 Rem peragunt cannis brevioribus, atque sarissis,
 Nudatoque petunt ferro Thracesque, Scythasque:
 Ideirco spirat si statibus aura secundis,
 Prælia dura gere, & felicibus utere ventis.
 At si turritis decertent pluribus hostes
 Navibus, at plures deducas ipse Triremes,
 Æolia cum rupe silent Eurique, Notique,
 Sternitur & placidum maris æquor, prælia rostris
 Incipe collatis. Sequitur sed protinus altæ
 Jam labor. Audendum semper tibi rebus in arctis;
 Quodque negant vires tibi suggerat ipsa sagax mens:
 Ergo age, si ternis fuerit, non amplius, alnis
 Velivolis, aut quinque tibi, Dux, aspera pugna
 Rostratas contra plures sic instrue naves,
 Ut Scythico palmam valeas ex hoste referre,
 In tribus æratas, Dux, puppes præcipe punctis
 Sistere se, formam referens ut tota trigoni

Tom. I.

D

Structa

Modus instruendi Gavi-
 los unâ cum Rostratis,

Quæ, cum utroque na-
 vium genere pugnatur,
 animadvertenda,

Si plurima Gavorum
 copia tibi sit, & ventus
 spiret, incundum cum
 hoste certamen est.

At si rostratis præstas,
 cum silent auræ, inimi-
 cum aggredi, commodum.

Quid agendum Duci
 sit, cum contra plurimas
 longas naves cum paucis
 turritis dimicare cogitur,

Modus instruendi aciem
 in tali discrimine.

Structa acies visatur: & hosti terna ruenti
 Obiciat latera, atque exploso fulminet ære.
 Sint æqua & latera intervallis diffita certis.
 Centenos tantum teneant distantia passus:
 Quinquaginta alios nonnulli his insuper addunt:
 Opportuna sibi, cùm tempus, mutua possint
 Auxilia inferre, hostilesque avertere puppes:
 Hac etenim Gaulos si lege instruxeris, hostis
 Quemcumque illorum irrumpens petat, ilicet ipse
 Cunctorum tormenta, & duros sentiet ictus,
 Sique silent venti conclusi carcere, sclopis
 Propulsare acres juvenes majoribus alnos
 Odryias impune, neces & ferre per omnes
 Difficilè haud poterunt. Sed qui festivus ab undis
 Eois resonat clamor? quæ pompa triumphi
 Ducitur Jonio in medio? juvat usque tueri,
 Et causas etiam cantando exponere, Musæ
 Dum Vati arident curis, annisque gravato,
 Inspirantque novum membris languentibus æstrum
 Carminis Heroi, & Musarum ductor Apollo
 RAMBALDUS vires potabile sufficit auro.

Refertur memorabilis
 pugna Sicularum navium
 contra innumeram clas-
 sem Turcarum,

Thracius, Eoa regnat qui sede, Tyrannus,
 Et Græcos ditione premit, Cretamque, Cyprumque
 Victor, & Ægæis dominatur classibus undis,
 Sæpius, emissis è faucibus Hellesponti
 Navibus, Italiæ vastabat litora, & oras
 Sicelides ritu prædonis, & æquora circum
 Crebrius excurrrens æstate obsessa tenebat.
 Non animo id Prætor tolerans Ossonius æquo:
 Nam ratus indignum populos, qui gentibus olim
 Omnibus & leges, moresque & jura dedissent,
 Terraque, & pelago vastari a Thrace superbo,
 Barbaricos statuit Regis perfringere fastus
 Othomani; & ternis tantum, non amplius, alnis
 Turritis omnem Turcarum evertere classem,
 Octoginta super puppes ad bella trahentem.
 Tres igitur naves armari ad prælia jussit
 Delecta de pube, Ducemque imponit & illis
 Egregium, cui multa animi solertia, & acre
 Ingenium, & varii experientia plurima Martis:
 Mox jubet Ægæum cursu contendere in æquor;
 Barbaricam & classem perquirere: & ilicet illam
 Elicere ad pugnam, explosisque laceffere ahenis.
 Non secus ac jussum, placidæ cùm sibilus auræ
 Incœpit pelago crebescere, litore ab udo

Parantur ab Ossonio
 Siciliæ Prætor tres, non
 amplius, naves, ut octo-
 ginta Turcarum Trece-
 mæ, quæ Italiæ, Siciliæ-
 que oras vastare consue-
 verant, à finibus arceant.

Dux

Dux solvit; pontoque volans decurrit aperto.
 Jamque renascentis cœlo nova cornua Lunæ
 Spectari nautis cœptant æquore ab alto,
 Cùm procul ex undis Minoia surgere regna
 Conspecta ingenti juvenum clamore frementum
 Lætitiæ, & Scythicas poscentum ad prælia puppes;
 Tum Prætor summo mali de vertice circum
 Cuncta inspectari freta lata, sinusque propinquos
 Præcipit, Odrysiæ si puppes fortè venirent
 Obviæ, & optatam vellent committere pugnam;
 Nam fore venturas rumor vulgaverat, & jam
 Ægæo egressas Mirtoæ per æquora cursum
 Tendere, uti sociam Rhodio de litore classem
 Acciperent venientem, inque unum viribus audis;
 Pro more Italiam peterent, Triquetramque propinquam;
 Tertia ubi cœlo radiis Aurora coruscis
 Illuxit, legerentque rates regna ultima Cretæ,
 Barbaricam mali clamat de vertice custos
 Barbaricam clamat classem, numerumque recensens;
 Octoginta rates prælonga cuspide remis
 Approperant, velisque, levis quæ sibilus Euri
 Implet agens. Omnem tali sermone juventam
 Imperat armari Prætor: navesque trigoni
 Explicat in formam. Lembo mox ipse per omnes
 Invehitur socios: dictisque potentibus illos
 Hortatur, calidasque accendit fortibus iras.
 Hæc est illa dies, hic campus, & illa palestra
 Ex qua palmarum fascis non unus, & una
 Non vobis, socii, carpenda est fortibus armis
 Exoptata diu laurus; victricia vestra
 Tempora qua niteant, meritisque in sæcula nomen
 Laudibus immitrat. Tandem populator Eoi
 Sentiet Othomanus ternis se navibus ipso
 Æquore in Ægæo, propriæque in sede petitem:
 Atque suas vires, sua robora, plurima quamvis,
 Tristi ignominia vestris perfracta lacertis.
 Desinet & nostras victus prædarier oras.
 Ergo agite, & patrias uno hoc certamine palmas;
 Et simul egregios, socii, cumulate triumphos.
 Hæc ubi, raucifono pugnae dat murmure signum:
 Interea, ut primum puppes videre Latinas
 Odrysi, risere hominum temeraria corda:
 Nec dignum duxere rates contendere contra
 Tam paucas numero; grandi ceu corpore Taurus;
 Viribus & magnis contemnit fauce molossum

Ad Cretam classis pri-
 mum spectata.

Prætor ad pugnam suos
 hortatur, inque trigoni
 formam naves disponit.

Latrantem quamvis, nec cornua iastat in hostem;
Mox ira accensi, quodd se contemniet illis
Aspicerent, aciem sinuant, ceu fronte recurvâ
Incipit ut Phœbe primâ splendescere luce.
Vocibus hinc magnis, & Barbarico ululatu
Remigio adnisi valido, ventoque feruntur

Pugna committitur;
ac continuo tormento-
rum ictu Othomanicæ
Tricemes percussæ faci-
sunt.

Turritos contra Gaulos, atque ilicet omnia
Explodunt tormenta, & terrifico reboatu
Mille pilas pyrio succensas pulvere torquent;
Plurimæ at incassum medias cecidere per undas;
Nullo Gaulorum discrimine: mox ubi quernis
Turribus accessere, ipsumque fuere sub ictum,
Protinus alatæ, bombo resonante, carinæ
Admovère cavis restimque, ignemque metallis:
Confestim tenues volat horrida grando per auras;
Turbine flammæ denso, fumoque nigrante.
Quassantur puppes, quassantur robora querna
Fulminibus, malique, & turrigeræ antennæ:
Perque foros, per scamna viri sternuntur, & arma:
Mars metit Odrysiis; flavas ceu messor aristas.

Cumque in naves con-
scendere conantur Turcæ
ingentem cladem acci-
piunt.

Purpureo tabulata fluunt persusa cruore:
Divulsisque jacent lacerata cadavera membris.
Turcicus at Rector frendens, iraque, furorèque
Immensam juvenum stragem, cædemque suorum
Dum videt à paucis illatam navibus, omnes
Octoginta jubet rostratas ire sub arcem
Romani Prætoris, & ardua scandere pubem
Mœnia, & indigno de sanguine fumere pœnas:
Ardua res factu; pubes Romana retortis
Missilibus, velut imbre sonoræ grandinis, arcem
Tutatur, magnisque animis in verticibus stat.
Parte alia focæ naves vibrare metallis
E' calidis glandes, vegrandia pondera in hostes
Non cessant, quassantque latus magno impete utrumque.
Fulminibus tantis percussi, & cæde virorum
Decedunt mæsti Thraces; mox impete facto,
Atque ignominia irritati, & voce magistri
Aggrediuntur: & ense iterum, rigidaque bipenni
Conantur supra conscendere, vique potiri
Arce Latinorum, & muris præfigere Lunas.
At frustra: infracti quando sub culmine stabant
Robusti juvenes sclopis, ferroque minantes,
Vulneraque, cædemque, & acerbæ funera mortis:
Hi cæsi multis occumbunt ictibus: illi
Percussi cedunt: hi summo è vertice spondæ

Præ.

Præcípites ætî medias labuntur in undas.
 Fit strages horrenda: fremit tot funera cernens
 Othomanus ductor: nec quicquam proficit alta
 Voce suos hortans: minitansque, necemque, crucemque,
 Ni vincant, ignominiamque cruore vel ipso
 Detergant. Uno hoc certamine fama Tyranni
 Hastenus invicti posita est, & gloria Regni,
 Dentibus effatur frendens. Sed Phœbus ad Indos
 Jam fessos vertebat equos: finemque diurnæ
 Imposuit pugnæ, luctumque, umbramque relinquens
 Odrysiis. Nostri quando lucentibus alta
 Tergeminis de puppe pharis vicere tenebras
 Accensisque diem facibus fecere sub umbris:
 Atque omnem festo duxerunt murmure noctem.

At postquam exurgens lucemque, diemque reduxit
 Purpureus Titan, animi rediere Magistro
 Thracibus hortante, & laudes, & præmia regis
 Promittente, manu forti si tollere vellent
 Acceptum dedecus, præscamque acquirere famam.
 Attamen haud melior pugnae Fortuna secundæ
 Affulsit; pulsi, victique redire coacti,
 Pluribus occisis, & navibus æquore partim
 Submersis, partim Vulcano ardente crematis.
 Tertia sed radiis surgens Aurora coruscis
 Emicuit, rursus Thraces terrore Tyranni
 Instimulante, animo laturi indignè suorum
 Turpem ignominiam, & tot damna illata Latinis;
 Instaurare iterum pugnam, sortemque sinistram
 Tentare, aversam si fors mutata reducat
 Othomanis vultum, faveatque audacibus ausis;
 Nituntur magnis animis, & murmure festo
 Impellunt aciem remis, hostique propinquant.
 Sed frustra sortem petimus, Martemque benignum
 Obstant cum Fata, & virtus plurima in hoste:
 Er viget ars, & caussa favet certaminis æqua.
 Indecores igitur magna cum cæde suorum
 Tertia post duri redierunt prælia Martis.
 Othomanum ad Regem rabieque, iraque fremementem;
 Quoddam classem ingentem ternæ, non amplius, Alni
 Christiadam ter devictam, fractamque fugasset.
 At nostris longo quoniam certamine glandes,
 Et pyrius pulvis defecerat, inque repostas
 Hellepontiaci maris oras fugerat hostis,
 Ipsi etiam leni Zephyro Poëana canentes
 Italiam redire; quibus subeuntibus alta

Die ad vesperam vergente, pugna dirimitur; multis hostiis amissis, & juvenute plurima occisa, recedunt ex acie Thraces: contra Iæti, ac victores persistunt in acie nostri accensis tota nocte Pharis.

Secuto mox die, Ductore instimulante, redeunt ad pugnam Turcae, sed non meliorem fortunam experti sunt.

Cum tandem tertio etiam die infelicititer pugnasent, Hellepontum magna ignominia tristes repeterunt.

At nostri ingenti victoria Iæti in Italiam cursum repeterunt, magnis laudibus Messanæ accepti.

Saturni nitidis monumenta incincta theatris,
 Omnis in occursum veniens excita juvenus
 Ad famam palmæ venientem præpete penna,
 Egregias cecinit festivo murmure laudes.
 Nimirum tanti valet ars, animique feroces.

Perge, illud pariter dicendum carmine nostro,

Quæ industria Duci adhibenda, cum ingens tempestas ingruit.

Quæ sit habenda tibi, Prætor, solertia, cum se
 Ingens Æoliis tempestas fuderit antris,
 Et sævit sine more, vadoque affurgit ab imo
 Nereus, immensisque feruntur ad æthera fluctus.

Grande periculum classibus à tempestatibus.

Quandoquidem damnosa lues non ulla carinis
 Velivolis magis est; surgens quàm gurgite turbo
 Improvisus agens secum ventosque, procellasque,
 Illicet & pelagus discindens æquore toto.
 Elati fluctus, & crebra volumina, & ipsa
 Horrifica Oceani facies, faciesque tonantis
 Cæli fulminibus discissa, & fulgure spisso:
 Effususque imbres, & nigris atra tenebris

Idcirco summa solertia cavendæ.

Desuper incumbens ponto nox undique, & horror
 Magnanimos terrent animos, viresque refringunt.
 Atque ipsam superant artem: Nec fortior ullus,
 Qui valeat pelago, aut se irato opponere cælo.
 Et licet attollant magno se corpore Gauli,
 Mœnia sint triplici, duroque è robore quercus
 Compacta, & ferro spissè internexa tenaci;
 Attamen haud poterunt Nerei vim ferre furentis;
 Turbinibusque, Notisque, altèque frementibus Austris:
 Immensis & aquarum montibus oblectari.

Ut exercitus agris effusus certæ cladi expositus; sic classis vadis spumosis dispersa,

Quæ sic, Dux, habeant cum se, vada surgere primum;
 Utque mari ingentem aspicias, terrisque parari
 Tempestatem atram, sensimque attollier undas,
 Ventorum & luctas variorum, & prælia dura,
 Continuo, mora nulla, ferunt quæ flamina cursum
 Dirige, vicinos & portus navibus intra:
 Sive sinus pete securos sub valle reducta:
 Nam si turbato pergas insistere ponto,
 Imperiumque tenere maris, confusus & arti;
 Atque animo tibi, Dux, certam, classique ruinam
 Expecta: pœnamque lues damnabilis ausi.
 Tempestate vadis quoniam sine more furenti;
 Hæc, illac facile in diversa ruentibus Austris,
 Undarum & crebro distractis navibus ictu,
 Omnis per campos spargetur classis aquosos:
 Ac velut effusus latis exercitus agris
 Et certam expectat cladem, extremamque ruinam:

Sic

Sic classis divulsa, ferat si se obvius hostis.
 Cum venti cadet ira, tumens & gurgitis unda,
 Illicet amissa, in prædam concedet & hosti.
 Præterea naves, cum vento, & fluctibus altis
 Luctantur, capiunt majora incommoda, quam cum
 Vulcanum contra pugnant, Martemque furentem.
 Hinc postquam pelago tempestas atra refedit,
 Et fluctus posuere minas, miseranda per altum
 Apparet facies laceratæ classis: & undas
 Per medias fluitant tabulata revulsa, trabesque
 Diffractæ, malique, & cornigeræ antennæ.

Quin etiam incurfus sunt tempestate timendi,
 Sæpe Notis, undisque agitæ in gurgite Pinus
 In latera incurfant per mutua, seque flagellant.
 Disruptæque vadum accipiunt, pereuntque sub undis.
 Quod si longinquo distent discrimine portus,
 Navibus & nullum se pandat valle reducta
 Perfugium, sed aperta, Notoque obnoxia flanti
 Litora sint, duris vel promontoria saxis
 Tantum objecta, vadis longè plangentia canis;
 Tum, Prætor, caveas infida ad litora classem
 Vertere, nec gravibus quamvis, & fortibus uncis
 Credere te: sed lata petes freta, turgida quamquam;
 Et quamquam validis agitata à gurgite ventis,
 Præstat enim tibi luctari turgentibus undis
 Adversisque auris: animisque assurgere, & arte,
 Quàm cladem certam accipere, & cumularier ipso
 Litore sub turpi, atque ignavo funere mortis.
 Nam quis, facundo quamvis sit carmine, Vates
 Comprensæ classis sub litora, cum tonat alto
 Juppiter, & rabidi discindunt æra venti,
 Neptunusque fremens resluentibus æstuat undis,
 Explicet horrendam faciem: spumantibus æstæ
 Fluctibus & focias vi propelluntur in alnos:
 In latus incurfant aliæ, incurfuque vicissim
 Diffinguntur: aquis via fit, pontusque recurrens
 Interiora petit, simul & superantibus undis,
 Submersæ fundo pereunt, miserabile visu,
 Hæ naves: aliæ, quarum discrimina lata,
 Incurfus vitant, ipsisque à fronte petuntur
 Montibus undarum, vique attolluntur in altum;
 Horrendum! cæli credas petere astra, relabique:
 Hinc ubi præterijt curvam vasta unda carinam,
 Æquoris in fundum, & Manes se vertere ad imos:
 Interea tantum diffunditur intus aquarum,

Major classibus à tem-
 pestate, quàm à pugna
 plerumque clades, ac ruina,

Sæviente procella mu-
 cui incurfus sæpè stragem
 creant.

Præstat altum petere,
 quàm undosa ad litora
 classem applicare,

Classis sub tempestate
 in anchoris flantis peri-
 culum, statusque deseri-
 bitur.

Ut

Ut mersas periisse putes, & chara tuorum
 Conclamata fleas miserando corpora planctu,
 Sed quid aperta per, atque undantia littora classem
 Tristibus & lacrymis, mœsto spectamus & ore?
 Namque ipso in portu, sine more ardente procella;
 Ac toto ex imo submoto gurgite Nereo,
 Naufragium horrendum, atque amissas turbine naves
 Hisce oculis ipsi spectavimus, horrida cum nox
 Intulit horrificas Euro bacchante procellas,
 Extemplo fremuere vada, excelsique sub auras
 Extulerunt fluctus spumosa cacumina, & ipsam
 Desuper in (1) Molem effusi, pilisque revulsis:
 Viletrices, rupto velut aggere, protinus omnem
 Invadunt portum, ruptisque rudentibus alnos
 Partim incurstantes rapido, vi fluminis, ictu
 Diffringunt, partim vicina ad litora torquent,
 Allidunt petris, cumulisque tumentis arenæ.
 Undique contestum trabibus, tabulisque revulsis
 Apparet mare confestim; fluitantque per undas
 Armamenta, rates, & quidquid forte vehebant,
 Et Bacchi, Cererisque, & pingua dona Minervæ;
 Et merces aliæ ponto data præda furenti.
 At magis horrendum, & visu miserabile, fluctus
 Per medios spectare homines sub funere acerbò
 Partim submersos, partimque ad litora nantes
 Semianimes, partim laceratos corpore toto:
 Partim truncatos non uno vulnere membra:
 Qui gemitus morientum, & lætistici ululatus:
 Quæ voces miserum, lamentaque dura petentum
 Auxilium, dextrasque pias! sed turva tonantis
 Horrendum cœli facies, & stridor aquarum
 Ventorumque fragor, bacchantis & ira ptozellæ
 Auxilium deferre negant. Proh tristitia semper
 Fata hominum, & casu semper pendentia ab uno!
 Altera, dira, ferax annalibus addita nostris,
 Quos tibi, CARAFIDE, nuper conscripsimus, & jam
 Auspicio, ductuque tuo vulgantur in omnem
 Europam: meritoque tuo se nomine jactant,
 Tempestas, motusque soli nutantis, avito
 Fœmina dum primum solio Regina federet.
 Sed quid prisca juvat rursus memorata referre;

Rur-

Plurimarum navium
 Neapolitano in portu mi-
 serabile naufragium de-
 scribitur.

Altera sub Joanna I.
 tempestas stridim attingit,
 quæ pluribus de-
 scripta Histotiz tom. 2.
 p. 93.

(1) *Il Molo di Napoli.* (2) Carolus Carafa Madalunensium
 Dux, cui Vates Neapolitanam Historiam dedicavit.

Rursus & immensi causas renovare doloris.
Nec vacat arrepto multum divertere clivo;
Cum via longa, brevis superest sed vita, diesque
Ultima deciduis jam canis imminet, & jam
Tendimus Elysium, & felicia rura piorum.

Sed quod compellant horrentia murmura vatem?
Scilicet Autumni primis qui mensibus ortus,
Fluctibus occiduis cum Sol immergere cursu
Defessos properaret equos, de cardine eodem
Horrificis ingens turbo percrebruit alis.
Continuè horribili tonitru, immensoque fragore
Obscuris latè tenebris obdusta sereni
Est cœli facies, trifidique è nubibus ignes
Excussi cecidere; simulque accensus & omnis
Aër fulguribus, pluviisque undantibus amnes
Corripuere agros effusi, atque herbida rura.
Mox violenta ruens Lybique, Austrique procella
Undique oliviferas dejecit culmine sylvas,
Et Surrentinos colles, (1) Æquanaque Vici
Nudavit juga, frondiferumque excussit honorem,
Everfura domos, ipsasque a culmine villas,
Durasset solidam si turbinis ira per horam.
Verùm durat adhuc facies miseranda ruinæ.
Everse sylvæ radicibus: undique rami
Cæsarie apparent nudi, vastataque rura:
Dejecta annorum spes plurima, & omnia luctu
Plena colonorum, dominumque sonantia sietu.
At iussu properemus opus: Si fortè necesse
Sit pelagi campos, & turgida classe tenere
Æquora, & imbriferos contra luctarier Austros,
Velivolæ pinus in tres partire (2) columnas
Et spatiosa inter fac intervalla carinas
Sint media: at versus eadem discrimina servant;
Sic etenim haud facilè per turgida cœrula puppes
In diversa ruent, distractæ gurgite valto:
Nec sese lædent incurfibus: arduus aut mons
Undarum incumbens, Lybique horrenda procella
In latus impellet fessas luctamine puppes.
At si lata maris fuerint fulcanda furentis
Æquora, tum præstat campo decurrere aperto,

Tom I.

E

Quem-

(1) *Le montagne di Vico*, quorum altior Lactarius mons,
Incolis *Faito*.

(2) Sic Galli, Italique rectos navium ordines vocant.

Horrendus turbo, qui Au-
tumno anni MDCCXIII.
Surrentinos colles va-
stavit, describitur.

Quid Prætori agendum,
cùm opus, vel in tempe-
state, tueri maris impe-
rium, campoque perfi-
sset.

Quemque tibi dederit cursum Fortuna tenere.
 Ergo à supremo demissis abiete velis,
 Inferiora Notis tantùm da stantibus, alni
 Nam sic velivolæ librato pondere molis,
 In latus undoso incurstantes ariete fluctus
 Firmius insistent contra, perque ocyùs undas
 Diffugient, rapidæ quò tandem sæva procellæ
 Ira cadat, meliorque tibi Fortuna nitescat.
 Nam secus immensi fluctus sine lege ruentes
 In transversa ferent puppes, malosque refringent.
 At si non tantum pateat, maris æquor arandum.
 Tum medium, majusque Notis da tendere velum.
 Nam sic aëta minus ventis urgentibus alnus
 Lassescet, nullo quàm si volet æquore velo.
 Atque hic te, Prætor, moneo: ne dicta Magistri
 Contemnas re tanta, illorum aut immemor unquam:
 Namque aliter facies sub tempestate furente
 Naufragium, data præda tuis simul hostibus ipse,
 Si quæ turbato serventur gurgite, puppes.
 Te te, inquam, moneo, tumidis ne fluctibus unquam
 Iratisque velis audax contendere ventis.
 Quippe furor validas classes, queis vertitur unis
 Imperii spes omnis, & omne decusque, salusque,
 Quæque fame ingenti populorum, auroque paratæ,
 Infano Nereo, & ludibria tradere ventis.
 Aspice, namque oculis refert præponere casus,
 Quos doctus vites, miserandaque Fata priorum,
 Ut numerosa Tagi spatioso è flumine classis
 Egreditur, Zephyrisque volat felicibus: illam
 Divitiæ ingentes populorum, & Regna Philippi
 Constarunt duodena super, simul Indus uterque
 Argenti vim magnam, vim magnam intulit auri
 Infesti, fastique: virum tot milia tanto
 Sudarunt operi, atque insumptus plurimus annus.
 Obstupuit Nereus innantes gurgite turres.
 Aspiens: Cælum num tantis viribus, inquit,
 His petitur? Tellus etenim molimine tanto
 Non sat digna: tamen populi, gentesque timete;
 Perniciem in vestram Magni si Regis Iberi
 Tot formidandæ vires, totque arma parantur;
 Et jam vicini pariter, pariterque remoti
 Perculsi Reges animis, quas tantus in oras
 Vertisset sele turbo. primique rebelles
 Et meritò Batavi, jamque ultima Fata timebant:
 Nec vacua ipsa metu tum Gallia: plurima belli

Sanius tamen confi-
 lium rucos in latus clas-
 sem deducere.

Philippi II. formidan-
 da classis describitur.

Ingens ex illa vicinis
 illatus timor.

Causa

Gaussa aderat, ruptum scelus, dataque hostibus arma.

At reliquos supra dira Elisabetha timebat.

Monstrum horrendum, eadem vir, foemina, nobile scortum

Et Virgo, & conjux: divina, humana Sacerdos,

Et regina, suis vertique, regique volebat

Sub manibus: Stygiis merito damnata Chymæra.

Et poterat tantis armorum viribus alta

Exturbari sede, simulque tyrannica tolli

Imperia, & Fidei revocari ad jura Britanni;

Criminibus magnis populorum, Numina læsa

Ni contra obslitterint. Neque enim tunc Anglia digna

Visa Deo: lacrymis necdum scelera alta piarat.

Sed gentis pro more, diu cunctante Magistro,

Serius Oceani ad fines venere Britanni

Velivole turres centum, centumque carinæ,

Et tormentorum numero, rostrisque timidæ:

Nam tempestates Autumni tempore primo

Exortæ, rapidique egressi c carcere venti,

Vique fretum super effusi, rabieque, furoreque

Ilicet horrendos egere ad sidera fluctus.

Æther turbinibus, nigrescit æquora ventis

Discissa, & cani montes volvuntur aquarum.

Quis verò Austriacæ classis queat ore referre

Lustificam visu faciem, miserandaque fata?

Et tristes gemitus, lacrymasque tenere fluentes

Torrentis de more? videns tot gurgite Gaulos

Terribiles nuper, cælo. cervice minantes,

Et tot rostratas, auroque, armisque nitentes

Fluctibus insanis jactari, & turbine cæco.

Totque Duces, illustria nomina, totque Magistros

Militiæ claros: juvenesque ad prælia lectos

Imperio è toto, miseranda sorte perire:

Ceu plebem ignavam, nullo certamine, & armis

Depositis, ventis prædam, & turgentibus undis.

Ipsi Tritones, insanaque Numina ponti,

Glaucusque, Phorcusque, & nudus membra Palæmon

Indignas flevère necesse: flevère profundis

Mœstæ Nercides, gemitusque dedere sub antris.


Ergo quibus classes ductandi cura, cavete

Intempestivo cæli sub sidere, & anni

Insido dare vela mari, & fallacibus Austris.

Maximè Elisabethæ:
in cuius perniciousim
mittebatur.

Tantæ classis misera-
bile ex Ducis cunctatio-
ne naufragium graphicè
depingitur.





NAUMACHICORUM

LIBER TERTIUS.

INSTRUCTA sed classe vadis spumantibus, acrem
 Stat tandem pugnam committere: Nereus & jam
 Visurus vitreis surgit spectacula ab antris:
 Et circumfusi Tritones cornibus adstant
 Raucifonis, magnoque accendunt prælia cantu.
 At quia prætentus contra stat viribus acer
 Barbarus, & centum trahit in certamina turres
 Velivolas, totidemque armatas cuspide longa;
 Idcirco præstat socios accire potentes
 In dubios rerum eventus, & prælia dura.
 Vos ego Magnanimi Heroes, devotaque Marti
 Pectora, laurigeris genus immortale triumphis:
 Vos qui prædones Orientis, & æquoris Afri,
 Et maris Ægæi toties fregistis, & ipsos
 Infames Arabes Lybiæ in deserta fugastis.
 Vos arx Italiæ, vos propugnacula Romæ,
 Inclyta Gens, servata quibus præclara dederunt
 Nomina, magnificis palmarum ornata trophæis
 Arva Palæstinæ, Solimeque, Ægyptus, Idume,
 Et Rhodus, & Gaulos, Meliteque, & maxima Cyprus?
 Vos ego, vos socios posco. Vos ò mihi vestra
 Pugnanti auxilium victrici classe benigni
 Ferte Duces: liceat vestra virtute mereri
 Egregiam victo palmam de Thrace, sacroque
 Exuvias cæsi Regis præfigere templo.
 Non insueta peto; quando victricibus armis
 In pia bella Scythæ contra properare soletis.
 Sensit & ille suas toties certamine vires

Hierosolymizani Equi-
 tes socii ad pugnam ac-
 cersentur: Eorumque vir-
 tus commendatur.

Vir-

Virtute edomitas vestra, seu puppibus oram
 Phœnicis, seu regna Cypri vastaret opima.
 Seu Gauli, Melitæque altis invaderet arces,
 Latè & velivolis tegeter freta mille carinis.
 Eque decem ferus aggeribus bis mille tonaret;
 Tormentisque, pilisque, & lethiferis (1) Opiuchis.
 Sive recepturus Tripolim, Maurusia classe
 Littora tentaret validà, valloque profundo
 Syrtibus in mediis (2) Meningis cingeret arcem;
 Quare agite Heroum genus, & victricibus armis
 Auxilium celerate, precor, magnosque fovete
 Conatus: fortesque feros irrumpite in hostes.
 Tuque vel in primis venies ad clara potenti
 Bella manu, (3) COLLALTE, tua nam cuspidè sæpe
 Percussi cecidère Arabes, Tracesque, Scythæque;
 Hinc te dixerunt (3) Polenicen nomine gentes.
 Namque triumphalem vestra virtute relatum
 Victor ubi palmam mervi, pelagoque remenso,
 Victrices tandem convertam ad Patria puppes
 Littora, complexu quâ Siren jungit amico
 Sese Pausilypo, & felices ducit ad umbras
 Otia, Nereidum cœtu sociata beato.
 Vati ubi materni sub aprico colle virescunt;
 Et placidè Zephyris perflantur mollibus horti:
 (Si mihi tam longum concedat Juppiter ævum;
 Mitior atque lues finet, & præpostera cura)
 Prælia vestra canam victricia, vestraque totum
 Mæonio nitar cantu portare per Orbem
 Clara trophæa, Duces, laudesque efferre sub astra.
 Quin etiam memor accepti monumenta favoris,
 Æquoreos statuam ludos, quos tota quotannis
 Pausilypi ad litus celebrabit Olympia pubes:
 Qui pugnæ simulacra gerant, quique inclyta facta
 Laudibus egregiis ventura in sæcula pôrent.
 Nunc agite, & quoniam campo jam classis aquoso
 Explicuit sese, splendetque sub ære juvenus,
 Atque tubæ, & tormenta tonant Vulcania, pugnam
 Incipiamus; adest ventus, Numenque secundum,

Ergo

(1) *Colubrine* Italis audiunt.

(2) *Isola delli Gerbi*, quæ ponte ligneo cum Africæ conti-
 nenti Tripolitano in Regno jungitur.

(3), (3) *Vinciguerra*, è Collalti Comitibus Eques Hieroso-
 lymitanus, de quo redibit sermo.

Ergo ubi jam tempus certamen inire, sub ipsa
Quæ stant fronte rates instructæ, & prælia prima
Sorte quibus tentare datum, mora nulla, secundis
Præcipe tum ventis, Prætor, contendere in hostes.
Mox ubi, torta fugit quantum pila ferrea, pinus

Modus ineundi certa-
minis exponitur.

Distabunt turræ aequalibus intervallis,
Continuò latus obvertant, & ahenæ turres
Hostiles contra explodant tormenta, favillis
Excussis de reste, facem quæ combibit ante.
Interea celeres tormenta explosa ministri
Sulphureque, nitroque onerent: rursusque reducant
Æra fenestellis, quæ machina mugit in hostes.

Mox ictum rectâ librent, ut certa metallis
E raucis vibrata rates pila verberet imas:
Inque imas semper ferrum torquete carinas.
Nam sic multiplici disruptæ vulnere, multum
Accipient inimicum æquor, plagisque fatiscunt.
Quò tandem laxis pereant compagibus, aut se,
Ne mergantur aquis, dedant victoribus ultro.

Arts evertendi malos,
pilis invicem nexis &
tormento explosis.

Quorundam inventum est virgis palmaribus ære

E solido, circoque simul versatile nexis,
Aut geminis onerare pilis, quas circulus unâ
Vinciat æratus tormenta, & pulvere multo.
Directumque ictum malos convertere in ipsos.
Sic bifida horrendo mox fulmina missa boatu,
Certius ipsa petent canentia vela, rudentesque
Et malos, corbesque, & turrigeras antennas.
Sic etenim velis, quibus Euro afflante ferebat
Sese per fluctus turrata mole carina,

Sic malis, atque arma-
mentis exarmata navis,
velut avis sine pennis,
nullo negotio capietur.

Exarmata freto in medio torpebit uti ales,
Cui celeres ictu pennas venator ademit:

Ut cervi, cui crura leves fregere sagittæ.
Quam sic nudatam, nec circumferre valentem
Per medios sese fluctus, & cœrula ponti,
E latere invades actutum, & victor habebis.

Naves in pugna vul-
neratæ sarcientur.

Non ea sed te prætereat, Dux, cura carinas
Ære tuas valido pulsas sarcire: patefunt
Namque etiam ferti, atque inimicis ictibus illæ.

Ex qua industria,

Ne dum tota hosti conmitteris arte nocere,
Te tùm despicias ipsum, sociosque tueri.
Fac ergo assidui disfractos verbere truncos
Adnexo juvenes componant robore, lammis
Seu radio affixis obducant vulnera puppis:
Et pice suffusa liniant, ceræve tenaci,
Materies quæ multa tibi sit semper ad usus.

Perge

Perge, calet medio Mars gurgite; plurima pubes
 Si tibi sit, Consul, confestim invadere pinus
 Hostiles conare, ipsis & cominus armis
 Rem brevibus perage, & concessas exere vires.
 Luctator veluti, cui fortes corpore nervi,
 Articuli que vigent duri, se protinus hosti
 Obiicit, & iactis circumdat membra lacertis.
 At si pube viget contra adversarius, alnos
 Tunc, Dux, tormentis inimicas longidis arce
 Continud explosis, Vestique ardente domato.
 Ceu robustus ubi mediis è saltibus exit
 In certamen aper, validi cui robore dentes,
 Et vires multæ in membris, & fervida flagrat
 Ira: canes circum quem decertare parati
 Præcingunt validi, non cominus impete cæco
 (Namque etiam ingenium brutis animantibus, usi
 Quo valeant nutrire suam, & defendere vitam)
 Hi monstrum contra irrumpunt, sed prælia longè
 Exercent, magnisque prius latratibus urgent.
 Hæc, illacque agiles replicatis saltibus illum
 Arcent folliciti, cursuque frequente fatigant:
 Quò tandem multo lassus luctamine sese
 Demittat: rapido tum saltu cominus illi
 Illicet aggrediuntur, hianti & gutture cædunt;
 Discerpuntque feri rabie, domitantque, necantque:
 Viribus at totis, Prætor, conabere (1) Cori
 Ne concessa tibi felicia dona sagaces
 Præcipiant hostes: nam sic spiramine læto
 Descendent contra subiti, cædemque reponent.
 Quin immo de puppe tibi cum sibilat aura
 Præsentì Zephyrus, viresque, animosque ministrat,
 Utere forte data, mediosque immitte per hostes
 Flammivomas puppes, quæ dura incendia classi
 Adversa portent, nimboque, ignique tonanti
 Illicet involvant, flammisque voracibus urant.
 At tibi ne incassum recidat conatus, aquosus
 Per Nerei campos illarum dirige proras;
 Ut recto cursu, certoque ferantur in hostem
 Tempore: sic certa flammis ardentibus hora,
 Directoque alni venientes tramite quibunt
 Incurfare rates, latèque involvere nimbo
 Sulphuris horrifici, subitaque absumere flamma.

Si pubes plurima, statim inimicæ naves invadenda.

Si secus eminens tormentis res peragenda.

Curandum, ne inter dimicandum ventum præcipiant.

Incendiariz, cum ventus favet, in hostes immitte.

Quod ut feliciter cedat, recta, & certo tempore dirigenda.

Ut verò è sententia res successerit, urgendum est prælium.

Ergo

(1) Togliere al nemico il vantaggio del vento.

Ergo age, prævalida si Cori Mulciber aura
 Irritatus agit magnis incendia flabris,
 Classẽm inimicam inter, tu Prætor, protinus acrem
 Pugnam urge, & totam tormentis dissiice ahenis.
 Quæ turpem si fortè fugam meditetur; iniquo
 Nimirum vento, Vulcano, & Marte laborans,
 Præcipe tum dextram pinus, lævamque tenentes
 Hostem in cedentem plenè descendere yelis,
 Atque fugam vasto maris intercludere campo.
 Attamen id faciant, servatis versibus, alto
 Ordine ne rupto spargantur gurgite, & unà
 Amittant de puppe Noti spirantis amicum
 Arbitrium: quo tota uno victoria pendet.
 Nam sic ille citò conversis acer habenis
 Circuitu longo poterit tibi commoda venti
 Præripere, atque iterum pugnam instaurare labantem:
 Jam victis quæ sæpe dedit solertia palmam.

Cum fugiunt hostes,
 geminis cornibus, fuga
 intercludenda,

si qua navis amisit
 velis, a reliquis distra-
 ctæ, illicet invadenda,

Qua arte in illam in-
 currendum, Et eminus
 primum,

Verùm si medio in cursu comprehenderis alnum,
 Quæ pelago se pigra ferat, torpentibus alis,
 Ictibus acceptis, confestim fortiter illam
 Aggredere: umbrosis veluti cum saltibus aprum
 Fortis habet multo venator vulnere tardum.
 Et velut hic unco, fugiat ne fortè, refixo,
 Robustus tenet; interdum nam viribus ille
 Collectis visu se subtrahit: ipse morantem
 Non aliter puppim, conjecto protinus unco;
 Hostilem comprende, illamque rudente revinci:
 Post ubi victa, labor superest, consiliis & ingens:
 Scilicet objecti lateris percurrere septa,
 Fraxineos muros superare, & scandere in arcem
 Æquoream; ut niteas navali tempora ferto.
 In primis igitur (1) lorica navis ab alta,
 Ut defensores nece multa expellere possis,
 Ignea mala tuos confestim mittere in hostes
 Præcipe Dux: plumbique simul fac missilis imber
 Defluat assiduè canna breviorẽ retortus;
 Nudatus donec pateat tibi pincus agger.

Mox cominus distra-
 ctæ esse bipennæ.

At turris si septa ferox lateralia miles
 Servet, & obniscus multo conamine pugnet.
 Acrior invades stricto tum cominus ense,
 Et rigida simul objectum diffringe bipenni
 Fagineum latus: atque viam tibi sterne sub arcem.

At

(1) Bordo, o fianco della nave, Italics, aliisq; gentibus dicitur.

At verò ut primum turbatus cesserit hostis,
 Astutum, infilias nudatam victor in alnum.
 Atque hic te, Dux, admoneo, ne fraude maligna
 Deceptus cassum subeas: nam subdolos ille
 Interdum tabulata super flammantia spargit
 Sulphura: & incautus cum primum defilit intus
 Adversarius acer, acuto & detonat ense,
 Incendit, stragemque infert sine more tremendam.
 Idcirco juvat ante locum spectare: neque unquam
 In victam cæco prorumpas impete pinum.

Quin etiam poteris prius ipse immittere restim
 Sulphuream, ut fraudem tibi detegat, inque dolosos
 Quæ cadat auctores, pœnamque resumat ab ipsis.

Ast illud tibi majus erit persæpe timendum,
 Dux Romane, furens rabie ne barbarus atra,
 Nempe ignominias, & victi nomina ferre,
 Impatiens, pyriam coniecto fomite, (1) cellam
 Incendat, rituque fero, atque immanibus ausis
 Devoveat sese Diris, & vindicet igni.

Hostis ne palma victor potiatur, iniqua
 Sorte perire juvat, flammisque ardere voluptas.
 Victorem, victumque pyra comburiet una,
 Est aliqua, est etiam victoria. Tam fera mentes;
 O' pudor, humanas cepit dementia! tantum

Pectora vindictæ stimulus mortalia torquet?
 Non hæc est mentis constantia, non generosa
 Vis animi, rerum discrimina nulla timentis,
 Quæ Fortuna ferat contraria, quæ varians Mars.

Verum est imbellis, forti qui pectore sese
 Vincere, in adversum nequit & consurgere Fatum:
 Quippe inimica premit cum sors, casusque sinistri,
 Haud equidem vitam misero contemnere multum est.

Ast animi virtus fortissima, robur aheni
 Pectoris, arbitrium fortis perferre, neque unquam
 Adversis vinci Fatis: generosus & ille est,
 Qui valet esse miser, sævamque evincere sortem.

Sed quid de tali virtutem pectore quero?

Cui non humani sensus, cui nulla feroci
 Est pietas innata animo: riget aspera tantum
 Barbaries, & bruta rigent rabiesque, furorque.
 Dicite crudeles gentes, quæ lacte ferino
 Pavit Hyperboreis vos mater sæva sub antris?

Tom. I.

F

An

Cum verò victor recuperis, cavendum ab igne: ideoque cautè agendum est.

Et si deprensus pyrius pulvis est, in illum sulphurea immittenda restis est.

Majus periculum, & vix vitandum cum hostis cæcus rabie pyriam cellam incendit.

In hujusmodi insanam rabiem acriter Vates invenitur.

(1) Santa Barbara.

An Pistris fuit illa? vel hac immanior Orca?
 An quæ subiectos vos despicit Urfa? maligni
 An rigor ille poli mores animo indidit atròs?
 Anne fero commixta Erebo, & caligine cæca
 Vos æterna sinu nox oblitâ fudit: & ipsæ
 Eumenides genitos vos susceperê sorores?
 Quæ mox anguineo lactantes ubere, tetrum,
 Immanemque animis instillavere futorem.
 Quo sensus crevere truces, & barbara corda,
 Digna parente Erebo, & Diris altricibus ipsis
 Vulcano quibus est potius flammante cremari,
 Quàm sit victori fasces submittere, & æquo
 Ferre animo, Mavors, & fors quæcumque paravit.
 O precor, ð miseri Stygios dediscite mores;
 Quos non Hircanæ, quamvis feritate potentes,
 Non Lybicæ coluere feræ, non Diplades, & qui
 Æthiopum sepelita tenent deserta dracones.
 Naturam vestram induite, & revocate relictam
 Formam hominis, revocate animos: communia vos ð
 Juraque Naturæ moveant, legesque Deorum.
 At vos Romulidæ, sacrum genus, indita magnis
 Pectoribus quibus est pietas, generosæque menti
 Virtus, Fata super quæ se, casusque sinistros
 Altitis attollat, tales imitari unquam
 Non sit barbaricos mores insana cupido.
 Sed pietas Romana magis, legesque Deorum
 Evaleant. Quid plura moror? non talia fervens
 Mars finit ulteriùs producere. Post ubi victi
 Aggeribus retulere pedes ignaviter hostes,
 Irrumpe ætutum, victique potire carina.
 At si fortè hostis summâ se puppis in arce
 Muniit, & creber plumbatis perfurit: ipse
 Infartis lana saccis, tabulaque tuere
 Pectus ab imbre fero, cautèque accede sub arcem.
 Quique latus munit fac ut Falcunculus hostem
 Fulminet adversum, turrimque estringere certa.
 Interea ne qui prora stat miles in alta
 Hosticus explosa feriat te glande caveto.
 Illud at in primis animo vitare sagaci
 Nitèris, ne miles ubi tuus insilit alnum
 In victam, vacuum tum defensore carinam
 Irrumpens citus adversarius occupet, & se
 Mox victor victæ jungat, servetque labantem;
 Idcirco alata sit semper plurimus arce
 Miles, ut insultus possit pulsare ruentum.

Romanos hortatur, ut
 ab imitandi more abstin-
 eant.

Quid agendum, cum
 hostis in puppis castello
 se communiavit.

Cavendum, ne in con-
 flitu va:ua defensoribus
 propterea navis relinqua-
 tur.

Idque

Idque mali sociæ pariter defendere pinus
 Tum poterunt; celeri si cursu ferre carinæ
 Præsentem nitantur opem. Sed protinus alter
 Jam labor ingreditur magis arduus. Est ubi pugna
 Rostratas inter naves: quia scilicet illæ
 Occurrere sibi solæ Tyrrhena per alta,
 Vel quia sub vastis conclusi rupibus Eurii
 Veligeras nullis impellunt statibus alnos.

Ergo agite, ô Divæ, & quoniam nova prælia Vati
 Confurgunt dicenda, novas in carmine vires
 Sufficite, atque novum fœlis date mentibus æstrum;
 Vos & Tritones, totas intendite conchas
 Afflatu, & calidos majori murmure in arma
 Irritate animos, acremque accendite pugnam.
 Ergo ubi Mars raucæ signum dedit ære, Thetisque
 Immugit concussa sono, & perfervida remis
 Æstuat intercisa vadis spumantibus; & jam
 In luctam rostris occurrant obvia rostra:
 Nautica displodi jubeas tormenta, carinæ
 Adversæ quæ septa petant, scindatque tonitru
 Vi portentifera: celeri, mora nulla, volatu
 Appete mox: rostro rostrum, & proprioribus armis,
 Castello ex alto prore certamen inito.

Hinc ubi connisos turri pulsaveris hostem,
 Infilii in adversam, cunco densante, Tritemem.
 At verò ut juvenes irrumpant tutiùs, iclus
 Lethales contra plumbi, munire trilici
 Lorica, galeaque gravi, parmaque memento.
 Quin etiam fac pila ferant, protrudere ut hostem
 Evaleant, hastasque breves, queis spicula longa,
 Lataque sint præfixa, queant præcidere quicquid
 Obstitit contra, ascensumque moratur in arcem.
 Ollis idcirco pariter sit acuta securis

In promptu, sit clava, & duro malleus ære.
 Ast in confertam quoniam descendere proram,
 Ardua res, multisque occurrit plena periclis,
 Quocirca juvenes quibus hæc data gloria, sortes
 Sint animis, agiles sint corpore; sintque periti
 Navali pugna, medias & nare per undas.

Perge, moræ cæptis semper felicibus obsunt;
 Invertuntque vices. Primo Fortuna labori
 Cum favet, & Mavors se dat pugnantibus ultro,
 I, sequere: ut valido miles tenuit pede proram,
 Insiliens victor, castello exturbet ab alto
 Hostem obluentem, & capto se muniat illo,

Quid cum inter solas
 longas naves certamen
 est.

Primum tormenta ex-
 plodenda.

Mox rostra rostris pe-
 tenda: & iocundum cer-
 tamen est.

Et quibus præscribitur,
 & ut præcauto opus sit.

Et quam fortes sint
 juvenes, qui in proram
 insiliunt puppis insiliunt.

Ubi feliciter proram
 occupant, & castello
 hostem exturbant.

Aggere navali, confestim robore facto
 E duro, plenisque levi seu vellere cistis.
 Hinc auctus sociis ab amica puppe receptis;
 Irrumpat confertus, & ense, & fistula athena;
 Vique (1) foris potitur, agens cædemque, necemque
 Hostibus adversum ferro pugnantibus, & se
 Continuum è mali septo tutantibus, ære
 Explosio, & ferro, & præacutis cuspide pilis.
 Aggere quo tandem, vi facta expellere totis
 Viribus adnissus conabere, & arce potiri;

Lembis armatis late-
 ra inimicæ navis oppu-
 guanda,

Quæ postrema manet puppi turrata sub alta:
 At verò ut facili evaleas, nec sanguine multo
 Bellantum tibi rostratam submittere pinum,
 In latus armatas jubeas utrumque liburnas,
 Aut celeres lembos inimicæ irrumpere turris:
 Et crebrò glandes torquere, ignesque nocentes!
 At te ne simili petat adversarius astu,

Quæ munici ad hoc
 malum propulsandum
 Fatunculus solent.

Et vacuum caveas puppim transversa subintret.
 Nonnulli ut quirent hoc propulsare periculum,
 (2) Aspidibus spondas obfirmant navis: in illis
 Seu tormenta, quibus vulgò cognomina (3) Petræ;
 (Impete quas valido, longèque per aëra vibrant,)
 Fecere, hæc, illac sua per discrimina ponunt.
 His etenim explosis, astuta ut servidus arte
 Invehitur, facile est hostem pulsare ruentem:
 Et si Sors dederit, venientem apprehendere pinum;

Quid, eum adverso
 Marte pugnatur, agen-
 dum Prætoris sit.

Ast hilaris prima si postquam fronte refulsit
 Incæptis Fortuna tuis, mutata repente,
 Averso refugit vultu, Mars & tonat atro
 Desuper incumbens nimbo, tum Prætor acerbo

Recens subsidium im-
 mittendū, ac recedentes
 sicmandi sunt.

Confestim factò occures generosus: & acri
 Ingenio, fortique manu amolire ruinam.
 Ingenio nam sæpe, manuque evincere Fata
 Concessum: præstantque animi, & prudentia forti.
 Ergo novis hostes sociis in septa receptis,
 Si dare terga tuos cogunt, proramque reverti;
 Auxilium tu mitte recens, delecta virorum
 Corpora, qui saltu jacent se præpete in alnum
 Succedantque citi pugne, firmentque suorum
 Nutantes animos, & prælia versa feroces
 Restituant. Quos interea tu servidus ore
 Accendes dictis, laudemque, & præmia ponens

Ante

(1) La Corsia. (2) Falconetti. (3) Pretere.

Ante oculos: & ni vincant mortemque, probrumque:

Quippe valent extrema animum irritare calentem,

Sed neque si in capta valeant statione tenere

Se, delustantem nec pellere fortiter hostem,

Præcipe, ut in propriam sese æquis passibus arcem,

Cedendum. Fortuna negat quando invida laurum,

Deducant. Verùm multa hic solertia habenda est;

Ut pubem tuto possis servare recessu.

Castello è prætere redeuntis terga juventæ

Urgentes crebra globulorum grandine longè

Arceto, & jactis iteratis pulvisibus, ollis.

Sint & qui socios, saltu sua rostra petentes,

Insuſcipient, scutisque tegant: circumquæ recurrant.

Veloces lembi, quò se demittere possint

Armati, & medias si fors labuntur in undas,

Accepti dextra in cymbas servantur amica.

At si principio vultu non annuit æquo

Mars tibi, vel subito mutatis Æolus auris,

Adversus perſſet, sperati ut nulla triumphi

Spes niteat, ceptæ tum Prætor subtrahæ pugna

Te, classemque, datis confestim in flamina velis,

Quæque suo puppis versu decedat: & omnes

Omnia nitantur ventis dare lina secundis.

Quin & circuitu longo sinuentur, ut ipsis

Præripere evaleant spirantes hostibus Euros;

Nam sic securo classis subducta receptu,

Hostiles potis incurſus vitare: citove

Conatu rursus certamen inire secundis

Auspiciis. At si male ceptis protinus ipse

Detrectet pugnam adversarius, ilicet alnis

Tum levibus cursu præmissis præpete, longo

Præcipies, Prætor, gyro circumdare classem,

Præreptoque fugam vento intercludere, & acri

Remigio: reliquæ dum se in certamine puppes

Ventoque, remoque ferant. Sed jam subit alter;

Nec minor ille feri Martis labor: Ergo age campum

Ingrediamur: erit nam major adorea, & ingens

Gloria: rostrata sunt nobis prælia classe

Turrigeros contra Gaulos, Coroque volantes

Committenda; petit cum res, & talia Fatum

Nam secus haud tanti tentanda est alea belli.

Quippe impar nobis miscenda est pugna: Secundis

Auspiciis Vati faveas, RAMBALDE, canenti

Majorum laudes, atque inclyta facta tuorum:

Dumque tui egregios Polemices versibus ornat.

Quod si neque his sub-
sidiis remissi res poteris,
receptu canere opus est.

Quæ adhibenda fore
ceptu cautio sit.

Si principio adversa
pugna, aut venti in con-
trarium resſent, à con-
ſpectu abſtinendum.

Quod si hostes fugiant,
& vestigio inſequendi,

Subit pugna longarum
navium cum Gaulis.

Apostrophe ad RAM-
BALDUM Martenacum.

Au-

46 NAUMACHICORUM

Qua ratione hujusmo-
di certamen ineundum.

Si venti spirent, lon-
ga in cycladem classe
instruenda.

Cum verò spirare desi-
nent auræ, cominus ce-
randum, & quibus ce-
dis.

Idem Gaulus pluribus
rostratis invadendus.

Testudine militari de-
fendenda à missilibus pu-
bes, quique agiles, for-
tesque in navim in-
liant.

Aufus, inque ævum conatur ferre perenne,
Tu vires; æstrumque seni concede. Ubi Mavors
Jam tonat ære cavo, teque in certamina poscit.
Artibus his, Prætor, venies instructus in æquor;
Si læto venti flant instructus in æquor;
Ne citus aggrediare: Euro nam maxima Gauli
Corpora versantur facile; assiduoque rotatu
Explodunt tormenta, ratesque impunè per omnes
Mille neces, totidem portant per vulnera: longa
Idcirco totam sinuabis cyclade classem;
Ut tormentorum valido se subtrahat ictu.
Et pugnam duc in longum, quò flamine tandem
Ventorum fracto subfidant molliter undæ,
Et sese pigri vix flectant gurgite: Gauli.
Tum tibi Mars quando, & pacatis Æolus auris
Annuit, in lentor torpentes æquore pinus
Continuò aggredere, & totis te viribus infer.
Mox ubi remigio celeri transvesta carina,
Puppis in hostilis præfixit pectore rostrum,
Et tenet: Ut cursu cervum pernice secutus
Compressum valido tandem præmit ore Molossus:
Castello è proræ juvenes certare iubeto
Missilibus crebris, mediamque irrumpere in arcem
Ast alto quoniam Gaulorum vertice surgunt
Mœnia Penteris super arcem: atque hostis ab illis
Tela in subiectos torquet felicibus, ære
Displo, pilumque manu robustior urget;
Idcirco factu res ardua, se super illam
Mittere pernici saltu, pinnasque tenere
Quare opus est magnis animis, & robore forti:
Arte opus & multa Ducis est, astuque sagaci.
Ergo age, Partheniæ præcepta edisce Camenæ,
Pluribus invadi rostratis, Prætor, eundem
Præcipies Gaulum: varia sic parte juventus
Hostilis distracta, diu certamina ferre
Haud poterit, puppimque tibi concedet habendam
Fac tua præterea pubes, testudine facta,
Defendat sibi tela super labentia, & ignem,
Desuper horrendo stridens qui depluit imbre
Interea membris agiles, & saltibus apti
Si qui sunt juvenes, animisque ad grandia facti,
Infiliant, murosque super victricia figant
Vexilla, & sociis aditum mucrone recludant.
Sunt antennarum qui grandes vertice corbes
Suspendunt, intusque locant delecta virorum

Cor-

Corpora, quæ parvo siphone armantur, & ense,
 Et levibus læva parmis de more teguntur.
 Antennas mox demittunt, corbesque carinas
 Intus agunt: saltu confestim præpete ab illis
 Exiliunt juvenes: cavea ceu turba leonum.
 Erumpunt patefacta, & dente minantur, & ungue
 Mille neces, raptantque avidi, mastantque, vorantque.
 Sic pugnatōres: mediosque feruntur in hostes:
 Atque acres pugnam instaurant: caduntque, necantque
 Frustra oblucentes: Interdum his fortibus ausis,
 Ingentes Gaulorum arces in gurgite captæ.
 Hæc Rhodii primùm generosi inventa Gradii
 Eduxere Equites, quorum est ad fortia piti
 Facta per egregios ausus, dextramque potentem.
 Tanta illis flagrat laudis, palmaque cupido.
 Sed qui magnanimo, cui tanta audacia cordi
 Quo rerum casu, quæ tempestate, canenti
 Dic age, tu Clio, quæ facta illustra doctis,
 Et monumenta soles Heroum condere chartis,
 Immemori, tu Diva, precor, succurre, viamque
 In sacros mihi pande aditus, roburque ministra
 Immensam Gauli molem Regnator Eoi
 Struxerat Othomanus: Nimirum splendida luxus
 Barbarici pompa, argumentum & grande futurum
 Majestatis, opumque: leves turræ sub auras
 Cyclas uti medio nans gurgite pinea turris
 Surgebat: Delum potuisses credere Phæbo
 Insignem, Gyarumque fretis spumantibus actam.
 Quin & Dædaleo multum sudata labore
 Errabat pelago moles, atque illita fulvo
 Tota auro, tota & miris cæclata figuris.
 Nam puppi in media dicentem jura Tyrannum
 Eois latè populis, solioque sedentem,
 Sculpterat insigni dextra, studioque magister.
 Quem circum procures, primesque ad iussa ministros
 Accipienda: Ducis vidisses ore iubentis
 Attentos pendere, humilesque capeßere leges.
 Hinc dextra, lævæque throni cæclarat ephebos,
 Quæcis aulæ cura, & Regis commissa: decori
 Ore omnes nitido, & primævo flore juvenæ:
 Atque opere insignes Phrygio, textuque superbo.
 His super in latere admiranda puppis utroque
 Othomanum quotquot regnauerunt ordine Reges,
 Quemque sua facie, & propria sub imagine cæclo
 Finxerat: expressos potuisses noscere vultus

Ex corbibus ab antena
 suspensis animosiores
 in hostilem navim sal-
 tantes.

Rhodii primùm Equi-
 tes audacia hæc inventa
 eduxerunt.

Musam invocant, ut
 qui primus inventor fue-
 rit, ipsi memoret.

Ingens Gaulus ab Re-
 ge Turcarum instructus
 fuisse describitur.

Mitra puppis sculptura
 depingitur.

Et utriusque lateris
 ubi Othomani Reges in
 auro calati viscebantur.

Cunctorum, propriasque notas: sic arte magistra,
Ad vivum species, atque ipsa effinxerat ora.

Dixisses, si verba darent, & vivere in auro:

Hunc pictus veſtabat equus, ſpadiceus illum:

Veſtibus inſignes ambo, nitidoque galero,

Et gemmis dites, niveisque adamantibus ambo:

Hic pugnans inter bellantum millia, ferrum

Per denſos cuneos magna cum clade rotabat:

Huic urbes, & regna dabant ſe viſta: ſuperba

Centauro inſeſtus fulcabat pluribus ille.

Navibus Ægæum, Cycladesque ad frena vocabat:

Huic opere Attalico variatum, & textile limbo

Pro patrio ſuper incumbenti more tapetum

Legati Regum venerati dona ferebant.

Aſt illi gentes domitæ, populique tributa

Ante pedes humiles mittebant. Ille patenti

Metabatur agro ſua caſtra: potentisque

Urbes obſidio cingebat, & ære tonanti

Urgebat, juvenum & crebris aſultibus acer:

Quin etiam pictæ præfixam vertice puppi

Argento è ſolido ſinuantem cornua Lunam

Fecerat, Eoi gentilia ſigna Tyranni.

Addideratque pharon puppi, quæ nocte ſub alta

Obſcuras nitida pulſaret luce tenebras.

Et Prox mirum opi-
ſcium.

At verd in prora geminos hinc, inde Coloſſos

Finxerat Æthiopes, ebrenoque inſculpſerat: uni

E niveo dentes ori indiderat Elephanto,

Cruraque diſtortos, longa cervice, capillo

Vibrato: curvæ qui grandia roſtra carinæ

Complexi, magno fulcibant robore niſi.

At reliquum Gauli corpus, quod mole ſuperba

Conſpicuum ſupra campos extabat aquoſos

Floribus inſculptis, flavoque rubentibus auro

Interſtriſtum oculis effecerat, atque decoro

Pulchrum opere, & pulchrum ſignis, & divite luxu:

Præterea fucati auro ſplendente micabant,

Et mali, & corbes, & veligeræ antennæ,

Ipi & erant. fulvo funes de vellere torti

Bombycum, floccisque auro de ductile pulchri:

Nimirum ut Zephyri ſpirans laſcivior aura

Luderet, excuſumque daret per falſa ſecundum:

Et fluerent luxu mollitæ leniùs undæ.

Imperio è toto deſectæ ad prælia publi,

Atque Duci egregio tantam commiſerat arcem

Pignora chara quibus ſua crederet. Ille ſuperba

Filius Othomani Re-
gis tam mirabili navi ve-
hebatur, ut Mahometi
delubra viſeret: eique
donaria ferret.

Namque

Namque hac, quam luxu tanto construxerat, arce
 Dilectum Othomanum Regni, Fortuna paterni
 Munere quem Divum sua post matura manebat
 Fata sub Ægyptum mittebat; ut inde rubenti
 Vestus Ærithræo peteret delubra reposta
 Numinis infandi, & sua vota exsolverat aris:
 Ditiæque offerret Mahometi dona: nitentem
 Gemmarum cumulum, quas plurimus arte magistra
 Encausto in fulvo, & sua per discrimina thecis
 Auratis opifex innexerat; orbis & instar
 Curvarat, medio nitidus fulgebat acervo,
 Atque ingens adamas: deni fulgore micabant,
 Titanem circa rutilum velut astra, pyropi.
 Hos circum viridi centum splendore smaragdos
 Cernere erat, miro connexos ordine: curvo
 E limbo cumuli pendebant undique centum
 Candiduli, atque auro religati ductile Elenchi.

His super addiderat geminos donaria Mundos.
 Unus erat nivea crystallo effictus: & illum
 Sidera quot prima, in totidem distinxerat orbis:
 Gyris inque suis errantia fixerat astra.
 Prima renascenti fulgens argentea cornu
 Delia stellati metas pulsabat Olympi.
 Fecerat inde opifex ingentem Ægyptius orbem:
 Inque illo Solem cælaverat: omnia mundi
 Qui videt, & longo complectitur omnia flexu.
 Hinc magni circum flammantia lumina Solis
 Crystallo geminis curvarat fusile circos:
 Hic minor, & Soli propior, te summe Deorum
 Nuncius, insigni ardentem fulgore tenebat.
 Te, Venus orbis amor, divumque, hominumque voluptas
 Luce coruscantem pura, complexus habebat
 Alter, circuitu qui se majore rotabat.
 Sed totum paribus lustrabant passibus ambo
 Signiferum, paribusque annum cum Sole diebus.
 Exin quintus erat magno curvamine ductus
 Circulus, & mundi circum versatilis axem.
 Sanguineo hic Martem fulgentem lumine multis
 Ducebat gyris, intricatoque meatu.
 Quique sequebatur post hunc vastissimus, ille
 Luce Jovem nitida radiantem, & præpete cursu
 Per totidem duodena annos stellata meantem
 Signa, supra Solem, & mundi convexa trahebat.
 Proximus huic Pater, & longo tardissimus ævo
 Septeno affixus circò veniebat: & igni

Scilicet quissimum
 gemmarum cumulum:
 qui facit delectabilem.

Et duos globos, quorum
 unus cælum, & sidera:
 quæ quàmvis infirmi
 depinguntur ætate
 bat.

Plumbens ardebat, deſeſto & pallidus ore;
 Merorem Divi referens, vultumque malignum.
 Hunc circumplexus, reliquosque volumine vaſto
 Incluſos orbes, Elementaque cætera mundi
 Aſtriger orbis erat, miro cælamine, & arte
 Efficitus, variaque nitebat imagine pictus.
 Namque peritus eo tot ſidera fixa magiſter
 Cælarat, cælo quot cernimus, humida cum nox
 Labitur Oceano, ſudoque per aëra curru
 Invehitur, ſomnumque ægris mortalibus affert.
 Quin & imaginibus complexus ſingula certis
 Formisque, numerisque, ſituque effinxerat ipſo:
 Ipſa per & ſpatia, & diſcrimina nota locarat.
 Hic erat Keniochum, celeremque videre Sagittam,
 Et Cepheum, pluſviasque Hyadas, Aquilamque, Lyræ
 Arcturumque, Canemque, Lycaoniosque Triones.
 Delphinumque poli nantem per lucida, Cetumque,
 Et procul Argolicis gravidam veſtoribus Argo:
 Cujus in extrema fulgebat puppe Canopus.
 Subter & Indus erat jaculator corpore nudo:
 Verſicolor Pavo, & Doradas, & Olympius ales:
 Quotquot & adverſo ſtellæ ſunt axe repertæ.
 Parte alia Andromache ſtabat religata, feroxque
 Perſeus, horrificæque rubebant ora Meduſæ.
 Leniter Eridanus fluvio radiante fluebat.
 Et ſtellis candeſcebat Olor: pennisque volabat
 Pegafus aſtrigeris, lucentibus & pede fontem
 Eliciebat aquis ſtellata è rupe; Poetæ
 Flumina quæ crebrè libant dulciſſima, & aureo
 Caſſiopea ſedens ſolio; ſertumque Coronæ
 Gnoſſiæ, Craterque nitens, atque Herculis aſtrum.
 Per medium longo complexu ſignifer omne
 Obliquus cælum circumdabat, inque figuris
 B's ſex egregia cælatis arte nitebat.
 Lactea quin etiam candeſcebat ſemita: magnos
 Quà ſtratam ad Superos iter eſt, teſtumque Tonantis,
 Omnia ſed longum quoniam comprehendere verſu,
 Cuncta videbantur cryſtallo ſidera in alba
 Docto ſculpta opere, & cælo variata magiſtro,
 Inque ſuo deſcripta ſitu, & diſcrimine certo:
 Cæruleoque ſile, & minio interpiſta rubenti.
 Alter at ex ebore, & torno radente politus,
 Et terras omnes referebat, & omnia Ponti
 Æquora: nam totum ſolertia ſcita magiſtri
 Illo terrarum, pelagique inſculperat Orbem.

Alter terrarum Orbem
 repræſentabat: in
 quo omnes terræ, ac ma-
 ria, flumina, montesque
 depicta quàm ſoleſtiſſi-
 mè erant.

Ille hic occiduo non longè à cardine cœli
 Europam, Libyamque freto illabente revulsas
 Fecerat: hinc Abylam, Calpemque erexerat illinc,
 Herculeas olim metas, atque ultima Mundi
 Limina: perque sinum terrarum infuderat omnia
 Inclusæ Thetidos vada falsa: & litora circum
 Europæ atque Asiæ, Libyæque induxerat undas.
 Inque sinus, flexusque omnes curvaverat, illic
 Quod pelagus supra poterat, quodque alluit infra
 Cernere, & Jonium cum turrigero Ægæo.
 Insulæ & in media quotquot sunt Doride pictæ
 Orbe super cunctæ prospectabantur eburno.
 Quarum, Tyrreno quæ surgit maxima ponto
 Italiam juxta, pelagi discrimine parvo
 Finxerat: & Scyllam supra, sævanque Caribdy
 Infra: verticibusque hærentes pinxerat alnos.
 Dextra Asiam, & primi spectantem lumina Solis
 Sculperat: extremoque locarat margine Seres.
 Et contra roseo discelsam gurgite Chrysen.
 Oceanum supra glacieque, & nocte rigentem,
 Atque ignota tenus cælarat regna sub axe.
 At magnum Eoi Oceanum depinxerat infra,
 Inque diem medium diffuderat. illius amplo
 Tot dederat gremio terras innare, quot acris
 Jam nostri tandem solertia prodidit ævi.
 Exin Oceanum per fauces ire rubentes
 Jusserat Ægyptum, & sub thuriferos Nabathæos,
 Perque sinum gemmis baccatum Persidos, usque
 Tigris, & Euphratis communia duxerat ora.
 Faucibus inque ipsis Armusia picta: patentem
 Inde Thetin, flavo meruit quæ nomen ab Indo,
 Purpureis pinxit cum fluctibus; inter & ambas
 Indorum terras longo Gangetica gyro
 Æquora curvarat, Ganges quæ gemmeus unda,
 Vasta per ora fluens, nitidaque insignit arena.
 Hinc supra Seres deduxerat, inque supremos
 Ire Scythas jussit, tenebrosoque littora mundi.
 Parte alia Æthiopes profudit ad usque remotos,
 Inque plagas Austri, & nondum lustrata carinis,
 Si quæ diverso cœli stant regna sub axe.

Insuper Ammerice, rerum pars quarta nitebat
 Alterna de parte globi: cæлатаque duplex
 Magna videbatur peninsula, & una sub Arctos,
 Altera in Austrinum tendebat strictior axem.
 Ignea ab adverso tellus, magnisque rubebat

Veteris Orbis descriptio:
 prior: quæ ab Italia capit
 initium.

Novi Orbis, & Oceani
 terrarumque, quæ in co
 sunt, cuaratio.

Flammis, ambusto mittunt quas vertice montes.
 Non uno has inter flexu freta confita crebris
 Cautibus, & cursum pelago alternante fremebant.
 Angustus geminos orbes jungebat amico
 Isthmus complexu; terræ discrimine parvo
 Oceanum spectans geminum vastissimus Atlas
 Hinc fluit, eque novis antiquos dividit orbes.
 Illinc Pacis amans immensis fluctuat undis
 Oceanus, seseque mari permiscet Eoo,
 Omnino nostris ignotus patribus: illum
 At nunc audaces jam fulcavere minores
 Latè omnem, terrasque novas adiere, novosque
 Invenere homines, nova bruta, aliasque sub undis
 Nare feras, lucere polo nova sidera, & agris
 Ipsam aliis etiam Cererem flavescere aristis.

Præterea primos terrarum sedulus orbes
 In sua regna, suas in partes pinxerat, arte
 Singula complexus solerti, & nobile cælo.
 Hic fursum montes eduxerat, atque nivosis
 Partim verticibus, partimque ornat opacis
 Culminibus, silvas quibus internexerat altas.
 Hic vallesque cavas, & confraga fecerat: inter
 Has resono dederat perlabi murmure rivos.
 Hic latè campos extenderat: hic vaga cursu
 Grandia multiplici sinuarat flumina flexu.
 Hic & stagna, lacus hic sculperat: hic nitidus fons
 Rupe videbatur viva prorumpere: & illic
 In colles, clivosque humiles consurgere tellus.
 Hic cultam cęlarat humum: campestrisque hortis,
 Et Cerere induerat, miti clivosa Lyæo.
 Hic deserta unis squalentia semper arenis:
 Magnas hic opifex urbes, & mœnibus illic
 Inclusas arētis, hic pagos addidit, atque hic
 Oppidaque, arcesque, & tumulis castella sub altis.
 Quin etiam tenui radio, & cœlamine acuto
 Addiderat sua quæque illis cognomina; ut ipse
 Cuncta videre loca, & certò distinguere posset.
 Imò & cunctorum certa intervalla locorum,
 Atque situs ipsos, positusque notaverat. Omnes
 Insuper & Mundi circos, qui maximus Orbem
 Terrarum Æquator, cœlumque interfecat: & qui
 Se spatiis semper disjungunt undique eisdem:
 Semper & arētantur gyro, quò longitùs, amplo,
 A medio fugiunt æquo discrimine circo:
 Quique omnes magni sese per culmen utrumque

Regna, urbes, cunctaque
 flumina, sinus, ac
 montes in eo orbe admi-
 rando cælo exsculpra
 cernere erat.

Itena & Circuli, qui
 cælum, & terram præ-
 cingunt.

Axis

Axis agunt, mediumque diem sub vertice figuant.

Digna Syracosio moles operosa Magistro.

His igitur donis, quibus auri plurima facti

Addidit, infestique, argenti & multa talenta,

Hæredem Regni mittit, sua pignora, natum:

Iret ut Arabiam, Nabathæaque regna, nefando

Vota soluturus Mahometi: insigniaque alto

Dona tholo in medio, foribusque affigeret amplis.

Et jam turrigerum currens felicibus auris

Ægæum transvecta abies turrita, secabat

Myrtosæ Thetidos vada cœca, Rhodumque petebat.

Subter aquæ læto ludebant murmure, supra

Ludebant venti per signa argentea, perque

Purpurco undantes pietas velamine Lunas.

Lufibus ipsa etiam festis replebat Olympum

Pubes Threicia, & longè convexa sonabant.

Fortè per Ægeas instructis navibus ibat

Classis aquas Melitæa, sacri quam, clara juvenus,

Ductabant Equites, Scythico qui bella Tyranno,

Cumque Afris agitant prædonibus, omnia circum

Doridos incluse vastant qui litora, & omnes

Navibus infestant, lembisque fugacibus undas.

Ut turrim procul Odrysiam spiramine læto

Cycladis instar aquis Myrtois ire natantem

Conspexere, acri contestim laudis amore

Correpti celerant cursum. Ceu vertice ab alto

Cùm venatores magnum vidère leonem

Approperare, citi festinant tendere contra,

Luctatum, & forti palmam virtute mereri.

At verò Thraces turris de mole superba,

Ut pinus vidère sacras descendere toto

Remigio, ventoque cruces albescere signis;

Et novere rates, & depexere Latinas.

Namque humiles veluti colles super eminent inter

Caucasus, & totus turrito vertice supra est.

Sic Rhodias inter puppes surgebat in auras

Altior, & Scythicus pulsabat sidera Gaulus.

Ast ubi jam propius Latæ venèrè carinæ,

Obstupuit primò pubes generosa, superbam

Dum Gauli molem, dum mœnia celsa metallis

Præcincta horrificis, dum tantis undique turrim

Instructam validis circumspicit armamentis.

Mox animos revocat, solitumque ad corda vigorem

Virtute insigni, & dextra tentare potenti

Fortunam pugnae, maneat quæcumque parata,

Ægeæ mari ad Myr-
toun mare primùm Tur-
cicus Gaulus à Melitæa
classe conspectus, summo
Equitum gaudio, qui sta-
tim contra illum prorsus
dimicatum dirigit.

At Thraces Gauli mo-
le conspici illas despiciunt.

Obstupuerunt primò
Rhodias infusæm Gau-
li molem.

Revocant mox ani-
mos.

At

At Dux in puppim socios accirier omnes
 Ære jubet: mora nulla, citi venere vocati,
 Et circumferti stipant subsellia. Prætor
 Tum sic facundo jactit ore fugacia verba:

Illos Prætor ad certamen hortatur: atque acerbis stimulis accendit.

O socii nostri decus Ordinis, ò Equitum flos
 Electus, Melitæ spes omnis, & omnis aviti
 Spes regni, dextro Superorum numine venit
 Exoptata dies, votis & mille cupita:
 Qua vestris laudes majorum æquare potestis,
 Et veteres paribus fastos ornare triumphis.
 Cernite, ut Ægæi calcat pede falsa superbo
 Æquora, velorumque sinu tenet Æolon amplo;
 Illius & læto famulantes flamine ventos.
 Cernite, turrato ut superas se vertice in auras
 Inferat, & magno minitetur sidera fastu?
 Auro ut cælato, & spirantibus illa figuris
 Se jactet, centumque cavis ut fidat ahenis?
 Quin etiam (ad nostras retulit certissimus aures
 Nuncius) illa sinu dilectum pignus Eoi
 Regis habet, juvenem, quem solvere vota Sabæo
 Mittit in Arabiam Mahometi, & ditia ferre
 Munera mille auri, atque argenti mille talenta,
 Et cumulum ingentem gemmarum, Orbesque magistra
 Fastos arte duos, quibus haud præstantius unquam
 Est quidquam Eois confectum finibus: illis
 Et maria, & terræ, cælumque, & sidera picta.
 Hinc vos quanta manet nunc gloria, quanta triumph
 Spes, vos ingenio generosi expendite vestro.
 Quare agite, & magnos si quod tentamus, & ingens
 Ex illo venturus honor, palma inclyta, fortes
 Irritate animos, cunctasque expromite vires.
 Hæc ille: ardentis oculis, & pectore toto
 Spirantes socii Martem plausere secundo
 Murmure; percussum Myrtoum quo mare circum,
 Et terræ circum responfavere natantes.
 Tum Prætor geminis instructas verbis omnes
 Ire jubet puppes; suspenso & cœcula remo
 Vertere, & in Scythicam paulatim accedere turrim.
 Ut Rhodiam Thraces classem videre propinquam
 Adventare, citi cuncta in tormenta coruscant
 Injecere facem: confestim murmure rauc
 Bombardæ strepuere, gravesque repente per auras
 Intorsere pilas: horrendum sibilat aër
 Percussus, latèque poli convexa reclamant.
 At quoniam non dum classis Melitæa sub ictum

Pugna committitur,
 ingenti tormentorum
 clangore.

Venerat, incaſſum tanti cecidere boatus,
 Atque pilæ, atque ignes, & diri pulveris ira.
 Non ſecus ac magno tonitru, immenſoque fragore,
 Cùm reſonat domus alta Jovis, cùm fulgurat, & cùm
 Omnia permifcet ſine vento, & fulmine, tantis
 Motibus intactæ perſiſtunt vertice ſummo
 Alburni ſilvæ, tantis & gurgite tutus
 Nauta minis medio conſiſtit. Prælia Conſul
 Tunc uſu edoctus multo navalia, tempus
 Naſtus in hoſtilem toto ſuccedere Gaulum
 Remigio, aſtutum celeri properare Triremes
 Imperat, & roſtro turris terebrare cavatæ
 Mœnia querna, ſuper ceſſas & ſcandere pinnas.
 Haud mora, robuſto promotæ remige pinus
 Velivolum ſubter Gaulum venère, latusque
 Trans prima ante alias fixit Prætoria roſtro.
 Extemplò exploſis ſtridens hinc ignea cannis
 Grando ruit, denſusque nitri tegit æra nimbis.
 Illic crebra ſonans per inane nocentior imber
 Depluit Odryſia jaculorum miſſus ab arce.
 Continud hinc pubes Melitæa, & Threjjicia illinc
 Sternitur iſta; rubent effuſo ſalfa cruore.
 Exin nudato, Mars atrociffimus, enſe
 Committunt Rhodii pugnam, certantque ſupremum
 Cycladis alatæ ſaltu ſuperare cacumen:
 Irrumpunt, ferrumque rotant, feriuntque, necantque
 Threjjicios: totis iſtant & viribus arcem
 Scandere: nequidquam ſaltu tamen itur in altas
 Murorum pinnas: aded tollebat ab undis
 Barbara turritum puppis caput, ipſaque primùm
 Pulſa licet, ſecura ſitu ſua mœnia pubes,
 Et jaculis crebrò jaſtis, atque igne tuetur.
 Tum tanta advertens Prætor diſcrimina, tali
 Sermone alloquitur juvenes, iramque tepentem
 Inſtat rursus, vires & ſufficit acres:
 Ne trepidate animis, Mavortia pectora: nec vos
 Altior hoſtilis vertex perterreat arcis.
 Invia virtuti non eſt via: nullus & altus
 Mons aded eſt, quem non ſuperet ſpes ſervida palmar.
 Non vos, ò ſocii, toties qui fortibus auſis
 Barbaricas ferro claſſes vaſtaſtis, & igne?
 Non vos, qui mediam irrupiſtis nuper in Hellen
 Puppiſus immiſſuri ignes ante ora Tyranni?
 Qui frendens rabie immani, cæcoque furore,
 Centum tormentis utraque tonabat ab arce.

Mox cominus, hinc
 ſclopis, illinc immenſo
 ſagittarum imbre,

At nequicquam itur
 in aſſultum, aded emine-
 bat Turcicus Gaulus.

Dux periculo ſuorum
 animadverſo, iterum eos
 horrat, ut pugnam in-
 ſtaurent, memores pri-
 ſcæ virtutis, & Majorum
 gloriæ.

Nec

Nec potuit tantis virtutem frangere vestram,
 Ardua quæ quàmvis, vestro confecta labore
 Illa tamen: magnumque dedere in sæcula nomen.
 Ergo agite, & tantis hoc unum adjungite rebus,
 Summa quod egregiæ laudi fastigia ponat.
 Quin etiam juvat hoc tandem superaddere, vestri
 Ordinis hoc uno certamine vertitur omnis
 Gloria, quæ manibus nunc vestris nititur, illi
 Consulite, & quantum sit cordi, ostendite factis.

His dictis accensi animi, generosaque corda

Novis stimulis incen-
 si Equites iterum conan-
 tur in navem scandere.

Incaluere: novisque velut calcaribus acti,
 Conserti in pugnam juvenes, Martemque feruntur.

Ergo quisque suis connisus viribus, altam
 Conatur turrim conscendere, signaque primus
 Inferre, & captis victor præfigere muris.

Ac velut horrendo Boreas cum turbine fervet,
 Et freta despumant rigido pulsata flagello.

At iterum referre pe-
 dem coguntur.

Certatim ex alto per crebra volumina fluctus
 Irrumpunt, glomerantque vadis spumantibus & se;

Alter in alterius procumbens tergus, & altos
 Nituntur cuncti scopulos superare, refuso

Gurgite: sic Equites prorumpunt versibus æquis
 Una omnes glomerati, animisque calentibus ira:

Vi certi turrim conscendere, vincere certi:

Vel si Sors renuat, præclara occumbere morte.

Sed postquam multum certatum Marte cruento,

Plurimaque egregiæ virtutis signa dederunt,

Haud, altam superare arcem potuere, frequenti

Connisi quamquam saltu, ferroque feroces

Murorum è summo pepulissent vertice Thraces.

Fortè inter primos Equitum, qui puppe sub alta

Prætores circumstabant, corpusque tegebant

Objectis contra parmis, pulcherrimus ore

Unus erat, primoque insignis flore juventæ.

Tunc etenim teneræ prima lanugine mææ

Cæptabant rara florescere, vivida menti

Virtus, & validum formoso in corpore robur,

Crescere & audaces animi: summum genus olli

E COLLALTIADUM deductum stirpe vetusta,

Grandibus & titulis majorum, ostroque superbum:

Magnanimus (1) puer, & tot avorum sanguine dignus,

Et

(1) *Vinciguerra IV.* de quo ita in annalibus memorie pro-
 ditum; Turcarum terror; ac Fidei propugnaculum.

Et patria dignus fortuna: auditurus & ipse
 Familiæ decus egregium, laudesque parentum;
 Inque novos titulos, magnumque in nomen iturus.
 Nam propter palmas Thracum de gente relatas
 Sæpius, insignique actos cum laude triumphos,
 Tutcarum Terror (1) Polenices nomine dictus.
 Hic ubi cum dubio certari Marte videret,
 Versarique suos Fati discrimine certo,
 It cœtum in medium confidentissimus, atque hoc
 Aggreditur sermone Ducem: liceat mihi, quæso
 Inclyte Dux, tanti in partem certaminis ire,
 Laudis & optatæ in partem, partemque triumphi.
 Inventum Fortuna novum mihi suggerit, & mens
 Ipsa mihi mea, si tantis modò Juppiter ausis
 Annuat, insigni decorabo laude juventam:
 Atque novis Meliten palmis, clarisque triumphis.
 Ornabo: in me non virtus spectetur ab annis.
 Quamquàm etiam interdum teneris stat magna sub annis.

Tum Prætor pueri mentem miratus, & ausa;
 Credo equidem, nec fallor, ait, tibi sydere ab alto
 Hos animos, mentemque datam; perge inclyte, per me
 I, licet; omnipotens votis his Juppiter adsit.
 Et tua cuncta, precor, fortunent Numina vota.

Hæc ille: at juvenis cui laudis mira cupido
 Magnanimum pectus succenderat, acer in altam
 It citus antennam, summoque in vertice fidit
 Læva ancile ferens, dextraque interritus ensẽm.
 Mox jubet antennam dimittier, inter & altum
 Converti Gaulum, ceu quondam more vetusto,
 Querna è Turre (phalas dicebant nomine Graii)
 Perque trabem oblongam demitti corbe feroces
 Mœnia quique viri circum præcincta subibant.
 Obstupuit primo Prætor, dum talia cernit
 Ausa: sed illa suo secum sub pectore volvens,
 Est Deus, est, inquit, certo qui numine tanta
 Orsa movet: Nequeunt namque hæc sine numine fieri.

Ille sed antennæ demisso e vertice, turrim
 Inque hostes saltat medios, ferrumque coruscum
 Hæc, illac rotat imperterritus; ære ab alto
 Qualis ubi in prædam præceps delabitur ales
 Sacra Jovi, timidasque fero petit ungue columbas.

Tora. I.

H

Con-

Nobilis Eques se Ducem
 ficit, facultatemque sibi
 dari petit, navim inscen-
 dendi.

Dux magnanimum ju-
 venis animum, fortemq;
 admittit, atque Divi
 num quid subisse potens,
 facultatem præbet.

Ille in antennam evo-
 lat, eaque mox demissa.
 audacissimus navem in-
 teratidumque suis ape-
 rit.

Tandem ætonis flu-
 pore Turcis, magna ipso-
 rum strage Gaulus capi-
 tur.

(1) *Vinciguerra IV.* de quo ita in annalibus memoriæ pro-
 dictum; Turcarum terror; ac Fidei propugnaculum.

58 NAUMACHICORUM.

Continuò tantis perculsi audacibus ausis
Hærent attoniti, nec se defendere Thraces,
Nec statione queunt insistere; victor at ille
Demittit scalas, sociosque ascendere in altum
Hortatur; mora nulla, citi super alta carinæ
Ascendunt tabulata; hostesque impune trucidant.

Hinc novum inven-
tum, ut coribus anten-
næ summo suspensis, ho-
stiles naves peterentur.

Et tandem læti capta dominantur in arce.
Unius & tantam peperit fiducia palmam.
Talia post Equites generosa inventa secuti-
Vimincas alto antennarum vertice corbes
Suspendere, quibus suscepti protinus alnum
Hostilem scuto armati, ferroque subirent.

At me sublustrî confurgens Vesper Olympo,
Atque gravis curis, annis & pluribus ætas,
Uterius prohibent cithara producere cantum.





NAUMACHICORUM

LIBER QUARTUS.

A Str age, velivolæ quæ cura in fluctibus alnos
 Instruere, undosum ponti seu currimus equor,
 Sive hostem contra procedimus, aspera Mavors
 Cum fortem tonitru vocat in certamina pubem,
 Dicendum nostro jam carmine: Sed prius artem
 Qua, Palinure, ratem cursu (1) veneris euntem,
 Accipe: Quem fugiens secat alto in gurgite Rhombum,
 Ipse etiam spatii teneas æqualibus, illam
 Ærato donec mordebis dente propinquam.
 Ceu cervum, aut timidam sylvolâ per avia dimam,
 Cùm celeri sequitur cursu canis acer, in herba
 Quem notat hæc callem, effuso de corpore odore,
 Ipse sagax premit, arreptoque insistere cursu
 Non cessat, prædam ni prenderit ore tenaci.
 Quod si flaminibus volat ocyor usâ secundis,
 Quam sectare, ratis, geminato nitere velo
 Accelerare fugam, propior cùm veneris, illum
 Accipies statione locum, quem iussa dedere
 Consulis, ut recto sese instruat ordine clasis.
 Hostica sed fuerit turris si pinea, pugnam
 Incipe, displois Vulcano ardente metallis.
 Ni prius e malo demittens cornua, victam
 Se tibi victori dederit, pugnare reculans:
 Nempe animis juvenum, ventoque, & viribus impar.
 His actis, Prætor turrata protinus alno

Modus insequendi na-
 vim describitur.

Quem ordinem teneat
 clasis in navigando.

H 2

Car-

(1) *Dar la caccia.*

Carpat iter, mundique plagam, qua ducere classem
 Destinat, actutum teneat, tantumque recurat
 Neptuni campum, quantum satis esse putabit,
 Ut reliquæ cursum capiant, retroque sequantur.
 Mox aliæ, ut nostro jam dictum carmine euntem
 Sectentur, recto donec sese ordine sistant.
 Sicque omnis Rhombo percurreret classis eodem.
 Verum illud cura caveant solerte magistri,
 Dum vexilla sequi celerant Prætoria, candem
 Et prensare plagam, ne rostris obvia rostra
 Occurrant, seseque premant, cursumque morentur.

Cavendum, ne sese
 mutuo occursum implicet.

Modus explicandi
 aciem ad pugnam expo-
 nitur.

Quod si belligeras metari in fluctibus alnos
 Stat tibi, Prætor, ubi adversarius explicat acer
 Ipse suas, Martemque vocant tormenta boatu,
 Unicus ad rauci spirantia flamina venti
 Accipiat naves ordo, propiorque sub auram
 Accedat: quæcumque latus sic vertet in hostem,
 Atque explosa globos jaculantur athena tonantes.
 Ignivomas dextrâ naves sinuabis: ubi acer
 Ad lævam posuisse suas spectabitur hostis.

Explicatur exemplo
 Jacobi Ducis Lboracen-
 sis.

Causa belli inter An-
 glos, Hollandosque ex-
 ponitur.

At quoniam facile exemplo præcepta tenemus,
 Et juvat Heroum insignes celebrare triumphos;
 Concilio e Divûm magno felicius ævum
 Victor ubi curis agitas, terraque relicta,
 O adlis, Jacobe, decusque, & gloria regni,
 Arctoïis cingit quod fluctibus Amphitrite:
 Partheniæque sacri da fontis flumina Musæ,
 Dum laudes celebrare tuas, & grandia facta,
 Apparat, & sæclis transferre trophæa futuris.
 Ingentes Batavi classes ingentibus ausis
 Ornarant pelago leges, & jura daturi.
 Scilicet Oceani spumantia lora tenere
 Soli affectabant, magnis & currere Gaulis:
 Ac reliquos populos arcerent omnibus undis,
 Nimirum occidui gazas, & munera mundi,
 Et vastas Orientis opes, mercesque beatas
 Persarumque, Arabumque, & Cinnama divitis Indi,
 Ad patrias soli raperent, gens invida, terras.
 Id veteres Domini, qui tot per sæcla Britanni
 Obtinere prius, cum vix per cœrula nomen,
 Ni piscatoris Batavi, obscurumque sonabat;
 Haud equidem passi, belloque, armisque superbos
 Frangendos duxere animos: sententia cunctis
 Gentibus hæc una est, primi subsellia cætus
 Seu teneant procures, seu plebs numerosa secundi:

Re-

Regnum armis placet asserere, & sua jura tueri.
 Haud mora fervet opus, fervent navalia, fervet
 Portibus in cunctis delecta ad bella juvenus:
 Conveniunt ad signa viri, nautæque parati.
 Coguntur naves, & classis cogitur omnis:
 Jacobus toti Dux classi imponitur, illum
 Extulerat regale genus, & Martia virtus.
 Nam Regis germanus erat, venturus & ipse
 Imperium in magnum; & ni Fatis Fata fuissent
 Adversa, à Latia divisos sede Britannos,
 Rursus divino poterat conjungere nexu.
 Sed jam tempus erit, patrio cum reddita sceptro,
 Id tua progenies, cunctis plaudentibus astris,
 Efficiet, summi quando Regnator Olympi
 Annuet exoratus, & impia desinet ætas:
 Atque novam ex aurco nebunt cum flamine Parcæ.
 Nec spes vana; adytis cecinit sic Phœbus Apollo:
 Et quæ Fatorum ventura ex ordine pandit,
 Fatidica interpres Divorum sacra Pronæa.
 Decertata vocant sed prælia Marte secundo
 Jam Vatem, stridetque tonans per cœrula bombus.

Jam ferrugineos surgens Aurora capillos
 Extulerat pelago, sensimque rubescere flammis
 Cœperat, interposita nigrantibus undique punctis;
 Horrifici præsaga velut certaminis: & jam
 Anglicus è specula custos denunciât hostes.

Est in conspectu Batavæ telluris ad Arctos,
 Inque obversa latus spirantes insula Cauros:
 Texelia, insignis portu cognomine dicta,
 Huc omnes Batavum vires, huc maxima classis,
 Quam centum supra turrito corpore pinus
 Constabant, instructæ armis, & milite multo.
 Pulvereque, nitroque, & terrificis tormentis,
 Convenère, Ducis nutu ad fera bella coactæ,
 Hostem expectantes, ventumque in vela secundum.
 Postquam alta e specula custos clamavit ad arma,
 Censuit & vires, omnesque ex ordine naves;
 Exin cuncta Duci retulit; tunc impiger ille
 Haud mora centenis è puppibus explicat agmen:
 Præcipit inque uno consistere tramite naves.
 Et quoniam Lybicus tendebat vela secundis
 Flaminibus, tepidum idcirco se flectere ad Austrum
 Dux classem jubet, ut concessi commoda venti
 Accipere, & faciles possent se evolvere pinus.
 Agmen & ipse tenet medium, primumque regendum

Ro-

Classis Dux Jacobus eli-
 gitur.

Texeliæ locus descri-
 bitur, ubi certatum.

Conspecto hoste,
 aciem Jacobus explicat,
 inque hostem vadit.

Explicat & suam Op-
 erant hostem excep-
 tus.

Roberto dedit, & Comiti dedit ultima signa.
 Non piger Opdamus Batavas in prælia puppes
 Instruxit, quamquam non prospera flaminis aura
 Perflaret, medioque locans sese agmine Gaulo
 Ingenti, magnæ surgens qui cycladis instar
 Turritum è pelago caput ostentabat ad astra
 Arduus, horrificus, duro tormenta metallo
 Perque latus centum complectebatur utrumque.

Atque in pugnam suos
 accendit.

Trompion hinc venticque ducem, Martisque peritum
 Fronte locat, stimulatque animos in prælia dictis,
 Venturas memorans laudes, & dona parata.

Non minus interea Princeps per singula vectus
 Signa, suos animat, magnisque hortatur ad arma
 Promissis, priscæque refert præconia laudis,
 Et quæ de Batavis retulerunt præmia victis.

Animat & suos Eboracensis.

Nunc tempus, factisque novis, & fortibus ausis,
 Munera muneribus cumulare, trophæa trophæis.

Hoc si victores eritis certamine, magni
 Imperium Oceani, & summum referetis honorem.
 Edomitique scient Batavi, quæ bellica virtus
 Quæque Britannorum sit dextera, seque lacunas
 Batavicas inter condent, victique fitebunt.

Piscatu, ut nuper, victum, textuque requirent,
 Omnibus ignoti terris, atque omnibus undis.

Nec sibi cum lento credant certamina Ibero
 Nunc fore, quem centum annos æquavere morantem.
 Sed quid ego palmas moror, & navalia ferto?
 Ite, viri, conferte manus, pugnamque ciete.

Hæc ubi dicta, cavi dedit æris murmure signum.

Mox certamen ordi-
 tur.

Haud mora terribili bombo sonuere metalla
 Mille explosa: volant Vulcano ardente per auras
 Mille, & mille pilæ, seges ærea, & horrida Martis,
 Ac veluti Siculo surgens Vulcania ponto
 Accensis fervet fornacibus, undique & atram
 Eluviem vomit, & saxorum turbine, fumoque
 Et maria, & terras, & lucida contegit astra:
 Horrendumque tonans terroribus omnia complet.

Æris pugna de-pingi-
 tur.

Sic & turritæ reboabant æquore pinus,
 Mille sinu flammæ, incendia dira vomentes.
 Et quoniam in Batavos perflabat flamine læto
 Africus, & fumi nubes, & noctis iniquæ
 Adversum chaos, atque volumina spissa ferebat
 Pugnantes contra, vultumque horrore replebat.
 At non victi animo Batavi, nec sorte sinistra
 Percussi, totis pugnabant viribus, & se

Solliciti in pugnam stimulabant, ipseque rector
 Dat focis animos, & praelia voce gubernat.
 Ictibus interea volitant diffracta per auras
 Rostra, trabes, mali, discissaque turbine vela.
 Iple & ferratis concussæ pulsibus alni
 Imbre laborabant multis è partibus hausto.
 Nec non & cædes hominum miseranda: fluebant
 Membra recisa virum medias ejecta per undas:
 Et clamor morientum, & vitam ex hoste precantum.
 Et tormentorum fragor horridus, & fera nimbo
 Tempestas igneo resonans, gemitusque natantum
 Tristem oculis speciem, spectacula dira ferebat.
 Et quamquàm Batavi navem ad sua signa Britannam
 Submisère, suâ temeraria classe relicta,
 Quæ medios pleno velo pertruperat hostes;
 At pendeat adhuc dubio victoria Marte,
 Nec cui victori fertum navale pararet,
 Cernere erat, fortis cum Dux Jacobus in armis,
 Sortis ut arbitrium virtute evinceret, omnem
 Ire aciem, facto signo præcepit in hostem:
 Ipseque turritam Prætoris fertur in alnum.
 Rursus & hic Mavors accenditur horridus, atque hic
 Vulcanus tonat, & rursus furit ignibus atris.
 Illicet Opdamæ Prætoria tota sub auras
 Exiliit succensa, oculis miserabile visu.
 Non secus effosso cum Vesta inclusa cuniculo,
 Scintillas gremio immixtas accepit ab hoste,
 Astutus volat arx, magnæque evulsa ruina,
 Dat sonitum ingentem latè, disiectæque secum
 Cuncta trahit, nimboque involvit pulveris atri.
 Subtus terra tremit, subsultant vertice colles,
 Attonitique stupent homines, & corda tremiscunt.
 Ipseque dum socios hortatur, & impiger arma,
 Intrepidusque manu tractat, ruit impete in altum,
 Sorte infelici, & sub funere merfus acerbo.
 Ductoris casu Batavorum exterrita classis,
 Adversumque videns Martem, ventumque sinistrum;
 Qui contra nimbos, tempestatemque nigramentem,
 Et strages unâ centum, centumque ferebat
 Igne neces; tum fracta animos, & viribus impar
 Obliquat velum in ventum, refugitque propinquum
 Texellæ ad portum, & tuto se condit in alveo.
 Instant viatores, pigrasque ex vulnere naves
 Partim vi capiunt, partim dant ignibus; illæ
 Imbre fatiscences falso merguntur in undis.

Ingent navium ruina,
 & cædes hominum.

Jacobus tota acie in
 Batavos fertur: Ipse Præ-
 toriam aggreditur.

Quæ, igne accenso, in
 alnum exiliit.

Opdamus igni consum-
 ptus: cujus nec Batavi
 exterriti fugam capiunt.

Instant viatores, in-
 gentique viatoria po-
 tiorunt.

At

At Dux insignis palma Jacobus opima,
 Qua nunquam vitreo vidit Neptunus ab amne
 Majorem, Nymphæ non & plausere marinæ,
 Victtricem patrias classem deducit ad oras,
 Bataviam postquam latè terrore replevit,
 Damna minans populis jam jam majora superbis.

Sed quò me Musæ rapuistis, & entheus ardor?

Vatis Enthusiasmos:
 reddique operat Sirenum
 in gremium.

Hunc Vates elivum conentur scandere, quorum
 Et florent vires, & vivida temporis ætas.

Jam me lustra premunt duodena, atque insuper orbes

Quinque, senescentem rosei nec munera Bacchi,

Pæoniceque valent artes revocare vigorem

Ingeniique, animique, & priscæ flumina venæ.

Reddite Sirenum in gremium: me littus amicum

Accipiat: formosa sinu Colomelis odore

Hic Vatem foveat, pascatque suavis herbis;

Quo tandem placida compositus pace quiescat

Virginis in templo: tumuloque hoc addite catmen,

Parthenii si quæ, socii, vos cura tenebit.

Propter (1) Olympiæ quæ templum Virginis orta,

Hic Surrentina Magnæ Genitricis in æde,

Quam rea construxit voti, Matrique sacravit,

Parthenii argutum cecinit sacra Musa, filet nunc.

At quoniam, RAMBALDE, feni tu sufficis æstrum,

Instaurasque novas vires, & carmina Vati,

Te sequor, auspicioque tuo do carbasa ventis.

Me, me ipsum, seniumque tuo munimine vincam;

Ut sertum navale tua virtute relatum

Per tua multiplici nexu se tempora flectat.

Scilicet hoc unum deerat, terrestria quando,

Vallaris, seu sint muralis dona coronæ,

Olim victtricem cinxerunt plurima frontem.

Ergo age jam tritum Musis læto omine campum

Ingre diamur, erit merces audacibus ausis.

Si vento (2) immincas hosti de puppe secundo;

Libera, Prætor, erit tibi tum certare potestas,

Inque hostem plenis cum vis descendere velis.

Consilio id sano facies, cum scilicet hostis

Stat trepidus, latumque fecat mare navibus impar.

Quod provecta dies si sit, certoque vereris

Cum ventus faver, e
 superiori plaga spirans
 libera dimicandi pote-
 flas.

Verum inclinante die,
 cum mutari solent, abli-
 uendum.

Ne

(1) Virgo Olympiaca, vulgò la Madonna di Piedegrotta,
 quòd illius ædes ad radices Pausilypi ante aditum cryp-
 tæ, quæ Puteolos ducit, sita sit. (2) Star sopra vento.

Ne fervet dum Mars, & flammis Mulciber ardet,
 Adversus spiret mutatis Æolus auris,
 Abstineas pugna moneo: monitique memento.
 Cum matutinus cœlo defudat Eous,
 Et surgunt cum Sole leves Eurique, Notique
 Tum tempus certare, armisque irrumpere in hostes.
 Si faveant dextro venientes flamine Cauri,
 Atque hostem superas alnis, & viribus, uti
 Tum vento, numeroque potes: quot duxeris ipse
 Navibus a tota divulsis classe, sagacem
 Præcipe legatum diversa è parte carinas
 Hostiles petere, explosisque invadere ahenis.
 Sic facili optatam referes post prælia palmam.
 Quod si turritis superat contrarius alnis,
 Sed venti non lora tenet; quin scilicet infra
 Navigat, è numero captare hæc commoda multo
 Nequidquam valet; interdumque minoribus hostis
 Cum numero ratibus retulit navalia ferta.
 Est tamen, est illud lucri pugnantibus infra
 Spirantes auras, quod cuncta explodere in hostem
 Tam quæ prima tenent, quàm quæ tormenta secunda
 Turritæ tabulata ratis; quando altius aura
 Assurgit latus incumbente, fretumque refundi
 Haud per aperta potest spiracula, & ilicet omnem
 Tormentorum usum, juvenumque evertere curam.
 Præterea si quæ navis concussa labore,
 Vulcanoque, vadoque, aut fractis verberè malis,
 Sese conflictu poterit subducere vento
 Longius ex acie, illatam & reparare ruinam.
 Et si Mars contra se fronte ostendet acerba,
 Pugnam deferere, & tuto se condere portu.
 Commoda quæ deerunt, quibus aura immurmurat Eurus
 Felici à puppi veniens, & amabile murmur
 Excitat ardentes animorum in prælia vires.
 Atque hic te, Prætor, moneo, ne vela secundum
 Des temerè in ventum: pugna cum linq̃uere campum
 Inque fugam spectas, salvasque reducere naves.
 Quando nulla tuis major ventura ruina est,
 Quàm cum decedunt inimico instante secundis
 Eurisque, Zephyrisque: potis namque ille sequendo
 Assequier, trepidosque tuos invadere, certa
 Damna tibi, cedensque ferens, incendia, & ignes.
 Quocirca mediteris, ubi sub tuta receptum
 His tantùm facies in casibus, humida cum nox
 Appetit, & tenebris cita subtrahit omnia visu.

Tom. I.

I

Cum

Mane verò consultius
 certamen iniit.

Quibus commodis eant,
 qui inferiori parte navi-
 gant.

Habet autem & illud
 commodi, quod curula
 in hoste tormenta explo-
 dere facili potest.

Et in adversa pugna
 fugam capere.

Quod magna cautela
 petendum est.

Et quibus in casibus.

Cùm ventus crebrescit, & altior unda tumescit,
Atque locum pugnae negat hosti; cùmque carinas
Vectorum trahit hic multas, quæ impiger ipse
Est opus invigilet, casu & tutetur ab omni.

Sed si fortè cupis, Prætor, condiscere causam,

Cur uno ordine expo-
nendæ naves.

Cur omnes uno naves disponere versu
Conveniat, paucis, res est discenda, teneto.
Si gemino puppes extendas ordine, primo
Quæ versu insistant, fuerint cùm cominus hosti,
Et sua displodunt tormenta, ardente favilla,
Ac pugnam totis committunt viribus, illæ
Agmine quæ strueto versum tenuere secundum;
Tormenti quoniam consistunt longius ictu:
Nec conferre manus poterunt, nec athena metalla
Vertere in adversos, pulsuque excindere turres.
Et quoniam non fronte, velut rostrata Triremis,
Sed latere objecto certant, accedere nunquam
Ad primum poterunt versum, pugnamque cieere.

Insuper his, Prætor conare ad flamina venti,

Ad plagam ex qua ven-
tus spirat, admovendæ
naves.

Spirantis pinus extendere, subdolis hostis
Ne fortè (1) arbitrium Zephyri furetur amici.
Et quamquàm facere id valeas, cùm tempus, & ipsa
Pugna petit, tamen adversis fuga fortè videri
Hic cursus poterit, versuque tenere sub uno
Haud facilè undoso possunt sese æquore naves;
Idcirco facies sub prima exordia pugnae,
Quod sine mox lucro perages, certoque periclo.
Est etiam, est illud lucri, cùm classis ad auram
Efflantem accedit, (2) stringitque propinquior Euros;
Quod si quæ pinus certando acceperit ictus,
Ipsaque cum malis amiserit armamenta,
Longius ad quartum poterit procurrrere Rhombum,
Et simul arbitrium Cauri suffantis habere:
Damnumque acceptum auxilio sarcire suorum,
Rursus & in pugnam descendere; quod tamen arte
Id nulla poterit, si restà acceperit auras.

Et quæ inde commoda.

Perge, Noti faveant hosti, & de cardine Eo
Spirantes repleant hostilia carbasa primi,
Mox tua vela petant, tendantque ruentibus auris,
Tum moneo, ad sedem pariter crepitantis Eoi
Cominus ire fuga, Rhomboque errare secundo.

Qui ex infriori parte
navigat, ad plagam venti
concurrit accedere.

Sic

(1) *Togliere al nemico il vantaggio del vento.*

(2) *Accostarsi per fianco al Rombo del vento, che spira.*

Sic etenim si fortè Noti mutantur, & auræ
 Affurgent aliæ, potis es variantibus uti,
 Præripere arbitrium, incautique erroribus hostis
 Proficere ad palmam virtute, astuque merendam.
 Quin etiam versu instructo ni strinxeris Euros,
 Obliquo scindens cursu freta cæcula ponti,
 Postremum poterunt inimici invadere cornu,
 Aut medium excipere, & geminis incescere flammis.
 Præcipue ille suis superet si navibus, ipse
 Haud poteris mundique plagam percurrere eandem,
 Absque gravi vitæ noxa, certoque periculo.

His animadversis, superest ut carmine nostro
 Edifcas, quæ certa inter distantia turres
 Velivolæ statuenda: freto certamen aperto
 Cum tempus ferere, & ventis favet aura secundis.
 Rectores Galli, quorum nunc plurima cura
 Re super hac, centum ducunt, non amplius; ulnas,
 Sufficiens discrimen, aquarum in gurgite vasto,
 Quo celeres distent puppes, quamquam æquore in alto,
 Et spatia æquata, & certos describere fines,
 Difficile est: fallax nimirum, & mobilis unda;
 Attamen ingenium solers, & plurimus usus
 Multum sæpè valent, & quæ præcepta magister
 Ante tibi dederit Geometres, flore juventæ
 Cum Musas coleres, divinasque impiger artes.
 Hic autem admoneo, palmæ conferre merendæ,
 Si brevibus spatiis nexu junguntur amico
 Turritæ pinus: nam si discrimine longo
 Se fugiant, strictisque adventet versibus hostis,
 Tum quæque excipiet geminatos ictibus ignes:
 Et geminæ poterunt invadere tutius unam;
 Sed caveas ne plus justo discrimina stringas:
 Semper enim modus in distis, rebusque tenendus
 Omnibus est. Media in pugna si fortè labore
 Fulminibus pinus concussa, & verberè malis
 Truncatis, fractisque alis, clavoque revulso
 Fluctuet, in focias incurset tum illa carinas
 Est opus, incursum & commune augere periculum.

Hic non præteream, multum quod scire juvabit,
 Dux Romane, freto qui classes ducis aperto,
 Imperiumque tenes pelagi, finesque tueris:
 Duc semper magnos turrito corpore Gaulos,
 Certam navali si tu certamine palmam
 Exoptas. Tormenta vehunt majora, globosque
 Vgrandes vibrant, & longius impete muros

Si secus periculum ne
 hostes pollicem magni
 carpant.

Quæ discrimina inere
 naves in confidit
 statuenda.

Quod non sanè facile
 est.

Tutius erit, si angustio-
 ra sint spatia.

Non tamen plus justo:
 quando omnibus in re-
 bus servandus est modus.

Præstat magnos Gau-
 los ducere: & quibus ex
 caussis.

Concutiunt, crebròque tonant quia plurima contra,
Fortius obstitunt solido cum robore pulsu.
His igitur certas si navibus, æquore turres
Instrue contractis spatiis, si dona referre
Navalis ferti affectas, laudemque mereri.

Alius modus exponendi
classem describitur.

Sunt qui velivolam senis sub versibus omnem
Disponunt classem; medio stat in ordine Prætor
Ante suos versus, & subter navigat auras.
Sic dextra, lævaque suos legatus uterque
Præcedit versus, & stantes excipit Euros;
At qui Prætoris dextram tenet, ille ruentes
Ad ventos propior sese desceſcit, & alter

Qui minimè commodus,
si vicinus hostis navigat.

Alternum in picta percurrit pyxide Rhombum.
Et quamquam modus hic fulcandis commodus undis,
Inque vias omnes se ducere, quò data iussa,
Vel res ipsa vocat, procul at cùm navigat hostis:
Nam si vicinus, pugnamque minacior offert,
Tum non se facile in versum disponere classis,
Ilicet & dubium Martis certamen inire.

Idcirco Vatem si me tu consulis, isto
Non utere modo, Prætor Romane. Sub Arcto
Mars tonat horrendum, totumque à cardine cælum
Subsultat, nutant scopuli, longèque reclamant
Litora terrificis crebrò concussa metallis.

Horrescit Thetis, atque omnis tremit Amphitrite.
Ast ò qui motus? rupto num fœdere pugnant
Rerum principia, inque nigrum se vertere rursus
Affectant chaos, atque imis confundere summa?

Vatis Enthusiasus.

Vos tanti motus, vos Musæ pandite causam,
Parthenio Vati, vocemque attollite, quando
Vix ætas affecta, sonum vix excipit auris
Jam senio contracta, obtusaque tympana pulsum
Vix sentire valent. Satis est, sat grandia, Musæ,
Verba datis, satis est. Divino munere vestro
Et senii vitium, & fugientis vincimus ævi.
Audio: Pieridum quis Pindi à vertice summo
Clamantum voces non audiat? omnis ab imo
Gurgite responsat Penèus, & avia Tempe.
Dicam igitur commissa olim fera bella sub Urſa;
Ut res exemplo fiat manifesta Magistris.

Batavi, & Angli ce-
rant de maris imperio:
Ilicque Marti decer-
endam committunt.

Barbaricos inter populos, quos cardine mundi
Arctoo, æternis nivibus, glacieque rigente,
Educat immitis, mammisque regentibus Urſa,
Immanemque animis instillat lacte furorem,
Oceanus super imperio lis orta, quod armis

Jamque suis Batavi conati ascribere signis.
 At contra veteri repetebant jure Britanni,
 Hinc odia, ultricesque animis ardentibus iræ
 Exarsere: placet litem decernere ferro,
 Et Marti sortem committere. Protinus arma
 Expediunt, naves ornant, delectaque pubes
 Navibus instructis imponitur, & simul ingens
 Vulcani seges, & victus, bellique paratus.
 Consensu Patrum Batavis Dux Trompius acer,
 Et classẽ regere, & navalia bella peritus
 Præficitur. Mora nulla, suas è portibus alnos
 Turritas educit, & aura afflante secunda,
 In fenos classẽ versus citus explicat omnem,
 Inque hostem solvit, certus decernere pugna,
 Utrinam maris imperium Fortuna dedisset.
 Sperabatque sibi confisus viribus: & jam
 Versabat palmas animo, clarosque triumphos.
 Stultus, qui dubium Martem, & versatilis orbem
 Haud Sortis norat. Miseri nos fallimus ipsi
 Mortales vana spe ducti, & inanibus ausis.

Laurenti, jam sacra tibi lux fulserat, & jam
 Extulerat roseos rediens Aurora capillos,
 Et Zephyri adverso mundi de cardine stabant;
 Cum longè è specula conspecto Trompius hoste,
 Dat focii signum certaminis, acer & arma
 Expediit; atque animos dictis vehementibus urget:
 Pugnate, d' focii, atque armis ostendite vestris,
 Quæ virtus Batavis insit: norintque Britanni,
 Se jure imperium regni amisisse marini.
 Non posthac priscam virtutem, & jura vetusta
 Ventosi jaſtent: nobis Fortuna secundis
 Auspiciis regnum dedit: & victricibus armis
 Stat nunc asserere, atque assertum Marte tueri.
 Hic liti finem campus dabit, æquore in isto
 Æternum figet Victoria parta trophæum:
 Famaque per geminos alis pernicipibus orbes
 Diffusa egregiam palmam canet. Hæc ubi dicta,
 Dat duri signum certaminis, aura secundat
 Vota ducis, primâque nitet Victoria fronte.
 Ergo omnes Zephyris vadunt crepitantibus Alni
 Belligeræ, & velis accedunt cominus hosti.
 Nec segnes Angli convertunt æquore classẽ
 In Batavos, primùmque adnisi viribus auras
 Hostibus eripere, & supra se sistere ad ortum.
 At postquam incassum cecidit labor omnis, & æra

Classes, & arma ab
 ambobus parantur.

Trompius, inimica clas-
 se conspecta, suos ad for-
 titet dimicandum hor-
 tatur.

Vadunt contra Angli,
 conanturque ventor ho-
 sti pæripere: sed incas-
 sum.

Igni-

Ignibus assiduïs, crebroque tonare boatu
 Cœperunt: magnis ipsi simul ausibus hostem
 Excepere, sinuque cavo explosere metalla
 Mugitu horrifico: latè ruit horridus imber
 Grandinis horrendæ: qualem irritata Deorum
 In terras jactit ira: homines cum perdere, & urbes,
 Et justas scelorum molitur fumere pœnas:

Pugna omnis accenti
 ma describitur.

Mars ferro furit, exardescit plurimus igne
 Mulciber, Æthæos revocans ad prælia fratres.
 Continud miseranda oculis se scena theatro
 Pandit in undoso: trepidat Neptunus, & ipsi
 Tritones, trepidasque tenent sine murmure conchas.

Tritones admirati pu-
 gnantes horrent, ut ab
 iris, odioque illecebre
 cessent.

Mox circum attoniti sua lumina circumflectunt.
 Proh Superi, tantæne animis mortalibus iræ?
 Tantum odium? tanta & rabies insana nocendi?
 Cessate, & vestras in cedes vertere dexteras,
 Parcite, & humanos, Homines, ostendite sensus.
 Sylvestrum rabies hæc sit damnanda ferarum,
 Taurorumque, canumque, quibus Natura negavit
 Divinas leges, rationis & aurea dona.

Horribilis confictus
 genatcur.

Ne facite: immanes exhorrent sanguine vestro
 Ipsa etiam Cete, refugitque immanior Orca.
 Sed frustra dant verba: ruit mens cæca furore:
 Nec quidquam leges, & propria funera curat.
 Quot naves subito malis, velisque revulsis,
 Incertum fluitant, mediis quot fluctibus haustæ:
 Quot vi flammæ disruptæ in gurgite vasto
 Cum miseris ardent nautis, & milite forti!
 Immensum tormenta tonant, tonitruque tremendo
 Subsultant maria, & cœli convexa tremiscunt.

Ingens erumpit caligo, atque omnia circum
 Occupat, effulsit vis turbinis atra tenebris.
 Non æquor, non ipsæ apparent æquore classes.
 Turbinibus cœlum obtegitur, non amplius ardet.
 Lumine Sol: media tantum caligine flamma
 Emicat interdum, magnoque fragore sub auras
 Vi volat, & secum miserorum corpora raptat,
 Divulsasque trabes, cum & puppibus armamenta.
 Has inter tenebras lynceus Trompius (ira
 Exacuit violenta hominem, & spes ipsa triumphus)
 Tres colisse videns Anglorum è puppe carinas,
 Illicet ire sinu gestantem incendia pinum

Tres Anglorum naves
 ab una Batavorum in-
 cendiaria incensæ.

Imperat. Excussit cœlo ceu fulmen ab alto,
 Sic volat acta ratis, mediosque impingit in hostes.
 Ut venit, ut gremio conceptus promicat ignis,

Ut

Ut simul extemplo cunctæ exarsere carinæ:
 Exilière trabes, tabulæque, & athena, virique
 Terribili circum tonitru, horrendoque fragore.
 Omnia complentur terrore, ipsique pavescunt
 Hastenus intrepidi. Casu timuere Britanni;
 At non immemores priscae virtutis in arma
 Acris insurgunt, Fortunam & fortibus ausis
 Adversam, dextraque student, atque arte mereri.
 Et periisse placet pugna, quam vertere terga.
 Ipse sed optato successu Trompius audax
 Urget opus Martis, furit igne, & fulminat ære.
 At fortes spectans hostes stare æquore aperto,
 Et pugnare acres, & spem præsumere palmæ,
 Indolet hostili fertum virtute morari.

Ergo moræ impatiens fertur festinus in hostem,
 Adversique petit Prætoris mœnia querna:
 Ascensumque parat, primusque irrupere in arcem
 Aggreditur, Certa est numquam Fortuna, secundis
 Fulgeat auspiciis licet, & memorabile semper
 Fatum hominis: parvi percussus verbere scelopi
 Hic magnus virtute gigas descendit ad Orcum,
 Desertæ Fidei pœnas passurus in igne.
 Vos ò, vos populi, stygiis quos Uræ colubris
 Complexa, à Sacri divellit Sede Parentis,
 Est Deus, est scelorum vindex, ultorque: timete,
 Nec vos Divini monitus contemnite Vatis.
 Proderit & forsân, si mente evolvere pœnas
 Enceladi sedet, & tristem casum Oromedontis.

Cede Ducis subita, Batavorum exterrita pubes,
 Ardentes posuere iras, sensimque remittunt
 Pugnaces animos; tandem re turpiter acta,
 Arripere fugam: ventoque in vela secundo,
 Texeliam mœlti repetunt, vultuque refracto
 Turpem ignominiam, sociorum & funera flentes.
 Instant victores, ventoque sequace Britanni,
 Gratanturque sibi festivo murmure palmam;
 Palmam insperatam, casuque favente relata.
 Vicerunt; Cadmæa tamen Victoria fulsit,
 Cede pari victos ipsis victoribus æquans.
 Sexaginta fero perierunt Marte carinæ
 Clasilibus & geminis, quas Mulciber abstulit igne,
 Fulmineque, nitroque, & terrificis carcassis.
 At cedes numerosa hominum: toto æquore nabant
 Membra recisa virum, combustaque corpora flammis.
 Constratum latè tabulis, tignisque revulsis,

Casu vix territi Angli
 animo tamen assurgunt,
 atque acriter dimicant.

Trompius in Britannicam
 Prætoriam invehitur.

Sed istu scelopi per-
 cussus interit.

Quo occiso, Batavi
 animos demittunt, mox
 in fugam se coniciunt.

Angli insperata victo-
 ria, sed Cadmæa positi-
 tur.

Æquor

Æquor erat, sædumque rubebat sanguine multo.
Quin & adhuc vasto fumabant corpore Gauli,
Semianimesque viri miserranda voce gemebant,
Incaustum nantes, & opem, auxiliumque petentes.

Vatis Enthusiasmus se
ipsum corrigentis: cupit-
que in Sirenum Tempe
restitui.

Sed quæ vos, Musæ, cepit vesana cupido,
Luctibus his nimium, sædæque in imagine rerum
Versari? refugit pater hæc spectacula Apollo;

Nec nece dira hominum, fuso nec sanguine gaudet.
Læta vireta petit, frondosæque culmina Pindi,
Et vitreos fontes Amphrysi, & Hymettia prata:

Otia læta quibus, felicesque exigit annos.
Ergo agite, & tristi celeres discedite campo,
Barbaricæ exosæ rabiem, & fera prælia gentis.

Seq. ad canendum Me-
cænat's jussu hortatur.

Inque sinus lætos Sirenum, & splendida Tempe
Reddite me, Divæ, & RAMBALDICA jussa sequamur.

Majestas veneranda viri, lumenque decoræ
Frontis, & ingenitæ virtutis nobilis ardor,
Egregium deposcit opus: viresque petendo
Sufficit, heroa diffusa in carmina dextra.

Partheniæ decus ò Musæ, roburque senectæ,
I præ, post veniam, quò lætâ afflaveris aurâ:

Traditur modus alius
ductandæ cl:sis, in tres
ordines, quos columnas
novi dicunt.

Ductandis igitur melior qui clasibus ordo,
Accipe Dux, Nerei qui regna undosa gubernas,
Et duos Latiis defendis finibus hostes.

Ordinibus ternis spumanti dirige campo
Velivolas acies: obliquos quilibet ordo
Accipiat ventos, Rhomboque undosa secundo
Diffindat maria. Ast illud solerte, magister,
Efficies cura, ut quæ linea fronte prioris
Ordinis ad calcem excurrit protensa secundi,
Quæque à fronte hujus sub terni tergora currit;

Sese inter fugiant æqualibus intervallis:
Utraque & affantes directum colligat auras.
Insuper & versus acierum, & linea quæque
Ordinis in frontem insistat rectissima primi.
Sic instructa acies pelago decurrere aperto
Aptior, & si res tulerit, se vertere ad arma:

Sed quæ certa inter distantia danda columnas:
(Hoc etenim ordinibus nomen fecere minores;
Martius & versus, quæis linea sæpius audit)

Ipse tibi numeros sese inter ducere doctus
Præceptor Samius, rerumque frequentior usus,
Ingeniumque dabit solers, Divina animi vis.

Verùm agite, ò Musæ, & salebrosam evadere callem,
Pergite, velocesque gradus grandite sequaces.

Si, Prætor, ceptum tua non fortuna secundet
 Certamen, primò vel si pugnare recuses
 Viribus imparibus, vectorum & plurima tecum
 Impedimenta trahas; idcirco evadere campo,
 Ac tutum in portum servatam inducere classem;
 Vectoresque simul meditare; artemque, modumque
 Accipe, quo valeas nullo discrimine classis,
 Tantum opus efficere, & coram aspectantibus ipsis
 Hostibus, incassum multa freudentibus ira.
 Sic naves acie dispone, obtusior omnem
 Angulus ut classem accipiat, Lunæque recurvæ
 Ostendet speciem, geminataque cornua gestet.
 E puppi in medio insistens Prætoria ventum
 Colligat, obliquis procurrant flatibus alæ.
 Quæ verò annonam, vectantque incendia naves,
 Agmine se teneant medio, classemque sequantur.
 Hæc autem ratio potior nunc visa magistris,
 Agminis exponendi, in tutum ducere quando
 Res adigit classem, & vectoria plurima turba est.
 Nam si fortè hostes insistent, retròque sequentes
 Extremas urgent alas, Prætoria vento
 Quo fertur facili, tormenti fulmine ferreo
 Approperantem hostem petere, atque arcere valebit:
 Cum talem, Prætor, cursumque, modumque tenebis:
 Et poteris ventos flantes è puppe secundos
 Accipere, & simul obliquos: seu marmora dextrâ,
 Seu læva de parte auræ spirantis acuto
 Diffundas rostro: Quod si Victoria signis
 Arrisit festiva tuis, victusque recedit
 Hostis tuta petens, fugientem protinus ipse
 Impiger insequere, & felicibus utere Fatīs.
 Illicet instructas velis majoribus alnos
 Præmitte, extremumque hostis sectarier agmen,
 Præcipe, fortè queant fugitivum ad prælia rursus
 Cogere, vel tardas cursu captare carinas.
 Mox tu victtricem dispones ordine classem
 Dux simili, certamen erit si fortè serendum.
 Id verò facies, paribus cum viribus hostis
 Salsa secat; possitque iterum se fidere Sorti.
 Quod si non æquas numero, nec robore vires
 Hostis habet, fractis nec spem locat amplius armis,
 Astutum sine lege rates immitte sequaces.
 Terrestri veluti quando certamine victi
 Terga dedere fugæ, tum retrò effusa juventus
 Ordine neglecto insequitur, ceditque, capitque:

Tom. I.

K

Nam

Modus ordinandi aciem,
cum receptus canitur.

Ac si hostes se victi reci-
pant, quæ arte insequen-
di.

Nam si tum Prætor certa ratione struendis
Navibus, infumas concessam temporis horam,
Longius interea fugiens inimicus acerbam
Vitabit cladem, classemque in tuta reducet.


Modus excubandi ad
fretum, hostique transi-
tum prohibendi,

Ipse sed amissam palmam, laudemque dolebis.
His tandem spatiis utcumque egressus iniquis,
Insequitur labor ille, fretum servare, per illud
Ne fortè alatis cum puppibus irruat hostis.
Duplo majorem numero Dux instrue classem,
Quam mox in geminam diffindes partibus æquis.
Hæc latus hoc servet, terræ prætenta propinquæ;
Illa sed adversum teneat: speculaque suprema
Observe custos: & cum descendere ab alto
Oceano observe, Coris ducentibus, hostes,
Det signum, subito quæ pars ad flamina venti
Excubat, extensis venientes sistere velis
Adnitatur, aquis adversis altera fidens
Irruat in latus adventans: deprensus utrâque
Haud sese expediet quamquàm solertior hostis.
At tua spirantes auras si naviget infra
Classis tota, supra tunc adversarius auras
Excipiens latere adverso freta stricta recurret,
Atque tuum eludens conatum innoxius ibit.

Traditur & modus,
quo invitis vel hostibus,
angusta per freta corti-
pienda via sit.

Verum age velivolas freta per conclusa carinas
Ducere opus, stipatus ubi tenet hostis utrumque
Littus, & in pugnam promptus descendere: classem
Ordine dispones omnem, tu, Prætor, eodem,
Quo cum de pugna adversa loca tuta petisti.
Sed prodest geminum plus circumflectere cornu,
Arctior ut species Lunæ visatur: ab omni
Sic se acies instructa valet defendere parte:
Exin de puppi lætis spirantibus Euris,
Armataque omni ventura ad prælia pube,
Angustos irrumpe aditus, obfessaque ab hoste
Finde freta, inque sinus cursu nitèris apertos.

Sed Vatem cursu defessum, annisque labantem
Tantisper solitam Siren divertere ad oram
Invitat Colomelis, opacum pandit & antrum.





NAUMACHICORUM

LIBER QUINTUS.

MAXIMUS at labor insequitur, postremaque cura.
 Instaurare aciem, versusque invertere, in antrum
 Cùm veteres revocat spirantes Æolus auras,
 Emittitque novas, alioque è cardine Mundi

Flare jubet: variis agitantur cœrula flabris:

Et varia est semper facies maris: æquora numquam

Constanti stant firma gradu; concussa flagello

Aerio, æstutum pulsu diversâ feruntur,

Atque vices variant, sese variantibus Euris.

Idcirco eventu in tali quid Prætor agendum,

Protinus expediam, non multo carmine; quando

Jam maturat opus, fufumque explere laborat

Immitis Clotho, & cervicibus imminet atra,

Truncatura brevi fatalia stamina vitæ.

Nec blando citharæ cantu, numerisque canoris

Flectitur: at cautes veluti prædura rigescit,

Aspera, sœda genis, vultuque inamœna severo.

At tu præclaro cujus de munere factum est;

Rursus ut in medium heroæ præcincta cothurno

Parthenia exiret Musa, intermissa resumens,

Et defuncta diu, fractumque sonantia plectra,

Adsis RAMBALDE; & mecum gentilibus armis,

Quæ proavis tractata tuis per mille refulgent

Laurusque, Palmasque, immortalesque triumphos,

Undosum in Martis campum descende, manet te

Hic nova palma, novis titulis figenda Trophæa:

Ergo age, & ancipiti in casu pugnantibus adde

Ingenium: Valet ingenium in certamine multum.

Quid Architalasso agen-
 dum cùm venti sedem
 variant.

Ad Mæcenatem Apo-
 trophe.

Difficilisque Duces artis præcepta doceto.

Principio cessent Zephyri spirare, repentèque
Africus assurgat, quatuorque in pixide Rhombos
Permutet, tum vela, citis ad iussa ministris,

Quid cum venti qua-
tuor variant Rhombos.

(1) Laxare astutum festinet Martia classis:
Turres velivolæ, soloque dolone relicto,
Tantisper mancant: Verùm quæ prima tenebat
Agminis instructi sedem ratis, omnia pandat
Vela novis auris, atque impete pulsa secundo
Octavum in Rhombum excurrat, reliquæque sequantur;
Quo tandem in versu, qui stringat proximis auras,
Insistant cunctæ: sic instaurata parumper
Inceptæ classis poterit succedere pugnae,
Et reduci rursus palmam virtute mereri.

Quid cum ventus
puppi perflat,

Perge, novus perilet ventus de puppe secundus
Exoriens, prima quæ Pinus fronte locata est,
Ilicet in versum, propior qui flamina stringit
Obliquus properet, simul & conentur eundem
In versum reliquæ: sic omnes ordine in uno,
Persimilique maris campum ad fera prælia habebunt:
Hoc facili, certoque modo, Dux, utere sæpe:
Sic etenim quæ plura forent incommoda, primo
Conatu vitabis, & hosti commoda venti
Eripere, & poteris procul amolier, usque
Dum reliquæ in Martio ponent sese ordine puppes;
Nec dubites, aliæ quin per vada falsa sequantur
Astutum naves: etenim quæ Pinus eundem
Non currit versum, poterit quàm longiùs undas
Findere, in optatos & se deducere versus.
Sicque acies inversa, caput quæ navis agebat
Agminis, extremæ in caudæ succedet honorem:
Sæpius, atque omnis facile instaurabitur ordo,
Extensusque magè in ventum, neque longiùs ulla
Puppis aberrabit: stabitque ad prælia rursus
Tota acies instructa, optati & certa triumphi.

Quid cum classis ob-
tusum in angulum instru-
ctæ, & ventus ad sextum
decimum Rhombum se
flectat.

Insuper his, obtusa volat si classis, & aura
Ad sextum decimum flectat se flamine Rhombum,
Tum velum inferius cornu citò laxet utrumque;
At reliquæ puppes vento dent lina secundo,
Iustoque excurrant spatio: mox quælibet alnus
Inferiora liget canentia suppara, & illo
Ordine constituent sese, quem Martia poscit

Lex;

(1) *Porre le vele in panno, quod Galli dicunt en pane.*

Lex. Legem pugnae semper servare memento.
 Ut verò evites incommoda, motibus hisce
 Quæ non rara cadunt, cum classis plurima, naves
 Ordinibus æquo distantibus intervallo
 Se teneant, omnis donec conversio fiat
 In ventum, seseque locent in versibus iisdem.

Atque hic te, Prætor, moneo ne flamine primo
 Diverſo è mundi venientis cardine venti

Festines alios classem convertere versus,
 Atque aciem variare: morandum tempore parvo,
 Si fortè in veteres sese spirabile murmur
 Restituat sedes, viresque, & nomina sumat.
 Sæpe etenim, varium quando, & mutabile semper
 Cælum est, extemplòque auræ surguntque, caduntque.
 Vix novus afflavit ventus, cum protinus ipſo
 Deficiens ortu moritur, sedemque priori
 Concedit, vitæque suæ pertæsus, & auræ.

Idcirco lentè festina semper arena
 In media; græco quondam sermone solebat
 Occinere interdum media inter prælia, primus
 Omnia qui Mundi obtinuit moderamina Cæsar.

Quod si non æquo meditaris Marte receptum,
 Et dum velivolas turres instruxeris, aura
 Desinat, ac sexto e decimo nova ceperit undas
 Pellere diversum, navis Prætoris vela
 Infima suspendat, reliquæ dent lina secundis
 Flaminibus, donec propior se linea vento
 Offerat obliqua, atque omnes tum suppara naves
 Contrahere accelerent, sicut Prætoris fecit.
 Sic etenim prior ille, rates quem singulæ habebant,
 Ordo instauratus, portusque intrare licebit,
 Hoste vel invito, frustra & tua terga sequente.
 At si tot numero Rhombos non mobilis aura
 Permutet; tum cærulei pars agminis illa,
 Quæ vento inferior, quatuor, non amplius, undas
 Per vitreas currat Rhombos, properetque sinistram
 Spirantis Cori ad partem, stringatque propinqua:
 Mox reliquæ cursum puppes conentur eundem,
 Ordine quæque suo: medio Prætoris stabit
 Angulo in obverso: poteritque ad litora nota,
 Hostibus elusis, tutum celerare receptum.

At facilis quamquam modus hic; tamen imminet illud
 Sæpè malum, nimium variat cum ventus, ut ipſo
 Obvæ postremum occurrat Prætoris in agmen.
 Idcirco, Prætor, quod tanta incommoda vites,

Morandum tantisper,
 dum venti variant, si for-
 tè in eisdem sedes se re-
 stituant.

Augusti dictum memo-
 rabile, Festina lentè.

Quid agendum Præto-
 ri dum non æquo Mar-
 te receptum meditat
 ventus desinat, aliusque
 à XVI, Rhombo spirave-
 rit.

Quid cum non tanta
 venti variatio.

Quæ in hoc cautio ad-
 hibenda, ne Prætoris in
 extremum agmen incur-
 rat.

Præ-

Præcipies, Rhombos excurrat ut ala quaternos
 Longius ad lævam venti: sic obuius illi
 Non ibis: quamvis succedat dextra sinistrae,
 Montibus his, classisque omnis variabitur ordo;
 Verùm si priscos cupias persistere versus,
 Inque suo positu puppes, tu currere pinu
 Perges veligerâ, quâ linea panditur æqua;
 Quò tandem arbitrium teneas spirabilis auræ.
 Hac iterùm alatas alnos instruxeris arte:
 Non & postremos in versus obuius ibis.

*Hic spatii egressus Vates
 res difficiliore vias in-
 greditur.*

Hic tandem spatiis utcumque egressus iniquis,
 Quod superest tentemus iter, verum aspera Vati
 Hic etiam pandit sese via, perque recessus
 Difficiles salebris, & opaca luce malignos
 Est adeunda: solo sed non vestigia trita
 Pieridum apparent, doctarum aut ulla fororum,
 Per quæ tutus iter capias, summumque cacumen
 Connisus teneas; audendum fortibus ausis
 Partheniis tamen est Musis, quæ sæpè locorum
 Per prærupta sequi solitæ, perque avia cursum,
 Quem Phœbus pater ostendisset, & antheus ardor.
 Ire igitur sedet, undivagique per æquora Nerei
 Alatas sociare acies, Martemque ciere
 Pieriæ clangore tubæ, numerisque canoris.

*Quæ acie instructa
 ad pugnam classis ad prio-
 rem in navigando ordi-
 nem, ut hostes insequa-
 tur ex acie decedentes,*

In primis vitreis instructum fluctibus agmen
 Ad pugnam, in tutam fugientibus hostibus oram,
 In versus iterum cupias revocare priores;
 Ut cursum teneas, fugientum & terga sequaris,
 Vel patrios adeas victor sine sanguine portus,
 Aut propior fias inimico: aut agminis alas
 Permutare, locumve aliquem captare sequendo
 Festines, celerique hostem prævertere cursu.
 Da Vati faciles auras præcepta canenti.
 Præcipe, Dux, omnes ut puppes tempore eodem
 Se flectant, flantemque minus luctentur in Eurum,
 Ordine sic etenim pugnandi ritè soluto,
 Tota pererrabit campo cita classis aquoso,
 Quâ Dux ipse velis, tempusque, & iussa vocabunt.
 Quod si fortè situm variariet agminis optas:
 Nimirum ad lævam qui primùm flamine Cori
 Captabat propior, dextram spirabilis auræ
 Mutatus premat ordo secantis marmora classis.
 Præcipies, uno volucrem se flectere puncto
 Classem omnem, cursumque alium percurrere pinus;
 Idcirco adversas in proras vertere puppes

*Quid variare aciem li-
 bet.*

Fac, Prætor, postquam quatuor, non ampliùs, ipsa
Excurrit pelagi Rhombos postrema carina.

Ad lævam longo gyro, quam deinde sequantur
Post reliquæ, æstutumque erit & sic redditus ordo.

Verùm alio si fortè modo instaurare priorem

Dux mavis formam, qua structa secaverat æquor;

Postremo turrata loco quæ fortè locata est

Navis, ad efflantis dextram procurrere venti,

Contendat propior: reliquæ mox ordine pinus

Post velis liquidum fulcent crepitantibus æquor:

Donec quæ medio ratis agmine falsa ruebat

Postremæ in fidem pervenerit: ilicet & sic

Classis erit primus, quem quæris, redditus ordo.

His super, in ternas classem instaurare columnas,

Ordine quò pelagi sulcet vada falsa priori,

Si cupis, horrificus cùm Mavors mitigat iras,

Et fugiunt hostes, aut pugnam denegat aura

Adversam mutata plagam, & turgentior unda:

Artem disce; prior versus, seu prima columna

In latius alternum flectatur tempore eodem:

Interea reliquæ currant per cœrula pinus,

In primi donec primæ, mox prima secundi

Agminis accedat sedem, teneatque relictam.

Tum ternus moveat versus sese ordine eodem,

Et cursum teneat, quem pergit currere prima,

Quo tandem versu respondeat utraque terno:

Tum primus, mediusque cito se vertere gyro

Accelerent versus: claslis sic protinus omnis

Ut prius in ternas erit extricata columnas.

Perge, tuis semper non Sors inimica secundat

Dux ceptis, sequitur nec Mars tua signa: receptum

Idcirco canere est opus, & loca tuta subire:

Donec Fata vices varient, versatilis & Sors.

Primus se varians in quantum flectere Rhombum

Festinet Gaulus percurrrens tramite in uno:

Sic reliqui facient, medio stans agmine donec

In primi sedem sese devexerit alius.

Quæque prius campo explicuit sese ordine Martio

Sulcatura maris nunc stat freta cœrula claslis.

Et quamquam modus hic tempusque, moramque reposeat;

Utendum tamen est illo: sic fallimus hostem,

Ne facilè advertat properari ad tuta receptum:

Continuò & nostris opponat se ausibus acer.

At brevior cupis si Dux dissolvere versus

Arte, modoque, novus valido cùm murmure ventus

Quid agendum si alium
in ordinē mutare præstat.

Qui modus restituen-
dæ claslis in priorem or-
dinem, cùm ternos in
versus explicatur.

Quo ordine explicar-
da claslis cùm receptus
caritur.

Et latere adverſo conſurgit, & æquora turbat,
 Et tua cepta ſimul, faveatque hoſtilibus armis,
 Fac quantum ad Rhombum ſeſe agminis ultima pinus
 Ad dextram venti ſeſtat, curratque per æquor:
 Hinc media ut fuerit claſſis pars tramite in illo,
 Ad dextram properet ſpirantia flamina venti.
 At reliquæ curſum teneant, quem prima ſecundæ
 Se claſſis pennata vehit per cœrula puppis,
 Quo tandem obtuſus campo ſpectabitur ordo.

Aſt agite, ò Muſæ, & Vati ſuccurrite veſtro,
 Difficiles artes præceptaque dura docenti:
 Perque iter abruptum dum vadimus, inque rigentes
 Dumeti ſentes, tribulosque irrumpimus, ipſæ
 Pandite non æquos aditus; callesque malignos
 Sternite, vos Divæ, facilesque ad cepta præite.
 Tuque vel in primis, Vati qui Phæbus Apollo,
 Deſuetas ſenio revocas in carmina vires,
 Muſarumque chorum ſata per Moravia ducis,
 Perque Atavis regnata tuis viridiſſima Tempe.
 Adſis RAMBALDE, & dum te Lucina recenti
 Ditavit partu dilectæ conjugis, aurea
 Cui riſit Fortuna, atris ſque faventibus Horæ,
 Horæ, queis vitam cura eſt, ſortemque parare.
 Progenitum gremio Muſæ cepere priores
 Certatim, & ſacri laſtarunt ubere fontis;
 Aspice tu falces puero, ſortemque ferentem,
 Et jam naniolas, & mollia verba parantem.
 Interea inceptum Martis ſtat currere campum,
 Atque coronatas ad littora vertere proras:
 Quò me feſtibus compellant vocibus illinc
 Parthenope, Megareque, & Olympia dulcis, & Ægle:
 Et jam me teneris ſtringunt complexibus; atque hinc
 Surrentina vocat Siren Colomelis aprico
 De colle, & cœtu cunſtarum cinſta ſororum,
 Jamque (1) aditus referat notos, antrumque repandit.
 Quæ Vatem accipient, norunt fatalia Parcæ
 Stamina, quæ ducunt ſuſis, & tempora ſigunt
 Certa cuique hominum: ſed ſi me conſulit ipſum
 Atropos, hic Magnæ Matris tumularier æde
 Optarem. Sed vivit adhuc dum ſpiritus & dum

Pe-

Mœniam invocat,
 cui de novo gratulatur.

Opiat Vates tumulari
 in Æde Surrentina ab ſe
 edificata, ac Virgini dedi-
 cata, cum hac epigraphæ:
 PARTHENIE GENI-
 TRICI VATES PAR-
 THENIUS.

(1) Oſtium, quò è ſcopulo per iter in monte excavatum,
 in Surrentinum, cui vulgò *Cocomella* nomen factum,
 quotquot ſunt villarum amœniſſimæ.

Pegaseas haurimus aquas, fera bella canamus!
 Ergo age, Dux quando delusis hostibus omnem
 Subdixti è campo, & certo discrimine classem,
 Nec sese pandit secura in valle recessus,
 Nec portus conclusi, & turribus undique septi,
 Tuta quibus maneat, stat litora curva secundum
 Veliolas ferro turrets firmare tridente.
 Sed quæ cura locum firmandis navibus aptum
 Deligere, & cautis solertia quanta Magistris
 Hic adhibenda, priùsquàm se gravis anchora fundo
 Committat, fundetque rates, certamque salutem,
 Accipe. Sit primum scopulis, & syrtibus altis
 Immunis, fundi sit arena rudentibus apta.
 Sitque tenax unci, sint littora libera ventis
 Adversis, nimisque, & tempestatibus atris.
 Utque uti vento possis, qui devehit hostes,
 Arbitrioque frui: æstutumque educere ferrum,
 Omnemque in versus bellandi exponere classem,
 Soliciti valeant juvenes, doctique Magistri.
 Nec cùm se expediunt, sese per mutua naves
 Incursent, hostique locum, dent protinus arma
 Inferre, atque tuo sua commoda querere damno.
 Idcirco, Prætor, fac pinus æquore distent
 Centum & viginti solidas, non amplius, ulnas;
 Illicet ut facilè, & nullo discrimine possint,
 Inque aciem prodire, & aperto insistere campo.
 An non his studiis, hac solertissimus arte
 Ingentem Anglorum classem, sociosque periculo
 Exemit Jacobus? & ausis fortibus olim
 Hostem insultantem vicit, victumque fugavit?
 Jamdudum Batavos dura ad certamina Martis
 Elicere, & cunctis conatus viribus una
 De belli summa tandem decernere pugna.
 Hi certi portus, objectaque septa tenere,
 Nec sortem tentare, & apertum invadere marior;
 Ni dexter Mars, & victoria certa fuisset.
 Ergo Anglus frustra cum se consumere tempus,
 Cerneret, atque hostes procul à certamine abesse,
 Dat velum in ventum, & Susbæia litora cursu
 Nota petit, Cæceremque suis, Bacchumque parare.
 Non temerè hic classes, ut fors, casusque tulisset,
 Sed cura solerte locat, studioque sagaci.
 Ut quæque in casus se pinus verteret omnes,
 Inque adventantes æstutum pergeret hostes.
 At Ruiterus ubi Batavæ Dux classis ad oras

Tom. I.

L

Jam

Cùm nulli in vicinia
 portus, ad littora appli-
 cenda classis, atque an-
 choræ firmæda,

Quæ in hoc castra cœ-
 clo adhibenda sūt.

Quæ spatia tunc inter
 naves statuenda.

His usus artibus Ja-
 cobus Dux Eboracen-
 sis classem servavit, æ-
 que hostem improvè
 adventantem fugavit.

Bellum inter Anglos
 & Batavos.

Posterus cùm ad Sus-
 bæia litora rare in ancho-
 ris Anglos cognovisset,
 in illos improvè mo-
 vit.

Jam patrias cunctis cum navibus ille Britannos
 Cognovit, mora nulla, suos educere ferrum
 Imperat, & ventis expandere vela secundis:
 Nempe ratus hostes adverso in litore stantes
 Invadi facile, & vinci certamine posse.
 At verò incautum sententia vana fefellit,
 Et sua spes hominem: conspecto protinus hoste;
 Præsenti assurgens animo Jacobus in arma,
 Explicat extemplo classem, locat ordine Gaulos
 Quemque suo, & velis obliquas excipit auras:
 Hortatur socios, dictisque ardentibus urget
 In Batavos, certamque jubet præsumere palmam;
 Inde movens, primum legatum præcipit agmen
 Ducere in adversos, pugnamque ordier ære
 Ignivomo: sequitur medio promptissimus ipse.
 Illic Estræus ter denis navibus hostem
 Aggreditur: ventoque usus mirabilis arte,
 Hostiles longè puppes (armaverat illas
 Undis suis incincta vadis Zelandia & acer
 Bancherus primo ductabat in agmine) in altum
 Dimovit, pugnamque tonantibus undique ahenis
 Arduus inceptat, crebris & pulsis instat.
 Continud horrendis mugire tonitribus aër,
 Fumoque obduci cepit, densisque tenebris
 Incubuit nox atra super lata æquora ponti.
 Estræi sed tanta fuit furibunda procella;
 Ut plures Batavorum arces, urbesque natantes
 Fulminibus fundo everse sub gurgite vasto
 Corruerint: quin & conatus vertere classem
 Se super hostilem, & ventis delère secundis.
 Ast aura immoriens velis audacibus ausis
 Obstetit, adventansque nigris nox atra tenebris.
 Non minus interea Jacobus plurimus acri
 Marte, animoque calens Ruiteri mœnia querna
 Aggreditur: pugnant magnis conatibus ambo:
 Æra tonant, volitantque pilæ sub pondere vasto,
 Excidiumque, necemque ferunt: aplustria ponto,
 Disiectæque trabes, & corpora cæsa virorum
 Incertum fluitant; medioque in gurgite fumant,
 Malique, tabulæque, ambustaque fulmine vela.
 Non minus ardebat Mayors, & Mulciber atrox
 Agmine postremo, quod & hinc Sanvichius, illinc
 Batavici ductor Vangentinus acer agebat.
 Hic Mers, Vulcanusque ferocior, hic magis atrox
 Pæna fuit, fortis periit Sanvichius igne

Extemplo Eboracensis
 anchoras eductæ, agmen
 explicat, ac fortiter Bata-
 vos excipit.

Estræus primus hostes
 aggreditur, & submovet.

Acrior & Jacobus in-
 vehit in Batavorum
 prætoriam; hic acerius
 pugna.

Ambusta cum nave; simul periëre procella
 Quingenti juvenes, propriæ non cædis inulti;
 Nam contra Hollandi periit dux agminis unâ
 Cum navi, geminæque alic sunt fulmine adustæ.
 Non aliâs tantis odiis, cæcoque furore,
 Nec tantis unquam pugnatum viribus inter
 Æquè auro dites gentes, animoque feroces.
 Sed cùm jam fusco luceſceret æthere Vesper,
 Thracius & sensim tenui lentescere flabro
 Inciperet, Batavi, certò res perdita quando
 Marte sub adverso, vento dant vela reflanti
 Sub noctem, indecoresque petunt sua littora cursu.
 Victores Angli exultant, lætique triumpho
 Vocibus & festis, & ovanti murmure totam
 Duxerunt noctem, & Baccho indulgere frequentes.
 Usque adeo captare sinum, & loca puppibus apta,
 Artibus & propriis classem disponere multum est.

Batavi vidi se fugæ
 mandant.

Angli victores ovanti
 sibi murmure victoriam
 gratantur.

Tempore post multo sub Mœnia nota Panormi
 (Partheniis quondam Musis habitata Panormus
 Et quamquam non æqua, tamen dilecta poetæ.)
 Non sic ipse, licet multa foret inclytus arte,
 Versatusque diu pugnis Ruitèrus, & armis
 Et doctus maris ambages, positusque locorum;
 Præstitit, armata Galli cum classe secundis
 Descendère auris incendia vasta ferentes.
 Ideirco (piget & nostri meminisse doloris.
 Sat luctus tulit illa dies, sat sanguinis haustum
 Flammaque, ferroque: virum sat gurgite mersum est;)
 Ipse vel in primis duro data victima Marti,
 Sublatus Fato indecore, & sine honore sepulchri.

Batavi, Hispanique
 Ruitero cæso, ac classe
 incensa ad Panormum in
 anchoris stantes videnti.

Verùm age, restat adhuc labor alter, & altera cura;
 Arbitrium venti, Prætor, lucrarier, infra
 Spirantes auras Nerei cùm cœrula sulcas;
 Ut sic immineas hosti felicibus Euris.
 Et premere extemplò, atque in pugnam cogere possis:
 Evades objecta fugæ saxa ardua, vel te
 Et classem inducas quæsito flamine portus.
 Oblisquum cures versum, qui proximus Eurum
 Seu læva, dextrave (1) premat; tantumque profundi
 Diffindes spatium, quantum properare potestas.
 Hinc retrò flectes æquato tramite cursum.
 Idque iterum facies, donec spirantia flabra

Qua arte venti arbitrium
 obtineri possit, ut
 promontoria superari
 possint.

(1) *Accostarsi al vento*, quod & stringere ventum dicimus.

84 NAUMACHICORUM:

Obtineas victor, vel procurrentia saxa
 Exuperes; liceatve sinus intrare repostos.
 Ast hic te moneo, Prætor, quod discere multum est:
 Cùmque per accessus procedere, perque recessus
 Niteris obliquum in ventum, quò mobilis auræ
 Arbitrium tandem obtineas à puppe secundum;
 Longior accessus fiat, latèque per æquor
 Extensus: multum flantis lucrarier Euri
 Sic poteris, facilique jugum superare labore,
 Præripere aut hosti crepitantes murmure læro,
 Caurosque, Zephyrosque, & ovantes imbris Austros:
 Ast labor est, vento cùm delectamur euntes
 Angustas inter terras, freta stricta carinis
 Velivolis, accessus ubi, mox inde recessus
 Haud equidem poterit produci tramite longo.
 Hinc tibi sunt multe insumendæ temporis horæ,
 Et multi pariter peragendi in gurgite flexus
 Gaulis undivagis, toties qui cursibus actis
 Incursare sibi poterunt per mutua, & unà
 Intricare orbes sociorum, ipsosque morari.
 Quo circa Martio procedant ordine naves;
 Et mox inde retrò cursu sectantur eodem:
 Atque adhibenda tibi in cursu solertia multa est.
 Ast age, si studeas, Prætor, cùm mobilis Euri
 Aura favet pinis hostilibus, ipse sonantem
 Inferitis ventum accipias, invertere sortem,
 Et tibi suffantis flabii captare favorem,
 Nitere velivolis inimici pellere puppes.
 Æquor in abruptum, & longè fac salsa secare:
 Id verò facili poteris præstare labore,
 Tramite si adverso, largòque volumine curres,
 Omnibus & flexis simul in contraria velis.
 Et quamquàm venti arbitrium furarier hosti
 Ardua successu res sit ventura secundo:
 Attamen in longum ducas si tempus, & auræ
 Expectes de more vices variantis in horam;
 Ut vapor assurgens vario de cardine mundi
 Attenuat sese, mutatque sonantia flabra.
 Rarus enim dum fit, multo ciet aera nifu,
 Spirantesque animas sine corpore ducit in auras;
 Erroresve hostis malè cantu sedulus ipse
 Oppèrèris, ubi concessa & protinus uti
 Si tu sorte queas: Solertia sæpè Magistri
 Atque acre ingenium tulit, & patientia palmam:
 Ast illud tenens: interdum littora propter

*Juvat ad id ut aditus,
 reditusque longids fiant.*

*Quod sanè difficile in
 angustis fretis, quocirca
 Martio ordine inceden-
 dum.*

*Exponitur atq, qua
 ventus præripi hostibus
 possit.*

*Nesciendæ interdum
 mores: nam sæpè ipsi se
 variant venti, cùm novi
 se vapores attenuant.*

Dum

Dum spirant Zephyri, atque intendunt vela secundi,
 Longius aut Libyci resonant, aut perfurit Ausser;
 Quin etiam juga celsa, & promontoria circum
 Diversæ perflant auræ: latus Eurus Eoum,
 Occiduum sed Corus habet, statusque Favoni.
 Idcirco interdum porrectum evadere montem
 Si noris, Dux, arbitrium lucraberis auræ.
 Quin etiam inclusam terris si Dorida curris,
 Currentes poterunt sinuosi gurgitis undæ
 In dextram ventum tibi mittere, mittere & hosti
 Ad lævam: certam quo mox certamine palmam
 Marte feras. Vastis ubi fluctibus æstuat ingens
 Oceanus, Lunæque suos per tempora fluxus
 Alternat, variis simul ipsæ & flatibus auræ
 Alternare vices solitæ, quæ cuncta necesse est
 Scire Ducem, & docta pariter prænoscere cura.
 Vincere si cupiat, laudemque à Cæsare ferre.

Perge, velis Prætor, dubio certamine Martis
 Classẽ subtrahere, atque in congrua tempora pugnam
 Differre; optati cum spes secura triumphi
 Fulserit, Æoliaque ruunt dum rupe, secundi
 Intendunt & vela Noti, & fera prælia poscunt;
 Sive novi accedant focii, viresque recentes,
 Queis prius inferior fias par hostibus, æquo
 Extento in campo valeas decernere Marte.
 Non etenim præstat, non res & publica poscit;
 Adverso ut vento, multis & viribus impar,
 Unius in sortem committas omnia pugna.
 Quæ nequeas reparare, cave permittere casu;
 Si tibi felici faveant spiramine venti,
 Haud equidem poterunt hostes te cogere ad arma
 Non aqua, in certum te te, classẽque periculum
 Coniicere; è puppi replcant si carbasa Cori,
 Ad dextram venti propior vada falsa secabis
 Curfibus obliquis: longè sic semper ab hoste
 Tutus erit, lævam Cori dum cogitur ipse
 Obliquo pariter cursu per falsa tenere.
 Quod si constanti ventus regat æquora flabro;
 Haud multum tibi, Prætor, erit coram hoste tenerẽ
 Adverso classẽ, & pugnam vitare morando.
 At quoniam instabiles semper, nec sistere eadem
 Sede sciunt auræ, quibus & variantibus, ipsa
 Sese etiam pugnae variat fortuna repenti;
 Idcirco hostili è conspectu abducere classẽ
 Nitere dux longè, sic tutius æquora cures,

Nonnumquam quæ ad
 dextram Promontorii
 spirat aura non est eadẽ,
 quæ ad lævam sublat.

Maris etiam fluxus
 ad ventum obtinendum
 conducunt.

[Id præcipue in Oceano;

Quid Prætori agen-
 dum, cum dubio Marte
 subducere classẽ cupit.

Si secundi pessent
 venti, ad dextram auræ
 accedat, quò longius ab
 hoste naviget.

Quò

Quod si inferiori ex
parte curat, quàm longè
ab hoste illi navigandum.

Si verò subducere clas-
sem velit, id ordine, quo
supra dictum est, faciet.

Quid si vicenti suorum,
& navium magnitudini
confusus certare velit,
qua id arte perficiat, ex-
ponitur.

Qua arte cogendi sint
hostes ad arma.

Quæ industria cavere,
ne hostes ad ineundum
cecum cogat.

Quò tandem melior tibi Sors sese offerat. At si
Inferior ponti sulces vada cœrula, & aura
Arbitrium tibi dura negat, tum, Prætor, & ipse
Hostis uti, largo circumdabis æquora flexu,
Nec propior pinis fias hostilibus: altum
Æquor adi, velisque obliquo tramite curre.
At tibi si in ventum placeat dare carbasa, quando
Haud tutum coram hoste diu persistere campo:
Ordine tu facies, quo dictum carmine nostro,
Cum tempestivum meditare in tuta receptum.
Nam si, Dux, cursum temerè in contraria flectes,
Casibus obiiicies certis classemque, tuosque.
At si tu juvenum virtuti, & navibus altis
Confusus certare velis, hostemque morantem
Cogere; ut & forti palmam committat, & armis:
Da mentem; paucis, res est operosa, docebo.
In primis in vela Noti si suscipis auras
Inferior tali proscindes Nerea flexu,
Qui longè alatas inimici submovet alios;
Ast in conspectu semper versentur, ut Euri
Cum variant sese, crepitantque in vela secundi
Protinus aggrediare, ibique faventibus auris
Egregiam referes palmam. Sed carbasa dextro
Si tua vel Zephyrus tendat, vel flamine Corus;
Qua cogas ratione hostes descendere ad arma,
Accipe; si vento, obliquisque per æquora velis
Ad lævam currant, flexu tu longior ibis;
Ut iusto spatio decedunt navibus illi.
Classis quique tuæ mox cursu præpete Gaulus
Hostilem sectetur, aquas qui findat acuto
Adversas rostro, rhomboque excurrat eodem.
Quandoquidem tali si naves ordine cunctæ
Neptuni vada falsa fecent, cum tempore longo
Tota perhorrifici jactum se fulminis intra
Constituet classis: tum signum protinus ære
Bellandi dabis, & primus certamen inito;
Ut tamen eventu peragatur pugna secundo,
Omnibus efficies, Prætor, conatibus, omnis
Ut classis classi respondeat: omnibus omnes
Navibus & naves adversæ: longidus una
Hostilis ne pars classis procedat, & auras
Se circumflectens velis furetur amicas.
Præterea dum quæque ratis sectabitur æquos
Per tractus hostem præeuntem, à sede recedat
Ne propria, varietque situm, ni certa Magistri

Iussa velint, & quo Rectores ordine currunt;
 Currere subiectæ pinus nitantur eodem:
 Illi etenim cursus, & prælia dura gubernant.
 Perge, tuas superet vires numerosior hostis,
 Et salvam in patrios classem deducere portus
 Exoptes, illo nitaris tramite semper
 Findere velivolis undantem Dorida pinis;
 Quo simul ipse suis volitat cum navibus hostis;
 Terga premens, teteque affectat cogere ad arma.
 Et nunc ad dextram, nunc lævam mobilis auræ
 Inflexas clavum, donec sub littora nota
 Incolumes vertas multa cum laude carinas:
 Insuper his, multis superas si navibus hostem
 Ut facilè evincas producta longius ura
 Postremum circumvenies Dux illicet agmen.
 Sic latere è gemino, & geminatis ignibus hostes
 Comprensi, nimboque & tempestate sonanti,
 Vel tibi se dedent, vel acerbo funere merfi,
 Ad Manes ibunt Plutoni victima. Sed si
 Arbitrium neget aura suum, lævaque fufurro
 Murmuret; in velum retrò persisterè naves
 Agminis extremi jubeas, si fortè resistentes
 Alternæ furgant auræ, & tua murmure destro
 Intendant vela: actutum tum flectier agmen
 Postremum poterit, subitoque accendere pugnam:
 Sunt qui non circumveniunt signa ultima classis,
 Fronte sed ex ipsa trans vela hostilia vesti,
 Primum tormentis quatiant ardentibus agmen.
 Nam si serpentis serias caput, omne repenti
 Corruit & corpus, victoria & integra parta est:
 Sic ubi jam primum excussis turbaveris agmen
 Fulminibus, ceptantque hostes terroribus acti,
 Despondere animos, reliquas comprehendere naves
 Mox pavor incipiet, terrorque, & mortis imago
 Plurima: quin etiam sese inter fulmine abactæ
 Incurrent naves, fociasque timore replebunt.
 At tu Parthenias Musas si consulis, agmen
 Postremum aggredere à tergo, dum fulminis ictu
 Alterna de parte tui quatiantque, petuntque.
 At circumveniat ne te numerosior hostis,
 Si vitare cupis, cura solerte caveto;
 Ne longam retrò extendat cum navibus uram;
 Flectere quam possit vento, & tua tergora nimbo
 Fulmineo petere, & quernos disrumpere muros.
 Si vento immineas, primi fac agminis alnos

Si numerosa classis,
 extendenda est: Ura, ac
 postremum hostium ag-
 men circumveniendum,

Audaces illicet per
 ultimum agmen invecti
 primum aggrediuntur.

Quid agendum ne
 Fretiori ab hoste circum-
 veniatur.

Non

Non primis hostis, sed respondere secundis.
 Sic etenim quotquot prima stant fronte carinæ;
 Haud tete petere, ardentique laceßere nimbo
 Adverso poterunt; & si se flectere quibunt,
 Haud equidem facient longo ni tempore, quando
 Incassum recidit cursu labor omnis, aquoso
 Infumtus campo: nam post certamina longa
 Fulminaque, bombosque, & terribiles reboatus:
 Deponunt venti status, pelagusque filescit:
 Scilicet excussi fugiunt diversa vapores:
 Materiesque novis gignendis tollitur auris.
 Quin etiam media sub classe relinquere inane
 Sæpè juvat spatium, frustra quod verberet hostis.
 At caveas primum ne sic se distrahat agmen
 Navibus à reliquis, aut callidus abstrahat hostis.
 Sic etenim efficies ne inimici longidus uram
 Extendant tua signa retrò, geminisque flagellent
 Pulsibus extremum, atque involvant ignibus agmen:
 At non dextra tibi Zephyri si sibilet aura,
 Non tantum vacui prima sub fronte relinque,
 Plus tamen in medio. Verùm ne fortè per illum
 Irrumpat citus adversarius, & tua pulsu
 Terga petat, medio præstabit habere carinas
 Turritas aliquot, vacuum quæ fulmine servant
 Excusso, atque alias incendia dira ferentes,
 Clausa sinu superas jam jam eruptura sub auras;
 Contra adventantes quæ mox mittantur in hostes:
 Verùm audax labor insequitur, plenusque pericli;

Quibus præsens, ac for-
 ris est animos per mediâ
 hostium classem irum-
 punt, ventique arbitrium
 luccantur,

sic magna Eistæus cum
 laude in Batavos præsi-
 cit, ac victoriam adeptus.

Sese transversum medios immittere in hostes,
 Et dexteras captare auras, & vertere sortem
 Hastenus adversi certaminis: ardua Martis
 Alea, digna viris sed fortibus, & quibus alma
 Est cordi laus, & facti meritissima laurus.
 Qualem Texelæ ad limes certamine duro
 Audacem Estræum magno retulisse suorum
 Cum plausu memorant, dubio cùm Marte, Notoque
 Adverso, in Batavos irrumpens impete pinus
 Evasis sine noxa, aurisque in vela secundis
 Inflexit clavum, & Zelandas fulmine adortus
 Disjecit subito naves, palmamque morantem,
 Hostibus edomitis, tandem ad sua signa vocavit.
 At quia difficilis, magnoque obnoxia damno
 Res est, successu careant si cepta secundo;
 Idcirco raro in casu tentabis, iniquus
 Cùm te Mars premit, & Fortuna adversa, malumque

Im-

Impendet majus. Audendum rebus in arctis,
Et quod Sors, Mavorsque negant, virtute merendum est.

*Quia verò res ardua,
Idcirco ra. d. & quibus in
casibus tentanda.*

Infuper hostilis multum si classis inane
Liquit utrumque inter versum, navesque suorum
Adversum stantes non praelia dura ciere,
Sed tantum spectare quæunt, transvadere in hostem
Idcirco præstat, Martemque accendere bombis,
Sique aliquot mediis in fluctibus armamentis
Exutæ fluitant alni, incertumque feruntur,
Postremum poteris, via quæ tibi larga patefcit,
Agmen trans petere, & longo comprehendere flexu.
Sique tuas hostis naves distraxit, & illæ
Sint arcto positæ, circumque premantur ab hoste:
Auxilium quibus adverso sub Marte ferendum est.
At res ut magnis cedat feliciter ausis,
Collige, Dux, agmen, structoque sub ordine pinus
Immitte, & velis geminatis plurimus auras
Accipe, quod spatium pervadas ocyus omne,
Ne vadens medio in cursu oppugneris ab hoste.
Insuper actutum stat ceptum insillectere cursum,
Hostica ne classis flexu se vertat eodem.

Sed post tot pelagi tractus, fluctusque remensos,
Ventorum & luctas, duratque praelia Martis,
Securi invitant portus, & littora duris
Rupibus intercincta, armataque turribus altis:
Defessis ubi blanda quies, atque otia læta.
Sed prohi Fata Deum, nec tuta in portibus ipsis
Vita, salusque hominum! tantæ mortalibus iræ,
Atque odia, & regni numquam saturanda libido.
In flammæ, ferrumque ruunt: non horrida Martis
Exterret facies, nec certa pericula tardant.
Idcirco ut gremio classis secunda recurvo,
Stent clausi portus hinc, illinc littora propter
Uno dispones turratas ordine pinus.
Anchoræque expositas fundabit dente tenaci,
Illæ autem tanto distent discrimine terris,
Ut terras inter, puppesque meare potestas
Nulli sit: juxta sed portus littora naves
Ignivomas aliquot dextra, lævaque locato,
Quæ sua conclusus nautis sinus ostia pandit,
Nam sic irrumpens ab apertis fluctibus hostis
Amittet venti arbitrium quæque ostia propter
Ignivomæ insilunt naves ruere ocyus aura
Felici poterunt, hostemque involvere flammis.
Non secus & reliquæ, stabulant quæ litore utroque

*Qua arte portus, inque
ipsis Classes muniendæ.*

Actutum ventis expandere vela secundis,
 Et pugnam ferere, atque inimicas perdere naves,
 Et quibunt palmam parvo certamine ferre.

*Apostrophe ad Mæ-
 natem, cujus jussu ceptum
 opus, finem accipit.*

Sed jam devexi me temporis admonet hora,
 Ut jussis RAMBALDE tuis, quam cepimus alto
 Suspensam è clavo citharam, & discordia fila,
 Reddamus numquam nostris (mortalia quando
 Linquimus, & superas jam jam properamus ad arces)
 Articulis pulsanda, tui tu fuscipe Vatis
 Obsequium, & nostram victuram in sæcula famam,
 Lande tua, magnique tui tege nominis umbra.

F I N I S.



PARTHENII
BELLICA.

REPUBLICA
PARTE III

NICOLAI PARTHENII
GIANNETTASII

NEAPOLITANI

E Societate Jesu

BELLICA

Editio secunda emendatior.



NEAPOLI, M. DEC. XIV.

Apud Bernardum-Michaëlem Raillard.

Superiorum licentia.

Reimprimatur, Neap. die 6. Novembris 1714.

NICOLAUS CAN. ROTA PRO-VIC. GEN.

D. Petrus Marcus Gyptius Can. Dep.

Reimprimatur, Neap. die 8. Novembris 1714.

ARGENTO REG. ET PRÆSES.

Pescarini.

EXCELENTISSIMO
PRINCIPI
THOMÆ
AQUINATI,

Castilionis , Feroleti , Sancti Manghi , ac
S. R. I. Principi,

PERPETUO HISPANIARUM MAGNATI,

*Mamertinorum Comiti , Urbiumque Neoca-
stri , Mamerti , earumque Statuum
Domino.*

NICOLAUS PARTHENIUS GIANNETTASIVS

PERPETUAM FELICITATEM.



Um Surrentinos Autumnos , læsas nimirum
nostros , & successiva temporum ramenta , que
excidere sine lacro , veteri sapientum more ,
non patimur , summa humanitate , ac bene-
volentia , quæ dotes ita animi tui proprie
sunt , ut natus ad bene merendum videaris ,
complexus sis , Princeps Excellentiss. haud
equidem multum mihi dubitandum fuit ,
quin Bellica , tot mihi annos exagitata , &
ea , qua poteram , diligentia perpolita , tibi etiam nuncupare , il-
licè decernerem . Nam si tanta in tenuissimo illo , ludicroque ope-
re excipiendo humanitas , tanta legendo voluptas fuit ; maiorem
sanè futuram , sperare merito poteram , in eo opere , in quo si ni-
lil

*hil aliud, certè materia ipsa te viro, tum erudito, tum bellico-
 so, est quàm dignissima, atque à genere tuo minime aliena. Est
 quippè illud à Bellicosissima tibi gente traditum, & quæ in Ita-
 lia tot annos continuis ferè bellis sibi imperium ascepit. Ea ve-
 rò Longobardorum gens fuit, quæ & si primùm barbaro è solo
 prodierit, mox in mitissimam, cultissimoque Italia cælo, aded ci-
 viles ritus, humanasque artes edocta, ut nihil admodum esset,
 quod antiquis cultoribus invideret. Ex his verò, qui ex Capua
 Principibus, ac Beneventanis Ducibus, ipsisque Italia Regibus
 orti, Aquinum, vetustissimum Volscorum Oppidum, ex quo incly-
 tum Familia tua cognomen factum est, primi occupavere, clarif-
 simam generi tuo originem dederunt: ex quo uberrimo, ac peren-
 ni fonte per tot sæcula, plurimi, præclarissimique viri progeniti;
 qui eam sibi laudem bellicis artibus pepererant, ut victoriarum
 suarum famam immortalè ad posteror. suos transfuserint. E quo-
 rum nanquæ quando omnem proferre multitudinem annorum opus,
 integrique voluminis, non verò paucarum horarum, & unius Epi-
 stole foret) satis sit perpaucos, qui reliquos inter fama gestorum
 supereminent, proferre. Ex quibus, eo tempore, quo Aquinatum
 Comes suprema in gentem imperia dominabatur, tum ordine,
 tum gloria primus emicat ATHENULPHUS, qui validissima hostium
 arce eversa, victisque acie Cassinatibus, illi Campanie ora impe-
 ritavit, quæ inter Lirim, & Vulturnum amnes jacet. Hunc LAN-
 dus non minùs hominis, quàm laudis baro, secutus est: is Ca-
 pua principatum contra fortissimas Corradi Casaris copias strenuif-
 simè propugnavit: Cassinates verò cum cæteris fœderatis, qui ar-
 mato occurrere ausi, insigni victoria ad publiciam Liris pontem
 prostragavit. At enim longè illustria, est præclara illa sint, ATHE-
 NULPHI Secunda gesta fuisse: qui quantùm pietate, tantùm forti-
 tudine valuit: is D. Benedicti, ejusque sedis cum tutelam susce-
 pisset, in Minturnenses movit, collatisque non semel signis, magna
 clade debellavit, atque aperto Marte contra Nortmandos, Capuanos-
 que Principes pro Cassinatibus summa sui nominis laude decertavit:
 Cynque Cajeta Dux creatus, susceptum suffragio magnam illam
 dominationem, armis adversus Salernitanum Principem tum tem-
 poris potentissimum asseruit, inque posteror. suos transmisit. Illius
 autem celebris adhuc apud nos memoria pertransit: quod & Al-
 phanus Salernitanus Archiepiscopus in ejus tumulto eodem serè
 tempore testatus est:*

*Dormit, AQUINE, tuus Comes hic, Cajeta, tuus Dux
 Magnus ATHENULPHUS, Capua quem genuit, &c.*

*Nec minor RANDULPHI pietas, ac fortitudo enituit: qui nullis
 periculis, nullis casibus retardari potuit, quin Ecclesie partes,
 una*

und cum Lotario Imperatore contra Anacleti fautores sequeretur; tantumque suis viribus, suoque ingenio afflictis rebus momentum addidit, ut meritis egregiis laudibus ab Ecclesiasticis Scriptoris commendatus sit.

At quoniam id temporis, sic ferente reciproco humanarum rerum astu, ac variantis Fortuna arbitrio, & nescio quo malo Italia fato, quæ toties Barbaris paruit, ad Normandos magna Meridionalis illius pars devoluta esset, Aquinates Comites Victores secuti, strenuam illis operam in bellis navarunt. Ex quibus RINALDUS, & duo PANDULPHI insigni deceptorum virorum manu Gualtimum cognomento Bonum, in sacram primam expeditionem, deinde contra Africanos mirifice adjuverunt. At extinctis Normandis Regibus, iterumque vices variante Fortuna, Saxoni affinitatis iure admissi, egregie ab Aquinatibus Comitibus adiuti, ut rerum potirentur. Ea verd ætate, is floruit, quem tu uti nomine, ita egregiis moribus refers, relaturus mox etiam victoriis. Is fuit THOMAS AQUINAS; alterum familia tua: lumen, atque præclarissimum sui temporis decus: illum eam Acerarum Comitem Federicus creasset, sibi etiam generum ascieit, iuncta illi in Marimonium filia Constantia: id verd se idcirco fecisse palam professus, quod illius operæ tanti accessionem regni deberet: quod, victis, fugatisque, Celani Comitibus, qui seditiosorum Duces erant, summa fortitudinis, prudentiæque laude asseruerat. At licet hac magna fortissimi Ducis gesta fuerint, maxima profecto, quæ nobilitiori titulo in Palestina, Syriæque gessit: in has enim Provincias summo cura Imperio à Federico præmissus, non semel cum Saracenis tanta felicitate conflixit, ut illis acie victis, castrisque exutis, jam penè desperatis, perditasque Christianorum partes penè in integrum restituerit. Quapropter non immerito, nobilissimum illud Eugenii P. M. præconium promeruit: quod quidem referre operæ pretium est. Prælia tua, inquit, audivimus, quæ & prælia Fidei sunt, ubique felicitatem consecuta, &c. Quibus verbis cum illius tam pietas, tam fortitudo, tam felicitas divino dicam oraculo commendetur, nescio quid majus sit, quod ad hujus egregii viri laudes possit ulterius accedere: imo laudum omnium instar est, ab eo, qui Numinis vices apud homines gerit, egregio præconio exornari.

In hujus filio LANDULPHO tanta in ipso ætatis flore indoles præluxit, tam appetens laudum animus visus est, ut maximarum rerum spem Avo Imperatori fecerit: nec sanè infra expectationem eventus fuisset, ni properata vota, & præcoces spes primo in cursu immaturum juvenis fatum abstulisset: quod aded acerbum Federico accidit, ut epistola, ad generum scripta tum amoris, tum doloris plena, consolori illum, testaturque suam erga conjunctissimam sibi, gratissimamque familiam, benevolentiam voluerit. Ver-

rum, quod praeſtare LANDULPHO praenatura mors vetuit, exequi-
tus RINALDUS eſt Caſertanus Comes, & ſororis Manfredi Regis
vir, cui incluta poſt facta, Regnique totius & pace & bello mo-
derationem, fato occumbere cum ipſa Svecorum regnatrice domo
obvenit.

Cum vero ad Andegavenſes rerum, Regnique arbitrium
translatum, THOMAS hoc nomine ſecundus, Acerrarum Comes Ca-
rolo Primo in Corradini praelio, Luceria expugnatione, cuncto-
rumque Saracenorum expulſione egregiam operam praſtitit. Hanc
autem ATHENULPHUS IV. Acerrarum Comes, paternarum laudum
amulator ſecutus: qui ſub Carolo II. tam navalibus, tam terre-
ſtribus praeliis contra rebelles Siculos proſperè geſtis, majorum
palmas, novis ſuſcibus cumularit.

Et quamquam hereditaria familia tua dotes Pietas, ac
Fortitudo ſemper fuerint, eſſuſſire vel maximè in PANDULPHO
Aquinatium Comite: qui Sanctae Sedis partes periculoſiſſimis tum
temporibus conſantiſſimè tenuit, cujus filii, & praecipuè RINAL-
DUS Paternarum virtutum amuli; in Etruria, ubi acerrimum
tam bellum inter Gibellinos, & Guelfos exardebat, qua etiam
lue tota perè Italia comprehenſa miſeram in modum vaſtabatur,
pro Romana Eccleſia, aeternum victuri, ceciderunt. Quo tempore
dixit THOMAS coram ſpate, maximus tam familiae, tam Fidei
ſplendor dicino ingenii ſui acumine, validiſſimoque ſtylo contra
tam temporis Heterodoxos, pro Fide, ac Religione acerrimè, ſu-
citerque dicebat: & ſucceſſu tam proſpero, ut ab ipſomet hu-
mani generis Servatore laudari ſemel, iterumque mereretur. Sed
quanta hic laudum recensendarum ſeges eſſet, ſi extra oleas ferri
liceret? quantus palmarum campus? immenſus profectò: cum verò
nec praſens id tempus, nec inſtitutum patitur, ad Martia ma-
jorum tuorum facta revertor.

At quia feſſiganti mihi uno plures faſce, ſed laureato, col-
ligere neceſſe eſt: dicam Aſcolitanos Comites, Sarrianos, Bellica-
ſtrenſis, Lauretanos ex tua domo, tamquam Trojano ex equo
emiſſos, non ad Trojam incendendam, ſed ad Patriam defendendam,
ſub Carolo II. & Roberto, mirificas palmas, laureaſque adeptos.
Quibus veluti ſummum laudum apicem impoſuit ADRIANULPHUS
III. Primus Caſtilionis Dominus: qui per omnes militiae gradus
ad ſummum armorum imperium erectus, Ludovici Bavariae contra
Eccleſiam, Romanosque Pontifices inſanientis, maximas vires glo-
rioliſſimè fregit, Ferraria propugnata, Eccleſiaque libertate aſſer-
ta, atque Haereticis Donatiſtis, Reate tunc degenibus, funditus
extinctis, quibus egregiè geſtis à Roberto evocatus, inque ulti-
mos Italiae fines Supremus Dux miſſus, expulſis Siculis Reginum
Julium obſidione liberavit. Tanta verò praeclariffimi Ducis merito
in Regem, Regnumque fuere, tanta res bello geſſe, tanta palma-
rum

rum seges, ut iure optimo epigrapham illam meruit, quæ in tus
Castilionis arce præfixa ad æternitatem est.

ATHENULPHO

THOMÆ AQUINATIS, & Ameingaldæ de Cæceno filio

Ex Comitibus Aquini, Cajetæ Ducibus

Post obitæ præclariora Caroli II. & Roberti Regis munia

Capitaneo Generali

Castrum regia munificentia concessum.

Anno Dom. MCCCIII.

Ex hac autem secundissima Heroum propagine post XL. Cas-
tilionis Dominos, Principes V. tu, Vir præclarissime, emanasti,
inter quos THOMAS II. illustribus impressa notis Patris casti-
gia secutus, Marti se addixit: summoque cum Imperio in Japy-
gii Dux sub Carolo III. & Joanna I. exercitibus præfuit; pal-
misque ex hostibus relatis, se Aquinatem probavit: eodem ferè
tempore, quo juvenis Ladislaus libertatem, nomen, Regnumque
Francisco de Borgo celeberrimo Duce, asserita retulit, cuius do-
mus materno iure in vestram Familiam commigravit: nescio cu-
jusham majori sorte? hujusque, qui in illustriorem revixit, an il-
lius, qui tantæ accessione domus una cum Monderisino Comita-
tu, antiquos titulos, atque ornamenta novis amplificavit?

Andegavensi, ac Dyrrachina domo tandem extincta, Arago-
nensis adoptionis, & antiquissimo hereditatis iure postmodum suc-
cessere: quos tua Familia plurimum debere nemo unus est, qui
nesciat, ni fortè is, qui illius ætatis Scriptores, & præcipuè Jo-
vianum nunquam evolverit: à quibus prodita memoria sunt FRAN-
CISCI AQUINATIS Laureti Comitæ gesta, qui unus ex Interregibus
fuit. Hic enim Capuam fortissimè tutatus, atque exercitus ad
Cajetam præfuit, Caldorensium fines invasit, Eugenii IV. arma
tandè retardavit, donec Alphonsus auxiliares copias duxit, at-
que arctissimam solvit obsidionem: cuius rei præclarissima merces,
ac testis fuit Pescbaria Marchionatus, Regni Neapolitani, tam
ordine, tam dignitate primus, quo magnanimus Rex BERARDUS
GASPARUM FRANCISCI filium eo ipso die insignivit, qui suo illu-
stris triumpho fuit.

Sed quoniam longum esset cunctos, vel etiam summam per-
censere, prætermitto, quam fortiter, constanterque Aragonensibus
Regibus suam operam reliqui Lauretani Comites, Castilionisque
Domini præstiterint, commemorare: & quanta v. RINALDI, VIIQ.
LUDOVICI Castilionensium Dominorum merita fuerint, quando præ-
clarissima exstant testimonia, eaque sunt Regiæ Mensæ, Erarii,
totque armorum Præfectura, totque insignes Equestres Ordines,
titulique complures, quibus modò bi, modò illi pro præclaris in
bello gestis exornati fuerunt.

Et quamquam istorum omnium virtus ad Regnum obtinendum, conservandumque Aragonensibus Regibus plurimum valuit, nibilo tamen minus, extinctum omnino fuisset cum illorum nomine Imperium eo tempore, quo Carolus VIII. Francorum Rex validissimo, numerosissimoque exercitu: Aragonensium Principatum aggressus est, nisi hinc INDICI AVALI, illinc verd ANDREÆ Mamertinorum Comitum avi tui collata in unum virtus juveni Ferdinando spes, animosque fecissent, atque illius jam jam labentem fortunam tenuissent, erexissent, ac demum in priorem dignitatis gradum restituisent: quocirca istorum opera exortas tum primam Aragonensium res non immerito dixerim: huius verd tam saluberrimi, quam praeclarissimi in Regem, ac Regnum gesti baud par retributio visa est amplissimus Mamertinorum Comitatus: quod Rex ipse in diplomate magnificis confiteri verbis non est verius.

Post Aragonenses Austriaci, ut in Hispaniarum Regna, ita in Neapolitanum hereditario jure asciti. Quibus quam peregrinam operam, quam fidam Progenitores tui collocaverint, neminem profecto esse arbitror, qui non teneat: CÆSAR X. Castilionis Dominus in Africana primum expeditione, quæ contra Albe Juliiæ prædones suscepta est, deinde contra Lautreci copias, ac validissimos conatus in obsidione Neapolitana, pugnacissime pro Carolo V. dimicavit. Joannes Baptista in Belgico bello, HORATIUS, Hierosolymitanus Eques, dum Melitam Fidei asserens à Barbaris propugnaret, GASPAR in navali ad Arbancum pugna fortissime decertantes gloriosissimam mortem occubuerant. Et ut ad proximiora tandem tempora descendamus, celeberrima apud Belgas est JOANNIS Secundi Feroletii Principis propatruj tui virtus, quæ sibi sempiternam nominis famam comparavit. Inter ceteras verd res in bellis gestas LUDOVICI Sancti Manghi Principis propatruj etiam tui memorabile illud est, quod in pralio ad Norlingam inter Catholicos, atque Hæreticos commisso, conceditum sibi collem fortissimè defenderit: ex quo illa populorum omnium vocibus non dum satis celebrata victoria, parva est. At quanta ego voluptate, quanta veneratione Principis ALOYSII Parentis tui memoriam revoco: cujus virtutem, prudentiamque nostra hæc Civitas, Regnumque universum difficillimis temporibus experta feliciter est: siquidem in populari tumultu, à Patruo, qui à Joanne Austriaco summa auctoritate ad componendam pacem legatus fuerat, regii vexilli, quod ex improvviso ad Albam Portam explicatum, erectumque est, illi uni, tamquam viro forti, tutela commissa est. In postrema Messanenensium defectione, Siculique bello, delecto ex sua dominatione milite Calabriae litora strenuè defendit, auxiliumque Castilioni tulit, cujus arcem ex inopinato adorti Galli, Siculique fuerant: naves onerarias, quæ Neapolim annonam debebant, ex hostium penè manu eripuit: quo tempore tu pater visus

es basile humero gerens inter antesignanos milites stationem tenere: & quantum puerili corpore infra reliquos eras, tantum supra omnes animi magnitudine, ac divina indole eminebas.

Et sane non tibi bucusque animus, non ardor bellandi, sed occasio defuit: quod manifestis argumentis prateritis annis ostendisti: cum post pugnam ad Orbesanam baud feliciter initam, res nostra periclitarentur, designatus Dux es Italicae legionis, quae tum in supplementum scripta erat, à Comite S. Stephani Prorege Neapolitano, cui tua virtus, prudentiaque apprime nota, perspettaque erat: quae dotes non solum aetati praecurrerunt, vix enim xxiv. annum attigeras, sed nata tecum sunt: sed cum casu, qui quantum humanis in rebus possit, scis equidem, retardata illius legionis expeditio sit, & pacta Italia primam, deinde Europa totius, quae in armis erat, pace, ablata tibi tam peroptata, tam felix occasio, quod quam aegro tuleris animo, scimus equidem: nam nihil iniquius generoso accidit animo, quam praesentem rei bene gerenda occasionem amittere. At sume, quo praestas, animum, si non hac, aliae certe non deerunt occasiones, quibus eam adipisci gloriam valeas, quae domus tua propria est. Nam cum tibi Martius à maioribus inditus sanguis sit, cumque pulcherrima ex grandi conjugio proles obrenerit; quo, quidem regio item, ac bellicosissimo sanguine tuo admisso, nova ad bellandam incitamenta, novique tituli addentur: liberi nempe tui ex Fulvia Mirandula Ducis filia procreati, cui Mater Estensis, Ava Sabaudica, Abava Austriaca, Philippi III. Hispaniarum Regis soror; primis tum Italia, tum Europae Regionibus conjuncti iure sanguinis cognatique sunt: cum denique viribus, ingenioque polleas, inque veterum Ducum gestis versutus sis, quis te optimum futurum Ducem ambigat, etsi tardè in arenam descenderis? tardè autem? imò tempestive: continua quippe exercitatio umbratiles pugnae sunt, nec experientia ei deesse poterit, cui & perspicax ingenium, & praesens est animus.

Accedit etiam, quod cum Catholicus Rex, summo & prudentissimoque iudicio Te inter Hispanae Aulæ Magnates perpetuo adlegerit, qui honor multo antea Familiae tuae debebatur, & non ad Domus tuae magnitudinem, splendoremque tantam, ac Atavorum tuorum inclita gesta, ut è multis pauca enumeravimus, sed ad Te, virtutesque tuas, fidemque respexerit, magnamque de Te tot animi dotibus exornato expectationem conceperit, habes novos stimulos ad immortalē tibi gloriam comparandam. Veram, ne modestissimas aures tuas offendam, reliqua, quae de te, tuaque familia dicere possem, praetermitto: & eo praecipue, quod nemini non sunt quam notissima. Quis enim ad id inscius annalis est, qui nesciat tot praclarissimos ex tua familia viros, vel insula venerandos, vel purpura conspicuos, vel praefecturis Provinciarum, ac

Re-

*Regnorum nobiles, vel Regiis, ac Pontificiis Legationibus insignes
prodiisse? Quis aded imperitus rerum qui tot, tantosque domus
tuæ titulos, ac principatus ignoret? Quis Majorum tuorum egre-
gias dotes, ac virtutes plenè divinas, quibus præ cæteris emicue-
runt, admiratus sapiens non est? Ex quibus jure factum, ut non
immeritò antiquos modernosque Aquinates comitate, ac moderatio-
ne cum Romanis Valeriis conferre quis possit, uti bello & forti-
tudine cum antiquis Claudiis, & Corneliis alii contulere. Su-
perest tandem, ut benigno vultu, ac ea comitate, quæ animo tuo
indita à natura est, nostra hæc tu Bellica excipias: habebis pro-
fecto quibus artibus, qua industria, eam gloriam comparare
possis, ad quam regium sæpè animum intendisti: atque erudi-
ri etiam in illis liberi tui, vel à teneris annis valebunt, tibi que
eam segetem laudum subministrabitis, qua nobiliori corborno al-
tius quid sonare valeam. Vale ex Surrentino Nonis Augusti
MDCXCIX.*



BEL-



BELLICORUM

LIBER PRIMUS.



Uæ melior bello pubes, quibus illa sub armis
Eniteat, structaque acie quæ signa sequatur,
Seu peditum turmæ, seu componantur equestres:
Muneraque, & variæ quot bellatoribus artes,
Sive struunt, variantve jugis & versibus agmen:
Nec non fulminei quæ Martis machina, & usus

Qui sit: quæ leges, & disciplina adhibenda:
Qui Ducis & magni labor, & solertia quanta,
Seu moveat, seu castra locet, sive explicet omnem
In campis aciem, & pugna jam provocet hostem:
Quanta & bellaces ordiri industria fraudes:
Quin etiam docto fuerit quæ cura Magistro
Obfidii, & validas detur quibus artibus arces
Expugnare, quibusque acri defendere ab hoste,
Jam canere, & levibus paulum me attollere cæptis,
Incipiam. Tantorum operum tu numine amico
Author, AQUINADE, propera, lux inclita nostræ
Parthenopes, doctique decus memorabile scæli:
Seu magna æternis meditantem condere carthis
Te (1) Megare turrita tenet, formosæque cultu
(2) Ægla Palatino mirata à vertice plaudit.
Sive redux præscum, tua regna, revisis Aquinum:

Martenatemp invocat.

Aut

-
- (1) Insula, in qua castrum ædificatum, il *Castello dell'Ovo*.
(2) Quæ & Lucullanum, nunc vulgus popularium vocat
Fizzosalcone.

Aut procul irriguo, lustras, quæ flumine cingit
 Hinc celer Ocinarus, vagus illinc amne Lametus,
 Ac juga sylvosus complectitur Apenninus.
 Regna antiqua patrum, lætisque uberrima campis,
 Opportuna situ, & Tyrrheno ditia fluctu.
 O age, terrarum quacumque in parte residas,
 Quidquid agas, insigne licet, descende parumper
 Lautiferum in Martis campum, delectaque Vati
 Auspiciis da bella tuis percurrere plectro
 Heroo, & grandi numeros æquare cothurno.
 Nam tu belligerum genus altum à sanguine avorum
 Ducis, in Ausonia quæ regnare tot annos.
 Quos inter non laude minor, non fortibus impar
 Ausibus affurgis: perque ardua cursibus acer
 Palmiferum sub culmen iter moliris, & almas
 Jam jam vistrici dextra legis arbore frondes.
 Quas tibi Pieriæ pariter deferre Camœnæ
 Certatim affectant, doctosque incingere crines:
 Quando etiam dulci cantu Parnassia pulsas
 Culmina, & Etruscus tibi plausibus assonat Arnus.
 Scilicet ut venias Mars alter, & alter Apollo.
 Quare age, & Austriacum Juvenem dum bella docemus,
 I Vati comes in Mavortia carmina, ut olim
 In sacra signa, Scythen contra comes illius ibis.
 Ille tuus veluti Federici Cæsaris arma
 Insigni quondam Thomas virtute secutus:
 Cui nunc par vultu incedis, par nomine, & ausis.
 Tu verò toti spes optatissima mundo,

Apostrophe ad JOSEPHUM
 CÆSAREM.

AUSTRIADE JOSEPHÉ, sacro sate numine divum,
 Has precor, has humiles ne dedignare Camœnas:
 Nam tibi magnanimas artes, & Martia tradent
 Munera, Threicium queis debellare Tyrannum,
 Et potis egregios majorum æquare triumphos.
 Nam tu (vana mihi cecinit non Delius) ille
 Cæsar eris, Graii primum quo Consule fasces,
 Post cladem Othomanum, & felicia bella recepti,
 Addentur Latio: fastis melioribus annus
 Aureus incipiet, palmaque insignis Eoa:
 Austriacosque tuo venit de nomine dictus.
 Tunc Oriens, tunc Vesper erunt Rectore sub uno:
 Tu Restor, tu Cæsar eris: tibi serviet uni
 Europe, atque Asia, & pacatis Africa monstribus.
 Jam video Scythicis fervere cladibus Hebrum,
 Pallentesque atro volventem sanguine Lunas
 Æquor in Ægæum, pharetrasque, & barbara tela,

Victatosque simul penna trepidante galeros.
 Jam video Rhodopen, Pangæaque celsa superbum
 Inclinare caput, totis & plaudere sylvis:
 Teque altum incurvis venerari collibus Æmum.
 Jam tua septenas vestigia lambere pronas
 Aspicio turres, lunataque signa tyranni:
 Et Byzantinas jam jamque patefcere portas:
 Ergo age, da faciles aures, animumque docenti
 Egregias majorum artes, & munera belli:
 Et simul Heroo jam nunc assuefce labori.

At tu, cui chari semper tutela parentis,
 Dive, fuit, magnasque domos, & regna gubernas,
 Austriadum, LOROLA, polo delapsus ab alto,
 Dexter ades, nostrisque favens allabere cœptis.
 Atque tuo, meruit si tantum, carmina Vati
 Suffice: si pennis, animisque audacibus altum,
 Corripimusque iter intactum, insuetumque carinis,
 Dulcia & ingenti si rumpimus otia nervo:
 Ducere tu Vatem poteris per devia, perque
 Ambages belli varias, perque ardua Martis
 Munera: quandoquidem dux acer Iberica quondam
 Prælia conatus virtute, animoque virili,
 Non unum pulso retulisti ex hoste trophæum.
 Quare age, si sunt Austriadæ tibi maxima cura,
 Tu Mars, dive, tubam, tu bellica tympana pulsa:
 Instrue tuque acies: confer tu signaque signis:
 Tu dictis accende animos, & prælia misce:
 Arduus inque Scythas assurge, Hunnosque rebelles,
 Atque tuos sacro Austriadæ dignare triumpho.

Principid quicumque parat decernere bellum,
 Consulat, æqua prius fuerit si causa: neque unquam
 Descendat temerè in campum, seque implicet armis:
 Legitimum, sanctumque fovant præsentia bellum
 Numina, & egregiis semper successibus augent.
 Nec nisi læta pio rides Victoria regi.

At non æqua vetant certamina: vindice pœna
 Injustos & justa duces ad vulnera servant.
 Sæpè urbes arma in socios sine jure ferentes,
 Florentesque unà populos, subversaue regna
 Vidimus, & cædes passim, sædasque rapinas,
 Atque profanatas ædes, & templa deorum,
 Virginibus per vim raptis, temerataque sacra:
 Dura quidem, miseranda: ferocibus attamen illa
 Debita erant populis, atque ausis digna profanis:
 Plurima quæ modo te possunt documenta monere:
 Nec longè à fastis majorum exempla petenda.

Tom. I.

N

Fæ-

Invocat D. IGNATIUM,
 ut sibi opem ferat.

Nunquam de bello de-
 cernendum ni justa ex
 causa, secus cædes expe-
 ctandæ.

Confirmat exemplo
Othomanorum.

Quorum immensæ co-
piæ Viennam obſident.

Virgo è cælo allapſa
obſeſſos animas, & vires
ſubminiſtrat.

Fœdere diſrupto per tot perſuria, bellum
 Movit, & ingentem Romanis Thracia cladem
 Sæva minabatur, ſupremaque funera regno.
 Jamque Scythæ Tanaim, & Mæotidis antra paludis
 Deſeruere: quibus ſeſe conjunxerat omnis
 Dacia: permixtisque Getæ, Moſique ruebant.
 Jam Rhodope pharetrata ſuos præmiſit, & Hæmus
 Ipſe ſuos: gentesque bibunt quæ Strymonis amnem,
 Et quæ Peneum, quæque alta Ceraunia luſtrant:
 Albanæque acies, domitrixque Epidamnus equorum,
 Bellatrix Epirus: & his convenerat omnis
 Græcia, nec longo jungunt poſt tempore duri
 Agmina Cappadoces, Galatæque, & Lydus, & omnis
 Ægyptus, viresque Orientis, & accola Rubri
 Æquoris uſtus Arabs, & odoriferi Nabathæi.
 Millia quot Scythici nunquam duxere tyranni,
 Jam tantis populorum undis, & viribus auſtus,
 Et tumidus ſaſtu ingenti regnator Eoi,
 Pannoniam in magnam ſeſe diſfundit: & omnia
 Occupat agminibus centum, & latè obruit armis:
 Qualis ubi è Lybicis liquefactæ montibus altæ
 Deſluxere nives, vel ſiccis plurimus imber
 Abluit Æthiopus, centum torrentibus auſtus,
 Hinc, illinc magnum coëuntibus agmen in unum,
 Intumuit Nilus, totidem vel fluminibus (1) Gis.
 Haud mora, diſrupto ruit aggere, & omnia victor
 Arva tenet, camposque premit, quatit ariete ſylvas
 Undoſo, atque ipſis inſultat turribus audax.
 Jam Thrax imperii ſedem præcinxerat, & jam
 Undique tormentis centum diſſracta patebant
 Mœnia latè aditus & propugnacula cæco
 Vulcano convulſa dabant: reparare Magiſtri
 Tot non damna valent: non contra obſiſtere pubes
 Auſtriadum generoſa poteſt, dux barbarus urget:
 Jamque ferox turres tenet, imminet & jugulo Thrax.
 Cum ſubito viſa è cælo deſcendere Virgo,
 Cui recti tutela, ſacris & præſidet armis:
 Atque his obſeſſos eſt vultu aſſata ſereno:
 O magnis audere animis: ne barbarus atrox,
 Mille licet ruat agminibus, licet ære tonanti
 Fulminet aſſiduè, vos terreat, inclyta pubes.
 Sed fortes durate etiam, atque arcete ſuperbos
 Odyſſios, virtute pari, qua priſca juventus
 Hæc ſigna, has acies pepulere è mœnibus iſtis.

Nam.

(1) *Fiume Negro*, qui medios alluit Æthiopes, inq; Atlanticum ſe exonerat ad Arſinarium Promontorium, *Capo Verde*.

Namque iterum indecores, castris post terga relictis,
 Clade nova fracti fugient per devia Thraces;
 Atque Scythæ, atque Dæ, Galatæque, Syrique, Arabesque;
 Nam sic vestra fides meruit, sic Cæsaris, & sic
 Pontificis Magni meruit pietasque, fidesque,
 Vertice quem summo venientem cernitis, ille
 Est Pius, est Felix Cæsar: victoria vestra est.
 Hæc dedit, & cælum repetens Astræa petivit.

His dictis firmata manus generosa, ruinas
 Murorum super insistent, atque omine tanto
 Audaci vallant disruptas pectore turres,
 Hostibus obnixi non cedere: donec ab alto
 Culmine descendens Cæsar felicibus armis
 Irruit, & toto dispersas æquore turmas
 Dejecit, victique Scythæ fugere tyranno,
 Præque ignominia, rabieque, iraque fremente.
 Hinc illæ exortæ clades, iterataque crebrò
 Excidia in miseros: tantorum & causa malorum
 Una fuit, rupto susceptum fœdere bellum,
 Armaque, vi facta, regnis illata quietis.
 Quis tantas unquam, licet audax, vincere gentes,
 Deque tot indomito sperasset Thrace triumphos?
 Quis validas arces, & mœnibus oppida tanta
 Præcincta egregiis, opere expugnare, vel ære
 Fulmineo tentasset? eo tamen impete cessit
 Frustra olim nostris obfessa Sicambria signis,
 Altum, horrendum ingens, & non superabile vallum
 Imperii, spes omnis erat quo fixa tyranni.
 Innumeræque arces igni, ferroque subactæ:
 Græcæque concessit tandem victoribus Alba.
 Et qui tot populis armis felicibus ante
 Dicebat leges: & tot cui regna tributum
 Prona dabant, pacem supplex nunc ille precatur.
 Othomanus pacem supplex petit? impia reges
 Gentibus innocuis ne bella moveat: Latini
 Est Deus Imperii vindex. Sed iusta gerendi
 Quæ belli sit causa: Sacri si iussa Senatus,
 Aut si Maiestas populi violata Latini:
 Sive sit à populis Divûm temerata profanis
 Religio: sociis vel sunt cùm iusta ferenda
 Auxilia: aut Gentium si jus sine jure reflexum est.
 Publica præterea si res oppressa tyrannis,
 Sanctæque libertas eversa: aut regibus actis
 Legitimo è solio per vim, regna occupet armis
 Impius invasor: tandem si sceptrâ tuendum

*Afferit auxilium Cæsar
 cum suis, victiq; Thraces,
 Et subindo multis cla-
 dibus astriti.*

*Quæ belli gerendi ju-
 sta sint causæ.*

Ex tenui causa mini-
mè bellum decernen-
dum est.

A vi barbarica prædonum, armisque potentum.
Legibus his bellum si decernatur, ab alto
Numina sacratissimè aderunt præsentia signis,
Felicesque dabunt successus: omne cavendum
Non æquum tibi semper erit: nec bella ferenda
Sunt ex re minima, vel præ exiguis momentis.
Nimirum si læsa domus privata potenti;
Vel sit ab externis si rapta pecunia civi.
Triste malum, atque ingens, & non optabile bellum:
Idcirco summo non est nisi jure movendum.
Et summum tibi magna dabit jus causa. Britannos
Non ego magnificis, non quisquam laudibus ornet:
Ulturi canis unius si fata, propinquos
Continuè in socios moverunt arma: necesseque
Inter se ingentes, ingentia damna tulere.
Nimirum tanti funus dignatur inane
Occisæ pecudis! verum hæc insana cruentis
Digna feris rabies: homines mollissima quando
Pectora habere, animumque jubet natura benignum.

Expendendè priùsquam
bellum decernatur, an
vires pares sint, sin mi-
nùs, pax petenda,

Perge, inimica priùs quàm bella in regna feramus,
Robora militiæ, cunctasque expendere vires
Convenit; æquales si sint hostilibus illæ.
Nam secus, incerti fortem tentare Gradivi
Non Patres, populumque decet: sed poscere pacem;
Conditione tamen, quæ spontè petentibus æqua
Arbitrio censenda senum. Exorantibus ultro
Vos date magnanimi pacem, & miserescite reges.
Nam non hac major domito victoria ab hoste
Esse potest; præclara magis nec gloria, vestrum
Quæ nomen magnis populorum plausibus ornet.
Parcere subiectis, pacisque imponere morem
Principis imperium magni, & suprema potestas.
Pendere quin etiam semper juvat illud, iniqua
Conditione minor, fastuque oppressus, in iram
Ne ferus insurgat pro libertate, superbumque
Imparibus quamvis armis vi dealeat hostem.
Casibus extremis, quando spes occidit omnis;
Junctæque virtuti mens irritata repulsa,
Viribus exiguis nonnunquam fracta potentum
Agmina regnorum, amissisque insignibus alti
Indecores abiire duces. Natura superbos
Scilicet est fastu quia dedignata superbo.
Et variantis erit semper dubia alea Martis.
Si pacem Græcis poscentibus ante dedisset
Rex Macedum fastu tumidus, victorque Philippus,

Pacem dare potenti-
bus magnificum, & ne-
cessarium.

For:

Forſitan ad Manes non Perſeus iſſet inultus,
 Nec capta imperio ceſſiſſet Pella Latino.
 Staret adhuc Carthago maris regina: neque omnes
 Reſ Aſiæ Antiochus vidiſſet turbine volvi.
 Plurima nec deſunt hac tempeſtate per omnem
 Europen, Aſiamque tibi documenta, Magiſter.
 Quæ quoniam longum mihi percenſere, docebunt
 Te varii rerum annales, faſtisque vetuſti.

Infuper his, illud tota vos mente ſagaces
 Maturate, ſenes, crebrique expendite, bello
 Plurima ſi vobis ſint emolumenta futura,
 Ne damnoque gravi, ſummoque petita labore,
 Spem magnam populi tenui victoria lucro
 Fruſtretur, nullos vel ſit latura triumphos,
 Aurato velut æquoreis qui piſcibus hamo
 Inſidiatur, ei ſi fors diſrumpitur inter
 Linea piſcandum, fulvi jaſtura metalli
 Nullo capturæ lucro penſabitur unquam,
 Idcirco nunquam ſunt Patribus arma movenda;
 Commoda ni multo damnis majora ſequantur.

Præterea ſit cura, æquis ut quæſtibus auri
 Vim magnam, argenticque, futuri prima reponas
 Belli fundamenta; quibus non rite locatis,
 Haud læto Mavors vultu tua ſigna præbit.
 Agmina nam fruſtra juvenum generoſa parantur.
 Magnanimitique duces fruſtra; firmiſſima quando
 Robora militiæ, nervique ad prælia deſunt.
 Fulmine Mars, ferroque incaſſum armatur acuto.
 Ni ſimul ardenti ſtipatus fulguret auro.
 Quamvis ore minas, oculis cita fulmina vibret,
 Et dextra aſſiduè rotet implacabilis enſem;
 Divitiæ, & opes niſi det diſſuſa ſiniſtra,
 Haud equidem poterit palmas ex hoſte referre.
 Idcirco ſit prima Patrum vim cogere cura
 Æris inexhauſti: quæ multos certa per annos
 Suſtineat belli pondus, cœptumque ſecundet
 Ubere proventu. Nonnunquam maxima bella
 Principiò magno rerum ſuſcepta paratu,
 Viribus & magnis, ſubito ſublapſa referri
 Viſa retrò, & medio ſpes curſu amiſſa triumphî.
 Qualiter è paleis æſtate accenditur ingens
 Ignis ubi in campis, latè prima omnia circum
 Arva tenent flammis incendia: cunctaque complent
 Immani ſtrepitu, & ſylvis, campisque minantur.
 Viſ tamen illa brevis mox ut conſumpta, repenti

Videndum an bellum
 futurum ſit utile, nam
 ſecus, abſtinendum.

Paranda pecunia ad
 bellum, qua ſine, ſpe-
 randa victoria non eſt.

Om.

Omnis flamma cadit, timor omnis: solus & amplo
Exiguus restat campo cinis: & puer unus
Insultans cinerem dat statibus. Aurea, Patres,
Robora militiæ, Martique parate futuro.

*Sed cavendum ne viâ
populis cogatur.*

At cauti prohibete, duces ne forsan avari
Per vim, perque nefas rapiant nimium à populis æs.
Nam benè non jacto fundamine, tuta sub auras
Haud surgit moles: verùm est casura ruina
Jam jam præcipiti, quando crudelis oborta
Seditio, gentes vocat in civilia bella.

*Quæ diligentia in le-
gendo militæ.*

His animadversis, instat jam tempus habendæ
Pubis, & egregios ad signa vocare maniplos.
Fortia sed quoniam, generosaque corda reposcunt
Munera bellorum, non gentes cogier omnes
Præcipio: tibi multus erit delectus habendus.
Delige pauca virum, sed Martia pectora: palmæ
Nec spes in numero armorum, turbisque reponas,
Parva manus juvenum, sed lecta, ingentia bella
Consecit, nitidoque tulit, victo hoste, triumphos.
Non populum innumerum, non millia multa trahebat
Magnus Alexander: erant ter dena virorum

*Sint pauci, sed fortes,
idque Macedonum.*

Millia, parva phalanx Macedum, sed vivida multo
Robore, lecta animis, usuque asperissima belli.
His Asiam in magnam, numero, non viribus impar,
Ingressus, tantis ausus se opponere regnis,
Persarum & mille agminibus, Medumque, Sirumque:
Ausus & Hircanos, atque ipsa laceessere Bactra:
Et tandem extremos convertere signa sub Indos,
Quæ damnanda quidem fiducia tanta fuisset,

Et Cathaginiensium.

Robora ni Macedum, & virtus lectissima regi
Pellexo tantas, & spes, animosque dedissent,
Arsacidæ bello victi, totumque subactum
Regnum Asiæ, Gangesque simul separatus, & Indus,
Urbibus atque potens magnis Ægyptus: & omnis
Latè Oriens Graiis ascitus legibus, ingens
Parva peregit opus gens invictissima. Pœni
Non aliter tantis Lybiam domuere subactis
Gentibus: & domini tot fulcare per annos
Omnem non multis cum classibus Amphitriten.

*Et tandem Romanorum
exemplo confirmatur.*

Sed quid ab externis populis exempla requiro,
Stant quando majora domi? si Romula tantum
Res crevit: dominam terrarum pronus adorat
Si Roman, & signis servit famulantibus Orbis;
Urbs una, & paucis Italum comitantibus armis.
Attamen electis sociorum, est ausa superbis

Tanta

Tanta animis tentare: viris & grandia bella
 Suscepit paucis, paucis perfecit: & illa
 Magnis cum ducibus, bellaci & gente peracta,
 Macedones rerum domini, Pœnique subacti,
 Victus Iber, domitique Afri, Gallique feroces:
 Cimbrorum fractæ vires, junctique Britanni,
 Divisi quamquam Oceano; Germania cladem
 Non unam sensit: perfracta audacia Dacum:
 Et domiti tandem Parthi, labarumque receptum est.

At contra imbellis numerus, confusaque turba
 Haud equidem quidquam præclarum præstitit unquam.
 Millia quot Xerxes Persarum fusa manipulis
 Græcorum exiguis coram spectavit? & ipsi
 Agmina tot paucis Syrii flevire tyranni
 Cæsa Palestinis: infecta sæpè soluti
 Re Libyam rediere Arabes: rediere potentes
 Sæpius Othomani, vultu pallente, Polonos
 Seu fortes bello peterent, seu Pannonas, aut cùm
 Tentare Italiæ robur sunt clasibus ausi.

Multitudo imbellis
 semper victa, & cæsa.

Quin etiam in primo pauci stant agmine: & omnem
 Rem pauci peragunt: qui si delecta juvenus,
 Spem certam palmæ læti præsumite, Patres.
 Præterea rarè magni data copia campi,
 Ut tantas populorum acies dux explicet: ingens
 Hinc illud retrò consistit inutile vulgus,
 Spectator tantùm pugnæ, non actor, & inter
 Tot varios lingua populos, & moribus, ordo
 Martius haud certa poterit ratione teneri.
 Et si fortè pedem referunt primi, ruit omne
 Tum quoque vulgus iners, magnoque urgente tumultu,
 Terrorem sociis, & vires hostibus addunt.
 Quæ cum sic habeant, delectus plurima semper
 Cura tibi: pubem selectam transtulit Argo
 Vellus in auriferum: Danaùmque electa juvenus
 Ilion ad magnum cum magnis venit Atridis.

Inque acie impedi-
 mento potiùs, quam au-
 xilio est fortibus, si qui
 sunt.

Quare age, quæ duro potiùs gens apta Gradivo,
 Accipe: Sylvestrem primò describere pubem
 Ne dubites: semper tractando aptissima bello
 Rustica gens multo quoniam nutrita labore,
 Et Jove sub nudo, ventisque exercita, & imbri:
 Est Solis patiens, & amicas despicit umbras:
 Nescia deliciis frangi, parvoque beata,
 Simplicitate potens animi, durata palæstris
 Membra, manu valida, & rigido consueta labori:
 Quæ ferrum gestare, profundam ducere fossam,

Qui juvenes legendi.

Fer:

Agrestes optimi.

Ferre onus, à primis didicit solertior annis.
 Sic olim bellator erat, qui rusticus idem
 Exercebat humum, & terram vertebat aratro?
 Qui Cererem curva flaventem falce secabat,
 Falcatos idem currus ducebat in hostem,
 Quique ligone alto vallabat limite campos,
 Pervalidas urbes idem obsidione premebat.
 Quin & Dictator iustus, Consulque creatus
 Quintius, Attiliusque, ferens hic, ille nitenti
 Vomere dum terram durus scindebat arator.
 O niveos patrum mores! ò aurea sæcla!
 Quin etiam agrorum, & nigra gens incola sylvæ,
 Quæ vix delicias vitæ, vix otia novit,
 Nescio quo minus in mortem perterrita fertur?
 An quia chara minus, facilem dat prodiga vitam?
 Hinc semper pubis supplendum robur ab arvis
 Præcipio, rigidosque in bella armare colonos,

Cives minus apti, ut
qui deliciis enutriet.

Plurima sed vitæ norunt qui commoda cives,
 Urbibus in mediis geniti, multaque parentum
 Cura, divitiis, & tot felicibus alti,
 Apta minus Marti sunt corpora: neve magistro,
 Nisi fors urget opus, numerumque implere necesse
 Accisæ morbo pubis, pugnisque sinistris,
 Scribendi signis. Verum, Prætore iubente,
 Cogendi tibi si cives: ne scribere nullo
 Delectu properes: mixtimque ad prælia ducas
 Vulgus iners, cunctisque aptes neu artibus arma.
 Non igitur piscator erit, non aura probandus.
 Quamvis multa tibi belli præcepta gerendi
 Piscator dederit, quamvis & Navita concha
 Bellatorum animos ferventi accederit ira.
 Scilicet hunc mater inter civilia bella
 Cratere in medio connixa, ex urbe Dicarchum
 Dum petit, & patriam percurrit Olympida puppi.
 Infantem genitor regalia signa secutus
 Bellaces inter strepitus nutrit, & arma.
 Ærea fulmineo tormenta sonora metallo,
 Atque fuere tubæ, & rauci cui nœnia cantus.
 Nimirum trepidis ductorem per freta nautis,
 Et præceptorem dederant piscantibus, illum
 Difficiles idem belli qui traderet artes
 Militibus, ducibusque, parabant Fata Magistrum.
 Munere pro tali triplici cui tempora ferto,
 E musco, myrtoque levi, & Parnasside lauro
 Gaudent tergemina pariter præcingere Musæ.

Inter civiles tumultus
natus est Vares, nimirum
ut bella caneret.

Arma

Arma nec aucupibus, nec inerti danda telonæ:
 Linteo non Marti, non par dulcarius, aut qui
 Fœmineas studiis exercent mollibus artes.
 Ast æris, ferrique faber, durusque macelli
 Tractator: rigidam qui carpentarius urget
 Assiduè ferram docilis, lignoque dolando
 Plurimus insudat; quique arma tonantia cudit
 Qui venator aprum jaculis, cursuque fatigat:
 Qui cervos novit, leporesque æquare sequendo,
 Inque feram clamore avidos urgere Molossos,
 Aptior in bellum veniet: discrimine quando
 Non longo distat: pubes ceu rustica, tantum
 Arma armis, similem permutat & artibus artem,

Ast urbe è mediâ Marti quæcumque vocetur,
 Exercenda tibi primum gens illa labore est.
 Pondera ferre humeris, cursu transmittere campum
 Ingentem, & rapido discat consuescere Soli:
 Et vîstu modico, facillique, & tenuibus uti
 Vestibus, & nudis interdum incedere furis,
 Edoctamque velim nandi: sic flumine cursu
 Collectos crebrò sudores abluet: omnes
 Sic morbos vitabit: erit sic aptior armis.
 Insuper his, cives ad Martiâ munera læti,
 Semper ab illecebris patriæ procul urbis agendi:
 Aëre & in nudo condiscant carpere somnos:
 Degere & in campos sua per tentoria: & ipsi
 Illa sibi sylvis fuescant metare sub altis.
 Bellaces sic Sparta suos instruxit alumnos;
 Sic mundi domitrix sese Romana juventus
 Exercebat agris; luxu, longèque remotis
 Deliciis, bello pariter se aptabat, & armis.

Hinc & digressus, quæ sint certissima signa
 Bellatoris: erit pubem cui cura legendi,
 Plurimus insudet, juvenes ut deligat ipso
 Membrorum nexu, vultuque, oculisque valentes.
 Ut varii possint implere gravissima belli
 Munera, quandoquidem certis Natura recludit
 Indiciis, hominum quæ sit solertia cuique
 Indita, quæ vires animo, quæ robore membris,
 Qui genius, vel cui succedat promptior arti.
 Quæ signa in brutis pariter manifesta patefunt;
 Nempe quibus meliora queas prænoscere, quæque
 Aptæ magis soboli veniant, duroque labori.
 Ergo signa tibi semper tutissima fortis
 Pugnatoris erunt, cervix erecta supernè,

*Si qui ex Urbe læti la-
 bore exercendi.*

*Quæ sint signa egregiæ
 bellatoris.*

Distincti maculis humeri, longique lacerti,
 Præduri nervo digiti, nisque potentes:
 Et vigilēs oculorum acies, & pectora lata.
 At modicus venter, sint tenuja crura, pedesque
 Non pingues, latique nimis, distentave fura:
 Duritia nervi sed sint collecta valentis.
 Pluribus his pollens adolescens, optimus armis,
 Acer equis, promptusque manus ad bella vocandus.
 Et quamvis Mario delecti Consule, tantum
 Proceri juvenes, primaque in fronte reposti,
 Qui senis alti pedibus: tamen illa relata
 Delecto si signa viro, ne plura requiras:
 Nam fortem præstat, quàm grandem scribere pubem:
 Corpore non magnus, magnus sed robore Tydeus,
 Acer erat bellator: erat, quis crederet? ipse
 Exiguus pariter Pellæus mole, futurus
 Gesta per, & palmas re mox, & nomine Magnus.

Quod superest, potior semper delectibus ætas
 Prima, puer quoniam discendo est aptior: & quæ
 E teneris imbuta, insidunt altiùs, annis.
 Quin etiam tentanda priùs fortissima belli
 Munera, veloces arcus, agilesque palæstræ,
 Et saltus ætate vigor quàm langueat, & quàm
 Corporis invalidi vires, animique senescant.
 Qui velox, agilisque, atque omnes dexter ad usus
 Armorum, pugnator erit insignis, & acer.

Nec te pœniteat, quod multos atterat annos,
 Ante puer bello quàm surgat idoneus, ævum
 Causetur juvenis non dum venisse merendi,
 Quàm vacuum doleat jam præterisse triumphis.
 Ingenio fuit acer, & ausis maximus ille
 Othomanum Rex, qui tenero præcepit ab ungue,
 Eque sinu matrum pueros ad munera Martis
 Dura rapi, & rigido sub præceptore feroces
 Institui, atque ipso cum lacte haurire Gradivum:
 Vagitu simul arma sonare, & prælia primo.
 Sunt arcus, pharetræque, venenatæque sagittæ,
 Vertibilis turbo, & scuticæ, teretesque trochisci:
 Sunque ollis ludi pueriles martia bella.
 Membra labore domant, æstuque, & frigore durant:
 Et cursu, fortique student contendere lucta.
 Hinc acris gens illa virorum, & nescia vinci:
 Cui ludus sunt bella, neces, stragesque voluptas.
 Viribus his nostra, pudor oh! de gente paratis,
 Barbarus imperium rapuit sibi victor Eoi.

Prima ætas aptior est
 armis.

Turcæ pueros eligunt,
 & longo usu exercent.

At

At non præteream, quæ primæ in milite dotes
Semper erunt, pudor ingenuus, visque aurea honesti.

Hæc habilem bello reddit, dum vertere terga
Ille vetat, multa victorem laude remittit.

Hinc tibi nobilium semper sit primus ad arma
Delectus, Martisque vocentur ad alta decori.

Quid juvat ignavum exercere ad prælia vulgus,
Pluribus in castris annis & habere, sine ulla

Optatæ spe frugis? agro quæ futilis arbor,
Agrestum multo nec profectura labore est,

Tollitur, ex ima radice excussa securi.

Non aliter pellendus iners tibi miles ab armis.

At quia sæpè duces his indulsere, cruentas
Nempè hinc & clades populorum, & vidimus arces

Excisas, flagrasse urbes, subversaque regna.

Idcirco, cui cura datur describere pubem,
Mente sagax, rectique tenax, sitque integer, ore

Ille sit & blando pariter, pariterque severo.

Imperii cui totus honor, cui tota salutis
Spes commissa, fides sociorum, atque omnis opum vis.

Publica namque salus, sociumque, & gloria regni,

Divitiæque omnes versantur cardine in uno,

Nimirum forti, & generoso milite nixæ.

Egregius quamquam multis virtutibus esset,

Attamen hac laude insignis Sertorius una

Præ veteres, clarosque Duces felicior ibat.

Sed neque, terrarum quæ sit, cœlique patentis
Conditio, te prætereat. Tellus licet omnis.

Et cœlum licet omne bonos, & gignat inertes:

Quæque tamen bello gens gentem vincit: & ipsa

Cœli queque plaga, & tellus bellacia mittit

Corda magis, roburque animis infunditur alto.

In medium conversa diem, mundique teporem,

Et gens Auroræ, & nascentis conscia Phœbi,

Chara minis Marti: quoniam siccata calore

Præ nimio, tenui turgescit sanguine venas.

Idcirco sapit, & consultior illa; cruorem

Fundere & hinc renuit, refugitque ferocia bella.

Quin & divitiæ multæ, luxusque superbi,

Et placidi emollit gentem clementia cœli.

At verò gelidas quæ gens devexa sub Arctos

Nascitur, & rigidis crescit durata pruinis,

Acrior, indomita, & duris magis effera pugnæ.

Temperique procul, rectoque ex Orbe remota,

Inconsulta venit, largo sed sanguine dives:

Quæ præcipuè militis
dotes sunt, Nobilesq; sem-
per legendi.

In delectu cœtarum
ratio habenda est.

Auroræ, & Austrigen-
tes miras bellicosæ.

Quæ verò ad Septen-
trionem bellicosissima.

Plurimus ad ferri qui vulnere suppetat, & qui
Audacem faciat, contemptoremque pericli
Plurima non animum versantem, & nulla timentem:

*Afræ populi luxu mel-
les, atque imbelles,*

Hinc Afræ gentes, molli quas irrigat unda
Euphrates, flavoque humectat flumine Ganges:
Et quas frugifera tractus telluris ameni,
Et fontes vitrei, & cœli mollissimus aër
Allicit, & luxus animorum, & dulcia suadet
Otia, bellaci non sunt devota Gradivo
Pectora, Parthorum quamvis clarissima virtus:
Scilicet à tergo torquentes spicula versi,
Fraudibus, & nostro didicerunt vincere luxu.
At gens nulla magis studiis bellacibus impar,
Quàm qui terrarum tenuerunt ultima Seres,

*Seres item imbelles,
contra Japonæ.*

Vix norunt luctantis equi spumantia colla
Flectere, & adductis revocare ad munera frenis.
Verùm quæ toto contra jacet Orbe reposta
Chrysis gens olim, cui nunc cognomine Japon,
Belligeros animos, & sortia pectora gestat,
Nimirum rigidi gentem plaga martia cœli
Ambit, & abrupto tellus in vertice nutrit.
Optima gens quoniam bellis montana ciendis.
Nempè acres duris animos è montibus haurit.
Indomita idcirco pariter Samnitica pubes,
Cantaber indocilis, cum Rhæto Helvetius, & cum
Fortibus Illyricis permixta Albana juvenus,
Et pubes Alpina jugis durata nivolis.

*Montana gens bello
perquam idonea, & curis*

At Libyæ populi, medii quos torrida cœli
Zona tenet, quorum & propior stat verticibus Sol;
Exangues veniunt, pigrique ad bella: calore
Præ nimio indociles armorum ferre labores.
Pœnorum gens nota tamen valuere: sed isti
Mendaces potuere dolis: Numidæque frequenti
Ex usu, Italiæque polo venere feroces.

Afri exangues.

Ast Arabes, numero fortes, & crimine nostro,
Ferre per Europam potuerunt barbara signa.
Est fama tantùm majorum, & carmine vatum
Æthiopum gens fortis, & æstiferi Garamantes.

*Indi occidui supra om-
nes imbelles.*

Mortales inter cunctos novus incola mundi
Alterius, nostris quem per tot sæcula terris
Oceanus dimovit aquis ingentibus, & quem
Subiectum mediæ torret plaga fervida Zone,
Nec duro acceptus Marti, nec idoneus armis,
Ænea non genti tormenta, tubique canori,
Non enses, non scuta. citique ad vulnere nervi:

Sed

Sed viridi armatus ramo, vel arundine lauca,
 Vel fragilis calami tenuatis cote sagittis,
 Ammericus campo tractat puerilia bella.
 Hinc parva gens victa manu: rudis, inscia, mutum;
 Ignavumque pecus veluti, cessere triumphis
 Hespericis, dominoque novo parere coacta.
 At felix errore suo: nam capta ferarum
 Exiit immanes mores, & barbara ritus
 Humanos edocta: sacrisque imbuta Latinis;
 Servitio infami Stygiarum, Orcoque redempta,
 In partem Regni venit, vitæque beatæ.

Sed jam tot populis bellorum laude superbis
 Me vocat Europe, ostentatque insignia mille,
 Mille triumphales arcus, & clara trophæa,
 Palmarum monumenta: quibus præfixa tyrannis
 E victis, spolia alma nitent, lituique, tubæque,
 Atque hastæ, atque enses, & fulminæ balistæ.
 Monstrat & effigies tot ovantium, eburque curule,
 Et sceptræ, & mitras nitidis distincta lapillis:
 Divitias & tot regnorum, è totque subactis
 Gentibus insignes palmas, clarosque triumphos.
 Quæ quoniam populi bellacis aperta supersunt
 Argumenta; nihil tantis fas addere signis.

Quid quod lethali contritus clade refugit
 Magnus, & Imperii pariter, prohi Fata! Latini
 Aurea libertas illa sub strage sepulta est?
 Nempè Asiæ vires, Ægyptus, & omnis Eoi
 Gens illum comitata: fœder pugnacia secum
 Agmina Gallorum, Germanorumque trahebat,
 Robur & Italiæ: similique errore superbi
 Cæsaris ultores capti periere Philippis.
 Et sociis simul ipse suis instructus Eois,
 Victus in Actiacis Antonius occidit undis.

Occiduis igitur potior bellator in oris
 Gignitur: hinc validum genus est Hispana juvenus;
 Ingentes populorum animi, vis æmula laudis
 Maxima, & in parvo magnæ stant corpore vires,
 Non virides agri, non arva, artesque Minervæ.
 Bella sed, armorumque usus est prima ferocis
 Gentis cura: pati docilis, sitque æqua labori
 A teneris crescens annis, generosæque gestat
 Pectora Martis opus semper tentare superbum
 Prompta animis, & prompta manu: mortemque subire
 Certa, triumphali pro lauro, & laude decora.
 Nobilis in pugnam gaudet pedes ire, comanti

Europei bellicosissimi,
 quod & palmis, & trium-
 phis confirmatur,

Pompejus victus, quia
 orientales ducere, vi-
 ctos Cæsar, quia Euro-
 peos trahebat.

Hispani laudantur ut
 bellaces,

Armatus galea, & scuto septemplete testus.
 Insignes tolerare moras, obfessaque multa
 Mœnia tutantur virtute & fortiter ipsam
 Ore famem parco vincunt: stat fortis in arce;
 Inque data statione pedes, piloque tremendus
 Descendentis equi pugnacia pectora rumpit.

Quæ sequitur, præclara tenet fastigia Martis

Et Galli Martis studiis
 perquam exculit.

Gallica gens: rigidis olli vis ignea bellis,
 Atque incredibilis virtus, roburque superbæ
 Mentis, & ingenitæ laudis generosa cupido;
 Est Martis studiis exculpta, usuque frequenti
 Armorum, & magnos jam scit tolerare labores.
 Vulcano solers variando, & molibus altas
 Expugnare arces, & propugnare perita.
 Est alacris natura viris, animæque capaces
 Mortis, & indignum ducunt sine laude reverti.
 Inque hostes effusa ferocius impete primo

Valent primo impetu.

Gens ruit, atque viros supra Mavortia tentat.
 Paulatim primus sed cum deserbuit ardor,
 Mollescit tepescit animis, similisque pruinis
 Illa suis, ingentem animorum decutit æstum:
 Nec patitur calidas procedere longius iras.
 Montano præceps ceu cum de vertice torrens
 Subiectas ruit in valles, tegit arduus, ingens,
 Omnia, proculcat sepes, fecat, aggere rupto,
 Flaventem campo Cererem, magnisque minatur
 Arboribus, raptat caulas, & saxa volutat.
 Ast imbres primi cum defluxere, cadit vis
 Omnis; & è tantis vix obstrepat unda fluentis:
 At Martis tanta floret gens Gallica laude,
 Pro meritis quoniam Rex laudem, & præmia ponit:
 Atque artes fovet egregias, documentaque belli.
 Vos largi date dona, Patres, artesque foveat.
 His animi, his artes crescunt, & Martius ardor:

Commendantur & Ger-
 mani præcipue Itacaria in
 pugna.

Sed jam proceræ succedunt corpore gentes,
 Quas vastis nemorosa tenet Germania fylvis.
 Prægrandes, flavique comas, & lumina glauci,
 Robore & ingenti fortes, animoque feroces,
 Et contemptores vitæ Mavortia trahant
 Prælia Germani, quibus otia vendere semper
 Mos fuit, & forti mercari præmia dextra.
 Impatiens illis animus, sævusque, feroxque,
 Corporis adversos qui molem impellat in hostes:
 Vulneraque, ferrumque, & sanguine tela lacestat.
 Stant acie obnixi non cedere: stant pede sumo

Frag-

Fragminibus super, atque obiecto pectore vallant.
Non minus insignes cursu, frenisque domare
Cornipedes, pugnasque agiles bellantur equestres.
At prompta non mente valent ad Martia furta.

Sed neque Sarmatica taceam de gente Polonos.

Lechiadum bello durum genus: arma juvenus
A teneris trahit, & solertior excolit annis.
At quoniam loca plana tenet, campestrisque arva;
Idcirco gens gaudet equo, quem flectere cursu,
Inque hostem effusis dimittere novit habenis.
Exsuperat Moschos virtute, & equestribus illos
Sæpè domat pugnis, Dacumque, Scythæque sub ipso
Sæpè Borysthenio metit amne, Tyraque rubente
Sanguine barbarico, pharetrasque, & tela ferente:
Lechiadum testes virtutis, & alta trophæa.
Verùm longa pati fastidia Martis, & arces
Molibus expugnare, diuque insistere castris
Indocilis, genti laus una, & una cupido,
Collatis campo signis vicisse patenti.

Ast Italis olim fuerit quæ Martia virtus,
Non opus ut repetam: quando satis ipsa loquuntur
Inclita gesta, notis insignibus addita fastis.
Et satis ipse jugis Romanis subditus Orbis
Terrarum, domitusque docet cum fluctibus ipse
Oceanus: radiis quæ Sol utramque coruscis
Perlustrat mundi metam, victricia signa
Italia invexit, regnumque æquavit Olympo.
At nunc (proh Fata, & nobis non amplius æquus
Juppiter!) antiquum decus omne, & gloria cessit.
O patria, o Divum sedes, atque inclita bello
Ausonia! ò veterum virtus herosa parentum!
Ergone tam magnum potuit subvertere regnum,
Ingentes tot opes Divum inclementia? mecum
Ad piscosa sedens apricæ saxa Minervæ,
Talia dum queror, & magni solatia luctus,
Antiquum repeto Imperium, generosæque Patrum
Facta, tot & claros devicto ex Orbe triumphos,
(Læta, peracta juvat, vana sub imagine quamvis;
Commeminisse, malis dum mens præsentibus ægra est)
Defectum levis invasit sopor. Hic Deus egit
Me trans Sirenum mollissima litora, & alto
In Vaticani delatum vertice sistit.
Et Deus ille equidem: non falsa insomnia Vates
Fingimus, aut vana populos spe ludimus, illi
Dum septem aspicio fundatam collibus urbem,

Bellicosi etiam Poloni,
& vel maxime eque-
stri certamine.

Moschi virtute præ-
stant.

Itali reliquos supra
bellacissimos, idque ex Ter-
rarum Imperio ostendit
Vates.

Quod defecisse queri-
tur, quælitus, dum iterat,
somnia corripitur.

Visa

Visa Roma, de jectō ca-
pillo sua fura quæci.

Visa mihi regina leves resoluta capillos.
Et pulchros demissa oculos, vultuque dolenti.
Non altum diadema caput, non dextera sceptrum;
Non humeri clamydem, gemma variante, tenebant,
Nec comites ulli circum: sed sola recliui
Vertice squalenti lauro subnixâ manebat.
At tali lacrymans rumpebat sydera questu:

Ergo tor è gemmis regnorum intexta corona
Decidit, & tantis majestas clara trophæis:
Imperiumque, decusque, Orbemque amplexa potestas,
Atque ipso periere simul cum Consule fasces.
Hei mihi! quis nostra fertum cervice superbum
Dejecit turbo, & tantum decussit honorem?
Qui casus, quæ Fata Deum potuere repenti,
Cardine convulso, tantam divellere molem?
Scilicet in terris quia nulla æterna potestas
Esse potest? sed Fata mihi sine fine futurum
Imperium dixere: licet tamen ulla Deorum
Hæc Fata ex adytis dederint promissa repostis:
Id tamen, id tanti terra, pelagoque labores
Effusi metuere: tot & clarissima bella,
Tantæque immani gentes feritate redemptæ,
Totus & humanis imbutus moribus Orbis:
Idque mei insignes etiam metuere triumph.

Et vel maxime, quod
Constantinus in Orien-
tem imperium translu-
lidet.

An quia spe captus falsa malè cautus Eoum
Plavius Imperium terrarum transulit? eheu!
Fatalis fuit illa dies, fuit illa malorum
Tantum mihi causa, & acerbæ prima ruinæ,
Quæ totum gemino commotum cardine mundum
Corripuit: Latias quæque alto à culmine turres,
Eque imo excussit Capitoli immobile saxum.
Barbaricis dedit illa viam tot gentibus: illa
In mea damna, jugis Alpes dimovit apertis.
Hei mihi! tum magni decor omnis, & alta potestas
Occidit Imperii, sedes cum fixa sub Ortu est.
Quis tantus furor, & quæ tanta insana cupido,
Mollibus Auroræ populis mea tradere sceptrâ?

Mox sublevaræ ab
Aligero, docciurque Dei
constitit id factum, ut fa-
ctorum Imperium con-
fluereur.

Hæc lacrymans dabat illa: polo cum præpes ab alto
Nuncius adveniens cendentibus Aliger alis,
Talibus ingreditur dictis: Regina dolore
Excute: nec vultum sietu sædare decorum,
Et crebris tristare animum ne perge querelis.
Desine jam questus, jam desine, diva, doloris.
Hæc tibi nunc Pater Omnipotens me ferre per auras
Jussit, & è curis animum relevare molestis.

Non

Non tibi, non ingens Divum inclementia regnum
 Evergit: nec ab Ausoniis sine numine terris
 Flavius in populos sedem transvexit Eoos.
 Consilio Patris id Magni, Fatoque peractum est.
 Nimirum nova sic totum diffusa per Orbem
 Pontificis Magni foret intemerata potestas:
 Incrementa pii caperent & maxima ritus.
 Sacrorum qua parte tibi non defuit unquam
 Imperium, summoque æquata potentia cælo.
 Quin etiam terrena vices, alternaque Fata
 Sentirent se cuncta pati, nec Sole sub alto
 Rem fore perpetuis mansuram finibus ullam.
 Cuncta suos enim habent certos mortalia casus.
 Ast agè, sume animos: alternas reddere quando
 Festinant tibi Fata vices; & Juppiter æquus
 Aurea sollicitis decurrere vellera fufis,
 Atque optata jubet deduci sæcula mundo:
 Quando iterum Latiis parebit legibus Orbis.
 Hæc dedit, & subitis cælo se transtulit alis.
 Et mihi surgentes Zephyri excussere soporem.

Et spem bonam facit
 novæ ætatis.





BELLICORUM

LIBER SECUNDUS.

PROTINUS arma, quibus bellandum, & aenea dicam
Tela, Jovis raucum tonitru referentia fulmen,
Tu Vati sacros aperi, Bellona, recessus,
Omnis ubi seposita latet seges horrida Martis.

Dic, Dea, dic rigido cannas ex ære cavatas:
Et genus, & numerum, variasque expone figuras.
Adde simul pyrii vim pulveris, & nova miris
Artibus inventa, & qui sit pugnantibus usus.
Nam nisi tu Vatem doceas, Dea, perque repositos
Vulcani referas aditus, fumosæque regna.
Haud equidem tanto poterit par ire labori:

Quare age, Diva, præi, dextramque extende sequenti.

*Antiquorum arma re-
cententur, quasi Martis
adulescentis.*

Singula non ævi mihi nunc repetenda vetusti
Armamenta, Sudes, Contique, Arcusque, Pharetræque,
Atque Hastæ, & rigida mixti Testudine Nervi,
Balistæque, Ariesque, & terribiles Catapultæ.
Illa olim, teneris dum se formaret in annis,
Prima rudimenta, & pueri levia arma Gradivi.
Qui nunc maturus virtute, & grandior ævo,
Ingenioque sagax multo, Jovis æmulus alti,
Igne micat, tonat ære, & nubibus æræ textit:
Desuevitque arcus, & spicula: major & ausis
Igneus imbre pluens, & grandine ferreus, hostem
Fulminat, & latè campis trepida agmina sternit.
Creber & ex alto reboans vomit aggere nimbum
Flammiferum, & ferro jaculabile decutit arces.
Ideirò sortes hac tempestate sub æquor

*Et nova nostræ ætatis,
adulti nimirum Martis.*

De-

Descendant juvenes, animosæque pectora, bellum
 Ardentes inter tractare sonantis aheni
 Irasque, strepitusque, & diræ grandinis imbrem.
 Quique globos inter caliginis, inter & atri
 Vorticis irrumpant cuneos, ignemque lacestant
 Infractis animis, & Marte audacius ipso.
 Inque tonans generosa nitrum, flammamque minacem
 Frons ruat: intrepidas nec stridula terreat aures
 Horrendo plumbata volans per inane rotatu.

Hinc veteri patrum nostra hæc præstantior ætas
 Emicat: inque novis virtus insignior armis.

Namque illi in ferrum, decoctaque robora sylvis,
 Et lapidum contra jactus, & tela ruebant:

Maximus inque leves labor occurrere sagittas.

Fulmina nos contra ruimus, Martemque tonantem,

Glandis & explosæ nimbos, rituque cadentis.

Grandinis horrifonæ, latèque arbuscula secantis.

Ignibus & liquidis, tetroque bitumine mixtis

Obijcimus caput audaces, & pectora nuda.

Illi hostem adversa venientem fronte cavebant.

Undique nos petimur telis: objecta minantur

Non unam tormenta necem: longèque reposta

Sint licet, emittunt ingentia pondera: venti

Quæ velut alati currunt pernicia, & ipsos

Prævertunt sonitus, & signa micantia flammæ;

Lethifer ut nulla pulsus vitabilis arte.

Desuper imbre pluunt densata ferrea mala,

Quæ mox incluso concepta è fomite flamma,

Ingentem rupta ferri compage per omnes

Dant stragem partes, implentque cadavere campos.

Interdum subter, succenso pulvere, tellus

Succutitur, scissoque sinu vi turbinis, atras

Evomit, Ætna velut, fumanti nube favillas,

Et fluvios, & saxa, ipsosque à carcere Manes:

Immensaque supra miseros jacit æstra ruina:

Reddit & hinc terris, & diro funere mergit.

Crura ocreis, pectus thorace, caputque comanti

Munibant galea veteres, sentoque tegebant

Corpus, & adverse vitabant cuspidis ictum.

Nos igni, nos igne pilis per inane retortis

Corpora nuda damus: virtus quæ maxima nostri est.

Nam quod certa instant magis, & propiora pericla,

Major eo in forti fervescit pectore virtus,

Contemptura animam: siquidem generosior ille est,

Qui sancto patriæ, vel religionis amore,

Ideirco præstantior
 hæc ætas.

Et cur?

Quia nimium auda-
 ciores in certa pericula
 irrumpimus,

(Nam fecus est cœcæ mentis temerarius ardor)
 Jam certam ruere in mortem certissimus audet .
 Quin & habenda duci major prudentia , & alti
 Vis animi , promptusque vigor , mens acrior , omnes
 Quæ rerum in casus se verfet , & adit ubique .
 Non illum & flammæ , non terrifici reboatus ,
 Non chaos horrendum , caligantesque tenebræ ,
 Nec cervice super stridentia fulmina , & ipsa
 Frangere ut horrifico possit Libitina flagello ,
 Ast alii , quibus exsuperare per ardua callem
 Est amor , & faciles veniunt ad carmina Musæ ,
 Hæc fortunati tranquilla per otia tractent .
 Me penitis Bellona jubet succedere testis ,
 Singula tormentorum , ærisque tonantis , & omnem
 Ornatum belli dictura , inventaque mira ,
 Et quod quisque suis splendet miles in armis .

Principio miles ense
 armatus .

Varia ensis forma apud
 varias gentes .

Pleræque acinace utuntur ,

Ac primum ex humeris dependens balthæus enses
 E calyce excusum duro sustentet : & illum
 Accipiat vagina sinu , fervetque nitentem .
 Non tamen est cunctis gladiatorum gentibus una
 Forma ; unus veluti non est pugnantibus usus .
 Scilicet Ausonii , Gallique , Hispanaque pubes ,
 Extento puntim feriunt mucrone : feroces
 Sed brevibus Galli gladiis armantur , Iberi
 Suspendunt longos , mediocribus Italus ardet .
 Cæsim acie , tenuique interdum cuspide Pannon ,
 Helvetique petunt hostem , durique Sicambri ,
 Marcomani , Bojique , & piæ Theutones armis .
 Qui celeres quondam soliti torquere Catejas .
 Ast acie tantum Medi , Persæque , Arabesque ,
 Atque Scythæ , atque Indi , gentesque Oriente repostæ .
 Ipsi etiam pando cinguntur acinace Mauri ,
 Et nigri simul Æthiopes , Syrus , & Garamantes .
 Verum Sauromatæ , durum genus , horrida tractant
 Bella bipenniferi : scinduntque à vertice summo
 Corpora bellantum , nec equorum parcitur armis .
 Ipse & prævalidam improvisa ad furta securim
 Tauricus acer agit , quique haurit Phædis undam .
 Eoi , varique Scythæ , quos dividit ingens
 Hinc , illinc Superis jam jam calcandus Imatis ,
 Non ferri tenuant aciem , sed cuspide dorsum
 Exacuunt : flexumque supra divergit acumen .
 Talibus extremi hominum , nitidissima pubes ,
 Ensis armantur Seres , quos fibula gemma
 Subnectit tæreti pendeutes vellere sulvo .

E dex-

E dextro pendens humero transversus in orbem
 Baltheus incumbat lateri, ferrumque coruscum
 Fulciat; è levo sub dextrum zona lacertum
 Descendat, pyrii quæ pulveris armamentum,
 Atque pilas, restisque ferat: digitisque quaternis
 Amplior ille: minor latecat zona duobus.
 Exuviis cervi geminus formetur, equivo
 Vel corio: melior tamen his durissima pellis
 Est alces, soliti qua se munire Magistri
 Exiguas contra glandes: nam ferrea frustra
 Pondera majori Catapulta emissa cavemus.

At quoniam longo descendens baltheus orbe,
 Zonaque, bellator cum desilit obviis hosti,
 Urbem aggressurus, cratesque citissimus altas,
 Cespitibus sepem vel transmissurus acutam,
 Impediunt cursus; idcirco provida nostri
 Temporis ars curta succingit pectora zona,
 Ex qua, ceu cinctu, descendit pendulus ensis,
 Et restis, loculique unâ de futile pelle,
 Seu sago quævis pulvis inest, plumbique supellex.

Præterea cannam tibi dextera, miles, ahenam
 Dextræ incumbentem scapulæ sustentet: & illam,
 Italia quam patrio gens scelopum nomine dicit,
 Nos (1) pyrobalistam Grajo sermone vocamus.
 Ingens telum, atrox, lethale; potentius ullum
 Quo non densa virum per latos agmina campos
 Sternere plumbatis, inferre & funera mille.
 Nam velut æstivo cum præceps sydere grando
 Imbre pluit crepitante, repletos ubere culmos
 Atterit, & latè flaventes demetit agros.
 Sic etiam explosi simul ac stridere tremendo
 Murmure, vibraruntque globos per inania sclopi;
 Illic istæ acies passim sternuntur in arvis:
 Et cita terribili defecit Parca flagello.

Jam quæ tormenti partes, quæ forma tonantis,
 Accipe: fagineum tibi corpus, vel nuce fiat
 Sublustri: latus cui subsit mole, levique
 Molliter inflexus subter calcaneus orbe.
 Posterior pars plana, gravi ne verberet ictu
 Pectora, cum retrò, succenso pulvere, cedit.
 Strictior & capulus, fietque rotundus: & illum
 Latior insequitur ligni pars, inque cavato

Duplici zona præci-
 gendus miles.

Armandus & sclopo,
 quæ graphicè describitur.

Qua arte formandus
 hæsclopus.

Ille

(1) Scopetta, o Moschetta, quasi balista ignea.

Illa focum gremio accipiat: nexuque tenaci
 Firmet helix non una focum: postremus in orbem;
 Excurrat codex tenuatus more canalis.
 Inque sinum accipiat cannam: capulouque retorta
 Jungatur cochlea, strictoque in vertice circo.
 Tres tibi longa pedes sit canna, & pollice seno:
 Cui tergus fuio formatur crassius ære,
 Tenuius os: æquum spatio sit inane canalis.
 Extrema qua parte foco conjungitur, olli,
 Materiæ insinuet quo sese Vesta, foramen
 Infit: ab ardenti factum cui lumine nomen.

Insuper his lævem, rectoque è robore querno
 Prælongam facies virgam, qua stupca ad imam
 Stricta per ora adiges multa vi vincula cannam.
 Virgaque fagineo triplicem transmissa per arcum,
 Vagina velut, inferitur servanda canali.
 Curva focum subter sit ferrea clavis: & illa
 Mobilis ærato versetur nexa colubro.
 Arcus erit coluber, ritouque excuditur anguis:
 Qui restim accensam tenet ore, focoque recluso.
 Exiguo stat pulvis ubi cratere repostus,
 Excitat admotus, deducta clave, favillas.
 Verùm ne pulvis cratere labascat aperto,
 E ferro super impositum sit mobile tegmen.
 Nonnulli ignivomas majori corpore cannas
 Efficiunt, ut jacta petat glans eminus hostem:
 Atque bifurcatis sustentant æra bacillis.
 Angustas alii, sed longas corpore formant:
 Ac silicem curvæ supponunt ore colubræ,
 Et cochlea intorta stringunt, morsuque tenaci:
 Inquæ foco adversa calybem regione reponunt.
 Ut canis (hoc etiam cognomine dicitur anguis)
 Cum mordet, subitas educat dente favillas.
 Et mordebit, aget cum se rota laxa per orbem.

At age, & è spatiis utcumque egressus iniquis;
 Quæ nullis patuit signis via trita priorum,
 Jam quibus æra modis oneranda in prælia, tiro,
 Accipe: Fulminei geminas immitte duellas
 Pulveris in sclopum, conclusum vascula quantum
 Querna tenent, talem tibi quæ gestantur ad usum.
 At si fors subiti succendant prælia casus,
 Inque volæ medio insilistat plumbata repandæ:
 Sulphureo totam quam mox tege pulvere: tantum
 Sat: geminis tantum par assolet ire duellis.
 Ut nitrum in calamum jactum est, demittitur intus

Plum-

scloporum varium
genus.

Modus onerandi scelo-
pum traditur.

Plumbea glans; supram mox addito, sive papyrus:

Inque sinum intrudes virga, penitusque recondes.

Nam stipata magis fuerint si pondera, jactu

Glans longo excurret magis, & violentior ibit.

Lethiferae plumbo fient è fusile glandes:

Et pyrophalix non sit nimis orbita plumbi

Ore angusta cavo. Sed Vatem flammae (1) restis

Cantantem vocat, & belli jam suscitât iras.

Funiculum linove rudi, vel cannabe factum,

Inque nova in spiras contortum imponier olla

Præcipe (sista vitro in ventrem tibi turgeat olla)

Hinc albi quatuor superfundantur aceti,

Et geminae loti partes, atque una præusti

Pars Bæchi, salis una nitri purissima tunsi,

Una simul pyrii pars pulveris: inde vicissim

Permixa, accenso virgis crepitantibus igne,

Cuncta coqui incipiant, donec resolutus in auras

Humor eat totus: vitreo tum denique vase

Educti, pyrioque aspersi pulvere funes,

In calamo tandem extenti siccantur ad umbram.

Nam sic concipient siccati protinus ignem.

At pigra si fuerit restis fingenda, coroscum,

Quæ ferat effossis Vulcanum tarda cuniclis,

In sale sit tantum nitri, decoctaque aceto,

Polline & ignivomo conspersa: pigerrima sed si

Forte tibi facienda, dabit colophonia partem,

Cera simul partem dabit unam: & cum geminis sal,

Et mastix geminis veniet, carboque quadrante.

Cunctaque pistrino contusa, levemque redacta

In cinerem, Vesta subter fervente, liquefiant.

Hinc toties liquido mergenda bitumine restis,

Donec uti funalis eo crassissima surgat.

Verùm styra tenax si sit fabricanda, præusto

Exiguum gummi, quod dat Panchaja, vino

Miscebis patrio, vel succosæ tragacanthæ.

Sed jam discet, feri sectator Martis, in hostem

Intorquenda modo quo sit pila plumbea duro

E calamo, certamen ubi stat inire tremendum.

Pectora mentum infra spectet calcanæus æris

Glandiferi, & longum sustentet læva canaleni,

Cuspis ubi excipitur virgæ postrema: repandum

Dextera sustineat tergus, quâ proximis, ignem

Stat

Aræ conficiendæ restis
ignem docetur.

Docetur miles artem
pilam jaculandi in hostem

(1) Miccio Itali dicunt.

Stat focus, admissa jam jam tibi reste, daturus:
 Hac sed lege: foco pollex pede longius uno;
 Desuper incubat cannæ: reliquique reduncam
 Moturi clavam teneant. cùm tempus, & ipsa
 Murmure jam rauco pugnae dant tympana signum.
 Nam sic adversos feriet contorta maniplos
 Horrida glans, recto fugiens per inane volatu.
 Infuper esca foci sit lecto è pulvere; ut ignem
 Illicet accipiat, mittatque in viscera cannæ.

Sed quid me fessum rapitis? quæ limina, Musæ,
 Panditis? insuetos videor penetrare recessus.
 Tartara nigra patent, caligantesque camini
 Tetram eructantes densato turbine flammam:
 Sulphurei resonant amnes, fusisque liquescunt
 Fœta bituminibus loca cœca, nigræque paludes.
 Æthnæos furvis video Cyclopes in antris
 Non enses pro more, comantiaque æra, neque hastas
 Cudere, nec rigida versare incude metallum.

Ingressus Vates Cy-
 clopum antrum ad Vul-
 cani forum, atque illos
 in fabricando pyrio pul-
 vere occupatos videt.

Sed pars è solido formatos ære lebetes,
 Atque cavas urgent suppositis ignibus ollas:
 Pars liquido infundunt permixtum flumine nitrum,
 Atque vaporifero resolutum humore per auras,
 Edomitum flamma educunt portentiferum sal.
 E Stygiis sulphur deductum fontibus illi
 Igne coquunt: corylis alii, levibusque salictis
 Carbonem accensis faciunt: factumque minutim
 Altera contundit ligno pars illa rotundo.
 Permiscunt alii nigro cum pulvere nitrum,
 Sulphuraque, & dulcem suffundunt Najadis undam.
 In cava mox alii siccanda laconica mittunt
 Sulphuraque, nitrumque, & semina pulveris atri:
 Et siccata cribro secernunt ignea grana.
 Vos mihi, quæ rerum facies, & quæ nova Martis
 Armamenta parent vasto Cyclopes in antro.
 Dicite; nam nostis, Divæ, & memorare potestis:
 Et quoniam vobis concessum, sternite Vati
 Per loca cœca viam, facibusque præite coruscis.

Leucosyris una ex Si-
 renibus octus, & origo
 poetice narratur.

Nympha fuit claro Syrenum sanguine creta;
 Leucosyrin Nesida, ferunt, dixisse parentem:
 Pausilypo quæ mixta specu sub monte reposito;
 Munera furtivæ Veneris susceperat albam
 Leucosyrin: virgo infelix! nam Phœbus in altum
 Iratus viridi mutavit vertice saxum:
 Atque senem in saxum pariter mutavit: & illum
 Apposuit Nympham juxta: sed jungitur olli,

Per medium pelago præterlabente, negavit.
 Inarime Nefin, Phœbo genitore, creatat:
 Siren ipsa, parens fuerat, cui cœrula Dotho.
 Et Procythen Dotho matrem iactabat, & Æglen
 Iactabat Procythe: formosamque illa Dicarchin.
 Cui Mater Cirœa, vago quam proxima Sarno
 Leucopetre, vitreo tulerat connixa sub alveo.
 Aurea Leucopetram dederat Cholosmelis: & olli
 Parthenope formosa parens, quæ vœcta per altum
 Jonium Graiis è finibus: inque beati
 Litora Crateris eodem descendisset, amicis
 Excepta hospitii à ruricola Sebetho,
 Sirenium genus Euboicis prima intulit oris:
 Et molles genti ritus, & docta refixit
 Otia Grajugenum, citharamque, & carmina, ludumque
 Instituit circi, & doctas prima extudit artes.
 At Dea Leucosyris tot matribus aucta superbis
 Ibat, & egregio formæ spectanda decore:
 Ac dulci cantu, citharaque insignis eburna
 Ibat Olympiacas inter præstantior omnes.
 Nobilis Ausonia ex omni delecta juvenus,
 Atque duces clari bello, regesque potentes
 Muneribus certatim illam, votisque petebant.
 Illa sed illecebras, animo dotata virili,
 Et dulces patriæ Veneris spernebat amores.
 Fœmineum natura genus quod fecerat, illa
 Impatiens perferre, colum, fufumque perosa,
 Penelopes & acum fastu indignata superbo,
 Prælia dura virum, Martemque capeflere virgo
 Instituit, celeresque manu tractare sagittas:
 Et spumantis equi cursu prævertere venter.
 Ergo acrem belli studiis incensa, Gradivum
 Insequitur fera virgo: sagoque induta virili,
 Agminibus permixta, fuchs, hostemque fefellit.
 At non insignem speciem, lumenque juventæ,
 Et roseas celare genas, & lactea colla
 Evaluit, nitido galeæ fulgentior ære
 Frons nitet, & crista rutilat flaventior ipsa
 Cæsaries, pulchroque oculi fulgore coruscant.
 Palladis os, habitumque refert armata: severo
 Territat ore minax, oculisque rubentibus ignem
 Fulminat horrendum: verum est & amabilis horror:
 Nec terror vacat illecebris: pellitque, trahitque
 Os unum: pugnantque simul Mars, atque Cupido.

Forte fuit forma juvenis formosus, Asyle

Tem. I.

Q

Fi-

*Vitam multam, & illam
 Sires petebant.*

*Quæ Marias artes edo-
 & virili sago induta, Mi-
 litiam sequitur.*

Podamyrus ex Aquini
Regulo genitus in bel-
lum profectus se offert
Leucosyri.

Qui Virginem illam
suspiciatus, in virginem
amorem exarsit.

Amor sagax mente,
atque oculis acer.

Filius, Arctoo primus-de litore Atylas,
Hesperiam in magnam veniens, primordia regni
Jecit, ubi leni Campanos lumine Liris
Alluit, & prisca despectat menia Aquini,
Cujus ab Ausonio se appellavere vocantes
Nomine, (1) Lingonidum quot quot de stirpe creati,
Sceptrigeri heroes omnes, lauroque decori.
At juvenis Podamyrus, Avi cognomine dictus,
Egregiis fidens animis, pulchræque juventæ:
Atque novo, veterique tumens præcordia regno,
Companes in bella duces, regemque secutus,
Sexcentos juvenes, fortissima corpora, toto
Delictos regno, secum dux ipse trahebat
Leucosyris Podamyrus, equo subvecta feroci
Insequitur comes: & fociis fuit una duobus
Par Fortuna: pares, fufis certamine Mauris,
Sortiti laudes, parilesque egere triumphos.
Felices nimium focii, ni dira cupido
Sensim accendisset rapidis præcordia flammis.
Nam juvenis forma captus, specieque decora,
Hauserat ingentem, penitusque per ossa furorem.
Quandoquidem nulla rosæ lanugine mæ
Obductæ, rituque nivis canentia colla
Fæmineos animos aliena in veste recondi
Argumenta dabant juveni certissima: sexum
Vox & fæmineum pariter demissa sonabat.
Quin etiam sibi signa rei manifesta ferebat
Indagator amor, quo non solentior alter
In penitas intrare fibras, inque abdita rerum
Arcana, occultosque palam referare recessus.
Cuncta oculis lustrat pernicious: & vigil intrat
Mentē per arcanos aditus: argutus & omnem
Observat nutum, & tacitus secum omnia confert.
Est oculis amor acer, acutus mente, sagaci
Est animo: multoque evadit doctus ab usu.
Non illum visu Lynceus, non fama volatu,
Non Maja fatus eloquio, non vincet Ulysses
Astibus: arguto nec fallit acumine Pallas.
At juvenis, magnum qui jam conceperat ignem,
Incomitatus adit Nympham: quæ forte sub alta

Val.

(1) Longobardorum nimirum principum, qui ex Lingo-
nibus, & Bardis, ut quibusdam placet, primum coa-
luerunt.

Valle sedens, placidi captabat murmura rivi,
Et dulces umbras, & amicæ sibila quercus.

His propior divam aggreditur: Pulcherrima Virgo

(Nam talem te forma facit, vox arguit ipsa:

Incessus & signa ferunt manifesta) quid ultra

Virgineos vultus aliena in veste recondis?

Quid teneros vexas artus? quid membra fatigas

Mollia? florentes ignara quid atteris annos?

Bella viri tractent: Veneris te sacra reposcunt:

Egregiamque petit soboles numerosa parentem.

Si quidquam officiis meruit Podamyrus, amicum

Conjugio dignare virum: Regina paterni

In partem regni venies: te semper Aquinum,

Te placida semper Liris venerabitur unda.

Quid dubitas formosa? moras quid lenta beato

Moliris nexu, & sortem frustraris amicam?

Hi liquidi fontes, hæc numina vallis, & ipsa

Connubii testis sit nobis pronuba Juno.

Hæc dictis puer: atque audax jam plura parabat.

At virgo, cui verba ducis sine more pudicum

Accendunt animum, & vis addita fuscitat iras,

Sic contra vultu fata est succensa minaci:

Quis Deus, aut quæ te, juvenis, dementia adcegit

In tantum venisse nefas? dabis, improbe, pœnas.

Non mihi sunt molles animi, non scœmina, vir sum.

Cumque viris, dum fata dabant, certare duello

Haud renui: quot enim, scis jam, sub Tartara misi.

I, galea induere, & duro præcingere ferro:

Prævalidaque hasta, & clypeo munire patenti.

Te te ergo, te solum in certamina sola posco.

At juvenis lenire animum sic cœpit: Acerbo

Non te convicio, durove incessere facto

Aufus: nec potui: summi vos conscia cœli,

Sidera, vos sylvæ testor, vos flumina; quando

Vos etiam sylvæ, vos flumina numen habetis.

Sed me sanctus amor (nam non indebita posco).

Impulit, atque tui, virgo pulcherrima, mores.

Nam quis te talem neget esse? Deus quoque nobis

Hæc dedit argumenta. Deo ne, pulchra, resistas.

Pone iram, & teneros virgo jam concipe sensus.

His magis irritata, odiisque furentibus acta,

In campum pergamus, ait: decernere ferro

Pugnatorne vir, an mollis sim scœmina, certum est.

Hæc dedit: & sese in tentoria protinus infert

Bellatrix virgo, famulosque ad munia poscit.

Podamyrus Virginem
aggessus (uadet, ut nu-
bat, sibi que copuletur.

Leucosyrus ira ob ja-
venis ausus accensa illum
in singulare certamen
provocat.

Purgat se juvenis at
illa magis irritata, ad ar-
ma accingitur.

Arma citi, fatur: quæ vos mora tardat, inertes?
 Ocyis arma ferunt illi: sed caussa furoris
 Quæ subiti, nemo dominam scitarier ausus.
 Tantus inardebat vultu furor. Illa comanti
 Ære caput, pectusque tegit thorace trilice.
 Insignis latus ensis habet, capulumque nitescit
 Aureus: & magnam præacuta cuspide pinum
 Dextra tenet: clypeum sustentat læva, polito
 Ævo renidentem: gyro cui triplice circus
 Argento rutilat: medio stat gemmeus umbo.
 His telis armata, & virtutis conscia virgo,
 Bellatoris equi saltu se vibrat in armos.

Inque ferox aciem prodit; sed nescia fati.

Podamyrus est invitus
 prodis in aciem.

At juvenis, quamquam invitus, non segnior ibat.
 Verum animi dubius, Divos quid posceret? hostem
 Vinceret? at vitam victa moriente daturus
 Ipse erat infelix: vincine? probrumque, pudorque
 Id vetat. Ah demens: in quæ discrimina, virgo,
 Te, sociumque rapis, suspirans fatur: & acri
 Urget equum stimulo: volat hic pernicio Euro.

Interea trepidas vulgi compleverat aures

Rumor statim spargitur
 illos decerare, accurrunt Duces,

Effusus latè rumor, certare duello
 Leucosyri Podamyrone, amico fœdere rupto
 Hospitii: caussasque odii, pugnaeque latere.
 Ergo omnes permixtim acies, densique manipuli
 Accurrunt: castrisque ruens effusa juvenus
 Omnis it in campum, pugnam visura: ducesque
 Accelerant iter: & dictis, jussuque parati
 Conciliare animos, tristesque avertere casus.
 Incassum tamen: adversis, ceu fulmina, pilis
 Hinc fera Leucosyris veniebat, & acrior illinc
 Instabat Podamyrus equo: sed cominus ut jam
 Virginis ora videt, dextra vix sustinet hastam
 Infelix: tenerumque iras bibit inter amorem.

Virgo, & si ille equem
 si-x sit: in cursu descendit:
 cumq; redire in pugnam
 vult, Principem auctoritate
 direptum est certamen.

Flestit equum læva, pulsa ne lædat amantem,
 Vicit amor laudem: at non implacabilis ictum
 Virgo fugit: dum flestit equum, stringitque premendo;
 In latus occurrit juveni: occursumque repulsa
 Decidit: atque excussa manu simul hasta refracta est.
 At virgo subito casu non territa, surgit
 Illicet in pugnam, veluti leo tactus: & ipse
 Vim magnam vindex animus sibi sufficit: ipse
 In rabiem versus multam pudor excitat iram.
 Igne micant oculi, rubet os, frons fulgurat: enseni
 Stringit dextra minax: inque hostem cæca rubeat.

Cum

Cum medium tenere duces, Rex adfuit ipse:
Et pugnam dictis, & majestate diremit.

At non ultrices cesserunt pectore curæ:
Sed magis occultis fera virgo furoribus ardet:
Et victæ nomen (fuerit casusve, Deusve)

Indocilis perferre, fremit, magno æstuat igne,
Cen fera, quæ postquam cepit pugnare theatro,
Nec primo assultu risit fortuna, magistri

Cogitur ad nutum campo decedere; & arcto
Includi septo: sola hic furibunda remugit,
Et secum indignans iram de pectore proflat.

Jam cælo tenebras extincta luce vehebat
Humida nox: tacitæ quando tentoria turmæ
Densa tenent, sternitque thoros defessa juvenus:

Tum virgo in sylvam, nullo comitante, relictis
It castris; secumque animo meditatur iniquo
Vindicet ut sese: pœnamque ex hoste reposcat.

Quam citò concepit, sed vix mitigat iram
Fœmina: nec violata magis fera perfurit ulla.
Condensum transgressa nemus, sub celsa Vesevi

Culmina tendebat, nullis exterrita monstis:
Plurima quæ montem perhibent errare per altum.
Non cœcæ sistunt umbræ, saltusque maligni:

Audacem faciunt animum furor, ira, pudorque.
Jam summum defessa jugum pervenerat, ignem
Cum videt exigua tnguri radiare fenestra:

Accedit: pulsatque fores cornice propinquas.
Forte senex Periander, amor cui plurimus artis
Empyrice, verique sagax, si cætera desint,

Indagator: erat studiis simul illæ Minervæ
Excultus, citharæque modos, & carmina norat:
Carmine quin etiam ventos placabat, & undas.

Eque ipsas tumultus animas, umbrasque vocabat:
Inque ibat chaos, & cæcos tellure sub alta
Lustrabat calles, rerumque arcana petebat.

Et tunc forte novum senior, mirumque parabat
Inventum, quo omnem terrarum everteret Orbem:
Ut primum rauræ strepitus cornicis ad aures

Pervenit, referat valvas, visurus an umbræ
Sylvestres, ductive homines errore viarum,
At verò ut pulchræ conspexit virginis ora,

Armatumque latus ferro: Quis nocte sub alta
Huc Deus, ò virgo, satur, quisve attulit error?
Sis felix: nostrisque hospes succede caminis:

Seu fors, sive aliquis Deus huc, vel compulsi error:
Non

Ille ignominie impa-
tiens nostræ castris egre-
ditur ad Vesevum ju-
gum contendit.

Hic in Periandrum
Empirice artis studiosum
occurrit.

A quo perhumaniter
suscipia.

Non fors, nec Deus incassum, nec inutilis error.

Hic dum nova inven-
ta, videt, quæ sint, rogat,
suumque casum. uti ille
optabat, prius narrat.

Ista senex: ingressa specus dum lustrat opacum,
Multa oculis rerum spectat miranda, novasque
Armorum species, & nitrum, vivaque sulphura,
Atque novas etiam resles, & pulveris atrii
Materiem: miræque animum novitatis amore
Capta, senem poscit, quæ sint ea mira? sed ante
Ipsa sui virgo, quoniam sic ille petebat,
Erroris referat causas, & fortis iniquæ
Arbitrium: referensque gravi simul æstuat ira.
Æstuat ipse senex, sed amore incensus: at ignem
Corde premit: nec fas animum tentare pudicum.
Atque his ingreditur, oculis in virgine fixis:

Mox senex Virginem
in febricitantes specus
deducit.

Credo equidem, Deus ultor in hæc te nostra reduxit
Hospitia; authoremque novæ te destinat artis,
Atque novorum operum. Ducent utcumque minores,
Admiranda senex inventa, & fœmina mundo
Inferet: una odiis, alterque incensus amore.
At verò ut totam teneas ab origine causam,
Est opus, ut mecum gremio telluris opacæ
Succedas, Manes subter, nigrantiaque antra
Ditis inaccessi. Sed primum ut cuncta secundis
Auspiciis incepta fluant, cratera Lyæo
Spumantem libemus Opi: libemus & atræ
Nocti alium: placata fores Ops maxima pandet:
Nos facilem per cæca viam dabit, inque repostos
Ire sinus naturæ, atque abdita viscera terræ.
Hæc ubi, flaventis libant crateras Jacchi:
Nigra unum tibi, Nox, tibi & unum, frugiferans Ops.
Hinc tacitum Periander iter cum virgine carpit,
Mons ambustus ubi magnò cratere patescit,
Eruetatque globos flammæ, & sydera pulsat.

Cumque ad Manes ve-
nissent, virgo senem hor-
ratur ne ulterius pergre-
ret.

Jam medium cœli bigis confecerat albis
Sylvarum Dea, sydereis comitata choreis,
Cum summas tenuere arces, fumumque malignum
Excepere oculis: tum virgo exterrita, Gressus
O age, siste, senex, inquit; namque invia nobis
Semita per medios fumosi turbinis ignes.
Mitte metum, tunc ille: simulque incognita verba
Fundit multa precans, & gyro triplice virgam
Circumfert, signatque arcanas pulvere formas.
Extemplo totus cœpit, mirabile dictu,
Mons tremere: & cæcæ subter patuere cavernæ:
Cessit & atra loco citò flamma, nigerque refugit
Fumus: & horrenda venere ad iussa ministri.

Ten-

Tendit iter per opaca senex: quem pone secuta
 Leucosyris, nullis Erebi perterrita monstris.
 Ibat & audaci gressu, vultuque minaci
 Bellatrix: capuloque enses eductura tenebat:
 Seu dolus id malus, aut si res deposceret. Inter
 Jam cœcos aditus, loca nigra horrentibus umbris,
 Perventum: & glauci nidor jam sulphuris, & jam
 Pulsat odor nitri nares, atque aëris usti.
 Tum sociæ Periander, ait: Sine lumine vastas
 Has Dii speluncas habitant: tenet ima profundus
 Tartara Dis, nigrique tenent, turba impia, Manes:
 Atque situ angusto, æternoque horrore premuntur:
 Et cœcæ nocti, & rapidis data pabula flammis.
 Has sed supremas liquidis resonantia rivis
 Flumina habent, cœcos, quæ per telluris hiatus
 Lapsa mari ex alto veniunt: atque incita rursus
 In mare per latas redeunt currentia terras.
 In medio federe Deæ, quibus omne metalli
 Concessum genus: has miseri venerantur avari:
 Hæc bona, quæ stulti precibus nocturna reposcunt.
 Proxima sulphurei, quæ jam propiora videmus,
 Amnes, atque nitri venæ tenuère, vagique
 Argenti, liquidæ quod ritu destituit undæ.
 Hæc modò (quandoquidem sunt hinc inventa petenda
 Mira nova, horrendumque metum incussura tonanti
 Fulmine: promeritas dabit ille his & quoque pœnas)
 Sunt tibi lustrandæ sedes propioris Averni.

Hæc loca, quæ vastis servant incensa caminis,
 Dum terræ humorem recoquunt, præmolle bitumen,
 Et densam emittunt spumam, quam sulphura nostri
 Appellant, quorum tenui vix lumine flammæ
 Prælucent: spatium nec multum accensa reposcunt.
 Hæc sed vena nitri, quæ sub telluris opaco
 Concrevit gremio, umbrosisque meatibus undæ,
 Quos nullæ subeunt dulces, nec Solis aprici
 Descendit vis ulla, nitro bis, terque recocto,
 Natura purgante, creatur fulmineus sal.
 Sulphure sal mixtus glauco, & cum pumice trito,
 Materiam facit horrendam, quæ flammea mille
 Semina sunt: rapida quæ candescit favilla,
 Corripit, cœcis si qui latet abditus antris,
 Vel si qui nimio fervore eruperit, ignis;
 Momento in flammam abeunt rarissima: & ingens
 Latè implent spatium, cum perruptura superne
 Ingenti sonitu, & cælum obductura tenebris.

Mox cum senex nescio
 quæ verba fudisset, cessit,
 atque interitui pergunt:
 simulque quæ sint ea lo-
 ca, & qui teneant, edo-
 cet Periander.

Ima Dis, & Manes ha-
 bitant.

Superiora amnes, &
 Deæ quæ Metalla curant.

Ubi sulphur generetur,

Ubi nitram.

Et quo modo in ignem
 exardeas,

Sci-

Et hinc est Vesuvius
interdum accensus, can-
tam clivum exornat.

Scilicet id; quoniam nonnunquam concita tellus
Horrendum nutat, penitisque excussa cavernis,
Sæpe aperit montes, & flumina sorbet, & urbes
Sternit humi, summoque à vertice dejicit arces.
Hinc docet, ut ruptis nimis fervore caminis,
Vesuvius ingentes jaculetur ad æthera nimbos:
Ferventesque animas, fusique bituminis imbrem,
Sulphuraque, nitrumque, & flumina viva metalli,
Evomit indignans: latèque incendia campis
Vasta ferens, cædem villis molitur, & agris.

Nimirum multo quoniam succensa calore
Materia in rapidum vertit se fossilis ignem.

Quæ postquam intumuit: nec jam spumosa tenet se,
Instar aquæ, rupto quæ defluit aggere ripæ,
Immensa ex alto sese cratere refundit
Eluvie, & circum rapidis vorat omnia flammis.
Idque magis cum bruma riget: quia frigore brumæ
Dum furit, ima magis fervere vult viscera montis:
Scilicet externi propulsent frigoris iram.

Hæc ubi: Perge, modum formandi pulveris, inquit,
Et formidandas artes jam suscipe, virgo.
Principio quæ terra nigris patet ima cavernis,
Et dulci rivo, rutiloque impervia Soli est,
(Vanescit nam Sole nitrum, rivoque liquefcit)

Tradit mox artem con-
ficiendi pulveris pyrii.

Quæ circum stabula alta boves habuere, fuesque
Setigeri, vel oves, hædive, armentaue equorum:
Quaque exercitiis cæcis certamine longo,
Permixtim cæcis infossa cadavera terris,
Materiam accipies nitri, cupisque repones:
Et cineres ulmi mîsces, & roboris alti,
Quosque ambusta dedit multo tibi fraxinus igne:
Præterea vivam pariter superaddere calcem
Cura tibi: dulcemque infundas Najada cupis.
Matèries postquam rivo fuit, & sale multo
Exaturata, cavo Nais demissa canali,
Subjectas sicut in pelves, vel æenea vasa.
Jam verò, purganda focus tibi Nais: & illam
Excoctam lento concrefcere jussis igne:
Inque silem concreta venit; quæ prima peracta
Est ubi pars operis, subit altera: fossile sulphur
Ut famuli inducant certatim; & fræbus illud
Expurgent, liquido rivo bis, terque refuso;
Ut color abscedat glaucus, mixtumque rubenti
Transcat in niveum, & pars ignea purior insit.
Tertia subsequitur curæ pars; igne salicetum,

Aut

Aut densam incendes corylum: sed rejice nodos
 Ante: graves apti non sunt ad munera nodi.
 His confectis ubi carbo, tibi massa peracta est,
 Qua pulvis tandem fiat Vulcanius: artem
 Accipe: si valido qui nisu proruat hostem,
 Conficiendus; agit quique incitus, obijce rupto;
 E parvo siphone citam sub sydera glandem:
 Decocti primum libras salis accipe centum:
 Bis quinas det sulphur, erunt carbonis & octo:
 At pyrobalistæ fuerit si pulvis ad usum
 Bisque novem coryli libras dent igne præstæ:
 His & viginti fumantia sulphura jungant.
 Qui superest, majora movet tormenta, pilasque
 Ingentes per inane jactit, tonitruque remugit
 Pulvis, & immenso fumi tegit æera nimbo;
 Sulphura viginti, & quinas tibi viva ministrant,
 Et totidem carbonis erunt. Age, discite, parata
 Omnia miscendi pariter quæ cura, modusque:
 Singula quæque prius pistillo contere: & unam
 Mox citus in massam permisce omnia, & undam
 Desuper infundas: flammisque ardentibus illam
 Excoque; multus uti defudet inutilis humor.
 Materies, quæ spissa cavis restabit in ollis,
 Ad Solem siccanda tibi, furnove tepenti.
 Postremum siccata cribro secernitur: instar
 Granorum fiet pulvis lethalis arenæ.
 Illius & miram tibi vim, roburque tremendum,
 Protinus expediam. Canna conclusus athena,
 Inque unum stipatus, & obijce glandis adactus,
 Ut flammæ, ardente foco, concepit in ignem
 Illicet erumpit, glandemque emitit ad auras,
 Terrificis resonans bombis: volat illa, tonantis
 Fulminis instar, agitque metum, tristemque pavorem;
 Et mixtos horrore sonos: scinditque, secatque
 Omnia, flammatoque reponit vulnere mortem.
 Tantaque vis olli; subitum quia totus in ignem
 Vertitur; idcirco magnas latè æeris oras
 Flammifer affectat: quas ut citus, occupet, uno
 Momento ruit è canna, circumque remugit:
 Extrusamque unâ jaculatur ad æthera glandem.
 Igneus è gremio ceu cùm telluris in altum
 Assurgit vapor, & mediis se nubibus infert.
 Hic densatus ubi obsistente à frigore crevit
 Fulmen in horrificum, majorque exarsit, aperto
 Erumpit, tonat horrendum; volitatque citato

Tom. I.

R

Im.

Mox varii pulveris va-
 cios modos docet.

Miram pulveris vim ex-
 plicat. Et cur tanto im-
 petu pilam è canna jactu-
 retur.

Impetu, & annosas in sylvis atterit alnos.

Ista gemunt nemora alta, & murmure plangit Olympus.

Inde & illius varias
paturas dicit.

Ast illud mirum est, tenuati pollinis instar

Si teritur, toto pulvis vacat impete: viresque
Amittit pariter perfusus Najade molli.

Nimirum, vivo quia dum torrepente madescit:

Et cum pollis uti nimium tenuatur, acutum

Haud ignem citò concipiet: sed tempore longo,

Intervalla velut per multa, accenditur: olli

Non multæ infrastra vires virtute superfunt.

Idcirco cura semper majore cavendum,

Ne tibi pulvis aqua madeat, neve humida juxta

Servetur loca, fistilibus nec conditus ollis:

Semina nam nitri fontes ventosa resolvunt,

Partibus èque aliis disjungunt: tertius atræ

Additur idcirco massæ carbunculus: auras

Nam secus in tenuis confestim pulvis abiret

Irritus: à corylo qui nunc vim concipit usta.

Quin etiam glauco conceptam è sulphure flammam

Spiritus è sale prorumpens extingueret, illi

Nutrimenta daret trito ni polline carbo.

Tandem cum virga stipatur pulvis ahenò,

Haud violenta premas multa vi vincula, pollen

Ne fiat, frustra belli exarsurus in iras.

Mox bellatrici varias ostendere formas,

Atque novas species armorum cæpit, & usum

Dicere: & illa animo dicentis verba reponit.

Ostendit & varias ar-
morum species.

Hanc pyrobalystram Grajo sermone vocabunt,

Quam validi possunt vix sustentare lacerti.

Idcirco in pugnam baculo suffulta bifurco

Ibit, ducta viro robusto, & nomine dicent

Illam etiam vestri catapultam: sclopus & ille

Militis è dextra, bomboque minore tonabit:

Et manualis erit mixto cognomine dictus

Siphon: & flammæ è reſte excudet uterque.

Longior hic, silicem qui dente tenacior æreo

Sclopus habet: mihi certa novis nova nomina rebus

Danti, Chalcopyros dicetur; flammea quando

Attritu calybis succendit grana. Pelasgis

Appellatus & hic quorundam Siphunculus esset:

Martia Romanis sed fistula: quam manus una

Militis extemplo vicinum explodet in hostem.

Hæc postquam præfatus, iter flexere coruscæ

Ætheris in lætas auras: rursusque relictam

Devenere casam, nitido cum Lucifer astro,

Nun-

Nuncius Auroræ montem lustraverat altum,
 Ille hic Leucosyrin donavit pulvere multo,
 Fistula & armavit gemina: quam pelle fugacis
 Intestam cervi senior per ephippia circum
 Cornipedis gemino pendentem aptavit in armo.
 Et glandes dedit alaras, & plurimus usum
 Edocuit: simul hæc: Percussus fulmine dignas
 Hoc dabit ille tibi, Virgo pulcherrima, cenas.
 Aude animis: nec te pudeat, quod viribus impar,
 Atque novis impar data victima concidat armis:
 Quid non vindictæ licitum? si vincere certum est;
 Et quæ parta dolo, dabitur victoria laudi.

Ast ubi promeritas Virgo pro munere grates
 Egit, & extremum charo vale dixit amico:
 Invento exultans miro, sitibundaque belli,
 Subjectas valles, deserto monte, petivit.
 Ærea sic primum Stygiis educta caminis,
 Dii Manes nocitura viris tormenta dederunt:
 Atque novas artes bellandi edocta juventus.

Tandem in agrestem
 senis casum reversi. Pe-
 trisoder pulvere, & si-
 stula ærea Virginem do-
 navit, ut illis se armis
 vindicaret.





BELLICORUM

LIBER TERTIUS.

POSTQUAM lecta novis se pubes induit armis,
 Atque usus edocta, acies conflare pedestres,
 Vatem cura vocat: quæ pars non ultima cæpti est.
 Non etenim in pugnas pecudum de more, sine ullo
 Ordine, permixtim, ut cæcus fert impetus, ut fors,
 Ire decet, divina quibus mens indita, & acrem
 Vim quibus ingenii Dii concessere benigni.
 Telum ingens, validumque homini, quo vincere quidquid
 Posse datum, cunctisque super animantibus esse.
 Quæ cum sic habeant sese, Dux, ordine tali
 In certas scriptam series partire juventam.

Centuria quæ, & quo-
 modo conficitur,

Ergo age, Centuriam in primis, quæ corpora centum
 Colligat alma virtum, facies: queis imperet unus
 Centurio, multa virtute insignis, & armis,
 Quique vices ineat, vir fortis proximus adsit.
 Tertius insequitur post hos, qui Romula signa
 Explicet, & capta præfigat Signifer arce.
 Sit geminus simul Instructor, qui dirigat agmen;
 Instruat & campo, cum res petit unus & ore
 Instabit calamus: duo pulsent tympana, & acres
 Irritent bellaci animos in prælia cantu.
 Sexaginta ferant leviores pondere sclopos,
 Ni gravibus lubet armari; præstabit utrisque
 Munitos, vario Martis pro Munere, habere.
 Quadraginta gerant hastilia lenta (1) Decani

Qui Decani, subalterni,
 & Utriusque.

Sint

(1) *Capesquadri, & Corporali.*

Sint numero ex omni delecti quinque; Latina
Nomina Præstitibus quæis olim antiqua fuere.
Ordine qui sequitur, Substes: quique ultima claudunt
Signa viri, Grajo quondam sermone vocati
Uragi. Primi præcedunt forte Decani,
Tirones est cura quibus commissa docere
Difficiles artes bellorum, & quæ sua quemque
Munia certa manent: quique illis fortibus ausis
Dent exempla operum, faciantque in prælia vires.

Sed quo Centuriæ procedant ordine: Primus
Dux hastile ferens humeris: quem scutifer ante
Ibit, habens læva parmam, dextraque magistri
Eoo è calamo, aut sublustri è robore virgam.
Quique vices Rectoris obit, comitetur euntem.
Hinc & centuriæ venient juga cuncta: Decani
Ordine præcedent primo, Emeritique secundo.
Post hos incedant, rauco qui prælia cantu
Accendunt, validasque addunt certantibus iras.
Pone hos sclopiferum quinis juga versibus ibunt
Cætera: sub media succedat pube, Quirini
Qui signum gerit, & ludentibus explicat auris.
Protinus hastati properabunt: denique tergus
Postremum Uragi claudant: totumque per agmen
Hac, illacque vagi, intentique ad singula, bini
Circum (1) Instructores errent: & versibus omnem,
Ordinibusque regant certis gentemque, aciemque;
Obliquus ne fortè aliquis se porrigat extra
Versus, siye jugum benè non respondet ad unguem.
Et si quem juvenum non ritè incedere spectent,
Cominus errantem directa ad signa reducant.

Sunt qui centuriam numero constare minori
Hac ætate novi, & docti voluere magistri.
Sexaginta viris totam, non amplius, illam
Componunt: quorum gestant stridentia athena
Quadraginta humeris, viginti hastilia longa.
Sic acie in tota delecti ad prælia multi
Ducent signa viri: quorum virtute mereri
Egregiam poteris palmam, Proconsul, ubi atrox
Conferitur pugna, & dubio Mars emicat igne.
Qui si mos populo placeat, non ipse recuso.
Sed jam Centuriis descripto è milite factis;
Protinus insequitur componere cura (1) cohortes:

Quo Centuria ordinæ
procedat.

Instructoris munus.

Alter Centuriæ iusti
quendæ modus.

Tota

(1) *Sergenti Itali vocant. (2) Reggimento.*

Tota quibus legio conflatur more Latino.

Nam non Barbaricas acies, moremque docebo

Quæ Cohors, & ut
componatur.

Invisum Patribus semper, Populoque togato.

Centurias igitur denas conflare cohortem

Præcipio: quæ contineant si corpora centum,

Mille viros compacta phalanx in prælia coget.

At sexaginta si complectantur, in arvis

Sexcentos juvenes hæc tantum exponet, ubi Mars

Detonat, & fortem vocat ad certamina pubem.

Cohor ti Tribunus præ-
est.

Vir magnis animis, grandisque ætate, (1) Tribunus,

Inclutus & factis, & avorum fasce, cohorti

Prædeat toti: similis sit additus olli

Legatus comes; ut totum, si forsitan absit

Ductor, vel pugna fuerit sublatus in ipsa,

Instructor, ordinat.

Agmen agat, dictisque viros, dextraque gubernet.

Insuper Instructor, certa qui lege phalangem

Explicet in campis: sociusque Vicarius, agmen

Qui Vicarius, & ejus
munus.

Qui valeat simul instruire, instructique tenorem

Servare, & versus omnes componere in unguem.

Armis idcirco, pugnaque peritus, uterque

Sit, præfensque animo: multum conferre secundis

Sic rebus poterunt, & palmis arte merendis.

Sit Procurator, totam cui cura cohortem

In villis, dum castra movent, campisque locare:

Et victum cunctis, vestesque, & commoda vitæ

Sufficere, & Martis, quæ plurima postulat usus,

Adde, Machaonia qui planè instructus ab arte,

Vulnera cruda virum, & febres medeatur acutas.

Sint in Cohorte Me-
dicus, Judex, & sacerdos.

Sitque etiam judex, cui sint castrensia jura

Cognita, qui rectis perpendens lancibus æquum,

Et juvenum dirimat lites, & crimina plectat.

Sed sit cura fori ambages vitare dolosas,

Atque imperplexo consulta exponere sensu:

Aversata forum quæ nunc Astræa reliquit.

Sit pariter (quæ cura pii sit prima Magistri)

Qui Superum curet ritus, & sacra Sacerdos:

Et juvenum instituat mores: omnemque repellat

E castris vitiorum aciem; precibusque supremum

Conciliet Numen: miseros juvet, increpet ultro

Perjuros, teneat dubios, ne fortè labascant.

His actis, (2) legio sequitur conflanda Quiritum

More,

(1) *Maistro di Campo* Itali, Hispanique appellant, Germani
Colonello. (2) *Un Corpo d'armata*.

More, usque novo: nam temporis illa vetusti
 Haud equidem nobis ratio retinenda recenti
 Est ævo, nova bellandi quo forma reperta est.
 Hoc igitur facient legionem more cohortes
 Quattuor, & geminæ geminis in cornibus alæ.
 Millia sic peditum quatuor compacta tenebit,
 Ast equitum legio duo millia: si minor isto
 Sit numero stipata cohors: bis mille virorum
 Et centena quater legio ad sua signa vocabit:
 Mille & bis centum alarum duo cornua cogent.
 Præfectus toti legioni præsit: & olli
 Imperium summum: alterius nec iussa faceßat,
 Ni Prætoris erunt, vel Consulis: attamen alas
 Ab jussis equitum fas est pendere Magistri.
 Non quisquis tanto dignetur, Consul, honore,
 Sed vario belli, qui functus munere, palmam
 Sæpius insignem retulit, laudemque Senatus:
 Et sit imaginibus multis, titulisque decorus.
 Illum legatus, qui sit comes impiger, & qui
 Multo etiam meruit bellator Marte, sequatur.
 Dum legio sua castra movet, Præfectus in ipsa
 Fronte viam fecet: extremumque Vicarius agmen
 Servet, equo fidens nitido sublimis uterque;
 Ut facili hæc, illac cursando invisere totam
 Instructam valeant legionem, omnesque maniplos.
 Hinc Instruções primi, quorum ordine cunctam
 Est aciem instruere, & recta componere versus,
 Magnanimis vestentur equis. Gens extera, Vati
 Quæ nunc trans fines, & canas incolit Alpes,
 Accipiunt pro tota ipsam legione cohortem:
 Et vario variæ gentis pro nomine dicunt.
 Nec certus juvenum numerus, certusque manipulorum
 Est olli: tenet hæc millenos, altera tantum
 Sexcentos, bis mille viros hæc explicat, illa
 Mille & quingentos. Peditatu plurimus acri
 Hispanus pollet: quo se quoque jactat Eoi
 Regnator: Germanus equo, fortisque Polonus,
 Atque Scythæ, atque Arabes, Persæq; & Medus, & Indus.
 Gallica sed pubes hoc tempore dives utroque est.
 Tu Cæsar venture, omnem qui legibus Orbem
 Submittes Latiis, primusque insigne trophæum
 Post reduces fasces Capitoli in sede locabis,
 Hæc sequere, ex adytis Phæbi, Martisque recessu
 Quæ Vates sacro præmittit Olympicus æstro,
 Sunt etenim potiora, meus ni fallit Apollo,

Quæ legio, & qui sit
 illius constituendæ modus.

Quo ordine procedat.

Novi pro legione ip-
 sam Cohortem accipiant.

Et

Et Mars horrifono stimulans præcordia bombo.
Et veteres plus moris habent, Veneranda vetustas
Semper erit, nova ni ratio, novus obftet & ufus.

Perge, ubi centuriæ conſcriptæ, unaque cohortes,
Et tota ex illis legio conflata, docere

Tirones Marti, quæ
munia docendi,

Tironem ſupereſt, quæ Martis munera, & acrem
Interdum ad pugnam ſicca proludere arena.

Ipfius & quamquam Inſtructoris cura novellam
Militiæ ritus pubem, legesque monere:

Quique fit armorum potior certantibus ufus,
Quàm varius, pugnae quæque ars fit certa ferendæ

Extento in campo: vel cum ſe continet intus
Caſtrorum vallum, obſeſſave inſurgit ab arte:

Qua juga, qua verſus ſervans, verſetur in hoſtem

Qua ruat adverſum, ſcolopi qua dirigat ietum,

Vel qua fulminibus venientem diſtinet, & qua

Contra irrumpentis pilo propulſet equi vim.

Attamen emeritos (ſic res felicior ibit)

Elegiſſe viros hæc ipſa ad munia præſtat:

Exercere quibus tirones cura, novisque

Artibus imbuere, & ſenſim conſueſcere pugnis.

Sic doctos in bella viros, ſic ſemper habebis

Fortes, & quocumque vocet Fortuna, paratos.

Et primum magis exemplo, quam voce docendi

(Nam facile exemplo quæcumque addiſcimus artes,

Abſtruſæ quamvis illæ, multique laboris:

Difficile & verbis comprehendî cuncta magiſtro)

Tirones quo tela ſitu geſtanda: paratus

Quo ſeu corporis, ar-
magis ratio uſu ſciant.

Si ſtet danda duci mandata capeſſere, ſcolopum

(ſcolopiſeros primum inſtruimus) niſum ſuper altam

Dextra tenet ſcapulam: ſeſe curvante lacerto,

Conſingat ſic læva latus, promptiſſimus ire,

Inſtructor quocumque jubet, vel Præſtes: ahenò

Innixus ſi fortè tubo requieſcere mavult,

Admoveat tormenta ſolo crus inter utrumque

Erecta, palmis comprehendat rauciſonans os,

Molliter aduſus: ſi contra explodere in hoſtem

In promptu teneat, tantum mandata iubentis

Expectans, utraque manu Vulcania tela

Suſtineat: læva protenſa ſcilicet, ipſam

Tormenti ſtringat pſychem, dextraque retrorſum

Deducta tergum ſuſſulciat: igniferumque

Funiculum læva, rapidum quo fulcitur ignem,

Una habeat, tenues ut glans vibranda per auras,

Ante tibi noſtro monſtratum carmine. Sed jam

Ha-

Hastatis positū quo longum hastile tenendum,
 Accipe: cū campo steterit directus, in imo
 Desigens hastile solo sustentet in auras
 Erectum dextra: laterique incurvā sinistra
 Incumbat: super obliquum, si carpere iussus
 Est iter, impostum scapulae, manus ipsa gubernet
 Dexterā: permixtū cuncti si fortē ferantur,
 Absque jugo, versuque, cadit cū plurimus imber;
 Aut itā cū subiti casus, inopinaque poscunt
 Iussū ducis, tū dextra pedem complexa supremum,
 Elatum sublime gerat: torquere necesse
 Si sit, dextra habeat calcem robusta, lacertum
 Læva super pilum sustentet pectora juxtā:
 Incurvique pedes multam vim pulsibus addant.
 Tandem si densō venientum turbine contra
 Quadrupedū in pectus vertenda hastilia, dextro
 Suppositum pili postremum vi pede pressans
 Obsirnet connixus humi, teneatque sinistra
 Demissum obliquē: capulum simul impigra ferri
 Dexterā stringat, opus si sit, mora nulla, sub auras
 Eductura, ferum cū certum cominus hostem
 Excipere: incurvus stet crure, & corpore miles.

Atque hic hastati dicam, quæ tela: coruscus
 Ensis habet de more latus, dextra ardua longo
 Hastili armatur, bifida cui cuspide ferrum,
 Armeniaci veluti folium, figatur acutum.
 Sit quatuor longum digitis, latūque duobus:
 Hastaque fraxineo tenuanda è robore: & una
 Latior unciola tornatur: corpore fiat
 Longa decem, quatuorque pedes: sic eminus acrem
 Propulsabit equum, & pedites teget objice longo.
 Æratoque pedem cono præcingito; duræ
 Ut figatur humo firmissima: robore pilum
 Fraxineo pariter formatur, cuspide ferrea.
 Quæ minor, & sit stricta magis: sit & hasta minori
 Corpore: nimirum pedibus prælonga novenis:

At non præteream, quod, Dux, advertere multum est;
 Ne pueri breviora ferant hastilia, trunco
 Vel fragili tenuata nimis, vel cuspide obesa:
 Nil etenim prodesse queunt certamine equestri.
 Nam nihil ingentemq; animum, & vim frangit equorum,
 Quam ferrum, pungens ubi cuspide pectus acuta
 Excipit adventantem. Est hæc natura superbi,
 Ac bellacis equi, flagrantem turbine multo
 Non ictum, glandesque timet, non fulmina bombis

Tom. I.

S

Emif-

Quo & hastati sua arma
 gestent, vario item
 pro munere.

Quæ hastati tela, & ut
 hasta elaboretur.

Cavendum ne milites
 cuncti ferant hastilia.

Timet Equus hastæ cul-
pidem,

Emissa horrifonis: nec totus sanguine tinctus,
Vulnere nec crebro lacerus, magno impete ceptum
Interrumpit iter: verum se pungi ubi ferro
Senserit, extemplo trepida formidine pulsus,
Præcipitem sistit cursum, mirabile visu!
Et pavet, & timet, & nullis calcaribus ultra
Urgetur: tantus tenui de cuspide terror.

Præterea, jacta noceat ne ferrea glande
Fistula, lorica juvenes cingantur, athena,
Aut tunica, duris confuta è pellibus alces:
Et galea brevior caput, vultusque tegatur.

Quæ sint partes Cohor-
tis docendi Tirones.

Hinc & digressus, teneat quæ cætera tiro
Munia sint, nostro contendam carmine: & illa
Ut facile valeat condiscere, prima canenti
Cura sit, instructæ partes monstrare cohortis.
Quæ quoniam sclopis unâ constatur, & hastis;
Idcirco ternas in partes tota secatur,
Ex his una viris armatis obigit hastis,
Sclopiferis geminæ, medium tenet illa phalangis:
Hæ verò geminum complent latus: ordine prima
Linea, frons, caput, & facies quoque dicta cohortis;
Atque jugum princeps Romano nomine; totum
El èto quoniam, & veterano è milite constat.
Est, animis attende, (1) jugum, qui dicitur ordo
Romanis patiter, series extenta virorum,

Cohortis partes graphi-
cè explicantur.

Quæ latere à dextro procurrat ad usque sinistram:
At versus series, quæ prima à fronte recedit
In tergus. Verum quoniam sunt sex jugi tantum
Agminis; idcirco numero qui tertius ordo est,
Concludens medium nostris cognomine dictus.
At medium dixere jugum, qui proximus ordo,
Et quartus numero est: claudens prostermus, & Ura
Grajugenis quondam, Romano nomine Tergus:
Qui dextra versus prior est, ille agminis ala
Dextra: sed in læva qui stat prior, ala sinistra:
Instructæ patiter quæ cornua dicta cohortis.

Quæ passim sex ordi-
nibus constanter, & si
plurima etiam ex oâo.

Insuper his, quamquam mos sit, constare phalangem
Sex tantum ordinibus: tamen, est si plurima pubes
Bellantum, ex octo facies: ipsoque virorum
Pro numero, fas est alios adjungere, versus.
Quos quadragenis nunquam compone minores,
Semper & æquali cuncti discrimine distent

Sele

(1) *Fili* audit *Ital*is, *Gallis Rang*.

Sese inter : simul & spatiis equalibus ipsa
 Excurret iuga directum : nec longius unquam
 Conveniant producta : sciatque insistere eodem
 In versu miles , casu quocumque cohortem ,
 Seu sit opus totam , seu partem vertier unam :
 Idque Instructores præstabunt , agmina circum
 Dum cursant , omnes & ponunt ordine turmas .

Sed quæ sit versus inter distantia ; tiro
 Edificat ; servare locum quo possit : & ipsa
 Tota cohors instructa arvis consistat in unguem :
 Pulchra velut textura : sed hæc distantia , semper
 Non una : ut structi pariter non agminis una
 Conditio , campique situs non unus : & ipsa
 Non eadem semper miscendæ occasio pugnae .
 Si Consul cunctas acies , atque omnia lustrat
 Agmina , sive novis pueri exercentur in armis ,
 Fac pedibus distent senis iuga singula : versus
 Ter , quatuorve inter sese , non amplius , abint
 Aenea si contra juvenes inimica tremendis
 Tormenta inclamant bombis , & fulmina vibrant ,
 Ordo quisque pedem , sed versus quisque recedat
 Undenos : magnum nam sic per inane recurrent
 Bellantum sine cæde pilæ : si fervida signis
 Collatis sit pugna , manus & comminus ipsi
 Conferuere simul pedites , tum versibus una
 Atque una ordinibus detur distantia , terni
 Nempe pedes , quatuorve : acrem si pugnat equorum
 Vim contra peditatus , erit distantia tantum
 Quattuor in versus . Dum Mars tonat ære tremendo ,
 Consiſtuque inito , servant iræque , necesseque
 Bellantes , qui sorte locum tenere priorem ,
 Ignivomo ut primum glandem intorsere metallo ;
 Illic extremum versentur in agmen : ut ara
 Letiferis onerent iterum , globuloque , nitroque :
 Rursus & , ut factum signum est , jaculentur in hostem .
 Utque agiles possint confestim extrema tenere
 Ordine servato , sua per discrimina cuncti ,
 Quæ series inter spatia interposita recurrant .
 Quique iugo interea persilabant ante secundo .
 Tum frontem , sortiti , accenso pulvere , rauca
 Explodant tormenta ; modoque recedere eodem
 Per versus medios conentur : ut ignea rursus
 Ipsi etiam in vacuas protrudant semina cannas .
 Atque hic Instructoris erit non ultima cura ,
 Sic cunctos certo spatio disponere versus ,

Quæ inter versus da-
 cenda libertate pedo ,

Quæ pro vario usu va-
 riatur .

In confidit , qui primi
 scilopos exploserunt re-
 cedant retrò , ut iterum on-
 rent ,

Ut via militibus pateat secunda, supremum
 Dum repetunt agmen: certetque reducere eosdem
 Illicet, inque aciem primo servare tenore
 Et ne tirones trepidi formidine pugnae
 Perturbent versus, caveat solertior: et si
 Fortè jugum, versusque aliquis dissolvitur, ipse
 Corrigat errorem, & seriem citus integret illam.

Decani belli munera
 Tirones doceant.

His animadvertis, sequitur postrema Decanos
 Cura, vel Emeritos hæc ipsa ad munera lectos,
 Qui sint militæ mores, quæ jura docere
 Tirones: positu quo scilicet arma gerenda,
 Quove modo: & melior qui sit certantibus usus
 Ipso in conflictu: quæque intervalla tenenda.
 Insuper ad socios, qui sit respectus habendus:
 Quin propriis tiro dum stat succinctus in armis,
 Ut pes intersit spatii talum inter utrumque.
 Inque situ tali doceat convertere sese
 Ad laevam, dextramve: citumque ad iussa sinistro
 Se pede, quò jussum fuerit rectore, movere:
 Mox pede, præcipiet cum dux, se vertere eodem.

His super, edoceat, dum latis ordine campis
 Agmen it, erecto procedat corpore: & altos
 Recta humeros, scapulasque gerat, spectetque sodalem;
 Ut versus, rectusque omnis se porrigat ordo,
 Sicque instructa phalanx paribus formosior armis
 Terribilis stabit campo, & secunda triumpho.

Illum etiam retinere situm, doceatur, eisdem
 Sive immota locis acies stet firma, calentem
 Seu pugnam ciet instructa legione; præmitte
 Ruptis signa retrò referentem verbis hostem.

Et tandem, (paucis complectar ut omnia) curam
 Atque opem solers impendat, ut, agmine structo,
 Quo primùm steterit, versive, jugove: neque unquam
 In latus hæc; illac se porrigat: ipsaque retrò
 Pectora, neve ante ordinibus dimota relictis,
 Inclinent sese: sua sed discrimina servent.

Acies instructa uti Chori,
 cuius laus est respon-
 dentium ad legem nu-
 merorum, & salus, & vo-
 ces.

Robur enim totum, & structa decus omne cohortis
 Martius est ordo, quo rectè armata refulget
 Pugnam iniura. Chori cœn pulchri gratia tota est,
 Promeritam ex omni laudem laturo theatro;
 Cum qui saltando choreas per mutua nectunt;
 Ad numerum glomerant gressus: & eunt, redeuntque
 Orbibus implexis, intricatosque feruntur,
 Per gyros habiles, spatiisque rotantur eisdem.

Se nunc involvunt permixti erroribus, & nunc
 Illic extricant: nunc & variante figuras
 Designant cætu varias, mirabile visu!
 Quisque locum servare suum studet impiger, & se
 Per certos passus, & per discrimina certa
 Versat, agens gyrum: & saltus retinere tenorem
 Nititur: atque manus agilis simul excipit, & dat.
 Itque, reditque: pedes præscripta lege magistro,
 Attollit paribus numeris, quibus alter eodem
 Momento modulis respondens surgit: unà
 Miscentes choreas: simul & sua corpora flectunt
 Unà omnes nexi per mutua: sicque decorem,
 Atque vènistatem festivis saltibus addunt.
 Gaudia sic populo poterunt præbere: faventi,
 Murmure sic ipsi laudes, & dona mereri:
 Si contra nullo percurrant ordine, & extra
 Exiliant sine lege chorum, numerisque relictis,
 Hac, illacque vagi choreas, & carmina jactent,
 Ridiculi risum referent, turpesque cachinnos.

Sed jam me rauco bellacia tympana cantu
 In pugnas, inque arma vocant, hostemque laceſsunt,
 Alternis percussa: sono latè obſtrepit àër:
 Atque repercussa ex alto vox bella reſclamat.
 Quos equidem variosque ſonos, quæ Martia & illis
 Dentur ſigna viris, multum cognoſcere reſert
 Tirones: vari nimirum: juſſa Magiſtri
 Accipere ut valeant, ſubitiſque facere: noſtro
 Idcirco teueant variantia murmura verſu,
 Quidque illis fieri dux imperet: ò age, Muſa,
 Carmine dicamus, quæ Martia tympana, quique
 Et quàm ſint vari cantus, quos verberare certo
 Emittunt pulſata: ipſam pulſoris & artem,
 Quæ vario appellet cantu ad ſua munia pubem.
 Sed tamen ante modum, quo ſiant tympana, diſce.
 Caſſanea è tenui vacuam compingere caſſam,
 Inque ſtyli morem conabere: ut intus inanem
 In gyrum alliſus tremet àër verberare pulſus;
 Et varias reddant vocalia tympana voces,
 Eſt etenim ſonus, & tenues quæcumque per auras
 Vox delapſa, fugax tremula formidine motus
 Àëris undanti ſimilis, ſimiliſque trementi,
 Dum curſat per dura, per aſpera: & incitus iſta
 Argutus ratione venit: vocalis & aura
 Criſpante, emittit diverſas murmure voces:
 Sunt diverſa velut reſonantia corpora forma,

Quæ Tympana, & ad
 quos uſus in caſtris, ac
 pugna conſtruendi, pul-
 ſandique arti docetur.

Quid ſit ſonus, & quo
 modo propagetur?

Per

Fiunt ex pelle, quia ad
tremorem aptior.

Quomodo virgæ pul-
soriæ conficiantur.

Qui varii pro vario
usu Tympanorum soni.

Per quæ continuè saliens fugit, & vagus undat.
Idcirco bovis exuviis, utrimque tegatur.
Os capræ; quoniam pellis magis apta tremori.
Aëris est: verùm valeat nunc stringier, & nunc
Laxari: ceu fila fidis revocantur ad unum,
Plurima funiculis transversum utrimque ligetur:
Qui super exuvias extentas, undique firmant,
At virgas, pulsata quibus dant tympana cantum,
Sive pyro facies, ebenove, aut (1) robore ab Indis,
A quibus advehitur; nomen fecere Latini.
Materies olli durissima, quæque tremorem
Sit potis elicere, & percussa à pelle ciere,
Ut variant ipsi, variantia murmura, pulsus.
Ter quinis longæ digitis sint corpore: lata
Unciola minus; & tornatilis utraque: vertex
Crassior, ut conus truncato culmine, fiat.
Sollicitata modis, sed quotquot murmura miris
Castra per, & turres bellacia tympana mittant,
Accipies facili exemplo pulsator: & omnem
Addices artem pulsando: carmine cuncta
Haud equidem possunt comprehendere. Verùm age, tiro,
Quàm varii cantus industria minorum,
Ufus quosque petit, dicamus. Primus Eousiæ capiti
Surgit ab Oceano cùm Lucifer: ille juventam
Admonet è stratis confurgere, protinus & se
Flectere humum, meritasque Deo persolvere grates;
Cujus ad id tempus servata est munere vita.
Qui sequitur, publi cantus cùm castra movenda,
Edicit: pelago nimirum prima coruscis
Cùm surgens radiis Aurora retexerit orbem,
Ad sua signa vagos celerato tertius accit:
Pugnantes sonitu: simul &, jam fasce parato,
Promptus quisque viam stet carpere. Quartus in illam
Sese continuè mandat committere, Quintus
Tollere signa jubet, gressusque intendere in hostem.
Martius hic pariter, qui explodi fulmina, & acres
Imperat accendi pugnas. Hic aufert iras,
Irritatque animos, & prælia murmurare raucò
Cruda fovet, viresque novas certantibus addit.
Hic verò ardentes procedere longius iras,
Vibrarique vetat glandes, & continuè se
E pugna revocare. Hilaris fert nuncia pacis

Hic

(1) Canne d'Indie.

Hic alter, valloque hostes compellat, amicis
 Et fatur verbis: suadetque extrema caventes,
 Victori ut fractis concedant mœnibus urbem,
 Et dedant sese: vel saltem tempore certo
 Inducias miti-malint victore pacisci:
 Ut sic interea videant de pacis honesta
 Conditione, petantve locum, vel tempus humandis
 Militibus pugna cæsis de more vetusto.
 Est tandem nova, qui præfert mandata Magistri
 Per pubem vulganda. Mihi sed pandite, Musæ,
 Qui primum doctus bellaci murmure pugnæ
 Urgere, atque animos pugnantibus indere cantu?
 Haud equidem vos ista, Deæ, latuisse putandum est.
 Ergo agite, & vestro faciles succurrite Vati:
 Atque antiqua, novo si fas cognoscere œstro,
 Inspirate animis, operique accedite tanto.

De prima Tympano-
 rum inventione lepida
 Aulicis fabella.

At quoniam Heroo (Vati sic Musa canenti
 Commemorat) fuit ille tuo de sanguine cretus,
 VINCENTI, Latio qui dudum insignis in ostro
 Romuleos inter Patres, sanctumque Senatum
 Non pietate nites minor, & virtute decora:
 Ut tituli, regale genus, sacra purpura, mitra,
 Sint animi dotes, infra, præclaraque facta:
 Huc ades, & tantis facilis, precor, annue cæptis:
 Parthenioque novum Vati da carminis œstrum.
 Quippe soles nonnumquam illum auscultare benigno
 Numine cantantem, plausuque ornare decoro.

Tempestate illa, qua conjuraverat omnis
 Extera in Ausoniam circum gens accola, aviti
 Invidia Imperii flagrans, odiisque malignis.
 Hinc &, Penninis perruptis Alpihus, illinc
 Pannonicis magno veniens gens agmine, latos
 Obteggit Italiæ campos, atque omnia sædat
 Cædibus, involuit flammis, turpatque rapinis.
 Tantum animos, valèe invidia irritare furentes.
 Ceu verno cum Sole nives solvuntur in altis
 Alpihus, & latè largis torrentibus undant:
 Tum Padus ingenti confurgens flumine, ripas
 Exuperat victor, latosque effusus in agros,
 Aggreditur fata cuncta, inimico & demetit imbre.
 Et pecus omne trahit, dejectis undique caulis;
 Atque casas, villasque ferox, quercetæque vastat:
 Diluvio & vix tutæ arces, vix oppida tanto.
 Tantus inest furor Eridano, vis tanta tumentis.
 Nempe animos centum faciunt, quos excepit, amnes!

Barbarorum in Italiam
 irrupcio.

Primi qui patriæ pro libertate cadentis,
 Tot contra immanes confurrexere catervas
 Cum Veneris circum gentes, urbesque fuere.
 Heroum Veneti soboles, factisque superbi,
 Qui dextra, magnisque animis, & mente capaci,
 Antiquum decus imperii tenere tot inter
 Diversos rerum casus, fortisque malignæ,
 Arbitriumque, vicesque, & non constantia Fata.
 Ergo omnes uno connexi federe in arma
 Assurgunt, bellumque parant, atque omnibus unus
 Urfinides plausu Consul concorde creatur.
 Urfinides Marti charus, laudisque decoræ,
 Et vir amans equi, prisco vir tempore dignus;
 Et dignus Fatibus melioribus. Ergo ubi campo
 Direxere aciem, & levato splendida ferro
 Spicula, & adverso micuerunt Sole bipennes,
 Haud mora conferitur mistis pugna aspera signis.
 Viribus & magnis, animisque interrita pubes.
 Certaret quamvis OEnotria, fors tamen olli
 Obstittit, immensis & inundans Barbarus undis.
 Tum dux Urfinides, cui quantum pectore robur,
 Tanta erat expertæ toties prudentia menti,
 Præstenti duxit Fortunæ cedere, nec se,
 Nec totam forti pubem objectare malignæ.
 Sæpè vices rerum mutantur tempore: & ipsa
 Tempore se, varium semper, Fortuna remittit.
 Quin & sæpè homines corrupti sorte secunda.
 Spontè sua abstant ceptis, torpentque supini.
 Bellantes igitur non æquo Marte Latinos
 Colligit extemplo, ducitque Antenoris arcem:
 Ostentans hosti frontem, ferrumque coruscum.
 Ille citus sua castra movet victricia, & arcto
 Obsidio obvallat spatiosi celsa Patavi
 Mœnia, tormentis & centum verberat areis.
 Et jam per latos murorum irrumpere hiatus
 Tenebat: contra se tota opponere pube
 Urfinides olli certabat: at illa repente
 Infolito percussa metu torpebat: acuti
 Nec litui in promptu, nec cornua rauca, tubæque
 (Exciderant namque illa manu certamine lævo)
 Quæ segnes possent animos accendere cantu.
 Tum Consul geminas tendens ad lydera palmas,
 Bellonam alloquitur supplex, & talia fatur:
 O adis, precor, è caelo Dea Martia, belli
 Quæ præses, nostroque volens succurre labori.

Sem;

Semper & Ausoniae, & regni si cura Latini,
 Diva, tibi fuit, & dextra tegis ardua Romam;
 Praesentem fer opem, & subita formidine captos
 Tu, precor, ô animos irrita in praelia: signum
 Fac prima, & dio trepidantes erige cantu.
 Vix hæc, cum leva intonuit de parte coruscus
 Æther, & nubes inter lux clara resulsit,
 Mox Dea terribilis visa est descendere, dextra
 Inventum deferre novum, cava tympana, leva
 Tornatas sublustri ebena perstringere virgas.
 Hinc ubi suprema Virgo superastitit arce,
 Confestim nitidis nova virgis tympana cepit
 Sollicitare modis bellacibus: illicet ardor
 Est ingens animis divino murmure factus.
 Atque sua jam sponte ruunt in praelia: & acri
 Obstant virtute, hostemque è manibus arcent.
 Usque adeo pia vota cadunt numquam irrita: & ingens
 Nulla adco res est, quam non felicibus ausis
 Efficiant homines, Superis ductoribus: illis
 Nempe nihil terris, nihil insuperabile caelo est.

At Pallas, postquam victoria parva Latinis,
 Arce super summa cum virgis tympana liquit,
 Et rapidum veluti fulmen fulgore coruscum,
 Arripuit cursum, & nubi se immiscuit albæ.
 Tum Dux Urfinides demisso poplite supplex,
 His divam insequitur tendentem ad sydera: Grates
 Quis tibi nunc meritas tanto pro munere solvat,
 O victrix Bellona? tuo victoria nobis
 Praesidio concessa: tuo stant numine salvæ
 Res Italum: stabunt ventura in secula: quando
 Tu praesens regni, tu custos, diva, Latini.
 Auspiciis hæc, dia, tuis, quæ ex hoste superbo
 Exuviae nobis partæ, delubra feremus
 In tua: marmoreasque fores ornabimus istis.
 At nova quæ belli nobis inventa dedisti,
 Illa Palatina figemus in arce, triumphum
 Concessi quæ semper ibi monimenta manebunt.
 Quin etiam, ut nostri discant tua dona nepotes,
 Pugnaci incipient post hac nova tympana cantu
 Pubi signa dare, & pugnam inflammare pedestrem.
 Hæc dedit, & magna juvenum comitante caterva,
 Vota soluturus petiit delubra Minervæ.

Adest è caelo Dea, ac
 novis Tympanis accipit
 militum animos excitare,
 illi alacres pugnant,
 & victoria potiuntur.

Dux Divæ gratias agit,
 & nova Tympana à Dea
 arce relicta, ut trophæa
 templi foribus præfigit.



BELLICORUM

LIBER QUARTUS.

SED jam difficiles artes exponere versu,
 Subsequitur, magnus labor: insuetumque canenti
 Carpere stat cursum per dura, & confraga, nulli
 Quæ triti calles, vestigia nulla priorum
 Occurrunt: rupes tantum, & dumeta rigescunt.
 Non aliter sacrum quando superare cacumen,
 Clara triumphales ubi frondes explicat arbos,
 Concessum: parvo quoniam non illa labore,
 Non vili venit pretio: sed plurima nisu,
 Plurima sudore inquirenda, & sanguine multo est.
 At quia non tantæ mihi sunt ad carmina vires:
 Ardua nec duri conscendere culmina Martis,
 Carpere nec laurum facile est, ductore sine ullo;
 Bellipotens, tu Virgo, viæ fidissima Vati.
 Dux esto: tu Musa sacrum da carminis æstrum:
 Difficiles tu pande aditus, tu sterne malignos
 Per sentes iter, audacesque per avia pennas
 Suffice: tuque acrem bellacibus instrue pubem
 Ordinibus; numerisque suis expone cohortes:
 Ipsa & dux aciem campo moderare potenti
 Dextera: & instructam pugna, Dea, dirige: & ipsa
 Insignes, quando potis es, largire triumphos.
 Nos tibi devictis crepta ex hostibus arma,
 Auspice te, præclara tuo donaria templo
 Figemus, mansura ævo monumenta futuro.
 Quin etiam grandi tollemus mole colossos,
 Qui te pugnaci miscentem prælia dextra,

Triumphalis multo labore quærenda est laurus.

Virginem invocare, eiq; hostium auxilium spondet.

Et

Et fusos referant hostes: ipsumque Tyrannum
 Se pedibus curvare tuis faciemus Eoi,
 Et tibi, vi quondam raptos, submittere fasces.
 Ergo age, per calles si corripienda malignos
 Semita, dux ad sis properanti, & numine firma
 Diva, tuo: veniam fastigia tutus ad illa,
 Te præeunte, sacroque legam de vertice laurum.

Principio, nobis quoniam certantibus arte,
 Inventisque novis, pugna non tantus acuti
 Est ferri, quantus plumbi jaculabilis usus:
 Nec tantum lævata volant hastilia, quantum
 Fulmina, militibus certas portantia mortes.
 Idcirco docti solertia tota magistri
 Ordinibus pubem certis, omnemque cohortem
 Instruere, & latis legionem exponere campis,
 Ut sese juvenes agiles evolueri possint:
 Inque has nunc valeant, nunc illas ire figuras;
 Rectis ut jacent glandes, hostemque trucidant:
 Seque simul docta defendant ictibus arte.

At ternis instructa modis versare juvenus
 Se campis valet extentis, Prætoris iubente.
 Nam nihil in pugna injussu Prætoris agendum est.
 Primus hic, est acies si fortè augenda, repentes
 Cum casus, positusque loci deposcit iniqui.
 Est autem, ut, tiro, teneas, augere phalangem,
 Ordinibus cum de geminis conflabitur unus,
 Unus vel geminis è versibus: Accipe sed, dux,
 Quando augenda cohors; numero cum plurimus aucto
 In frontem ruit, aut inopina fraude vereris
 A tergo circumventum ne te opprimat armis
 Adversarius acer, agatque impunè tremendam
 Ordinibus cladem versis: aut ipse cohortem
 Rumpere in hostilem simili meditaberis astu.
 Immissis augere jugis juga nitere, longa
 Ut fronte excipias hostem, & compluribus armis.
 At latus invadi si fors præsenferis; ipse
 Robore vel multo bellantum invadere tentas,
 Illud protendi gemino tum præcipe versu.
 Insuper, angustum si non latus agminis arvom
 Accipit, ut latè sese frons explicet: illam
 Si non æquus ager capiat, latus ipse iubeto
 Augeat ut pubes. Positu si pugna ferenda
 Sit tali, potius, me tunc auctore, cohortem,
 Haud equidem fallere, jube converties omnem
 Illicet, & frontem veteranam opponier hosti.

Acc præcipus Magister
 in capis ita cohortes in-
 struere, ut facillè juvenes
 se omnes veteres in par-
 tes possint.

Quid sit cohortem au-
 gere, & quando augenda

Quando invertenda sit
 acies.

Sic stando pugnant juvenes, sic sufficit amplæ
Telluris situs, valeat se flectere ut omnis
Structa phalanx: sic ordo prior, sic forma manebit:
Et primi, lætisque manus conferre priores,
In latum & poterunt hostile irrumpere primi,
Impete congressi valido, stragemque ciere.

At acies augenda quibus, præcepta priusquam
Tradamus, dic, Musa, modum, quo Structor in equor
E pueris quadrum bellacibus explicet agmen.
Namque tuas implorat opes res ardua: tuque
Tattica quæ fuerit lex præscribenda magistris,
Differe, & è cæcis ambagibus erue Vatem.

Quomodo quadrata acies
instruenda.

Et primum è numero, Structor, conflanda quadrato
Bellantum si fortè cohors, legem accipe, paucis
Expediam. Juvenes quingentos ære nitentes
(Ardua ab exemplo fiat res planior) omnis
Contineat stipata phalanx: subducito ab illo
Radicem numero (quadratam nomine dicant)
Viginti dabit, & binos inventa: supersunt
Qui sex, quique decem, fulces servare jubebis.
Mox juga tu totidem, totidemque ex ordine versus
Expones juvenum: sic campo instructa nitabit
Quadra cohors, agri sed quantum postulet illa
Emissi spatium, tali venaberis arte:

Quantum agri spatium
petas quadrata acies.

Sub ter decem numerum (pedibus quot scilicet inter
Se distant juvenes persantes ordine in uno)
Agminis inventum: nam sic conflata docebit
Summa locum, peditum quem frons extenta tenebit.
Senos nempe pedes, & sexaginta. Sed arvi
Agminis instructi quantum latus implet utrumque
Sic perquire: pedum quoniam distantia septem
Est inter humeros, & pectora belligerantum;
(Quot juga nimirum fugiunt se singula) septem
Ergo bis undecies subducito: quique refurgit
Ex illis numerus, dabit intervalla, phalangis
Quæ structæ latus explebit: confecta quaternos
Quadragesima pedes supra, centumque creabit:
Quod latus extentæ procurret utrumque cohortis.

Artis exponendi quadra-
tum aciem quadrato in
agro.

At si fors acies agro ponenda quadrato,
Inter ubi pedites nimirum fervida pugna
Conferitur (præstat nam tum producere frontem;
Acrior ut magis in certamina surgat, & hostes
Seu stent, sive ruant: conatu proterat acri)
Vel situs id campi poscat, casusve, teneto.
Quingentos triginta phalanx arata virorum

Cor-

Corpora belligerum in Mavortia praelia ducet:
 Hunc ter sub numerum primò duc arte: creatur
 Quique hinc, in septem mox divide: nec mora quadram
 E quotiente dato radicem subtrahæ: quinos
 Ter dabit illa tibi, benè si subducta, relietis
 Fragmentis numeri, summa quæ sæpè supersunt.
 Quindenos igitur bellantes singuli habebunt
 Quadrati versus: habeat quot quilibet ordo,
 Hoc scrutare modo: numerum partire cohortis
 Nuper in inventum: qui mox emerferit, ille
 Quot sint quoque jugo juvenes de more locandi,
 Ostendet tibi certus: erunt, si lege peractum est,
 Quinque, & triginta: superest quæ cætera turba
 Subducto è numero, sociorum ad vala manebit.

Verùm mira tibi numerorum arcana, magister,
 Si certò pateant (divina instructus ab arte
 Sis, Rector, si pulchra tibi victoria cordi est.
 Quandoquidem si ritè suis instructa maniplis
 Stet campis armata acies, certissima palmæ
 Spes erit, egregiis modò Mavors annuat ausis)
 Quot versus juvenes, & quot juga singula poscunt,
 Aurea monstrabit tibi regula: plurima rerum,
 Quæ penitus seposita latent, nec cognita vulgo
 Nec noscenda unquam, licet expetat illa tenere,
 Unis clara aperit, præbetque videnda disertis.
 Difficiles solvit nodos, perque invia, cæcasque
 Ambages infertnit iter; divina vocari
 Ut merito valeat, numeris oracula reddens.
 Si tria, dic igitur, quingentos fronte repositos,
 Et triginta viros dant ordine, quod mihi septem
 Cederent versu? summam si ritè putasti,
 Dæt ratio numerum, quo radix eruta, quinque
 Et triginta dabit juvenes, qui principe figant
 Ordine se: dic præterea (pars altera quando
 Vestiganda subit) si dant ex ordine septem
 Quingentos triginta viros, qui versibus insint;
 Quot tria fronte dabunt? subducto detrahe, Teston;
 Radicem numero: terquinos illa docebit
 Quoque tibi versu bellantes esse locandos.

His super, oblongum si latus agmen in arvis
 Sit tibi ponendum: nimirum ut fortius hostem
 Fronte petat valida, & crebam ferat igne ruinam:
 Sive irrupentem lethali grandinis imbre
 Propulsare velis, in septem divide primos:
 Qui venit hinc numerus, bisseenos ordine versus

Numerorum artem re-
 neant instructores: & præ-
 cipuè Auream, ut ajunt,
 regulam, ità enim facilitè
 cohortes in omnes figu-
 ras explicabunt.

Quando oblonga acies
 constanda.

Pugnantum lateri figendos dicet utrique.
 Non secus è numero, quem versus continet ordo
 Nascitur: Astutum verò geminare cohortem,
 Seu juga, seu versus, immixtis versibus, auge,
 Insequitur; legem non multis accipe: Primum
 In geminas numerum bellantum divide partes,
 Extrahe & ex una radicem: quique revulsa
 Prodit eà, numerus, versus dabit, & dabit idem,
 Si geminus fiat, juvenes, quos ordine pones.

Et per Auream regulam
 perquam facile fiet.

Id quoque non multis potis es cognoscere, Teston,
 Aurea si ratio numeris adhibetur in illis:

Ergo (tibi pateat res ipso clarior usu)

Si duo dant quatuor, quotnam, ratione putata,
 Ostingena? (viros tot complectatur in armis
 Ingeminanda cohors) sexcenta, & mille recludet
 Summa tibi subducta: quibus mox eruta radix
 Quadraginta feret: quot quisquis scilicet ordo
 Militibus constabit: & hinc quot versus habebit,
 Ipsa dabit, numerum radix dissecta per æquum.

Traditur modus aciem
 geminandi.

His & digressus spatiis, geminare phalangem,
 Ordine dum posito stat campo instructa, docebo.
 Si primum antè, dextraque augenda, iubeto,
 Ordine qui juvenes se præfixere secundo,
 Unà omnes subiti in primum lævo pede pergant,
 Et socios inter se sistant ordine eodem:

Dextra inceptantes spatia interjecta replere.
 Non aliter quarto qui miles in ordine perstat,
 In præcedentem, qui tertius, inferat: inter
 Seque locet socios: juvenum sic cætera turba
 Extemplò faciet: si læva armata frequentans,
 Dux, juga, fac pueri incipiant se sistere læva.
 Ast acies positu si sit reddenda priori,
 Restituat se quisque suæ, tum præcipe, sedi.

Modus extendendæ co-
 hortis.

Perge, priora tibi juga sint implenda: suprema
 Tunc media ex acie jubeas descendere frontem
 Confestim in primam, totidemque augere priora.
 Sic juga sena phalanx quæ laxior ante tenebat,
 Nunc tria: sed quisquis geminatos explicat ordo
 Bellantes. Binas agmen si Structor, in alas
 Vis conferre simul, simul & diffindere; quotquot
 Armigeri juga quæque tenent postrema; sinistram
 Præcipias, dextramque pari decedere cœtu:
 Atque juga, atque ipsos servantes ordine versus.
 At reliqui immoti consistent sedibus iisdem.
 Sic extenta acies utrimque, ferocius, alas,

Exci-

Excipiet latus hostes incurrare parantes.

Verùm si versus, immixtis versibus (agmen

Ut laxis veluti compagibus occupet æquor)

Fortè frequentandi (Facies id mœnia circum

Hostica dum juvenes carpunt iter, intonat aut æs

Suggestu ex alto: cui contra objecta juvenus

Æquore stat: rauco sic fulmina torta metallo,

Non tantas per crebra ferent incendia strages)

Disce modum: Primo qui dextra è parte cohortis

Insistunt versu, si vis augere sinistra,

Ilicet in versum certent properare secundum:

Qui terno, in quartum veniant: pariterque subibit

Sextum, quæ pubes quintum stipata jugabat.

Atque inter socium vacua intervalla locent se.

Sic acies geminata latus consistet in unguem.

Perge, age, restat adhuc salebrofa per avia cursus

Plurimus, & stimulis urget Bellona decoris.

Anteriore phalanx si parte augenda (per arcum

Cùm tentanda via est; aut stricti semita pontis

Transmittenda) tenet versum quæ prima sinistrum,

Ilicet ante ferat sese gens tota secundum;

Ut sic ille duplo procuret longior: ante.

Tertius inde dato se collocet ordine quartum.

Non secus & reliqui facient: angusta subibit

Sic acies conferta, brevemque citissima pontem

Exsuperabit: agrum mox & laxata replebit.

Et subito laxare potes, si quisque recurat

Versus, ubi primò steterat. Sed protinus alter

Jam modus ingreditur, campo quo structa patenti,

Res ubi, continuò possit se evolvere pubes,

Nimirum duplex inversio: prima per omnes

Fit versus, juvenes cùm pectora, fronte relicta,

In tergo stectunt, totusque invertitur ordo.

Id facies, Piætor, cùm dorsum invadere tentat

Hostis; ut irrumpens magnas inferre ruinas

Evaleat: contra mutatis versibus olli

Opponas conversa virum tu pectora: & acri

Sic fraudem potis ingenio deludere: tales

Instruere ipse dolos si fors meditare: locatam

Sed qua præcipies pectus convertere pubem,

Arte, canam: cuncti fac se versentque, jugentque

Seu dextra incipiant versari, sive sinistra:

Ut sit tergo, ubi steterat prius horribilis frons.

Inque jugis pueri insistant, & versibus iisdem.

Hoc solum discrimen erit, postrema Decani

Et laxandæ ut minas
iâibus sit obnoxia.

Quomodo acies exten-
denda, cùm per angulos
aditus progreditur.

Acies qua ratione in-
vertatur, & quæ modis
sit conversio, & ob quas
rationes.

Prima.

Con-

Secunda.

Concludent spatia, atque Uragi prima tenebunt.
 Qui medium tenuere jugum, cognomina servant.
 Attamen hinc unus se versus porriget, illinc
 Decedet. Positu sed jam reddenda priori
 Est acies: quoniam detecto destitit astu
 Hostis ab incæpto, seseque in castra recepit.
 Singuli, ut ante, modo versus stellantur eodem
 Præcipe, dux; acies iterum, nec plura, priorem
 Versa situm accipiet. Sed jam quibus altera fiat
 Artibus instructæ campis inversio pubis,
 Expediam. Cunctis hæc fit versantibus unâ
 Ordinibus sese, cùm qui tenere sinistrum
 Succedent dextro: quique hoc latus ante jugabant,
 In lævum juvenes integris versibus ibunt.
 Ergo ubi sic pubem labor est convertere, dextrum
 In latus, aut lævum confestim quilibet ordo
 Versabit sese juvenum, scipione Magistri
 Ollis cùm primi turmarum signa dederunt.
 Id facies, latus expositæ mutare cohortis,
 Cùm campi situs ipse, dolusve inopinus adegit.
 Hinc jam digressio, sese nova semita Vati
 Saxa per, & sentes aperit: juvet illicet illam
 Corripere audaci nisu, totisque periculum
 Viribus, atque animis percurrere: sit modò præsens,
 Vel belli Mavors, vel carminis Author Apollo.
 Callidus alterutrum si fors latus agminis hostis,
 Ut secura magis sit palma, invadere tentat:
 Tum tibi continuò veteranam opponere frontem
 Expedi, & spes illius deludere, & astus.
 Atque hostile latus cùm meditare, cohorte
 Conversa juvenum majori irrumpere nisu.
 Ergo tibi certa qua tum ratione pedestris
 Sic campo versanda acies, latus ante sinistrum
 Sive ubi constiterat dextrum, sit vividior frons,
 Expediam facillè, ut potero; res ardua quamquam
 Exponi versu (modus hic & tertius arvo
 Quo solet in lato sese versare juvenus)
 Ut structum campo peditum stetit agmen, in unguem
 Et juga cuncta suis spatiis ritè omnia quadrant,
 Atque omnes quadrant versus, tum præcipe, ut hastas
 Erectas dextro hastati de more lacerto
 Substinent agiles (id & illis semper agendum est,
 Ab duce cùm jussa est acies versarier: atqui
 In statione manent, teneant tellure refixas)
 Præcipe dein, versent sic se juga cuncta sinistrum,

Tertia conversio.

Ut

Ut Præstes primum qui dirigit ordine versum,
 E læva tantùm se circumflectat (in illam
 Si iussum versare plagam se protinus agmen)
 Immotus dextra insistat: sed flectere tantùm
 Se studeat, quantum satis est signare quadrantem.
 Hinc versans pariterque jugans se cætera turba,
 Sic moveatur, agat sese ut velocius ille,
 Qui magis à primo remouetur Præstite: longo
 Ultimùs at gyro, cursuque citatior ibit,
 Frons ubi versata, loco responderit olli,
 In quem spectabat rectà latus omne, priùsqvam
 Inciperet pubes inflectier omnis in orbem,
 Tum versam jubeas subito se sistere gentem.
 Non aliter quadrante foret versanda secundo
 Si fors mota phalanx: fiat seu tertia circum
 Actio, tota (1) jugans se gens, versansque movebit.
 At omnes pueri, ut circum versentur in unguem,
 Et juga directò, veluti convolvitur axis
 Immotum circa medium, flectantur: oportet
 Ante coactores consistent agminis alas,
 Equatosque regant motus: & si quis oberret:
 Corripiant, subitque jugum concludere hiulcum
 Adnitantur: erit simul omnibus unica semper
 Cura jugi, versusque datum servare tenorem.
 Ceu qui transmissò telam subtegmine texit,
 Integra sint semper conatur licia: & inter
 Texendum, si qui radius discinditur, illum
 Illicet integrat nodo: si secius omne
 Intextum corrumpit opus. Sed per juga cursum
 Mars citat inceptum, montesque impellit in altos.

Ergo cura duci non stat postrema phalangem
 Sic ritè instruere, atque hastis munire, ruentum
 Cornipedum ut queat insultus arcere, juganti
 Cùm quadro irrumpunt, versantque frequentius omnem
 Sese circum aciem, crebrisque incurfibus urgent.
 Idque magis campo dum substitit undique aperto,
 Nullus ubi rivus, quo se defendere: & altè
 Non hostem fossæ, non sepes densa moratur.
 Fossile neve solum, subitum quo tollere vallum
 Aggesto valeat: verùm omnis ab arte petenda

Tom. I.

V

Sit

Ars traditur mutiendi
 pedestrem aciem contra
 Equitum incurfus præce-
 pte apertis in locis.

(1) Dicuntur milites, cum versando se, eosdem servant ver-
 sus, jugantes, & versantes: *voltarsi sà le medesime*
file.

Sit tutela, salusque unis speretur ab armis,

Ergo prima tibi solertia habenda, coruscis

Undique sic circum pilis vallare cohortem.

Ne qua patens celeri sit pars obnoxia equorum

Affultu, toti veniet si secius illa

Prima cura, ut undique
hastis valletur.

Parte malum: reliqui quamvis fortissima pubes,

Et quamquam statione sua obnixi teneant se.

Ceu cum præcipiti montoso à vertice torrens

Descendit lapsu, minitans campisque, satisque

Diluvium horrendum: cui contra altissimus agger,

Et solidus surgat, vim perfractus aquarum,

Illius at vitio agricolæ si fortè labascat

Pars una, hæc torrens irrumpit victor, & omnem

Obruit alluvie campum, & sata pingua perdit.

Idcirco quadrata phalanx non apta: ruenti

Illius quando patet hosti quisquis inermis

Angulus: extentæ quoniam sunt in latas hastæ,

Haud equidem possunt acies defendere: apertam

Namque aciem, versis si miles porriget hastam,

Nudabit latus: atque illac se protinus hostis

Inferet, insilietque ætutum impudè cohortem.

Nostri igitur tali componunt arte, ruentem

Scilicet obtusas acies ut vertat in hostem.

Ergo age jam, Teston, artem doceare futuram

Difficilem: tamen exemplo, quod possumus, illam.

Proclivem magis, & captu faciemus amicam.

Sint septigenti bellantes agmine toto,

Vigintique unà, qui lenta hastilia gestent,

Primum aciem ex illis hac tu ratione locabis:

Nimirum juvenes gestantes ærea pila

Ut sexaginta repleant juga singula, versus

Sex sex: instructum postquam sic constitit agmen,

Præcipe tum senes dextra, totidemque sinistra

Directas de more hastas attollere versus:

Sex itidemque alios utraque ex parte manentes

Intentis statione animis insistere eadem.

Hinc jubeas, qui recta tenent hastilia, versus

Versibus immittis, infra, supraque sequentes

Sex illos augere, animis qui scilicet astant

Attentis: duplo sic major quælibet ibit

In longum series, producto hinc tergore, & illinc

Fronte: sed ipsa tamen numero juga cuncta virorum

Decrescent: duodena prius, nunc sena jugantur.

Sed properemus opus, statione hærentibus istis,

Fac quotquot mediam versus tenere phalangem,

Pro-

Arts etsi difficilis ex-
plicatur, sic tamen exem-
plo clata.

Protinus attollant sua recta ad sydera pila:
 Inde jugum medium, quæque insunt cætera dorso,
 Ad dextram gemino sese versare quadrante
 Præcipe: mox versis, unâ procedere tantum
 Extemplo incipiat rursus, prorsumque juventus
 Cuncta, tenet quæ pila suo sublata lacerto:
 Sex juga nimirum supra, totidemque ferantur
 Mox infra; ut quadrum sic describatur in arvo.
 Continud (celerare decet, citus imminet hostis,
 Pulsus & hinnitu respondat lucus equorum)
 Sex horum dextra versus, totidemque sinistra
 Dimidio à dextra gyro flectantur, ut ora
 Respiciant mediam subito conversa cohortem.
 Protinus hinc, tanto versus discrimine centrum
 Procedant, quantum satis est, postremus ut ordo
 Quadrati totum sese latus inferat intus.
 Nec mora, confestim dextra, lævaque iubeto
 Versari, & tantum antèrùs procedere, quantum
 Sat cum sex aliis directum ut denique quadrent:
 Et vacuum linquant agrum, quem nuper habebant.
 Ast alæ quoniam geminæ, quæ, versibus auctis,
 Principio crevere, arvo conversa patenti
 Ora tenent, bis tu idcirco versarier illa
 Præcipies: dextram petat hæc, petat illa sinistram.
 Ut sic tota quadri convergat ad intima pubes.
 Alarum hinc versus, qui sunt infraque, supraque
 Præcipe confestim sese ante inferre: relictisque
 Illicet insidant spatiis: non segnus illi,
 Qui medii, pariter procedant ordine eodem;
 Ut laxi medium quadrati strictius ardeant.

At propere insequitur labor ultimus, agminis octo
 Quæ circum extentas acies quadrata residunt,
 Sexque jugis juvenum constantur, versibus & sex
 (Hinc triginta viros, sexque amplectuntur in armis)
 Singula in æquales partes transversa secare:
 E quadro ut geminus sit deinde triangulus uno.
 Ex quibus, hic propria statione insistat, hiulcum
 Ille quod est campi vacuum, fac impleat: omnis
 Sic obtusa cohors campis instructa nitebit.
 Nempe acies octo, facies quæque induat octo:
 Qua non contra equites magis aptior ulla figura est.

Sed jam scopiferos instructum includere in agmen
 Tempus, ut incurtus valeant vitare sonantum
 Cornipedum. Quingenta tibi, & triginta virorum
 Et duo, sint capita, inque unam stipata cohortem:

Obtusa acies optima
 ad insulsum equorum sub-
 stitucidos.

Ut scopiferi inter ha-
 statos immittendi cum
 virandus incurtus equi-
 tum.

Quam juga bellantum consensit duodena: quaterni,
 Atque quaterdeni versus: qui quattuor ultra
 Exsuperant juvenes, stipent vexilla. Sed artem
 Accipe jam: dextra bisenos fuscipe versus:
 Qui quoniam totidem pilatis versibus, unam
 Qui turmam ex primis faciunt, & fronte reposita est,
 Respondent numero, fac illos ante jugali
 Ordine se figant, mora nulla subire quadratam
 Inde aciem incipiant ea per discrimina, versus
 Quæ sunt hastatos inter; retroque locentur.
 Ut subiere, citus juga singula divide: dextram
 Bis sex continuò in partem, reliquique sinistram
 Post totidem pilata suis cum legibus ibunt:
 Post hæc bis senos læva procedere versus;
 Utque aciem primi, subeant non secius ipsi,
 Præcipies, juga recta simul, versusque jugantes:
 Postquam introgressi vacuum, subsistere retrò
 Hastatos ibi sex: totidemque ascendere supra.
 Qui superant, aciem gyro fac duplici cingant,
 His respondentes spatiis, quæ singula versus
 Pilatos inter, veluti sectura, patefcunt.
 Tandem acie in media totum, quod restat inane,
 Quadratum velut; accipiat quæcumque juventus
 Circumferet secum, totumque ignobile vulgus
 Lixarum. Cecidit sed jam conatus inanis
 Cornipedum, cecidere minæ: non amplius ullus
 Sollicitus mentem timor occupat: arte phalangem
 Scilicet instructam tali, posituque tremendam,
 Haud equidem, quamvis esset temerarius hostis,
 Est ausus tentare: retrò cita fræna repenti
 Torfit, agens sese quâ venit: & aëre tantum
 Pulveream liquit, diffuso turbine, nubem:
 Non secus ac subiti, Cancro fervente, (1) Tropæi
 Post medium cœpere diem consurgere: densas
 Confestim glomerant nubes, totumque retexunt
 Aëra: terrificaque citus caligine turbo
 Exoritur: strident auræ, tonitruque remugit
 Immani domus alta Jovis, concussa que plangunt
 Fulminibus nemora, & plenis torrentibus imbres
 Præcipitant latè ex alto, hantque omnia in undis:
 Tum cælum ruere in terras, totumque putares

In

In medio quadratæ
 aciei impedimenta lo-
 canda.

Tropæi natura descri-
 bitur.

(1) Venti, qui æstate post meridiem improvise surgunt, at-
 que ita dicti, quod unde egressi, revertantur.

In chaos antiquum rursus se vertere mundum.
 At postquam retrò, disperso turbine, ventus
 (Hæc data nam tali vento natura) recessit,
 Vanescunt subito nubes, & plurimus ante
 Qui fuerat, gutta vix est nunc roseidus imber.
 Neptunique, Jovisque cadunt iræque, minæque,
 Atque aer filet exemplò, cessantque tumultus:
 Et sua lux iterum pacato effulget Olympo.

Dux igitur mira connexas arte cohortes
 Solve iterum, inque suas illas converte figuras.
 Id facies, primis acies si versibus omnis,
 Ordinibusque suis rursus reddatur, in agris
 Ut prius insistebat, eques quàm vertere formam
 Hostilis, subito incursum, & clamore coëgit.

Disce (quies secuta diu tractantibus arma
 Nulla datur, poscuntque novi certamina casus:
 Atque novas pariter mens alta excogitet artes)
 Qua ratione jugis, unaque è versibus agmen
 Quadratum, in quatuor possis diffindere partes:
 Singulæ, & ordinibus quæ sint, & versibus æquæ,
 Inque crucem positæ: quæ pars erit ultima Vati
 Audacis nimium cæpti properata laboris.
 Defessum quando per confraga, & invia, amœnæ
 Invitant ripæ secedere: grataque præbet
 Populus hospitia, & placidis concentibus aures
 Demulcent lætæ volucres, & amica canenti
 Inclinat jam se laurus, dextraque Camænæ.
 Victrices carpunt frondes, nectuntque corollas;
 Præmia bellanti: juvat ergo optata mereri
 Serta. Tibi primum juga, Structor, cuncta secentur
 Per medium: versusque modo scindantur eodem.
 Partibus è quatuor, totidem mox instrue turmas.
 Si bellatorum legio divisa tenebat
 Quadringenta prius, pars quæque illius in agro
 Corpora nunc centum sub ahenis explicat armis?
 Versus perque decem instructas, & per juga dena
 Directò geminas dextra, lævaque locabis.
 Ast intermedium tantum fit inane relictum,
 Unius quantum turmæ frons tota patescit,
 Et quinos itidem passus: mox tertia contra,
 Secturamque supra se collocet: ultima tandem
 Infra se statuet, posituque aspectet eandem
 Secturam: tantumque acies hæc utraque distet
 A geminis, quantum superant discrimina quadrum

Agmi-

Quomodo quadrata
 acies quatuor in partes
 in crucem decussatas di-
 vidatur,

Agminis unius: nimirum quinque relictis
 Passibus hinc, illinc, quâ callis in intima ducat.
 Sicque instructa crucem referet, tutissima ab omni
 Parte cohors, hostemque potens arcere ruentem.

In crucis angulis campe-
 stria tormenta locari
 possunt.

At crucis interior quâ se strictissimus arctat
 Angulus, & medium currit via strata sub agmen,
 Si tormenta tibi fuerint campestria, in illis
 Pone locis: acies sic tutior eminus hostem
 Propulsabit: item currus præfigere ibidem,
 Præcipitemque illis poteris tardare equitum vim.

Musas invocat, hortat-
 urque, ut e Pindo in
 Surrentina litora se con-
 ferant.

At vos, ò Musæ, quotquot formosus Apollo
 Concitat heros, dum pectine personat, æthro,
 Vertite tantisper Sirenum ad litora gressus:
 Seu vos Pindus habet, vel amica Pierus umbra,
 Argutivæ tenent saltus Heliconis, aprici
 Seu juga Parnassi, seu flumina propter amœna
 Aspicit Eurotas, vitrea pacatus ab unda,
 Populeas inter silvas innectere cœtu
 Festivo choreas, auditque suavè canentes:
 Vel picturata lentas confidere ripa,
 Et lecto de flore sacras variare corollas.
 Hic etiam sacrum nemus est, hic saltus, & umbræ
 Felices, læti colles, sunt & sua tempe,
 Hic rigui fontes, hic prata virentia, & horti,
 Semper flore novo, atque æterna jaspide picti.
 Sunt & cærulei fluctus, muscosaque saxa,
 Et conchis variata, herbisque intexta marinis,
 Auribus & gratum spirantia semper odorem.
 Sunt hic antra levi zephyro persitata, salubres
 Quæis auras placida liceat captare sub umbra,
 Raucifona Triton concha dum personat, & dum
 Tranquilla blandi ludunt Delphines in unda;
 Et choreas ducunt Nereides, & chorus omnis
 Assultat Phorci, & vario Galatea natatu.
 Ergo agite, & festo quod plausu invitat amœnas
 Sirenum sociata choro Chelomelis ad oras,
 Virginæ properate deæ: perque ardua Vati
 Ite duces, facilesque aditu substernite saltus.
 Vos & qui primus (namque hæc sunt cognita vobis,
 Quippe genus Jovis altisoni) memorate, ruentes
 Culpide cornipedes hastæ submovit acuta.
 Atque novum, precor, ò Divæ, date carminis æstrum.
 Vir fuit egregia bellorum laude superbus
 Et magnis animis, claroque à sanguine cretus

Vibodinum (1): teque ille suis virtutibus, & te
 Persimili vultu referebat, nomine & ipso,
 Magnorum, FRANCISCE, decus memorabile avorum.
 Cui licet Oebaliæ præcingant tempora mitra,
 Et virgata clamys, patrioque insignis ab ostro
 Circumdet, Romana tamen te purpura poscit.
 Atque facer comitem te afficit habere Senatus.
 Unus quippè olli decus immortale daturus.
 At quoniam de gente tua dux ille, benignus
 Hæc, quæcumque ferunt nostræ tibi dona Camœnæ,
 Accipe: qui nuper Surrenti ludicra in æstu
 Festinata mihi, dignatus cernere vultu,
 Ut solitus, facili, & ludenti applaudere Vati.

Hic quondam dubius, quibus æquore posset aperto
 Sistere cornipedum cursum, & vim frangere equorum,
 Seque armis, structamque simul defendere pubem:
 Sic Venerem aggreditur genitricem, & talia fatur:
 O dea, belligero si quidquam accepta Gradivo,
 In dubiis gnato genitrix succurre: deoque
 Fac teneam dicente, quibus frænare sonantes
 Ungula equos valeam telis: animosque superbos
 Edomitos, fractosque retrò propellere; ut almam
 Servata peditum mercar pro pube coronam.

Vix hæc Vibonides, magna cum luce coruscæ
 Visa Venus gnato; roseoque hæc addidit ore:
 Ne dubites, adsum sanguis meus & tua vota
 Perficiam; nam cura tui me plurima tangit.
 Quare age, candelentes æstutum has scande quadrigas.
 Quæ te sacramentum referent Mayortis ad ædem,
 Pinifera in Rhodope posuit quam Thracia: & illi
 Re super ancipiti Mayors oracula reddet.

Hæc dedit, & subita in tennes evanuit auras.
 Lætus at ille deæ vultu dignatus amico,
 Illicet in niveam saltu pernice quadrigam
 Insilit: illa fugam confestim corripit Euri
 In fines, fugiensque cito secut aëra lapsu.

Est Rhodope in summa, canum quæ respicit Æmum
 Hinc læva, & magnis labentem fluctibus Istrum:
 Dextra hinc Threicio campos, & Bistonis undas.
 Atque Oetam, atque Ollam, cum turrigero Ægæo,
 Belligero sacrum Marti de marmore templum.
 Quod Regi posuere suo gens horrida Thracum,

Franciscum Pignatelli
 affatur, in cuius gratia
 non inlegantem fabulam
 ordiatur, de qua quis
 primus Pedestrem aciem
 contra Equorum incursus
 munivit, multis exponitur.

Martis sanum in Rhodope
 depingitur.

Sau-

(1) Pignatelli ex Vibone Valentia: cuius domini.

Sauromatæque, Scythæque, sagittiferique Geloni,
 Bis sex ingentes, Parioque è marmore primis
 Ordinibus dextra surgunt, lævaque columnæ.
 Hinc totidem supra tolluntur jaspide, fulvis
 Se variante notis, miroque nitore corusca.
 At quatuor, summo quæ stant in vertice, & aram
 Surgentem medio circumplectuntur, Eco
 Sapphyro positæ visuntur: & æthera punctis
 Auratis præ se referunt, ipsoque colore.
 Ast ara è solido riget ære: hinc, inde rubenti
 Ex auro geminæ mensæ, & prædivite gemma
 Intextæ: quibus impositi stant quattuor ampli
 Ex adamante cavo facti crateres: & illis
 Humano Threïssa deo gens sanguine libat,
 Quique Tyrannum, Oxumque bibunt, Tanaimque nivalem.
 Concava tot vastis testudo innixa columnis,
 E Pario albescit saxo, lævore corusco
 Insigni: circum sed projectura coronæ,
 Prima columnarum sculpto quæ vertice, mira
 Arte Polycleti (namque hoc delubra magistro
 Se jactant) super incumbit, longoque recurrens
 Amplexu, incingit templum, totumque coronat,
 Bisaltes, dura nitidus ferrugine; divi
 Prædurum referens animum, fuscumque colorem.
 Tota sed albenti testudo è marmore facta
 Egregiis circum fulget cælata figuris:
 Atque anaglypha micant nivea testudine signa:
 Sex Polycletæo lustris sudata labore.
 Hic acies campo extentæ, pugnaque feroces
 Spectantur, crebrique ictus, cædesque virorum:
 Hic pedites conferre manus, cuneoque phalanges
 Denfari: rapidæque illic concurrere turmæ
 Cornipedum, occursumque hastæ volitare refractæ.
 Hic pedites ruere, hic equites procumbere, & atro
 Sanguine cæforum latè spumescere campi.
 Obsidio hiæ arces præcingi, & mœnia duro
 Ariete pulsari; subque altos plurima muros
 Machina deferri: subita testudine facta,
 Scandere & hic juvenes per fragmina, perque patentes
 Latè aditus: retrò mox cedere, seque referre.
 Urgeri hic rursus, rursusque repellier: atque hic
 Tandem, vi facta, cuneos prorumpere in arcem.
 Ipse sed, horrendum surgens velut ære fulmen,
 Undique Mars volitans spectatur, & undique nudo
 Ense tonans: secumque ferens mortemque, pavoremque

Hor.

Horrificas latè strages, cædesque ciere.

Mirum opus, atque deo dignum, tantoque magistro.

At verò geminæ Numida del' rupe columnæ
Excisæ, postes circumplectuntur: & ipsi

Cæ lato solidi postes ex ære rigescunt.

Hic classes pelago instructæ, & navalia bella,

Commisissæque simul pugnæ spectantur: & arma,

Et galeæ, parmæque virum fluitare per undas.

Hic victæ dare terga rates; retroque sequaces

Victrices vento puppes instare secundo.

Hic rapido incensæ Vulcano ardere carinæ,

Atque mare, atque ær, terræque rubescere flamma.

Illic victorum classes ad litora ovantes

Flectere iter, prorasque novis ornare corollis.

Ipsæ sed in puppi Mavors sublimis eburna,

Nunc struere in pugnam classes, nunc mittere in hostem,

Visitur: & primus nunc puppe lacessere puppem,

Atque ferox ferro, & jacto premere arduus igne.

Nunc & victor ovans sonitu exultare canoro,

Atque triumphales in portus vertere proras.

Plurima præterea supero de limine templi

Pendebant spolia Oceano, terrisque relata:

Ære renidentes galeæ, conique comantes,

Et gladii dextra ardentes, nitidæque secures,

Squalescentes auro loriceæ, atque ærea scuta,

Dicia distincto nitidis umbone lapillis:

At tunicæ lava stabant, ereptaque signa,

Clavæque, nervique, sagittiferæque pharetræ,

Atque tubæ, lituique, & misto tympana cornu:

Incluta non uni quæ stant monumenta triumphæ.

Huc ubi Vibonides curru subvestus eburno

Matris Acidaliæ venit, citus exilit, & læ

Terribiles infert divi armipotentis ad aras.

Ilicet inque genu deflexus talia fatur:

O præsens Numen bellantibus, ò mihi, Mavors,

Dexter ades, nostroque volens succurre labori.

Tu dubiis, age, promptus opem fer rebus, amico

Numine; si qua manet nostræ tibi gratia matris,

Si quis honor; blandi si quid risusque, jocique

Evaluere: tibi si sunt certamina cordi,

Egregiæ si sunt palmæ, clarique triumphæ.

Arcanis te pande adytis: age, certa petenti

Arte super dubia bellorum oracula redde.

Scis equidem, Pater Armipotens: nec fallere quidquam

Te potuit: nam cuncta tenes, quæ Martia, quæque

Tom. I.

X

Sunt

Vibonides Martem al-
loquitur, precaturque ut
Artem propulsandi equos
doccat.

Sunt pugnis super horrificis, armisque tremendis
 Observata: novas semper meditaris & artes:
 Nimirum validos quibus hostes vincere, & almis
 Hæc ornare queas Rhodopæa templa trophæis.

Vix hæc Vibonides, subito tremere omnia circum

Delubra, ingentes & subsultare columnæ,

Atque omnis Rhodope visa est nutare, sonoro

Mox sonitu læva cælum de parte coruscum

Insuetum latè intonuit, flammaque reluxit.

Auditæque tubæ, lituique, & cornua rancum

Obstreperè, & magno tellus assurgere pulsu.

Hinc adyta extemplo valvis patuere revulsis:

Et simulacra Dei, solido formata metallo,

Hæc sunt Vibonidæ bellaci visa figura:

Scilicet incurvo spectatus corpore Mavors,

Oblongum, lentumque tenens hastile sinistra:

Cui cuspis præacuta: ferocem expellere & illa

Cornipedem magno nisu, cursuque ruentem.

At dextra capulum stringebat acinacis, auro

E solido rutilum, distinctum & divite gemma.

Et simul hæc medias sonuit vox clara per auras:

Accipe, nate dea, propellere quis pedes armis

Quadrupedem valeas: tibi cætera suggeret usus,

Et prompta inventis mens addere. Nec mora, postes

Protinus obstricti: rursusque moverier, omnis

Mons visus, rursusque sonus, clangorque tubarum

Auditus, magnoque æther resonare boati.

Atque ingens nitido transcurrere fulgur, Ibo.

Verùm obfensa dei secum sub mente volutans

Vibonides, mira bellantes imbuit arte,

Qua struere obtusum, atque hastis munire valerent

Agmen in adversos equites, viresque ruentum

Frangere: multa novi solertia & addidit ævi.

Quam Mars exemplo
 innuit.





BELLICORUM

LIBER QUINTUS.

SED me frænigera magnis hinnitibus alta,
Atque Equitum nova tela, ususq; appellat equorum:
Altera quæ structi pars agminis. Ergo age, Musa,
Dic Equitum tela, & turmas simul instrue Equestres.

In primis Equitum solertia multa Magistro
Est adhibenda, viros inter qui corpore præstant
Egregio, & primi censentur robore, ut illos
Donet equo insigni, pubique ascribat Equestri.
Quin Equitatus erit tibi, Consul, maxima semper
Cura, triumphales amor est si carpere lauros.
Omnia nam pugnae pendent felicia ab illo
Momenta: & belli pariter totius eodem
Successus venit, & properatus Marte secundo.
Nam si multa tibi sit belligerans Equitum vis,
Hostiles longè, latèque excurrere in agros,
Et prædam ingentem poteris sub castra referre:
Oppidaque, & sparsas loca per campestria villas
Vastare, & crebris terrere incurfibus urbes,
Et fata læta igni, & flavam corrumpere messem;
Hostes nempe tuos ut plurima frangat egestas.
Ac si fors focii depressi valle laborent,
Sive fame valida, obsidiòque premantur, amica
Inferre astutum auxilia, atque arcere periclis.
Ast armis instructor Eques quibus emicet arvo,
Jam nunc expediam. Præingat Scortea lætæ
Curta virum tunica: atque auratum balteus ensem
Accipit hic unus, dextro demissus ab armo:

In equitum selecta
multa opus solertia. Né-
pe maximè referre in bel-
lo Equitatus.

Quibus ad bellum or-
nandi Equites.

Alter hic & lævo (pendet transversus uterque)
Appensam circo catapultam sustinet: ambo
Scortei sunt: digitis quatuor lateat uterque.
Crura tegant ocreæ: sint lino textile pictæ,
Et pelle insignes ocreæ, Phrygioque labore.
Assula dupla quibus calcaria neciat; ut illis
Cornipedem citet in cursum bellator, & arma.
Nonnullis visum est hac tempestate futurum
Commodius, stricto è cinctu si pendeat ensis.
Sic agilis conscendet equum, sic promptior ibit
In pugnas Eques acer, aget velocius & se.

Insuper adnexam sustentet zona locellum:
In quo fulminei bis seni pulveris ictus,
Pro majore tubo, totidemque minore reponas.
Singuli & in tubulis (nivea quod antè papyro
Pangere cura tibi) pariterque volatile plumbum
Excipiantur: erunt tubuli sic pulvere facti,
Æquales ori catapultæ, ærisque minoris.
Sic etenim facile, ut res ipsa, & iussa repescunt;
Tormentum citus instruere, atque explodere in hostem
Quibit Eques: properare juvat dum prælia fervent.
Obijce nam tubulis detracto dentibus, ater
Æs portentiferum pulvis, plumbumque subibit:
Quique intus tradatur obex, erit ipsa papyrus.
Sed jam tela: ferat suspensum balteus enses:

Et quibus armis in-
struendi.

Forte peregrina ni mavult cingier harpe,
Et, quam cinctus habet, catapultæ armetur athena,
Fistula & ignivoma: quam duplex scortea theca
Accipiat, vagina velut, ab ephyppio utrumque
Dependens. Equiti non his sunt plura, ferenda
Hac ætate: feri qua prælia fulmine, & igni
Miscemus, tonitrusque cavo siphone ciemus.
Non igitur jaculo, corno non missile, longa
Non armandus eques hasta, scutove tegendus.
Quamvis sæpè Scythæ, gens barbara, & accola Ponti,
Antiquo pugnas incant de more sagittis,
Nempe fugacis equi sese subducere lucta
Confidunt cursu, & glandes vitare volantes.
Idcirco pariter non casside summus athena
Munitur vertex, non buccula sepit ocellos,
Brachia non manicæ, non durus pectora thorax;
Neve tegunt molles feminalia ferrea coxas:
Et vix lorice nunc est pugnantibus usus.
Talia quippe viro, dum conferit æquore pugnam,
Officiunt potius, quam dent munimina; quando

Hac ætate nullus ve-
terum armorum usus.

Om.

Omnia perrumpit glans ignea, cum volat acta
Sulphure ab accenso, stridetque per aëra bombo.
Attamen his uti interdum Prætoria turma,
Quæque hastata ducem campo comitatur euntem,
Ad speciem suevere magis, quam commoda, & ævi
Antiqui ut specimen renovatis esset in armis.

Sunt quidam, nuper quos in certamina Mavors
Ire novis dedit inventis, partimque Latino,
Et partim Grajo (1) Boliballos nomine dixit.

Boliballi, qui & illo-
rum munus, & arma.

Euripedes: quoniam ventorum more ruentes
Igniferas torquent bolides, quæ punica vulgus

Mala vocat: primique solent invadere fossæ
Loricam, vallumque ipsum, cuneatæque septa.

Hos tu ferre leves catapultas præcipe, & ensem:
Qui brevis, & Mauri curvatus acinacis instat.

Insuper (ascitus postquam est in fœdera belli
Vulcanus, placuitque igni certare tonanti,

Mars nova continuè meditatur in arma, nocentes
Nempè novas semper per cædes expleat iras.)

Amphimachos miro inventu produxit in æquor:
Qui pedites ineunt nunc prælia, nunc equitantes.

Qui Amphimachi, &
illorum munus, & arma

Constitit sese permiscuit inter equestres:
Idcirco (2) Amphimachi Grajo mihi nomine dicti.

Et quoniam primi, statuit cum bella Senatus,
Hostiles soliti in terras irrumperere, & illas

Continuè complere metu, atque incendere flammis,
Et ferro vastare, tremendo nomine nostri

Idcirco horribiles appellavere Dracones.
Hi tibi, dux, vasto sint corpore, & ore feroci,

Viribus & validi: majori mole cavatum
Æs gessent in bella: brevem sed cingulus ensem

Deferat adnexum: solidò cui corpore tantus
Sit capulus, quantum patet os stridentis aheni.

Nam certamen ubi conantur inire pedestre,
Et propius conferre manus, tunc illicet illi

In vacui capulum detrudunt ora metalli,
Atque pilæ subigunt capularis ad usque supremum:

Hinc sclopis, gladiisque simul cecurrentibus, enses
Prælongos reddunt: atque his tunc eminus hostem

In-

(1) *Granatieri*, Itali dicunt, Author Boliballos vocavit,
quasi bolides, *Granate*, interquentes.

(2) *Dragoni* novi dicunt, Authori Amphimachi dicti, quod
& Equites, peditesque pugnent.

Invadunt, certasque ferunt per vulnera mortes.

Ergo tuis ubi cinctus Eques splendet ab armis,

Insequitur labor alter, equum legisse ferocem;

Multaque delectu in tali tibi cura adhibenda est;

Nam si bellacem, facilemque ad frenata, pedesque

Pernicem sortitus equum, pugnatoremque vestis,

Promptus & ipse ducis mandata capeisset, & omnem

Ire viam poterit, versusque, & signa tenere,

Acer, & in Martem assurgit, pugnamque ciebit.

Idcirco primum studio nitere sagaci

Quærare equum insignem, factumque ad munera Martis

Sed quibus indicitis talem dignoscere possis,

Accipe, non multis, properans ad cætera, dicam.

Sit tibi procerus sopipes, & corpore magno

Sese verset, agens, pulchroque ornatur amictu.

Est etenim certum species externa reposti

Argumentum animi: potior sic villus habetur,

Cui color ex albo fuscus, nigrisque frequenter

Distinctus maculis: vel sit spadiceus, auro.

Immixtus: nigra melior ferrugine tinctus.

Altior emineat cervix angusta, iubaque

Ex armisque cadant, colloque volumine longo.

Sintque pedes nervosi, agilesque, & pectora lata:

Non pavidus, viso ne fors tibi restitit ipso.

In cursu: duro nec frangos ore recuset.

Neve ferox nimium insultet: non calcitret asper:

Non renuatque pati dominum, & parere lupatis.

Verum tam facilis, quam sit generosus: & acer

Exultet, capiatque animos clangore tubarum.

Et certamen amet, cursumque intendat in hostem:

Ac cædes inter gaudens, fuscumque cruorem,

Acrior urget ubi Mavors, sese inferat ultro.

Sit cursor, patiensque sitim, & jejunia ferre.

His animadvertis, confestim ea cura sequetur,

Nimirum Mavortis equos ad munera lectos

Instruere, & domitis crebro exercere palastra.

Nam velut in vacuo proludens æquore tiro,

Assuecit sensim bello, & formidine pulsa,

Quæ non sucta armis pertentat pectora, primas

Dum pugnas agitant, & quid Mars, experiuntur,

Induit audaces animos, ipsumque per usum

Difficiles paulatim artes, & prælia discit.

Non aliter sonipes domitura doctior, æquor

Proslit in medium, facilisque ad iussa magistri,

Se varios agit in gyros, quaque actus habenis,

Pro-

Acres ad bellum equi,
domitiq; ad Martis mu-
nus legendi.

Quibus optimi ad pu-
gnam equi cognoscantur.

In palestra equi crebro
exercendi, bellique artes
docendi.

Pronus it, atque fugam pulvis calcaribus urget,
Et certaminibus, contritque assuescit, & signis.

Quin & Eques pariter sit equestri instructus ab arte,

Quin & Equites et-
tem tradendi equos te-
neant.

Ut sic possit equum ducere in prælia: & illum

Nunc stimulis cunctantem urgere, & flectere in orbem,

Nunc & contractis frenis retinere volentem:

Addere nunc animos clamore, citatior hostem

Ut ruat adversum: nec fulmina rauca, nec ignes

Horrescat, pilive aciem formidet acutam.

Nunc blandus palpo, & poppismate placet amico,

Ut ponat calidasque iras, animosque feroces.

Quæ cum sit habeant sese, Proconsul, equestri

Nullus nobilium, plebisve ornatur honore,

Prodest in urbe ad do-
mandos equos, Equitesq;
instruendos habere.

Ni prius in stadio domituras edoctus equorum,

Experimenta dedit tibi plurima, se quibus artem

Egregiam didicisse probet. Quin proderit urbi,

Magnifico structæ sumptu si semper equorum

In plano pateant campo, Xystove palæstræ:

In quibus insigni sub præceptore iuventus

Egregiam artem, & disciplinam discat equestrem:

Et quibus infrenes pulli domitentur, & artem

Ipsi etiam patriam, & Mavortia prælia discant.

Me quondam Parmæ memini sub mœnibus altis,

Æmilie quæ rura virent campestris, & inter

Pascua læta greges, armentaque mille pererrant,

Amplam, magnificam, luxuque, atque arte superbam

Cornipedum instructam domitu, vidisse palæstram:

Qua nitida juvenes exercebantur arena,

Indomitosque simul pullos ad fræna vocabant.

Quin etiam lusus nonnunquam ludere equestres

Magno affectabant plausu, & clamore theatri.

Est domus, ampla, nitens, mediaque surgit in urbe

Seminarium Parmen-
se graphicè pingitur, &
juvenum commendatur
solecchia.

Porticibus præcincta altis, saxoque superba

Barbarico, pictisque renidet plurima, lignis.

Hic flos Nobilium studio delectus ab omni

Ausonia, cætu sociali, & legibus iisdem

Unanimes degit consensu, atque omnibus una

Mens est, ingenium excolere, assiduoque labore

Ardua committi quæsitum arcana latentis

Naturæ: nec eo stat curam adhibere minorem

Ingenuas Musarum artes, & jura doceri:

Civilesque simul cultus, quæque indole digna

Patricia, & belli quæcumque aptantur ad usum.

Et quoniam vires animo facit æmulus ardor,

Fervet amor cunctis studiorum, & nobilis oti.

Hinc

Hinc juvenum culti mores, & principe digni;
Mens acris, generosa, animosque docta mereri
Officiis, studiisque exulta, & Palladis arte.
Hinc & tantus amor docta præcludere arena:
Et modo quadrupedem cursu domitare ferocem;
Et simulata modò stimulare in prælia: & hostem
Urgere: atque animos sonitu irritare tubarum,
Et sclopi tonitru, & nigro consuescere nimbo.

Nobilis adolescens de-
scribitur, & plurimum
laudatur.

Hujus ego pubis memini, & meminisse voluptas,
Egregium forma juvenem spectasse, palæstra
Hac se exercentem cursu, pulchrumque domantem
Cornipedem: primo vernabat flore juventæ
Fascibus insignis majorum, opibusque superbis.
Humana major species, & plurimus olli
Præfulgebat honos oris, venerandaque frontis
Majestas: oculique ardebant iride pulchra.
Aurea cæsaries non sese pendula collum
Per niveum laxabat: erat sed tortile flexu,
Inque modum plectæ circum religata rubenti
Tænia, ut illius lex est sanctissima cætus.
Sed species neglectus erat non ultima: celsum
Fibrina caput ornabat de pelle galerus,
Serica quem circum argentoque, auroque retexta,
Vitta intingebat flocco prædivite fulgens.
Sed quem pulcher erat juvenis, tam rara modesti
Oris erat species, & gratia amica pudoris.
Idcirco Musis, & Phœbo gratior alter
Non illo insignes inter degebat alumnos:
Essent & multi quamquam, & florentibus annis,
Indoleque, specieque, & Palladis arte decori.
Quin & artis amor, laudisque immensa cupido
Olli erat: ingentesque animo res præcoce partu
Edere jam puer affectabat, ut inclyta facta
Majorum cumulare novis per Martia posset
Prælia, perque sita palmas virtute relatas.
Illum, inquam, memini stadio vidisse decoro
Exercentem equitem insignem, cui villus ab albo
In fuscum vergebat, eratque interlitus atris
Hæc, illac maculis, alta & cervice superbus,
Atque júbis ibat magnis, & pectore lato.
Ipse sedens habilis, medioque immotus ephippio,
Attalico è filo intertexto, auroque corusco,
Et gemina insistens erectus stapede, lusus
Sic, tota juvenum circumspectante corona,
Oriditur: Virgæ sonitu nunc molliter urgens,

Utrum Vates se vidit.
se ait insignem equum
exercentem, & mira ar-
te depingit.

Cor.

Cornipedem binis agitât decursibus: & nunc
 Circuitu versat longo; totumque per orbem
 Per calcata ferens vestigia: nec magis unguem
 Seu latum dextra deflectens, sive sinistra
 Pernici torquet cursû, mirabile visu!
 Nunc gyri medium simul ac perfecit, anhelum
 Illicet inflectit sua per vestigia retrò.
 Nunc redit, alternaque fuga curritque, recurritque,
 Et labyrinthos depingit in æquore flexus:
 Et premit interea calcaribus, & citat alta
 Irritans voce, & laxis dat currere habenis.
 Mox inhibet cursum, & multo sudore flueatē
 Sistit, agens lava frænos citus illicet ad se.
 Nimirum exhaustus cursû revocetur ut acris
 Spiritus, & docto discat parere magistro;
 Utque è vestigio fuescat subsistere cursu.
 Nec tanto indignus sonipes sessore, repente
 In tergum incubuit, stetit illicet, & tenuit se
 Hinc ubi tantisper requie instauratus amica
 Spiritus est, mollisque abscessit corpore sudor:
 Et demulcit equum juvenis poppismate, lusus
 Rursus init, simul hæc: Nostræ quicumque juventæ
 Hi lusus fuerint, nostri quæ gratia cætus,
 Partheniis giati Musis, Vatiq; dicamus
 Parthenio, nostras qui nunc invisere sedes,
 Lusibus & nostræ dignatus adesse palæstræ
 Contrahit hunc frænos, & signum flexile virga
 Cornipedi facit, atque in ludum invitât equestrem.
 Tunc ille edoctus nutum, quemcumque dedisset
 Insidens dorso puer, exaudire, repenti
 Anteriora jugè substollens crura sub uno
 Porrigit in sublime, hæretque immotus: & inde
 Deprimit, ut juveni visum est: rursusque sub auras
 Surregit illa, tenens incurva, & pendula, nisu
 Tam facili, mira quàm perficit arte jubato:
 Interea collo, & capite arduus eminet alto:
 Arduus & juvenis simul eminet: & stat in ipso
 Immotus dorso, & strictis moderatur habenas.
 Mox velut ad numerum docta scitissimus arte
 Arrigit alternis, & deprimit utraque crura:
 Anteriora prius, mox & postica: videri
 Haud equidem quidquam poterat formosius illo.
 Dein citus agglomerat, dictu mirabile! & æquor
 Lege ferit certa: veluti qui tympana pulsât
 Ictibus alternis, sonitusque alternat eisdem.

In gratiam Vatis No-
 bilitatis Edes invisere
 sedes, cursum nobilis ado-
 lescentis ludum init.

Et salit, & refilit sua per momenta: choreas
 Ad modulos illum dixisses: ducere equestres.
 Tandem signa dedit cum virga fessor, anhelus
 Constitit, ore vomens spumas, & naribus ignem.
 Ut cessavit, equo plauserunt murmure ovanti.
 Emeritaque equitem vexere ad sidera laude,
 Quotquot erant socii, juvenum lectissimus ordo:
 Quotque graves aderant Patres, doctique magistri,
 Est commissi quibus delectæ cura juventæ:
 Artibus humanis omnes, studiisque Minervæ,
 Et multa insignes pietate, & moribus aureis.
 Ast ego promeritis tanto pro munere grates
 Reddere promisi: promissaque carmine solvo.
 Hoc, quodcumque meæ memores scripsere Camenæ,
 Fortunate puer, vivent si carmina nostra,
 Nam simul ipse illis ventura in secula vives.
 Plura tibi: magnum sed stat percurrere campum,
 Quæ vix ulla patent vestigia trita priorum:
 Et Mars urget equum, & rauco tuba murmure clangit:
 Quin & plura forent, quæ possem dicere equorum
 De cultu, domituque, & ludi plurima equestris:
 Ludere seu Trojam affectas, plausumque referre,
 Collimare velis, seu currens præpete cursu,
 Annulum in appensum, & rectâ dexterrimus hastam:
 Inferere, emeritoque frui clamore theatri
 Et gemma illustri, & torque insigniær aureo.
 Quæ tamen, audaci properans insilire cæpto,
 Præterco, atque aliis post me dicenda relinquo:
 Musa quibus facilis, tanti nec cura laboris,
 His igitur spatilis longè disclusus, in equorum
 Restituam me Martis. Eques præfuit ubi armis,
 Et donatus equo, ritusque edoctus equestres,
 Stat conslare manus, & aperto exponere campo.
 Sexaginta viri component ordine turmam:
 Bis feno positi: quinos & quilibet ordo
 Fac habeat versus: primæque in fronte locato,
 Qui plura emeriti stipendia: quique recentem
 Erudiant pubem dictis, & fortibus ausis.
 Sic etiam Uragi claudentes ultima signa,
 Expertæ virtutis erunt certamine multo.
 Dux toti præsit turmæ, qui fortis in hostem
 Agmen agat, faciatque animos, cunctosque gubernet
 Inclytus idcirco factis, & fasce: secundus
 Succedat parili virtute Vicarius: agmen
 Qui vice Rectoris deducat: quique necesse

Spondet juveni Vates
 gratias se redditurum
 quod hic carmine exse-
 quitur.

Qua ratione Equitum
 turmæ constituntur.

Qualis Dux turmæ ef-
 ficere debeat.

Et Vicarius.

Cum

Cum fuerit, tergo præsit: sit Signifer unus
 Ordine de primo; sacra qui vexilla sub auras
 Explicet, & validus dextra tutetur ab hoste.
 Sitque Coactor: erit qui pubem doctus equestrem
 Instruere, instructamque suo ductare tenore.
 Præter & hos, cunctos præcedens ære canoro
 Incedat Tubicen, qui Martia prælia cantu
 Suscitet, & juvenes, animosque accendat equorum.
 Hic reliquos inter præstantior arte legendus.
 Scilicet ut docilis multos perferre labores,
 Atque habilis, doctusque tubas animare loquaces,
 Et cantus variare, notisque aptare canoris.
 Sive monendus Eques, ut se induat ilicet armis:
 Seu consendat equum; veniatque ad signa: movenda.
 Vel si castra ducis iussu, campusque secandus.
 Seu conferre manus, pugnamque urgere necesse est:
 Sive: ut confestim se in castra reducat, & ensẽ
 E jugulo revocet morituri, & temperet iram:
 Seu tandem tacitis sit eundum passibus, hostem
 Insidiæ ut structæ lateant: præque occupet armis
 Illum improvisis, & certo funere plectat.
 Perge, tibi postquam constat ex ordine turmæ,
 Protinus ex illis (1) alam componere præstat:
 Quæ legio hoc ævo pariter vocitatur equestris.
 Hanc tibi bis senæ poterunt, si plurima pubis
 Copia sit, turmæ compingere; si secus illam
 Aut sex pro numero constari, sive novenis
 Præcipies. Alam Præfectus ducet: avitis
 Præclarus titulis, & palmis ante relatis:
 Et sit consilio, & dextra promptissimus: omni
 Non impar Legatus erit comes additus, alam
 Qui sciat instruere, instructamque inducere in hostem,
 Præcipiant si Fata ducem, vel casus abesse:
 Quis cogat. Casus quando, & variantia Fata
 Versant cuncta: soli verum quia copia raro
 Tanta patet, se multus ubi devolvere equorum
 Evaleat numerus, seriesque exponere omnes,
 Ideo ternum, dux, alam divide in agmen.
 Quodlibet & quatuor, bis sex si continet ala,
 At turmas si fortè novem, reget illud. At ordo
 Illarum senior qui dux, reget illud. At ordo
 Agminis insequitur, moveat seu castra, patenti

Signifer item, & Coactor.

Item Tibicen doctus
 tubam inflare, & cantus
 pro vario usu variare.

Quomodo Ala, seu legio
 constanda.

Ala, cum non est tanta
 campi copia, ut se
 plectat, in tres dividenda
 partes.

Y 2

Sen

(1) Squadrone Itali, Gallicque dicunt.

Traditur ars aliam ex-
plicandi; cum moven-
dum,

Seu campo manet instructum; & certare paratum:
Illius & primum nostro quæ carmine partes,
Et dicam numeros, atque intervalla jugorum.
Frons est prima, duces qua stant, & respicit hostem
Adversum, irrumpensque accendit prælia prima.
Retrò olli tergus respondet: & insuper alæ
Sunt geminæ: quarum nobis quæ dextera, habetur
Digna magis, læva inferior, succedit honore.
Ordinibus ternis componitur: inter & illos
Tantum stat spatii, quantum satis esse duobus,
Posset equis, versusque dabunt capita ipsa virorum:
Qui se inter binis distabunt passibus; uni
Quantum equiti satis est, medio si forte locandus.

Et cum pugnandum.

Ast age, si campis tibi cura coactor, equestre
Instruere agmen erit; senioris præcipe turmam
Ire ducis, dextræque citò se sistere in arvo:
Totque jugis structam, tot versibus, ut modò, nostræ
Te Musæ docuere: ducis dein altera læva
Se totidemque jugis, spatioque, & versibus jisdem
Exponat junioris: eant juga singula in unguem.
Tertia mox inter primam, centrumque jugati
Agminis insidens, sese instruat ordine eodem.
Tandem quarta, regit quam dux primoribus annis,
Quod reliquum spatii sibi vindicet: atque ibi totam
Se locet ordinibus certis, & versibus. Omnem
At tibi si latis legionem extendere campis
Cura sit, huc animum, paucis, adverte, docebo.
Non secus ac primum vacuo fuit agmen in agro.
Expositum, læva confestim expone secundum.
Ut directæ iugo frons utraque quadret eodem:
Inque iugo tergus tergo respondeat uno.
Ast acies inter geminas sectura relicta
Tantum late scat, quantum frons ipsa. Sed agmen
Insequitur ternum disponere: præcipe, utrumque
Ante ut dispositum sese sic explicet, ipsum
Ut vacuum campi spectet: simul inter & ambo
Agmina respondens recta: & tot passibus illis
Distabit, quot lata patet sectura duorum,
Hujus in extenta legionis duxlor equestris
Fronte præit: ducatque jugis socialibus agmen.
At dextrum Legatus agit; qui grandior ævo,
Dux est turmarum, ducet pro more sinistrum.

Quæ sit arte stipanda
acies,

His animadversis, quæ jam properanda sequuntur;
Præcipiam: stipanda tibi si forsan equorum
Est acies: dextros nimirum adungere versus

Ver-

Verbis ad lævam: sive hos immittere in illos.
 Si primum, dextra immotum persistere cornu
 Præcipies equitum, reliquosque accedere ad illud;
 Ut versos versu propior succedat, ubi ante
 Ampla patebat seclura: angustius: agmen
 Tum tibi sic campi, quam laxius ante replebat,
 Dimidio minus, & nexu majore tenebat.
 At fuerit si parte cohors stipanda sinistra,
 Tum cornu læva immotum persistere iubeto:
 At reliquos illuc sese devolvere: tali
 Est acies ratione tibi stringenda, Magister,
 Angustus cum campus erit, vel fortiter hostem
 Contra irrupentem si propulsare necesse est.

Est autem stipanda cum
 angustus est campus, vel
 fortior hostis.

Perge, cohors, læva, dextraque è parte coactis
 Sit stipanda jugis, paribusque secunda manipulis;
 Amplior ut medio pateat seclura: sinistra
 Præcipe, & in dextra proprio consistere versu
 Quadrupedes, aliosque illis accedere utrimque:
 Sintque pares numero series hinc, inde coactæ.
 Sic angusta magis pars agminis utraque fiet;
 Amplaque per medium via strata. Sed ingruit alter
 Continuo labor (haud requiem sibi Mars petit ullam)
 Scilicet anterus juga constipanda: iubeto
 Haud quaquam variare situm, quicumque priori
 Ordine stant: binis reliquos se passibus ante
 Inferre. At rursus si dilatare coactam
 Vis aciem: firmo dum stat pede rura tenere
 Anteriora tibi: atque hosti non cedere certum est.
 Præstitibus primo persistentibus ordine, retrò
 Fac juga confestim decedant cætera. Sed jam
 Non minor insequitur cantantem cura, docere,
 Qui labor, & quæ sit solertia habenda magistro,
 Per juga, per fauces, & cum per stricta viarum
 Est acies ducenda jugo, versuque soluto:
 Rursus & adnexis est componenda sub illis.
 Sese igitur locet Instructor, quæ trames iniquo
 Est aditu, vigilemque animum ad sua munera verset.
 Ut stetit, extemplo juvenes hoc ordine mandet
 Appropere (moræ ne fors tardantibus obsint)
 Incipiat quisque è dextra procedere versus
 Per binos, ternosque viros, si semita tanta est:
 Atque gradu celeri conentur aperta tenere.
 Quæ simul ac dextrâ subiti tenere, locabunt
 Ordine se, versuque illo, quibus ante relicto
 Hærebant campo: sic arctis faucibus omnes

Qui modus ita jugis
 stipare aciem, ut majus in
 medio sit spatium,

Traditur ars, qua jugis,
 & angustæ fauces soluta
 ordinibus superanda,

Per binos, aut ternos
 procedant Equites, & ut
 in amplum agrum eva-
 serunt in suos se versus
 restituant, ut rota tandem
 rotam conflectat.

Ocyus egressi, constabunt protinus agmen.
 Ast animo sedit juga si per singula, fauces;
 Aut intricatos sylvæ transmittere saltus,
 Præcipe, ut è læva sese tum quilibet ordo
 In saltus agat extemplo; quos præpete cursu,
 Ut superavit, agri dextra de parte priores
 Instruere incipient agmen: quod deinde sequentes
 Explebunt: læva si vis constare cohortem,
 Nimirum quia campus ibi patet amplior, illa
 E parte incipiens, se quilibet explicet ordo.
 Atque hic te, dux, admoneo, superare malignos
 Ut mavis saltus, immisissis versibus illac,
 Non verò ordinibus: quoniam tres ordine versus
 Transmissi, constare manum, & se opponere possunt
 Hostibus, insidias saltu si fortè pararunt.
 Verùm nulla jugo ex uno componitur arvo
 In lato manus apta. Vocat majoribus orsis;
 Sed nos majus opus: dextro tu numine, Pallas,
 Adsis bellanti, atque in pugnas fuffice vires.
 Nam secus optatum non fas sperare triumphum.
 Si circum juvenes opus est equitare per æquor.
 Tum fac difficiles hoc illos ordine motus.
 Ordiri: verùm quando res poseit, ut agmen
 Objubeas (1) equitare, priùs tere ipse docebo.
 In campo si parva cohors inimica reledit,
 Si non bellaci insignem virtute juventam
 Sub signis habet: aut sese statione tenere
 Ab duce iussa suo, pugnas & inire recuset,
 Aut qui se castris conclusum continet, hosti;
 Insultare velis: turmas tum præstat equestres
 Ob gyris hosti variis equitare moranti;
 Si fors elicias ad prælia. Sed tibi tandem,
 Qui modus, expediam. Dextra prorumpere ab ala
 Singuli ut incipiant versus, tum præcipe: & hostem
 Pergere in adversum, veluti pennata sagitta
 Ex arcu contorta volat, stridetque per auras.
 Utque aciem contrà steterint, tum fronte retrorsum
 Conversa, explodant æra ilicet: atque citato
 Proripiant sese cursu: perque æquora lata
 Serpentes lævam transmittant agminis alam:
 Illius hinc tergus superantes, sedibus jisdem
 Sistant cornipedes: hic sclopos pulvere rursus

Igni-

Salsus per versus, quam
 ordinis per angusta pro-
 cedere, & cur?

Quando opus sit obe-
 quitare.

Obsequiandi ars tra-
 ditur: per versus primū.

(1) Caracollare Italis dicitur, quæ præcipua æquestris pul-
 gnæ pars est.

Ignivomos onerent, & glandibus: atque ubi tota
Movit sese acies, iterum prorumpere in hostem
Incipiant ipsi: donec deducere vallo
Cunctantem valeant, victumque insternere: & aliam
Egregia laurum virtute, atque arte mereri.
Ars quippe, & virtus pariunt certamine palmam.

Per juga disce, tibi circum si equitare necesse est,
Quattuor in partes tum secta irrumpere in æquor
Illa, jube, & totidem in partes, ut equestre secetur
Agmen: & hinc rursus fac componatur in unum,
Ut pyrobalistæ protrusa glande dedere

Expet juga, seu ordi-
nes.

Horrificos cunctæ sonitus. Sed cominus instat
Alter in arma labor, & spes simul altera lauri.
Festinare decet Mavortis in æquore palmam
Quisquis amat. Fortuna diu non continet uno
Sese fixa loco: sed præpete semper oberrat
Acta tota: nunc summa petit, nunc infima: & unâ
Converso trahit orbe hominum variantia fata.

Ars traditur versandi
turmas.

Perge age, turma equitum si sic versanda sonantum,
Ut frons prima, viri qua sunt virtute valentes,
Hostibus obvertat sese, connixaque pellat
Fortiter: è primo pendet pugnae alea jactu.
Ast uno tantum si sit flectenda quadrante:
Cum latus hostis habet, cui, dux, opponere frontem

Conaris: dextra si circumflectier agmen
Res petat, incipient dextra juga cuncta moveri.
Quique jugi in primi consistit cuspide, dextra
Tantum verset equum, non amplius, & stet eadem
Immotus statione: venit qui proximus, orbe
Exiguo versat se lepidus: ocyus ille

Flectat equum, numero, qui tertius: inde sequentes
Quo magis, à primo remouentur, eo magis ipsi
Contentant cursu: sic omnes ordine eodem

Æquatis spatiis sua per discrimina stabunt.

Qualis qui medium parili discrimine circum

Dissecat axis, agit cum se versatilis, orbes

Et centrum circa varios facit: illius una

Exigua in medio que pars defixa, quiescit

Immotâ: at reliquæ semper majore rotantur

Circuitu, cursusque unâ velocius urgent;

Quo magis, atque magis distabunt cardine ab imo,

Non aliter facies, si, dux, versanda sinistro

E latere est acies: modus, unus, & una movendi

Est ratio, seu læva tibi, seu dextra petatur

At si dimidium per circum flectere turmam

Explicatur exemplo
orbis se circa axem ver-
santis.

Casus agat: primo postquam versata quadrante.
Gens erit, ut rursus se vertat præcipe eodem.
Ordine: sic tergi sedem frons prima subibit:
Seque hosti opponet mediantem cadere tergus.

Explicatur modus obsequandi reflexis verbis Scytharum more, & illinc quid sit usus.

Sed jam postremus sequitur labor, ite reflexo
Agmine in adversos hostes, frontemque ferocem
Objicere: è dextrâ peragendus, sive sinistrâ
Sit tibi circuitus medii, non integer, orbis,
Sed quando inflexis deceat te verbis ire,
Præcipiam: quo more Scythæ sunt sæpius usi,
Sæpius & Parthi: si perumpenda pedestris
Structa situ, legio, quæ commodiore tenet se;
Tum sic è læva, dextrave poposcerit ipsa
Res velut, incipiant lentè procedere in hostem.
Inque illum glandes explodat quilibet ordo.
Jam verò ante globum cùm devenere pedestrem,
Confestim trepida simulent formidine captos
Vertere terga: cito manus altera concita motu,
Tum ruat, ut turmæ videatur ferre labanti
Suppetias: inimicæ uti mox vicina cohorti
Successit, se tùm fingat formidine eadem
Correptam, laxisque jugis se distrahat: hostes
Ut simul ac tali decepti fraude, fugaces.
Cœptavere jugis confestim urgere solutis;
Tunc integrato se protinus agmine versent
In peditem juvenes inimicum, hoc ordine, clunis
Ante ubi Quadrupedis, stet nunc in prælia cervix
Erecta, & glandes vibrent ex ære sonantes,
Succenso astutum nitro: conentur & illum
Ense etiam stricto delere, & sternere equum
Hac sæpè insignes palmæ sunt fraude relatæ.

At verò in primis illud meminisse necesse est;
Explodant ne rauca prius tormenta, magister
Quam signum fecit: cùm verò explodere certum est,
Hostes ad dextram cauti nitantur habere.
Sic etenim facilis, certusque est ictus: & illi
Contra quos jaciunt, hand sic eludere multum est.

Execcendi sæpius equites umbrali pugna.

Atque hæc sunt, equites quibus exercere frequenter
Se decet: & vacuum pariter tu sæpius illos
Educ in campum: & fictæ simulacra ciere
Fac pugna: veniet sic quisquis idoneus armis.
Et pubem, dux, egregiam bellicque peritam
In palmas securus ages. Sed rauca boatu
Horresco tormenta vocant, flammæque relucet:
Et circum liquidos volitat seges ignea campos.



BELLICORUM

LIBER SEXTUS.

NUNC Martis tormenta, quibus vel praelia miscens
 Extentis tonat in campis: vel fervidus arces
 Fulminat obsessas; & mœnia dejicit ictu:

Quam varia, & qualis sit bellatoribus usus,
 Dicere nunc labor insequitur. Vos ò mihi vestros
 Pandite, Cyclopes, dimoto veste, caminos.

Namque opis est vestræ, quodcumque effingere Vates
 Audaci aggreditur nisu: nova munere vestro
 Machina Tartareis est educenda cavernis.

Machina quæ ferro, & Vulcani pulvere foeta,
 Ignea raucisonis accendat praelia bombis.

Ast artes primùm antiquas dediscite; quando
 Non ferrum in dura versandum incude tenaci
 Forcipe: non enses fabricandi, aut græa scuta.

Verum æs ignivomum, & summi tormenta Tonantis
 Fulmina quæ referant, & terrificos reboatus,

Cudere opus, vasta fufis fornace metallis.

Hæc etenim Marti potiora virilibus annis
 Instrumenta placent belli: quibus acrior instat

Cæde furens, fatiatque animum furialibus iris.

Scilicet ingenio indulgens, iræque minorum,
 Horridus in flammæ, & rauca tonitrua surgit.

Proh superi! quæ tanta necis furiosa cupido
 Mortales agitat sensus; queis pectora ferro

Non aperire satis visum est: sed fulmine flammeo
 Dilacerata, juvat cineres convertere in atros.

Ulsque adeo tantam fera mens exarsit in iram,

Tom. I.

Z

In-

*Cyclopes ad cuedenda
 nova arma invitat.*

*De crudo mortalium
 ingenio queritur.*

Ingenii ut vires, & acuta inventa ruinam
 Verteret in propriam, Divis nolentibus ipsis?
 Non ratio, non Fata valent obistere, cum jam
 Per præceptis trahitur mens irritata furore.

Principiò tormenta, nigris quæ vexit ab umbris

Unde dictæ sint Bom-
 bardæ,

Sanguineus Mavors, Furis, & Dite ministro,
 Ardentes quoniam jaculantur ad æthera flammæ,
 Horrisonis latè bombis, cognomine nostri

Illa hinc Bombardæ appellavere vocantes.

Mirum, horrendum, ingens inventum Martis, aperto

Edere seu stragem campo, seu fulmine clausus

Molitur totis evertere mœnibus urbes:

At quæ forma: velut longus Bombarda cylindrus,

Inque igni fuso formatur concavus ære

Illius figura describitur,
 & singulæ partes ex-
 plicantur.

Illius & partes quamquam describere versu

Difficile, & Latia pro majestate referre:

His tamen enitar. Curvò frons ore patet:

Plurimus & circum sinuatur densior orbe

Circulus: huic fuser dicit cognomine gemmæ.

Quem propter varium signis collare rigescit.

Astragalus sequitur post hoc tornatus, & orbis

Tormento in medio geminus discrimine certo

Ære laborato protuberat: unus in ora

Qui vergit, minor: assurgit sed grandior alter

In tergum. Hos inter lauro redimita superbi

Cæsaris effigies, Aquilæque insignia regni,

Egregiis insculpta notis, atque arte magistra.

Non longè geminæ, solidoque ex ære recurvæ,

Hinc, illinc senis excurrunt partibus aures:

Quas & tormenti nonnunquam dicimus alas:

Scilicet impositæ quia curribus æra tremenda

Sustinent: geminæque simul stant desuper ansæ;

Attolli quibus, & versari machina possit,

Hæ, gemini Delphines uti, quia sæpè creantur

Fusore; idcirco Delphinum nomine gaudent.

Altera tormenti, quæ pars postica vocatur,

Tergum etiam fabris, Latio dicenda caminus;

Majori turget profusi mole metalli.

Illius extremo manet annulus, aut nitet orbe:

Non uno conus distinctus: plurima & ipsum

Exornat tergum variis armilla figuris.

Desuper & focus est: solido quem circulus ambit

Ære; nitrum teneat pyrium, ne fortè labascat.

Accipit & flammæ: & per conclusa meatus

Intima rancisoni sub viscera mittit aheni.

Cujus

Cujus & interior quæ pars & fulmina, nimbumque,
 Evomit, æquato excurrit protensa canali.
 Illius in dorsum, gemina quæ currit ab aure;
 Pars gravidanda nitro, turget densissima ferro;
 Fortius ut queat erumpenti obfistere nimbo.
 Altera, quæ vacuo decurrit ad ora meatu,
 (Tormenti Psyche vocitassent nomine Graii,
 At nostri; quoniam volat illa emissus ad auras
 Ingenti clangore globus, dixere Volatùm)
 Tenuior est ære: & decrevit ad usque supremum
 Os, nitri quando minor illac fulminei vis
 Concutit æra, leves jam jam ventura sub auras.

Sed jam quot species; quando non una nocendi

Ars est, sed variae: varium velut ira, furorque.

Et quoniam damno sunt hæc inventa ferendo;

Idcirco vario de nomine dicta ferarum.

Hic etenim Basiliscus; agit quia funera solo

Obtutu: celeri quia defert ille rotatu

Horrendam per inane necem, Draco dicitur: atque hic

In morem colubri, quia devomit ore venenum,

Et colubrum depictus habet, Ophiucus: & illa

Siren appellata: gravi quæ sculpta metallo

Apparet placido nans æquore: nomine dicunt

Falconem hunc, rapido quia fervidus involat igne.

Hic Sacer, hic Aspis, Falcunculus ille vocatur.

Sed quæ præcipue nostro sint tempore in usu:

Exsequar. Objectos quassat quæ machina muros,

Æs (1) murale vocant: vibratque per æra ferrum

Viginti pendens libras: atque ora patefcit:

Sex supra digitos: sed corpus longius octo

Excurrit pedibus: septem nonnulla: sed illa

Quæ majora, decem, majoraque pondera torquent:

Machina vix poterit vestari in prælia bobus:

Bis senis: tantum gravitat sub pondere molis:

Altera tormentum species, cui nomen ab angue,

Est ingens (2) Ophiuchus, atrox qui sibilat, & qui

Quadraginta globum pendentem vibrat in hostem,

Inque pedes longum duodenos currit: & ore

Diducto patet ingenti: perque æquora lata,

Martis ad obsequium, vix totis viribus octo,

Vigintique valent illum vestare juvenci.

Est minor alter, agens ictu non murmura tanta:

Z 2

Eque

Varie tormentorum
 species recensentur, &
 explicantur.

Præcipue species, quæ
 magis in usu sunt, accu-
 ratè depinguntur.

(1) *Canon di batteria*, nostris audit. (2) *Colobrina*.

Eque sinu ferri viginti devomit asses.
 Atque pedes longo latefcit corpore denos :
 Bis septem trahitur tauris : magis hic minor , aris ,
 Ore venenato libras intorquet in auras
 Bis octo : totidemque pedes vix occupat ; acres
 Illum Martis equi ducunt , non ampliùs , octo :
 Dum campis ineunt acies cartamen apertis .

Quæ sit materia bom-
 bardis aptior .

Sed properè insequitur nostris tibi tradere Musis ,
 Quæ nam materies sit , Fulor , idonea habendis
 Bombardis . Centum sinceri præcipe libras
 Aeris ut accipiant famuli , flammique vetusti
 Ter quinas (si tanta tibi non copia , bis sex
 Admifces) tormenta dabunt diffusa vicissim .
 Addere quin etiam poteris fragmenta refracti
 Aeris Campani , mortaria rupta , lebetes ,
 Et quidquid valet admixtum conflare metallum .
 Quod tibi non multum jubeo formariæ asperum ;
 Acrius ut valeat Vulcano obfistere : flammæ
 Si minus immifces , veniet minus aspera massa .

Ars conficiendi currus
 ad fubftinendas bombar-
 das traditur .

Ast ubi folliciti tormenta tonantia fabri
 Perfecere , graves confestim robore querno ,
 Aut ulmo annosa fequitur compingere (1) currus ,
 Aëra quibus confecta loces : fed cedere truncos
 Tempore quemque fuo : validos uti fulminis ictus
 Machina continuò poffit durare , memento .
 Inque modum capfæ compingitur : illius una
 Sit gravibus impofita rotis : pars altera terris
 Hæreat : obliquum latus intercurret utrumque ,
 Bisque pedes feptem fupra , fed largius uno :
 Denfius unciolis fit & octo : in vertice diftent
 Tresque decem tantùm digitos latera ultima currus :
 Bisque novem retrò : moles ubi latior , hæret
 Tormenti : geminum gemino mox affere cerri
 Neftè latus radiis multis , penitusque fubactis .
 Vertice in extremo , quâ neftitur armamentum ,
 Sit latere in gemino ductus de more canalis :
 Quo plaufta accipiant aures ; gravitantiaque aëra
 Sufitent librata . Subit fed cominus axis ,
 Deveftusque rotis in pugnam ducitur : ulmo
 E dura , aut fago facies : laterique cavato ,
 Affere non longè mox inferre : clavus & illum
 Plurimus affociet capfæ . Citus inde rotarum

Ag-

(1) Caffè de' Cannoni , quibus machina vehitur .

Aggredieris opus. Primum, quâ concitus axis
Transit, modiolus, solida formatur ab ulmo,
Aut cerro: at radiis bis sex de robore querno,
Vel sint fraxinei: sit querna, aut ulmea summa
Curvatura rotæ: sed commissura citatum
Circa axem, cono similis, sitque are refuso:
Sitque rotæ pariter mora ferrea, vique refixa.

His actis, quoniam violentis ictibus æra
Curribus obluquantur, erit tibi cura, magister
Plurima, flammivomum contra munire metallum
Fagineos currus, & robora querna rotarum.
Vestiat idcirco fac ferri plurima canthos
Lamina: fac radius lamnas obsimet acutus.
Quin etiam totum circum deflexa per orbem
Ferreæ lamna rotas circumdet: multus & illam
Æqua per & spatia, atque oblonga cuspide clavus
Et curvaturæ postica in parte reflexus,
Aspidibus nectat quernis, nexuque tenaci.
Insuper & manicis circum vincier æreis,
Præcipe; diducto radii ne forte labascant
Vi circo: tormenta retrò, cum protinus ignem
Ejaculata, cito pede cedunt, & tremunt lectu
Subter humus: circumque tremunt arva omnia nimbo.

Sed jam tormentis onerandis cætera dicam
Instrumenta: gravi, duroque è robore facti,
Sint varii in primis cunei, vestesque movendis
Curribus, atque ipsis, ut postulat usus, ahenis.
Sitque Onerator, habens incurvam vertice cochlim;
Ut pyrius valeat submitti pulvis in ora,
Cum fuerit Bombarda citis armanda ministris.
Præterea longus Scipator fronte parandus
Plana, fulmineum qua nitrum cogat in unum.
Adde his Verriculum, quo totam pulvere munda
Tormenti Psyche: sitque una Ignarius: atque his,
Qua restâ pulsus collimes, junge Dioptram.

Hæc ubi facta, modum, quo instructibus æra reponas,
Machina quæque prius talem formetur ad usum:
Quod jam subsequitur, non multis verbis addam:
Machina (Capram Itali patrio cognomine dicunt.)
Fagineis truncis, aut querno è robore cælis,
•Eque tribus tantum tibi compingenda; trigoni
Inque vicem nexis: geminos devinciat asser
Transversus: reliquus summo sub vertice truncus
Illis inseritur, fuso versatilis æreo.
Æreæque è fuso religatur trochlea: funes

Curvus contra vim ni-
cti monendi ferreis fa-
scis, & longis clavis.

Quæ instrumenta ad
tormenta oneranda.

Describitur machina,
qua tormenta in curri-
bus collocantur.

Per quam transmissi, ductu multiplice, currant
 Alterius subter trochleam pendentia in orbem.
 Insuper in geminis conjunctis asserere tignis,
 Mobilis, & radiis instructus ponitur axis.

Ast ege, fulminea ex ima tellure sub altum
 Æra tibi tollenda, superque instructa locanda
 Armamenta: rotis valeant sic illa moveri,
 Vectarique, feri quod Martis prælia poscunt.
 Altera non uno Delphinis trochlea nodo
 (Scilicet inferius quæ pendet) fune ligetur.

Et quæ item arte im-
 ponantur.

Inde axem circa convolui exordia funis
 Præcipe: mox radios famulis versantibus axis,
 Grandia tollentur facili labore.
 Hinc & submisso instructu, sensimque rudente
 Laxato, accipiet tandem sua pondera currus.
 Non aliter, si res tulerit, demittere ab ipso
 Armamento in humum poterit tormenta minister.

His actis, propere insequitur labor improbus, æra
 Fulmineis onerare globis, & pulvere raucō.

Traditur modus tor-
 menta pulvere pyrio
 onerandi.

At primum nitri molem, quam quisque requirit
 Igneus, erit nostro dicendum carmine. Tantum
 Sulphuris accipies, Librator, æneæ quantum
 Est pila dimidium, quod habebit ponderis: illa
 Quadraginta velut si pendat, quilibet asses
 Viginti poscet nitrati pulveris ictus.

Acceptumque cava quem Onerator cochlide portet
 Intus in ignivomi stridentia viscera vasis.
 Ignea per vacuum mox tu dispersa canalem
 Stipatore sinum tormenti cogere in imum
 Nitere grana: levi pulsu stipentur & illo.
 At ne forte foco prorumpat pulvis aperto,
 Alterius digito, vel curvo occluditur arcu.
 Hinc ubi grana cava sunt constipata camino,
 Pugillum paleæ, sænive, aut stupea vincla,
 Sulphura post glauca immittes, cogesque valenti
 Verberis: sic pulvis confertur totus in unum.

Et mox pila.

Ut perfecta tibi pars hæc, subit altera; longo
 Verriculo reliquum vacui purgare meatus:
 Purgatoque globum tenui convolvere stupea,
 Inque sinum rauci penitus detrudere aheni.
 Utque loco globus insistat libratus eodem,
 Aut sæno, aut palea præcinges plurimus illum.
 Verum hæc fulmineis gravidatis arte metallis,
 Illa subingreditur; neque erit postrema nocentis
 Cura operis: certo nimirum intendere pulsu

In positum tormenta scopum: res ardua quamquam,
Accipe, Librator, quæ tali instructus ab arte,
Dat præcepta tibi Geometres carmine vates.

Ex ligno, cuprove prius molire dioptram:

Cujus tormenti collo pars concava quadret:

Pars & crassitiem tergi convexior æquet:

Extenta ut tergo supra, supraque dioptram

Linea recta æquo discrimine distet ab illa,

Quæ medium per tormentum deducitur: arcu

In summo signum facies, quo rectius ipse

Collimes; dein colla super lævata metalli

Erectam compone; datum mox inspicere in album:

Si radius recta convergat: si secus æra

In latus hæc, illæc dextra, lævæque reflecte:

Aut sursum, si res tulerit, trahæ, sive deorsum;

Ut radius tandem feriat visorius album,

Purissima sed quoniam possunt divertere pulsum:

Nimirum obliquus pendet si currus, & æqua

Non sint mole rotæ: si lamina densior, aut si

Vertice plus justo clavus protuberet extra.

Ideò solers curato impensius, illa

Ut vigil amoveas è jactu incommoda: recta

Quin & libella tormenti utramque necesse est

Sic librare aurem, ut sese super æquore tollant

In longum hinc, illinc æqualibus intervallis.

His super, ignivomis quoniam vibrata caminis

Ferrea glans, duplici diffundit inane volatu,

Nimirum recto, Vulcani percita pulsa,

Obliquoque, suas cum sensum tempore vires

Impetus, externo qui fit motore, remittit;

Et nativa gravis vis prævalet; inque deorsum

Paulatim genio nature fertur: & ultra

Quo magis excurret, primo magis impete presso;

Inclinatur: erit postquam consumptus & omnis,

In terras recto descendit tramite ferrum.

Quæ cum sic habeant, positum; Librator, in album

Sexcentos intra passus si dirigit æctum

(Scilicet à Vesta quantum vis indita durat)

In fixum tormenta scopum converte dioptra.

Longius at signum si sit, tum furrige supra

Æra scopum: cursu sic declinante deorsum,

In signum pila directum contorta tonabit.

At quoniam obliquo dum perferat æra ductu;

Mille, & bis centum nitro pila fervida passus

Tempore non longo percurrit (quidquid enim ultra

Traditur ass tormenta
in scopum dirigendi,
dioptra prius facta.

Quæ in collimando
incommoda vitanda sunt,

Spiciendus & pilæ
motus, qui principio re-
ctus, mox obliquus ul-
tra DC. passus.

Pro-

Progreditur, languente vigor vix impete restat,
Idcirco spatii pro conditione, tremenda
Dispones tormenta scopo plus, aut minus alta.

Verum hæc percurrens dumeta haud vatibus æqua,
Ad iactus quæ multa tibi conferre, Magister,
Librandos hostem contra, vel mœnia possunt,
Exequar, invitæ quamvis ad carmina Musæ
Per salebras veniant istas, inamœnaque Tempe.
In primis, quæ fauce pari tormenta patefcunt,
Quæ sunt longa magis, longè magis ejiciunt æs.

Varia tormentorum
in jaculando - naturas
dossè prosequitur.

Scilicet accensus majori tramite pulvis
Dum ruit inclusus, prorumpere nissus ad auras,
Vi pariter majore globum jaculatur: & ille
Longius, ingenti protusus ab impete, currit.
Quin etiam, quæ longa magis, magis illa metallo,
Ditia; plus igitur lustrantur pondere vasso.
Sic virtus & tota globum Vulcania pellit.
Præterea vastæ quæ molis athena, rotatu
Emittunt majore pilas; quia fortiter illa
Erumpentem ignem graviore mole morantur:
Sicque olli major qua pervolet, imprimitur vis.
Non secus ac torrens, scpes quem plurima tardat,
Amne ruit valido, cum tandem vincula rupit.
Hinc etiam quæ densa magis tormenta, flagranti
Vulcano obfistunt nissu majore, globumque
Explodunt longo tractu. Pila major eadem
E canna vibrata volat longissima, magno
Pondere, quam minor, & quamvis sit plurima: quando
Illa magis grandi oblectatur corpore nimbo:
Occluditque simul torum interposita meatum:
Succensus ne quæ pulvis prorumpat: & ipsa
Vim portentifero non tantum sumat ab igne.
Hinc globus è plumbo foret aptior: at minor ictus;
Cedit enim mollis. Sed quis fugientia tardat
Fulmina tormentis excussa tonantibus? antro
Missus ab Æolio pennis pernicibus Eurus.
Non equidem, non fallor, erat qui flamine tantum
Posset opus tentare; suo ciet aëra motu,
Atque globum in latus obliquat, vel tardat euntem;
Verum id præcipuè, medio sublata quadrante
Cum sunt ora; pilæ quoniam tum semita iactæ
Est obliqua magis, sub cursum & pigra supremum:
Disce, lacus etiam pigri, turpesque paludes,
Fulminaque, & vivi fontes tardare pilarum
Pernices potuere fugas: nam plurimus undis

Globus è plumbo ap-
tior, se cedit mollis.

Venti tardant euntem.

Item & stagna, ac pa-
ludes, & cur?

Assur-

Affurgens vapor ex illis, circum aëra densum,
 Et multo sparser gravitantes pondere reddit.
 Crassior ille globo venienti obstitit: & ingens
 Indita sit quamquam vis sulphure, se tamen illa
 Aëra tardari spisso, & torpente vapore
 Sentiet: ut volucres etiam, ventumque, vaporemque
 Ut contra nitantur, agunt se lentius: at cum
 Aëra pacatum nimbis, nebulisque vacantem
 Percurrunt, per inane volant pernicious alis.

Insuper, è pelago si sit Catapulta sub oram
 Explosa, est ictus vehementior: in mare contra
 Litore ab undoso reboet, minus incitus: idem
 Aër cum sit, idem & spatium, quod currit uterque,
 Diversi tamen effectus diversa petenda est
 Causa, per ignotos dum calles, perque reposita
 Naturæ vigili speculatum mente vagamur.
 Illam, si quidquam post carmina, postque figuras,
 Rebus in his valet ingenium, tibi reddere Vates
 (Naturæ qui sæpè petunt penetrantia Mystæ,
 Atque omnes rerum causas rimantur, & ortus)
 Enitar paucis: nam me divertere clivo
 Haud operosa sinunt suscepti munera belli.
 Et quando studiis versatus, & arte Minervæ,
 O precor, d' adlis Vati dux, inclyte THOMA,
 Inque absconsa viam Naturæ limina pande.
 Est levius quoniam fabuloso in litore cælum,
 Densius at pelagi medio, minus ictibus aër
 Idcirco obstitit sub litora: & ignea nitri
 Vis minor in primo calet impete: cumque recurrit
 Sub sinem nebulis vapidas Thetis, & cadit ille
 Paulatim vigor ignigena, oblectator cuncti
 Tum spissum occurrens cælum, cursumque retardat:
 Marcescuntque globi vires, & pulsus hebescit.
 E mediis ast æra pilas dum litus in altum
 Ejaculantur aquis, nimium densissimus aër
 Deluctatur: & idcirco succenditur omnis
 Extempo pulvis: vis crescit flammea primo
 Erumpens motu, servatque in fine tenorem:
 Namque olli minus obstitit tenuissimus aether.

Hic neque præteream, majori verberet ictu
 Cur pila marmoreas turres, quam mœnia querna,
 Per liquidos latè Nerei currentia campos.
 Saxea nimirum oblectantur, pinea cedunt
 Mœnia: sic pariter venientes verbere pinus
 Aërea prævalido pulsant tormenta: velut qui

Tom. I.

A a

Ob.

E mari explosa tormenta longius pilam ejaculantur: è litore in pelagus non ita: & qua ex causa.

Cur pila majore ictu muros feriat, quam nares: & hæc venientes versus tormenta gravide vulnerantur.

Obvius occurrens vehementius excipit ictum.
 Cumque fuga se proripiunt, catapulta minori
 Percutit abiegnas vi turres: ensis acuti
 Ceu quis dum celeri saltu se subtrahit, imis
 Haud ferrum bibit in fibris. Sed flectere Musæ
 Insueta cursum coguntur ab arce Minervæ.
 At non Parnassi, vel amœna invisere Pindi
 Concessum juga, Pieridum lustrata choreis,
 Nec sacras umbras nemorum, jucundaque Tempe.
 Aspera stat cursu conscendere montis, & oras
 Hactenus intactas, gressus quò nulla priorum
 Intulit Aonidum, quamvis animosa, sororum.
 Quare agite, ò Musæ, Bellorum munera quando
 Tractatis, radique juvant, & circinus, artem
 Tradite, Librator valeat qua vertere in hostem
 Pro vario tormenta situ: nam non ego cuncta,
 Ni vestram præbetis opem, percurrere possum.
 Tuque adeò, præclare, veni mihi Phœbus, AQUINAS,
 Atque tuo vires trepidanti suffice Vati,
 Quandoquidem sub mente tenes, quæcumque Magister
 Arte Syracosius mira monstravit: & orbem
 Terrarum, radioque fretum metiris, & astra.

Musæ in re difficili
 invocat.

Et Mæcenatem uti A-
 pollinem AQUINATEM.

Ars traditur confi-
 ciendi quadrati.

E nuce sublustri primùm, cuprove tabellam,
 Nonaginta cui sua per discrimina partes
 Hinc inde inscriptæ minio, vel cuspidè acuta
 Insculptæ, facito: lateri mox regula summo,
 Quæ parte ex una quadrati longius extet,
 Glutine sit recta, radiove adnexa tenaci.
 E medio (centrum Geometres nomine dicit)
 Suspendus filo solidus dependeat orbis
 Plumbeus, aut cupro fufus: quibus arte paratis,
 Accipe, librandis qui sit nunc pulsibus usus.

Et modus illo utendi
 ad dirigenda tormenta ad
 idum rectum.

Et primùm, bombardà tibi si recta locanda,
 Ut Finitorem discrimine semper eodem
 Emissus per inane globus percutrat, in ora
 Regula tormenti mittatur aperta, quadrati
 Ut latus extensum plano superincubet æris:
 Hinc tollenda tibi, vel demittenda, subactis
 Hæc, illac cuneis, aut si res postulat, illis
 Subductis; ut recta suo cum linea plumbo,
 Congruat in medium circi: sic angulus ille,
 Virgula quem faciunt quadrati, & pendula fila,
 Rectus erit: pulsusque simul rectissimus ibit.

Et ad obliquum, per
 certas partes sive suprâ,
 sive infrâ collimandem.

At verò obliquo si sit gravis ære rotatu
 Per certas sursum partes pila, sive deorsum

Flam.

Flammivomis vibranda tubis, stet virga quadrati,
 Ut modo te docui, stridentis in ore metalli.
 Mox est sollicitis, cuneoque, & veste ministris
 Inclinandâ solo, sive attollendâ sub altum
 Machina vasta, cadens ut filum desuper, arcum
 Sic fecet, ut partes inter virgamque, globumque
 Pendentem filo, tot sint, quot iussus habere
 Angulus, obliquo qui raucum dirigit ictu
 Tormentum: ratio cùm sit clarissima facti,
 Quæ meliora sequar, Martisque aptantur ad usum.

Et cur fulmineis ratio non ictibus una
 Principio expdiam. Dum stant erecta sub altum
 Æra corusca; ferit turres violentior ictus.
 Namque suo globus obnuctatur pondere cursu
 In sublime: capit majores igneus ardor
 Idcirco vires: crescitque resistere nixus.
 At cùm prona solo jaculatur ahenea fulmen
 Machina, tum genio naturæ fertur: & igni
 Vix globus obstitit gravitate: hinc illa tremendi,
 Oppugnante cadit nullo, vis pulveris: ictus
 Et minor est: recta sed dum bombarda remugit,
 Tunc modica virtute quatit pila concita muros.
 At quia, quam celeri findit via recta, volatu
 Longa minus; validis idcirco pulsibus arces
 Ut ferias, tormenta illis propiora locato.

Jamque cavenda tibi (neq; fas transmittere, acerbam,
 Quæ vitare queunt stragem, vitamque tueri)
 Quæ sint; ne vitio catapulta effracta per auras
 Diffiliat: medium Spyche producta metallum
 Ni teneat spatiis æqualibus: inter utrumque
 Semper ut æqua latus sint intervallo: camino
 Ne globus egrediens obliquum incurset: & ipsa
 Dirumpat tormenta, cavæ si forte lacunæ
 Per mediam fuerint Spychem, perfringere possunt
 Bombardas, solido content licet ære; sub illis
 Quin etiam persæpe latet scintilla cavernis:
 Quæ, cùm tormenti in gremium portentiferum sal
 Conditur, accendat momento: & deflagret ignis.

His super, hæc casu possunt dissilire Ophiunchum:
 Cornutus si forte globus subit ora, sub imum
 Vel cadat obliquus: nam sic depellier illo
 Nulla vi quibit; pulvisque accensus, iniquo
 Objice disclusus, quod restat, disjiciet vas.
 Quin etiam exiguus fuerit si forte lapillus
 Æs, interque pilam; nam sic Vulcanius illac,

Diversitas ictuum ex-
 plicatur, & causa reddi-
 tur.

Quæ cavenda tormen-
 tario sint in exploden-
 do.

Quæ sint, quæ dissi-
 le metallum possint.

Disrumpet, pulvis aditu interclusus, ahenum.
 Quæ cum sic habeant, cautè observare memento;
 Si sit fusa fabris perfectæ machina forma:
 Si globus æqualem fuerit tornatus in orbem:
 Et ne tormenti mittantur in ora lapilli.

Sed jam flamma vocat tormenta: evertere nimbo

Fulmineo tures certum est, inimicaque castra.
 Ergo age, nitrata valeas qua recte metallum
 Arte foco admota succedere, percipe nostro
 Carmine, Librator: stans dextra in parte locati

Quæ arte tormenta ex-
 plodenda,

Instructus, dextraque tui simul æra reflexi
 Aspiciant humeri: dextraque interritus ignem
 Sulphurea, & pilo præfixa in recte teneto:
 Ipsa sed astantem prospectent ora magistrum;
 Ut simul accipere, atque accepta facessere iussa
 Continud possis. Si præcipit ille, favillas
 Excusso de fune foco da protinus: & te
 Illicet, incumbens lævo pede, subtrahere saltu;
 Ne ledant tormenta, retrò dum pulsa recedunt.
 Nam globus, ut primùm protusus pulvere cursum
 Arripit, atque cavi perumpit claustra ineatus;
 Continud pariter resuo pede pulsa tremenda
 Æra retrocedunt: fugientes impete eodem
 In diversa globus, currusque moventur eodem
 Momento pariter. Verùm quæ cura magistro,
 Ut famulos jubeat pulsu calefacta frequenti

Tormenta identidem
 aquis refrigeranda,

Martia frigidulis tormenta remittere guttis
 Præscribam. Velut æstivo sub Sole viator,
 Cum motu incaluit multo, torrente calorem
 Temperat epoto, calidosque refrigerat artus.
 Ignea, ni faciat, misero ferventia tabes
 Corripit membra, & febris tabescet acuta.
 Fervida non aliter crebrò Bombarda rotatu,
 Est opus, ut nimios hausto torrente calores
 Temperet; immenso ne disrumpatur ab æstu;
 Idcirco denis quoniam, non amplius, hora
 Ictibus ingenti resonat clangore; volantes
 Ut triginta globos, ceu fulmina, torfit: & horas
 Tres Sol exhanfit, cælo currente quadriga,
 Viscera fluminibus sic tu calefacta remittes:
 Claude focum digito: clausoque per ora refunde
 Irriguos fontes: quos, ut tepcfacta parumper
 Illa fuere, cavo fac egerat ore minister.
 Proderit, & capri ferventia pellibus æra
 Integere, egelidis latè rorantibus undis.

Idque post triginta
 idus faciendum,

Sed

Sed cura, ut fervens involuat vellus ahenum,
 Ut penitus bibat humorem. At non aptius ullum est
 Quod fervescentes Ophiunchi attemperet ætus,
 Quàm quod vel montes diffindere quivit acetum:
 Illius ergo duas famulos miscere metretas
 Najadis egelidæ, Librator, præcipe ternis:
 Inque sinum calidi tormenti infunde liquorem.

Acetum ad refrigeran-
 da metalla optimum.

At mihi vos, Divæ, quæ regna umbrosa tenetis

Ditis inaccessiblei, tacitisque erratis Avernis,
 Dicite, qui primus furvo Cyclopos in antro
 Hæc nova bellorum fufis tormenta metallis
 Cudere perdocuit? quique usus primus in hostes
 Re super insueta attonitos direxit: & ipsum
 Audax è terris in cælum fulmina torfit?

Mars invocatur, ut sibi
 aperiant, quis primus tor-
 menta ignea invenerit.

Dicite, quandoquidem vobis hæc cognita, Divæ:
 Qui pro falcatis, currus dedit ære tonantes,
 Fulmina pennata pro cuspidè: proque bicorni
 Ariete, & ærato muris pro veste ruendis,
 Pernices per inane globos, & fulmineam vim?
 Namque hæc irarum cùm sint inventa, ferique
 Instrumenta odii, multo saturanda cruore,
 Vestra quidem, Divæ sunt munera, vos ea Vati,
 Non obscura ævo (namque hæc infania priscos
 Haud equidem pervasit avos: fuit illa minorum
 Quippe ruit senio in pectus Natura labescens)
 Tradite, ut heroo valeat depromere cantu.

Quod non ineleganti
 fabula in Mæcenatis gra-
 tiam exequitur.

Clarus AQUINIADUM cretus de sanguine quondam
 Rex fuit, Eumenius Graiis, Landusque Latinis
 Dictus, qui Capuæ ditissima rura tenebat,
 Auruncasque arces, & prisci mœnia AQUINI:
 Totque minas inter bellorum, interque tumultus,
 Tota quibus jactata mari, terraque fremebat
 Italia, infandasque neces, stragesque suorum,
 Et tristes ignominias, & funera flebat.
 Ipse suis securus agris, atque arcibus altis,
 Palladis ægregias artes, & amica secutus
 Oria Musarum, tranquilla in pace sedebat:
 Non secus horrendæ, cùm turbavere procellæ
 Æquora, & immensi montes volvuntur aquarum;
 Hac, illac nimbis, & tempestatibus actæ,
 Velivolæ in vasto jactantur gurgite puppes,
 Auditur longè nautarum clamor, & omnia
 Undique luctifono resonant permixta tumultu:
 Si qui tum sedet in scopulo, non pressus ab unda;
 Naufragii vacat ille metu, tutusque sub antro

Astræos

Astræos ridet vertentes cæcula fratres.
 At quoniam nihil invidiam livore maligno
 Accendit magis, & stimulo vehementius urget;
 Quam miseros inter cùm quis feliciter annos
 Ducit, & ignavos fama supereminet; & cùm
 Secura statione sedens immunis ab armis,
 Gaudet pace; alios dum vexant horrida bella.
 Qui non arma capit, reliquis pugnantibus, hostis
 Ducitur, & mores qui non scèlatur iniquos,
 Et sapit, una omnes quando dementia cepit,
 Improbis hic est, hic hominum contemptor habetur,
 Contemptor legum: nam quod commune, nefandum
 Sit quamvis, licitum facit usus: & hic modo lex est.
 Invidiæ stimulis igitur liventis, & acri
 Ira, odioque furens qui proxima regna tenebat
 Cumarum, & Baulos, & olentes sulphure Bajas,
 Arma capit, rituque vagi prædonis in agros
 Vitiferos Gauri irrumpit, collesque Falernos:
 Lætaque Vultureno populatus rura, sub arcem
 Se patriam rediens cùm præda includit abacta.

Timaleon Cumarum
 Rex, Eumenium Capuæ
 Principem bello appetit.

Eumenius in illum co-
 pias ducit, cumque ex-
 pugnari præruptam arcem
 conclusum non posset,
 Phlegream pergit.

Tum Rex Eumenius; qui quantum Palladis arte,
 Tantum bellaci virtute insignis, & ausis,
 Surgit in arma ferrox: regnoque è divite pubem
 Cogit, & æquoreas Cumarum tendit ad oras.
 Hic ubi turritis conclusum ripibus hostem
 Vidit, nec campo pugnam committere aperto
 Velle, vago solitum prædonis currere ritu;
 Sic socios affatus ait: Non barbarus arma
 Non mea Timaleon (hoc Regi nomen iniquo.
 Et patrio pariter dictus sermone Manetes;
 Nimirum furtis quia sæpè tumebat, & ira)
 Nec vestræ, socii, vitabit robora dextræ.
 Nec putet, abruptis quod rupibus incolat arces;
 Idcirco secura metu sua regna manere.
 Est hic Phlegra mihi, cujus sub rupe camini
 Sulphure perpetud fumant, nitroque tonanti.
 Hos centum Cyclopes habent, quibus igne metalla
 Fundere cura, novis & conformare figuris:
 Et ni falsa mihi modò retulit ipse Pyracmon,
 Ingens tormentum multis meditantur ab annis:
 Quod tonitru ingenti reboans, flammaque relucens,
 Ferrea deque sinu contorquens fulmina, gentes
 Territet attonitas, atque ipsas territet arces.
 Hæc ubi, Phlegræos graveolentes sulphure campos
 Ingreditur, penititque subit loca fumida montis:

Exi-

Exiguus quà callis iter sub rupe cavatus,
 Ambages inter cœcas, flexusque recludit.
 Utque specus ventum est inum, quà fornice magno
 Concava Phlegreæ curvantur viscera rupis,
 Obvius ipse viro Vulcanus, & illicet omnis
 Turba venit Cyclopum, ære, & fornace relicta:
 Et quæ caussa, rogat, Phlegreæ viscere sedes
 Impulerit. Contra Eumenius sic illicet orsus,
 Vulcanum aggreditur (cujus Cyclopes ab ore
 Soliciti pendent, dederit quæ jussa parati
 Protinus explere, & nullum vitare laborem)
 Huc opis ipse tuæ veni, Rex maxime Lemni,
 Indignus: & vestram posco Cyclopes: & illam
 Ferte citi; nostris quando considerare in arvis
 Sorte datum, & nostra, quæcumque est, uter arce.
 Est hic Cumarum, cui regna ferocia patent,
 Atque Pithecusæ, Nefisque umbrosa viretis;
 Ausoniæ infensus toti: mihi semper & uni
 Æmulus, invidia, famæque, & fascis avorum,
 Ac propriæ virtutis, equis velocibus agros
 Nuper Campanos populatus, & arva Falerna,
 Jam se Cumana cum præda includit in arce:
 Seque intus tenet, & pugnam devitat apertam.
 Nimirum justæ non sunt ad prælia vires
 Prædoni infami, claususque patentia vitat
 Camporum spatia, & certam committere pugnam.
 Scilicet abruptis, quæ jactat oppida saxis,
 Quæ pulsare acies, quæ machina rumpere belli
 Nulla valet, tantos animos, viresque ministrant.
 Quare age (namque modo dabitur quocumque superbum
 Stat fixum, immotumque animis ulciscier hostem)
 Divina præstas si quidquam, Mulciber, arte
 Fac tormenta, ipsas quæ scindunt fulmine rupes,
 Et totas imis evertant sedibus urbes:
 Quæque ab Rege graves sumant ultricia pœnas.
 Dixerat: & contrà sic fatur Mulciber olli:
 Jam Sol, Eumenie, (has quando descendere in oras
 Es dignatus, opem, quæcumque est poscere nostram)
 Bis sex Signiferum iultravit cursibus, ex quo
 Hac ignota tenus nostris tormenta caminis,
 Vasta, horrenda, sinu quæ magnis fulmina bombis,
 Et cuneos vibrent flammatarum, auctore Gradiivo
 (Ille etenim primus formidandam extudit artem)
 Et cura, & magno meditatur fingere sumptu.
 Nulla in perniciem mundi fabricata sub antris

Vulcanus ob viam ve-
 nit, & Cyclopum mini-
 steria offert.

Ille Eumenius rem om-
 nem ab exordio narrat.

Vulcanus, quæ jam
 Cyclopes moliebantur
 tormenta, se ei datu-
 rum promittit, eaque
 quæ sunt explicat.

Machina Tartareis hac est feralior unquam:
 Illa tonat, flammæ, & ferrum fulminis instar
 Intorquet gremio: nec pulsu sola virorum
 Corpora mille uno discerpit: at ipsa quadrato
 Marmore sint quanquam, dirumpit mœnia; tanto
 Impete vasta jacet pyrii vi pulveris æra.
 Namque sinus pyrio repletur pulvere: & illo
 Accenso, strepit horrendum, flammaque relucet:
 Et quatit attonitas intorto fulmine gentes.
 Ceu Pater Omnipotens cum summa iratus ab arce,
 Et tonitrus ciet horribiles, & fulgure flagrans
 Assiduo, trifidosque è nubibus evibrat ignes.
 His uti poteris meditata in prælia; quando
 Omnipotens fortuna, & Mars tibi destinat illa.

Mox Eumenium in
 Phlegræ penetralia ducit.

Hæc ubi dicta, virum Phlegræ in penetralia ducit,
 Plurimus arcano quæ fumat ab igne caminus.
 Namque hic materies, dictu mirabile! nulla,
 Nulla, vel arsuris præbentur pabula flammis:
 Nec Cyclopes alunt torpentem foliibus ignem
 Verùm perpetuò gremio telluris ab imo
 Per cœcos, vi facta, aditus erumpit in auras.
 Quod mirum & magis est, non flamma absumit edaci:
 Cuncta licet tacito serpens fervore perurat.
 Est etenim miseros idem, qui Dite ministro,
 Horrendum fontes sub opacis torquet Avernis.
 Huc ubi perventum, cœcas absistere flammæ
 Vulcanus jubet: & densum subfidere fumum
 Tartara sub tenebrosa: gravemque expellit odorem
 Sulphuris. Eumenio mox curru imposita tonanti
 Ostendit tormenta: oculis sitientibus ille

Hic novum inventum
 Vulcanus Eumenio ostē-
 dit, qui mirum sane opus
 admittitur.

Insolitum miratur opus, operisque laborem:
 Et cœlata novo miratur signa metallo.
 Namque omnem in medio Campanam Mulciber oram
 Sculperat: & longa totum Cratera corona
 Curvarat, vitreasque sinu cælaverat undas.
 Mirum opus: & dextra dignum, ingenioque magistri.

Omnem in illo Cam-
 paniam Cyclopes scul-
 pserant.

Hic medius gemino surgebat vertice in auras
 Vesbius, hoc circum sylvis redimitus, & illo
 Horrida sub cælum flammis incendia ructans.
 Hinc Pompejanum, veteres per & Herculis arces
 Cernere erat subita trepidas formidine gentes
 Errare: & refugo nonnunquam visere montem
 Obtutu: subitoque oculos avertere flammis.
 Non longè dextrâ præcinctus arundine glauca
 Per campos leni currebat murmure Sarnus.

Illinc & Stabias, & amœna in colle vireta,
 Et Vicum, & semper lætum felicibus umbris
 Surrentum, & propter (1) Campestria pinxerat arva.
 Hic virides inter scopulos, & opaca phaseli
 Antra videbantur vitreos diffundere fluctus.
 Et qui forte sinu Cholomelidis otia Vates
 (Urbis, & ingrati pertæsus iurgia circi)
 Dulcia captabat muscoso in vertice ad-umbram
 Confidens: Zephyrique afflatus mollibus auris,
 Difficiles artes, & prælia dura canebat.
 Ingenui circum pueri, pulchræque Camæne
 Murmure plaudebant læto, sertumque parabant,
 Candidus & supra nive mons surgebat: ab illa
 Dictus & indigenis mons est (2) Lactarius: illi
 Inque globos, cumulosque nivem stipare videbas
 Cura homines multa, magnasque implere lacunas.
 Mox opere expleto mentas ornare: famemque
 Jam tosto sedare bove, ardentique Lyæo.
 Inde sinus (3) Pollj, Graeque insculpta Minervæ
 Delubra: & colles venator plurimus inter
 Apricos cælatus erat, perque uda vireta.
 Ille coturnicem prævestigante canum vi
 Balista, aut sclopo dimissa glande petebat.
 Collibus in fummis expanso hic rete, canoram
 Ille & ficedulam signabat in arbore: nitroque
 Illic accenso cedebat missile plumbo.
 Vertice sed summo falconem (4) Vespulus arte
 Captabat mira: & socii clamore favebant.
 Hic & olivifero non longè à litore, musco
 Præcinctum caput attollebat ad æthera (5) Vervex.
 Plurima quem propter piscoso in gurgite cymba.
 Contrà æstu modico præterlabente remotæ,
 Spumoso Capræ caneant undique fluctu.

Parte alia extento vernabant æquore campi,

Tom. I.

B b

Per

-
- (1) *Il Piano di Sorrento*, Felicis Campaniæ felicissimus tractus frequentibus vicis habitatus, ac rure excultus, in quo sita est Domus Societatis Jesu in loco amenissimo, cui vulgò, *la Cocomella*, nomen factum.
- (2) *Faïto*. (3) Sinus inter duo Promontoria peramœnus, ubi villa Pollij Felicis, à quo nomen vulgò factum est. (4) Marcus Vespulus Vati amicissimus, inter ejus tractus incolas, & divitiis, & nobilitate primus.
- (5) Scopulus contra Massam ad Delubrum, piscosissimus.

Per quos, vicino veniens à fonte Libullæ,
 Irriguis Sebethus aquis cratera petebat.
 Hic virides circum ripas, muscosaque stagna,
 Plurimus herbosis olitor cursabat in hortis.
 Hic olera, hic nitidos flores, hic poma legebat.
 Hic ducebat aquam, & sitientia prata rigabat.
 Ille maritabat vites solertior: altam
 Hic vertebat humum: viridi sub tegmine fagi.
 Ille jacens servabat oves, & inertia dulci
 Otia fallebat cantu, calamoque canoro.
 Hinc, ubi vitiferi molli consurgere clivo
 Incipiunt colles, regales sculperat ædes,
 Marmoraque, & fontes, vitreasque in fontibus undas:
 Et picturatos signis effinxerat arcus.
 Hinc quæ Sirenis via longa inducit ad urbem,
 Arboribus circum præcineta, & mollibus umbris,
 Fontibus & poterat liquidis ornata videri.
 Post ipsos longo colles curvaverat orbe
 Mulciber: ipsa velut picto Thaumantias arcu
 Versicolor, cælo sese decircinat Iris.
 Horum in declivi, pandique è more theatri,
 Pulchram Parthenopen, pulchro cælaverat arcu:
 Atque omnem solers hic ille impenderat artem.
 Cunctas quippè vias sua per divortia, & omnes
 Illarum flexus, palatia singula, & ædes,
 Et fora porticibus circum redimita superbis:
 Et turres, atque alta tholis delubra deorum,
 Et nitidos fontes, & marmora: perque plateas
 Hæc, illac poteras errantes cernere gentes.
 Quin etiam portu naves effinxerat: ipsum
 Molibus & magnis, jactisque in gurgite pilis,
 Extructum mediis portum formaverat undis.
 Cujus in extremo surgens altissima cælo,
 Nocte pharos nitidam spargebat flammea lucem.
 Hinc Megaræ turres vitreo præcinxerat æstu:
 Et Lucullanos juxtà depinxerat hortos.
 Ora videbatur posthinc & (1) Olympis, ad auras
 Felices Zephyri, Solisque cubilia currens:
 Atque diem versa in medium, quæ læta salubri
 Temperie, & molli Tyrrenæ Doridos unda est.
 Collibus ad dextram latè obvallatur apricis:

Et

(1) Ora amœnissima, & aprica inter Lucullanum, & Pauli-
 lypum extensa, vulgò popularium vocat, *Chiaja*.

Parthenope graphicè
 in tormento insculpta,
 hic depingitur.

Et gelidos Boreæ flatus, & frigora nescit.
 Litore sed medio, quæ se longissima ad usque
 Pausilypi extendit colles, antrumque Dicharchi,
 Amplaque latefcit quadrato semita saxo,
 Arboreis præcincta comis, & plurima fonte
 Exornata: novo fulgebat viva metallo.

Magni clara animi mansura in sæcula semper,
 CERDIADE (1) monumenta tui, cui regia Siren
 Parthenope, pro tanti operis molimine, grates,
 Perfolvet memor, atque æternos reddet honores.

Olympia ora deser-
 bicur.

Hic etiam mira cælaverat arte quadrigas;
 In quibus inuicti proceres, patresque togati,
 Captabant placidas Zephyrorum, & Vesperis auras,
 Illius extremo sub monte incisa patebat

Crypta, Dicarcheam via quæ deducit ad urbem;
 Magnum opus, & veterum, ut perhibent, monumenta Pelasgum.
 Cujus in ingressu dextra de parte sepulchrum

Vatis Mantoi, (1) laurumque insculperat: illam
 Spontè ferunt tumulo innatam; qua nempe superbi
 Præcingi cineres possent, Manesque Maronis.

Hinc se curvabat medium projectus in æquor
 Pausilypus: semperque jugo peramœnus, & unda:

Illius incurvo quæ litore plurima surgunt,
 Magnifico luxu fabricata palatia: & Acti
 Fecerat aprico sub vertice Mergellinam.

Et Mergellina.

Quin etiam querulo meditantem carmina plectro,
 Retia dum socii ad litus piscosa trahebant,
 Alta infelicem finxit sub rupe Lyconem.

Cernere erat liquidis in fluctibus uda secundum
 Litora depictos auro, minioque phaselos,

In quibus heroes ducebant otia, & auras
 Captabant: reliquum sterni per litora vulgus.

Pausilypum iuxta Nefis frondosa virebat,
 Cognita Pellæis & quondam Euplæa carinis.

Inde Dicarcheos nitido cælaverat ære
 Egregia Deus arte sinus, urbemque Dicarchi.
 Desuper incano fumantem vertice Phlegmæ,

Bb 2

Vol.

(1) Aloysius la Cerda Methymnæ Dux, Neap. Prætor.

(2) La Gajola incolæ dicunt, veteres Euplæam, quia na-
 ves ex Ægypto Puteolos venientes, ad eam insu-
 lam cum appellerent, felicem navigationem sibi gra-
 tulabantur.

Puteoli, & vicina loca
in sculpra recensentur.

Vulcanique (1) Forum præcinctum rupe: minister
Multus ubi nitrum, sal, sulphura viva coquebat.
Vitibus & (2) Gauri juga læta: & valle reposta
Hinc fluctus, (3) Aniane, tuos, fontemque salubrem:
Atque vaporantem vicino è collo mephitin.
Parte alia Bajæ, & aprica cacumina montis
Miseni, & Baulos, piscosæque stagna Lucrini.
Non longè Elysios, & opacum fictor Avernum
Fecerat, & Phœbi delubra, ædesque Sibyllæ.
Quin & Romani quæ circum plurima quondam
Venturo monumenta ævo posuere superbi,
Et vastas medio fabricatas gurgite pilas:
Ac varios quotquot medicantur balnea morbos.
Post (4) urbs, Chalcidicis quondam præclara colonis,
Tyrrheni propter fluctus, & colle feraci:
Atque Pithecusæ Cumarum ab litore quondam
Ingenti, ut perhibent, motu telluris in altum
Projectæ: Prochyte propior, formosa viretis,
Longior Inarime, Baccho lætissima: cælo
E cuius gremio turritus surgit Epomeus;
Atque indignantem premit alto monte Tiphæum?

Præterea geminas insculpserrat æquore classes,
Quæ totum, quamvis latum, Cratera replebant.

Navibus, & pugnam magno fervore ciebant.

Surgentem ad Solem quæ pugnatūra, locarat

Se, bombo ingenti resonabat: & igne corusco

Sæpius ardebat: vibrare & fulmina in hostem

Crebra videbatur, cælumque obtexere fumo,

Altera, in Occasum longo sinuata sub arcu,

Quæ gemino sese cornu tendebat, iniquo

Marte premi, proras & jam torquere refactas:

Fulmine nimirum, nimboque oppressa tonanti.

Inque illam cuneos flammæ ventus agebat.

Præscius has classes venturi Mulciber ævi,

Finxerat; Eumenio miranti prælia, & artem,

Et jamjam cupido Fatorum arcana tenere,

Sic fatur. Tempus veniet, cum Maurica pubes,

Trinacriæ spoliis, palmaque insignis Ibera,

Invadet dominam signis victricibus urbem:

Et premet obsidio: triplici tum sædere gentes,

Au-

Geminæ classes in eo-
dem tormento calatæ,
altera Saracenorum, al-
tera ex Neapolitanis.

Amalphitanis, & Caje-
tanis inflata, ut Romæ
periclitanti epem ferret.

(1) *La Solfatara* à sulphure sic vulgus appellat, quod ibi
conficitur. (2) *Monte Barbaro*.

(3) *Il Lago d' Agnano*. (4) *Cuma*.

Auxilium Romæ laturæ, in bella coibunt.
 Nimirum quæ Parthenopes nova mœnia, & arces
 Incoluere: tenent quæ claram pixide Amalphim:
 Quæque tuos, Cajeta, sinus, portumque frequentant.
 Parthenopæus erit dux classis: & ille superba
 Stirpe tua veniet, THOMAS cognomine: & unus
 Cunctorum laudes, titulosque æquabit avorum.
 Qui patriis surgens jam nunc generosus in armis,
 Aspice, Centauro ut vectus, premat ignibus Afros:
 Atque novis totam tormentis undique classem
 Disjiciat: quot rostra volant distracta per auras:
 Quotque rates pelago merguntur, & igniferum sal
 Quot vasta in mediis incendia fuscitat undis!
 Et tot victorem populorum, totque superbum,
 Oceano latè partis, terraque triumphis,
 Prædatorem Arabum, atque ingenti classe potentem,
 Tres tantùm vicere armis socialibus urbes.
 Nempe tot Ausoniæ sunt in certamina vires,
 Unus amor socio cùm gentes fœdere jungit.
 Quin etiam & tempus veniet (sic volvere Parcas
 Accepi) quando sola hæc concordia priscum
 Restituet decus. Imperium Romanus habebit,
 Et leges iterum dabit Orbi Roma subactis.

Arabes viði.





BELLICORUM

LIBER SEPTIMUS.

A St agite, & trepidas Vulcanum quæ super urbes
Æra vomunt, pyrioque involuunt omnia nimbo,
Protinus, invitæ quamvis, exponite, Musæ.

Nam nec Pierides, nec carminis author Apollo,
Ipse nec, horrida quamquam fremat ægide, Pallas
Instrumenta volens tantæ barbara dicere posset,
Hæc decet Eumenides infanda docere, maligna
Quarum ope Tartareis nuper fabricata cavernis,
Perniciem in mundi, superas venire sub auras.

In igneas machinas,
arque evertendarum ur-
bium inventa Vates in-
vehitur.

Ergone mortales tanto exsaturata veneno
Corda gerunt? mites sic sensus exiit omnes
Natura, & tantum furiis torquetur iniquis?
Manibus à Stygiis ut vix adhibenda sub Orco
In miseros fontes tam dira inventa dolorum,
Luce sub hac Solis furiata exerceat? O quæ
Tam fera degeneres pepererunt secula gentes!
Et quæ monstra hominum mitissima corda, ferarum
Tam subito in sævos potuerunt vertere mores?
Scilicet ambitio regnandi, & fervidus ira
Vindictæ stimulus, stimulusque insanus habendi,
Immites fecere animos, & barbara corda:
Et cultus valere omnes evertere divum.
Nonne satis fuerat hostilia mœnia nimbo
Fulmineo excutere, oblesamque aperire sub arcem
Ære tonante viam, vallumque excindere flammis?
Desuper ut diris etiam per inania missis
Pyrobolis, latè Stygium spargentibus imbrem,

Non

Non tantum insignes ipsis cum civibus ædes,
 Atque intacta ævo veterum monumenta parentum,
 Ex imo placuit convelli cardine, & atros
 Illicet in cineres, Vulcano ardente, resolvī:
 Verum etiam Superum templa intemerata Deorum
 (Horresco referens) scelerato absumier igne.
 Id non alterius tentasset barbara mundi
 Edere gens, quamvis pascatur lacte ferino:
 Quamquam exlex, nullumque colat sub sydere numen.
 Quin & Tartarei tam facta horrenda fuissent
 Haud equidem Manes ausi; licet acribus illi
 Ardeant odiis, rabieque agitentur, & ira.
 Barbara sed quamvis sint hæc, immania, dira,
 At toleranda tamen, si illorum parciore esset
 Usus, ubi adversæ urbes obsidione premuntur.
 Ut validæ dedant sese obsessoris arces,
 Sint non æqua licet, quæcumque adhibere juvabit,
 Quæ fortes valeant animos evincere: sed cum
 Obsidione urbes non iusta incingimus, illas
 Nec spes ulla nitet capiendi; evertere nimbo
 Desuper immisso Vulcani ardentis, & atro
 Effusa picis, urentisque bituminis imbre:
 Nempe hosti ut tantum noceas, ravidumque furorem
 Vindictæ satures, non barbara? dicite vos, o
 Quos rabies insana tenet: qui mollia quondam
 Pectora, degeneres, fecistis saxea, quique
 Ejurastis avum pietatem, & jura deorum.
 Fors erit, ut similes vindex natura creabit,
 Promeritos qui dura pati vos talia cogant.
 Non status est idem Fortunæ semper, & una
 Non semper facies rebus manet: itque, reditque
 Alternatque vices hominum variabile Fatum.
 Tum vos poeniteat, tam cruda exempla dedisse,
 Atque hæc perniciem in vestram scelerata nocendi
 Instrumenta Orbi primum monstrasse pigebit:
 Interea (solum mihi quod pro tempore restat)
 Et tempestate vobis, & særa procellis
 Æquora navifragis, imbresque, & fulmina, ventosque
 Imprecor adverses, adversaque sydera, & undas.
 Et quos perfugium jactatis gurgite vasto,
 Litore sub curvo posuit natura carinis,
 Vos tuti fugiant portus: & sola patefcent
 Saxa, quibus merite solvantur sanguine poenæ.

Ast insueta furor qui nunc per carmina Musas
 Abripuit, Diris ut se miscere profanis,

Barbarici ingenii ho-
 mines acriter vitupe-
 rat; qui tantum ut no-
 ceant diris utantur in-
 ventis.

Quibus dira omnia
 imprecatur.

Sint

Castigat Mosas, quod
se Dixit immiscuerint,
easque ad Pindum revo-
cat, ac micus ingenium.

Sint ausae, & purum tenebris obducere lumen?

Vertice non solito cursum de colle, Camenæ:

Vos placidæ sedes, vos Pindi mollior ora

Accipiat reduces ab iniquo vertice: nullis

Promereant quamvis, sint noxia munera vestra.

Et quoniam monitu Divorum, & numine Phœbi,

Bellipotentis avi durum percurritis æquor,

Mitia non quamquam, quæ mox tractanda sequuntur,

Attamen illa, deæ, præstat si tradere cantu,

Dicite, pacatis animis, nullaue calentes

Ira, quæ tantum mortales ingratat, & quæ

Virtutem potis, & magnum corrumpere honorem.

At vos, quos patriæ dextris bellacibus olim

Antiquum asserere imperium, & proferre per Orbem,

Destinat omnipotens Fortuna, & Juppiter æquus,

Parcius ista pii tormenta explodite in hostem:

Romanum minus illa decent nomenque, decusque,

Sed Phlegethontei tormentum Ditis, & usum

Difficilem, & forma jubeas qua fingier illud,

Accipe, AQUINADUM Dux præclarissime; quando

Hæc tibi Romuleus committet ahenæ Mavors

Tormenta, & rapidos volitantes aëre nimbos,

Horrida in obfessos qui secum incendia portant.

Et quoniam præcelsum animos munimine vallum

Subdit adhuc, & vana tenet fiducia Thraces

Subsidij, flammis ardentibus, & tonitru vi

Terrifica, mentes actutum frange superbas.

Ut sic victorem, clarumque è Thrace triumphum

Ducentem victo, accipiat te patria Siren:

Et merito exornet plausu, atque heroibus æquet.

Hæc sit forma: velut curto mortaria trunco,

Ærea confurgunt, fuso tormenta metallo;

Idcirco tali donantur nomine nostris.

Latius os pede conflatur non amplius uno.

Olli dimidium superaddat concava longo

Spyche ductu: incurvum erit ultima flexa per orbem

Pars, ubi latescat digitos tres ore caminus:

Sitque novem longus: postremo in tergo, flammæ

Qui focus accipiat, radio terebratur acuto.

Sex latus cardo, septemque extensus uterque:

Sit solida anterior binos, sitque altera ternos

Pars vasis. Currus sed quæ structura, docebo.

Impete missa volat quoniam pila, vique refringit

Sæpius instructus; idcirco ex abiete fiant

Annosa, & firma cœquant compagine partes;

Et ut illis inventis
parcius urantur, Roma-
nos moneat.

Ars consiliendi Mo-
taria traditur.

Et item currus, quibus
imponuntur.

Per-

Perge, nuce è summo quam vertice Sila ministrat;
 Sive ulmo potius (gratissima curribus ulmus)
 Fac geminum latus: extensumque recurat utrumque
 Quinque pedes, digitosque decem: pede largius uno:
 Crassities septem unciolis, non pluribus, ampla.
 Transversis quatuor mox connectantur & ambo
 Asseribus latera, & radiis firmentur acutis.
 Vestis & inferitur curru; versarier illo
 Ut faciliè evaleat, certoque explodier ictu.
 Desuper incurva, & clavo confixa tenaci
 Brachia tormenti constringat ferrea lamina.
 Quattuor & rotulis solido de robore factis,
 Instructus belli succedat currus ad usum.

Sed subit ignivomus magno clangore per auras
 Ære globus gravido torquendus, & omnia flammis
 Correpturus: agit latè quia murmura bombo
 Prævalido, cum scissus hiat, cognomine primi
 Artifices tali dixere: ast horrida cives,
 Attonitis qui primùm animis incendia passi,
 Tartareas phyalas; Cocytia vasa, nocente
 Fœta Styge, & summi nova vindicis arma Tonantis:
 Et Ditis furias appellavere volantes..

Quales ignivomo per proxima rura Vesèvo
 Ire solent, cùm vasta Gigas incendia ructans,
 Ingenti latè villas formidine replet.
 Ceu pila fusori curvandus flammifer orbis:
 Quamvis interdum formetur more cylindri,
 Aut etiam velut ova: cui pede sit minor uno
 Linea, quæ medium circi secat: ora metalli
 Ut facilis subeat, facilisque erumpat: & unum
 Sit digitum supra solidus: tribuatur & ipsi
 Quæ pariter mensura foco, quem ferrea circum
 Addita erit duplex hinc, illinc ansula: quales
 Nonnunquam æratis mos est imponier ollis.
 Crassities sit & æqua globi: nullisque labore
 Rimis: æqualem non inferet ille ruinam
 Si secus: è rimis nam flamma erumpit acuta.
 Præterea tubus è ligno, spissave papyro,
 Conus uti fiat, mittendus in ora tonantis
 (1) Pyroboli: digitoque basim strictissimus infra
 Quadret; & extremo pertusus culmine fiat:

Tom. I.

Cc

Va-

Traditur ars jaculan-
 di Bombo.

Et qui primum for-
 mantur arte Pyroboli.

Qua ratione fiat, tu-
 bus locandus in ore Py-
 roboli.

(1) Bombe, Italica à bombo, quem edunt, fortasse di-
 citur.

Vasis ut in gremium valeat transmittier ignis.
Namque tubus pingui completur pulvere, lento
Ut motu irrepat medium Vulcanus in orbem.

At quibus immixtis, certa ratione, creatur
Hic pulvis lentore tenax, en accipe: paucis
Expediam; teneris res est ingrata Camænis.

Qua pulvis, quo tu-
bus gravidandus, indu-
stria fiat, explicatur.

Attriti Libras, Onerator, pulveris octo
Accipies, nitroque duas, & sulphuris unam:
Camphora, quam trunci defudant montibus Indis,
Dimidium tibi det libræ, vinoque solutum:
(At bis guttatim vinum prius igne recoctum)
Tantundem pariter det lutea Chrysocollo.
Uncia & his ustæ silicis miscetur: & inde,
Trita ut permixtim, cribrentur: denique multo
Massa tibi lentore tenax reddetur, in illam
Si super infundas largè greveolens petreolum.
Sulphure sed pyrio superest mortaria tandem,
Flammiferisque onerare globis, & mittere in urbes.
Et primum, quoniam tormenti mole caminus
Longior est, rauci quàm nitri copia poscat,
Quæ sat pyrobolos per inane explodere (quando
Vel geminos poterunt, vel tres vibrare per auras
Ferreæ vasa) cavi ligno pars altera aheni
Est oplenda: sinu sed respondere metalli
Ut valeat, torno, fiat, radente, cylindrus.
Sic etiam majore ruet vi pulvis (& ipsa
Hinc est cur longo formetur corpore fornax)
Eminus atque pilas jaculatur, & impete magno.
Plurimus hic autem in promptu, Librator habendus:
Quique suum quando sibi postulat ictus: & omnes
Mole pares facito, & trunco torquentur eodem.
Si secus, incerto ferient mortaria pulsu.
Non eadem semper quia se vis objicit igni.

Quomodo Mortaria
orientur.

Sed tormenta modum, quo sint gravidanda, teneto,
Tres, geminasve cavo libras include canali
Pulveris integri, pastique in grana minuta:
Insuper & lignum vi subijce: totaque tergi
Quæ vacua exsuperat, pars est complenda subacta
Cespitem. Raucifonum sed jam trudendus in orbem
Est globus: ast illum sic tu prius arte parato.
Sulphureo totum repleto pulvere: & ori
Inde tubum stupa vestitum adnecte tenaci
Glutine: stetque focum digito super altior uno.
Granaque pertusus contingat flammea vertex.

Hac

Hac ut compositum tibi vas ratione, metallo
 Confestim in medio libratum impone: neque ullum
 In latus inclinet sese; circum ingere arenam,
 Cespitem & idcirco totum super intege: tantum
 Funiculo hausturus flammam tubus extet ab igneo.

Sed jam majus opus, nisu majore, movendum
 Subsequitur, certo nimirum vertere pulvis
 Urbem in præcinctam, & præcelsa palatia nimbis
 Horrifonum: & vastam tectis inferre ruinam.
 Quadrantem circi primum (qui Martis ad usum
 In promptu tibi semper erit, Librator) habeto.

E medioque globus filo dependeat æreus.
 Mox latus inferius rectè fac congruat ori
 Æris fulminei, quod tu convertere in ædes
 Obscillas meditaris, & igni absumere edaci.
 Tum recta è medio dependens linea plumbo,
 Cum latere adverso quot partes colligit, arcus
 Directionis erunt: totidem simul angulus, alta
 Quo Finitorem supra mortaria surgunt.

At quia dimidium cum plumbum interfecat arcum
 Tum tormentorum longissimus effugit ictus;
 Hic modus idcirco librandis pulsibus esto:
 Præfixam in metam mortaria dirige: sursum
 Tolle & tot partes, quot perumpenda videntur
 Poscere tecta tibi: posituque explode sub illo.
 Explosio brevior si sit, magis crige: longus
 Si nimium positus fuerit, demitte parumper.
 Sic quem quæris erit geminato verberare notus
 Angulus, æra scopum quem perfractura tenebunt.

At quadragenas si partes angulus ultra
 Iverit: & brevior rauci tamen ictus aheni;
 Tum quia difficile attolluntur in æra: pulvis
 Idcirco major tum ductu impostus in arcto
 Longinquum in spatium mittet jaculabile ferrum.
 Longior at jactus si sit, nec deprimere æra
 Inferius possis, tum nitro detrahe: pulsus
 Namque minore globus sic impete curret: & ipsas
 Culmine dejiciet surgentes cominus ædes.

Sed quid plura moror? librato protinus ære
 Ignivomo, fartoque pilis, & sulphure, flammam
 Tempus ut accipiat: cum recte accede corusca:
 Quam teneas utraque manu: mox impiger ipsi
 Dextra, ubi signa, pilæ, data sunt, ignemque sinistra
 Tormento admoveas: neque in secunda repente
 Fer loca pernici saltu. Verùm altera cepti

Qua arte, usu Qua.
 drantis Geometrici mor-
 taria ad certum scopum
 dirigenda.

Ut Tormentarius in
 mortarium, è pyrobolū,
 ignem injiciat.

Quid sit Pyloclastrum, Pars vatem vocat, & longè reboat (1) Pyloclastrum.
& illius usus exponitur.

Quo nulla est intercipiendis arcibus apta
Machina, quæque tuos felicior adjuvet ausus,
Illa etenim portæ franguntur, & invia septa,
Tutaque munitas via clâm referatur ad arces.
Nam tractanda dolo tibi machina: sæpius urbes
Quæ nobis validas sine sumptu, & cæde subegit,
Quare age, tormenti quæ sit nova forma parandi,
Accipe: Non una surgit ceu cantharus ansa
Armatum, pede non majus: crassumque novenis
Os circa radiis: totidemque in tergore densum,
Ostionis super os digitis, sed quinque patefcit
Fac tergus, tergumque intus faber arte caminet:
Et patulum in medio faciat de more foramen.
Quo tubus inferitur, flammam hausurus, agi rem
Tempus ubi, summique petunt mandata magistri.

His animadversis, quadretur mensula, lamina
Ferreâ quam totam circumtegat: inque tabella

Ars machinæ consi-
ciendæ traditur.

Incisus media circus formetur, aheni
Ora excepturus: sed quo sit pondere moles
Consicienda, simul quæ sint miscenda metalla:
Sexaginta super gravitabit machina libras.
Verùm ne superet, dux, octoginta, caveto.
Secius illa viris ferri, vertique duobus
Magna mole nequit, nec cœcæ accomoda fraudi est.
At quibus admixtis confletur massa, docere
Jam, Fusor: rubri bis senas accipe libras
Æris & his unam nitidi junges Oricalthi,
Semissem flammæ: formando aptissima fiet
Ex his materies tormento. Disce, minister,
Sed jam raucifono Pyloclastrum sulphure ad, astus
Tendendos onerare: labor nec plurimus: illum
Pulvere, qui reliquos inter præstantior, imple.
Gausapa dura nitrum super adde: os inque rotundum,
Atque æquum è ligno tegumen mox insere, summum,
Quod superest, glauca totum circumline cera,
Vel pice: cui nomen quondam fecere Pelasgi.
Tandem cerata totum circumtege tela.
Mensæque adnectes strictissimus; inde paratum
Ante tubum suppone foco: qui pulvere fartus
Vulcanum accipiat, jaciatque in viscera vasis,

Et onerandæ item mo-
dus.

Sed

(1) Sic Vati dictum, quod portas frangat, vulgò *Petardo* nuncupatur.

Sed flammam injicere, & clausas dirumpere portas,
 Septa vel arbuta, exploso diffringere ferro,
 Jam tempus: Fortuna vocat, Mars annuit ausis.

Si locus accessu facilis, Pyloclasta repandos
 Secum uncus, terebrasque ferat, quibus annulus inest
 Pro capulo: incurvo cui vas appenditur unco.
 Hinc ubi sub valvas ventum est, aut lignea claustra,
 Clam terebram subitus, radiumque infigat acutum:
 Ocyus & fixis Pyloclastrum appendeat illis,
 Cardinibus super, ut lignum super incubet æquè.
 Hæc ubi complevit, submittat fomite flammam.

Usus Pyloclastri tra-
 ditur, primum si locus
 accessu facilis.

At sit inaccessus locus ille, infringere portam
 Cujus amas, fossæque intersint, pensilis & pons:
 Et pontem cautus per noctem subtilit hostis.
 Tunc hasta, aut longo, Pyloclastes, utere trunco:
 Ferrea cui cuspis, quæ portæ affixa, tenebit
 Tormentumque, trabemque, ipsamque in vertice restim,
 Hasta citis imposta rotis, unaque feratur
 Machina, quæ trabis, aut hastæ in cervice locata,
 Ore petat gravido valvas, & congruat ollis.
 Postica pariter sit parte manubrium: & illo
 Hac, illacque ferat librator sedulus hastam:
 Utque infixæ loco, restim det protinus igit.

Secundò cum locus
 est inaccessus quia vide-
 licet aut fossæ, aut pen-
 silis pons intersunt.

Si trabs ista tuum minus apta videtur ad usum:
 Mobilis, & circum tibi pons versatilis esto.
 Vertice qui binis radiis armetur acutis:
 Quæis infringendis præfigat cardinibus se.
 Inter & hos ipsa Pyloclastrum in fronte locetur.
 Pontis in extrema geminæ, quibus ille feratur,
 Insint parte rotæ: lignis pariterque duobus,
 Quæ super instratus pons est, impone vigillum
 Erectum, geminumque: affer transversus & illis
 Hæreat adnexus: his machina circumfertur,
 In quoscumque velit Pyloclastes impiger, usus.
 Qui super incedens potis est accendere flammæ,
 Dejicere & pontes, portasque, urbemque tenere.
 At verò ut vigilēs mutorum fallat, in illos
 Clandestinus agat tormentum: & cuncta silendo,
 Cunctaque festinus peragat: mora parva nocebit.
 Rumor & exiguus res interrumpere, & ipsos,
 Quibus in authores structas convertere fraudes.
 Nam licet humanis in rebus grandia cœpta,
 Numina post Divum præsentia, sola secundant
 Dexteræ promptæ operi, cautæque industria mentis:
 Attamen in dubio Martis plus æquore possunt.

Quæ noctu, & multo
 silentio, ne fraus ab ex-
 cubitiis deprehendatur,
 est peragenda.

Maxima nonnunquam rerum molimina, totis
Viribus haud unquam forti speranda magistro,
Unius interdum consulta audacia, nullo
Sanguine, nec sumptu multo feliciter egit.

Non procul, egelidis Arabo quâ fluctibus altum
Danubium ingreditur, sedet (1) arx, cui nomina circum
Interfusus aquis dedit, & munimina rivus.
Mœnia confurgunt usu fabricata recenti,
Aggeribus solidis; & propugnacula acuta,
Quadrato è saxo sua per discrimina facta.
Ampla patet fossa, & via loricata per omnem
Circuitum nexu vallorum instructa tenaci:
Et prætenturis munita, & forcipe multa.

At quia non vallum, non urbes saxeus agger,
Plurima nec turris potis est cuneata tueri:

Non acres animi, non robora dura lacertorum,
Atra fames, quando (qua nulla potentior urbes
Vis inimica quatit) validos non ariete muros,
Non igni, aut ferro, non fulmine: sed fera molli
Languore, & macie pallescens irruit: & se,
Tardando licet, insinuat moribunda sub arces.
Fortia quæque domat, petit ardua: quæque recludit
Occlusa, & contra licet obstitentia frangit.
Omnipotens dea dira Fames! pugnante tyranno
Hac pro Threicio, & nequicquam obstante juventa
Austriadum, tandem Scythicis urbs dedita signis.

Tanta sed hæc Divus non est dispendia passus,
Cui sacri tutela loci: mora nulla silenti

Austriacum sub nocte ducem convenit: & illum
Talibus affatur: sic molles ducere somnos

Sub casu poteris tanto? jam barbarus arcem.

Victor habet: toti quæ propugnacula regno

Tuta dabat: qua spes capta nunc excidit omnis.

Nec miseros tantum præsens jactura flagellat

Pannonas, at vicina simul gemit Austria, & ipsa

Infrænis quamquam trepidat Germania casu.

Haud equidem hæc longum toleranda incommoda: tantum

Non Thrax ibit ovans: tanta securus in urbe

Non speret sedisse diu: mihi debita posco

Mœnia: quæque meæ jamdudum credita curæ.

Ergo, age, & Odrysiam depelle ex aggere pubem.

At sine Romano tibi cedat ut ille cruore,

Hac ignota tenus tormenta, usumque docebo:

Famis magna, qua
una municipiis accēs
facile capiuntur.

Divus sub cujus tute-
la sit est.

Duci dormienti visus,
ab eoq; ad recipiendam
arcem animatus, & ma-
chinæ qua facile capere
posset, consuevit ar-
tem docere.

Queis

(1) *Giennario.*

Queis facili valeas nunc fraude potirier arce.
 Hinc perrumpendis quæ sit nova machina portis,
 Qua fiat simul arte docet, quique usus in hostem:
 Et quibus insidiis, quo tempore, quaque ministri
 Cura: ut successu sic res operosa secundo
 Eveniat, palmam nec spes frustretur amicam.

Hæc postquam Deus effatus, somno excutit artus
 Magnanimi ducis: & subitus se reddidit astris;
 Insuetam linquens per opaca cubilia lucem.
 Ille ut de strato se corripit, undique circum
 Divinam fulgere facem prospectat, amicum
 Præsentit numen: nec vana ostensa deorum
 Visa sibi: memori quæ cuncta in mente tenebat.
 Ergo genu supplex sibi præsens numen adorat,
 Et meritas solvit grates: atque inclita divo
 Vota vovet; victi exuvias, atque arma tyranni.
 Mox solers, letusque operi se accingit agendo.
 Ut sibi sopito per noctem ostensa, ministros
 Arma parare jubet. Fit machina: fictor & ipse
 Præcipuus: simul ipse onerat nitroque, tuboque:
 Et jubet amissæ deduci ad mœnia turris.
 Ipse sed electas vicina in valle cohortes

Abdidit, opperiens, si quando machina portas,
 Ignea vi nitri, perfregerit: æquore ab alto
 Aurora in radiis confurgens lutca primis,
 Et latè nebulis aër obsessus opacis,
 Consulis egregiis ausis, fraudique favebant.
 Densa igitur testus nube, & ferrugine prima,
 Transmisit vallum Pyroclasta, dolosaque valvis
 Admovit tormenta. Vigil, qui forte propinqua
 In statione sedens, servabat mœnia, miles,
 Hoc astu capitur: simulatæ conscius artis
 Transfuga sub vallum succedit: & ore salutat
 Threicio Thracem, mentitus verba, habitumque,
 Et simul Ammericis fumantem frondibus offert
 Barbarico calamum pro more: libenter & ille,
 Excipit, ignarus fraudis: cæpitque rogare
 Multa super bello: sicque hi dum mutua miscent
 Colloquia, ipse foco Polyclastes admovet ignem.
 Nec mora, terribili tonitru convulsa per auras
 Porta volat: multumque fugax emensa viarum,
 Custodis stetit ante Dei, mirabile dictu!
 Olli sacra velut donaria debita templo.

Ductor, ut ingenti sonitu patefacta metallo
 Limina cognovit, vicina è valle citatis

Dux divo expectatus
 grates refert, & ad ma-
 chinam conficiendam
 accingitur.

Assu machina admo-
 vetur, vigilque fraude
 capitur.

Porta perfringitur.

Fer-

*Dux advolat, in urbem
irumpit, capitque,*

Pertur equis: turbo veluti, qui sæpe coortus
E sylvā venit, & subito tegit aëra nimbo.
Illicet irrumpunt diffracta per ostia: & urbem
Vi nulla extemplo capiunt, cedentibus ultrò
Fraude nova attonitis, contra nec agentibus arma
Thracibus. Incautos nonnumquam machina belli,
Non perspecta prius, exarmat, & occupat hostes.
Dux ubi Bistonidum spoliis, atque urbe potitus
Divi templa petit custodis: & illius aram
Promissis onerat donis, & vota resolvit.

Et divo grates refert.

Proque novo belli invento, proque arce recepta,
Innumeras flexo persolvit poplite grates.
Usque aded superi manifesto numine Divi
Fortunant pia bella. Labor sed protinus alter,
Et Vatem nova cura premit: proh quanta nocendi.
Ignibus orta seges! rabidi data quanta furori
Pabula! Ceu Proteus, si vera est fama, figuras
Vertitur in varias, astusque eludit inanes:
Non secus in formas versutus Mulciber igne
Sese mille: nova semper ratione, modoque
Vertit, agens, quodcumque venit, stragemq; ruinamque;
Et duros obitus, & non reparabile damnum.
Dum veluti fulmen, tormento erumpit atheno,
Evertit vallum, murosque evertit, & arces.
Ac, violentus uti torrens, qui flammeus undat:
Eruat quoties disruptis Ætna caminis:
Permixtimque virum, turmasque absumit equorum.
Subter humum conclusus, ubi succensus in auras
Plurimus emittit vi se, refugitque cunieto,
Evulsas imis è sedibus excutit urbes:
Cunctaque fert secum vi turbinis, & vorat atrox.
Insuper, alato cum persequat aëra cursu,
Vestis pyrobolis, & terrificis Carcaïis:
Et super horrendo cum grandine depluit arces,
Omnia proculcat, premit, involat omnia nimbo.
Flammivomo, & rupto vi distrahit omnia ferro.
Punica, præclaro gaudens cognomine, mutat,
Nunc se in mala: mali sed quantum nomine in illo est.
Illa, ubi se pandunt jam mitia, pulchra remittunt
Grana, quibus miseris nihil est jucundius ægris.
Mala sed hæc Stygio fundunt rubefacta colore
Grana, necesse quæ dura ferunt per vulnera mille.
Nunc Stygias se agit in pluvias liquidissimas, & nunc
In solidas guttes concreto grandinat imbre.
Perniciem & quantam sic bellatoribus affert!

*Varix Vulcani artes,
& ignæ machinæ re-
censentur.*

Sed

Sed quis cuncta queat complecti carmine damna,
 Quæ variam in formam mutatus procreat ignis?
 Quamvis lingua foret mihi ferrea, pectus ahenum,
 Et mens cruda, malis quæ non horresceret illis,
 Haud equidem possem cantando cuncta referre.
 Pauca tamen, nostris quæ jam bellantibus usu
 Esse solent, versu contendam. (1) Punica mala
 E ferro gravitante pilæ, gremioque cavatæ:
 Quis focus, inque foco fomes cum recte repositus.
 Concava sulphureo replentur pulvere: flammam
 Qui cum concipiet succenso è fomite, ferrum
 Illicet infringet centum in segmenta minuta:
 Ictibus & centum stragem pugnantibus infert.
 Illorum idcirco creber consiliis usus.

Nempè ut contineat se à vallibus longius hostis:
 Vel conferta suo pellatur ab aggere pubes:
 Fragminibusque, ferox cum muro insultat hianti
 Agglomerata manus, certatque irrumpere in arcem:

Sed qua nunc (2) bolides bellator torqueat arte,
 Quoque situ, ut jaciat creberque, & plurimus illas,
 Cum ruit in pugnam, dicamus: Rectus utrisque
 Cruribus insistens; convertat tergo ad hostem:
 Inque latus vertens mox se, Vulcania vibret
 Poma manu: posito persistens corporis isto,
 Memento, motuque globus vibrabitur uno.
 Ast hæc militibus sit cura impensior, ignem
 Concipiant ne mala prius, quam pulsa lacerto
 Confertos inter descendant illa maniplos.

At verò, ut densum possit jaculator in agmen
 Plurimus intorquere, sinistra pendeat olli
 Mantica plena pilis bellacibus. At tibi mentem
 Hostiles si forte furor succendere turres
 Acrior instimulat, quæ sint adhibenda, teneto;
 E terra primum facies vas fictile cocta,
 (Igniferas (3) ollas nostri dixere: Pelasgi
 Illa olim docti vocitassent ignea chytra)
 Insuper & bolidem, cui non sit fomes in ore.
 Accipiat quam chytra: nigro quæ pulvere tota
 Mox replenda, bolisque nitro simul ipsa tegatur.
 Pergamea post pelle operi, coriove tremendum
 Vas totum, & gemina religato recte; favillas

Tom. I.

D d

Ut

Quæ sint Punica ma-
 la, & quæ arte concipiantur.

Quis & jaculandi sit
 modus.

Qua industria ignife-
 ra ollæ parentur, ad in-
 cendendas arces.

(1) *Granate*. (2) A jaciendo Græco vocabulo dictæ, ea-
 dem mala. (3) *Pegnate di fuoco*.

Ut cito concipiat: simul ansa è restibus jisdem,
 Qua capiatur, erit, mediosque vibretur in hostes.
 Vibrata, ò Superi! quantos feret illa dolorts?
 Quam latè? & quantum confestim conciet ignem
 Luctificum miseris? Sed flammea protinus urna
 Mavortis sequitur: juvat ignibus usque tremendis
 Propulsare hostes; atque insultare feroces.
 E vitro phyalas, vel testea fumito vasa:

Item & phyalæ ignæ.

Et sagitta ignea ad de-
 regendos dolos sub no-
 ctis.

Inque illis vivæ tantum demittito calcis
 (Sit contrita velut pollen) sat tertia quantum
 Pars queat impleri: reliquum sal occupet ater:
 Contege & orbiculo, cartha, lignove parato;
 Plurimus & pyrio tegmen per colla revinci,
 Perque ansas fune accenso: flammantia ubi mox
 Vasa cadunt vibrata, crepant: & cominus ignem
 Accendunt restes: confestim plurima circum
 Flamma micat nebulas inter densissima: & ingens
 E calce accensa latè insicit aëra nidor:
 Et pubem nidore gravi, fumoque maligno,
 Et Stygio necat igne. Volans per opaca tremendum
 Flammissera è nervo stridet demissa (1) sagitta:
 Detestura dolos sub noctem lumine: quæque
 Sint opera, obsessor quæ circum mœnia ducit.
 Ova rotunda velut, non longè à cuspide teli
 E stupa circum glomus convolve: sed illud
 Sit priùs infusum cera, aut liquida Terebintho.
 Sulphureus quibus immixtus sit pulvis: in unum
 Utque coire queant, petrelæum infunde: nitratus
 Funis, & è stupa factus, nectatur eadem
 Hinc, atque inde; faces jaculo sub nocte daturus.
 Balistæque illum, aut robusta projice dextra.

Qui fasces igniferi ad
 aggeres incendendos.

Et cylinder, & qua ar-
 ce præparentur.

Insuper, igniferi fasces aptantur ad usum
 Bellorum, quoties testudo, aut vimina texta
 Aggeris incendenda: nova illos undique cera,
 Et pice perlinies, quam Sila, aut Gargara mittunt,
 Et quem pingues habet Colophone plurima, succo;
 Mox jace. Molliri sed jam stat cura cylindrum,
 Insultantem hostem qui poterat, inter hiatum
 Dum muri ruit, ingressumque affectat in arcem.
 Concavus è ligno, præcinctus & orbibus æreis,
 Fingitur, & nigro saturatur pulvere: & ingens
 Sive lapillorum, seu plumbi missilis intrò

Copia

(1) *Fand* dicta Italis.

Copia miscetur nitro. Sic hostibus ille
 Inferet horrendam geminato vulnere cladem.
 Proderit hamatis interdum armare sagittis,
 Quois miseros hostes transverberet; ignis ut illum
 Disjicit accensus: nonnunquam missilis olla
 Illius in gremio stipatur, quidquid & atri
 Nidore, & nebulis incendia suscitatur. O quæ
 Depluit in terras tempestas ignea cælo?
 An ruit in præceps deflexo è tramite curru
 Phæbus: & Heliades Phææontis iniqua sorores
 Rursus fata gemunt? fallor: sunt hæc quoque Martis
 Inventa, ut totas perdat cum civibus urbes.
 Igneo & imbre pluens, flammisque voracibus omnia
 Absumat: rabies est olivæ tanta nocendi.
 Noxius ardentes sed Mars, quois excitet, imbres,
 Discite, sæva placent quibus hæc incendia, gentes.
 Accensa subter pruna lentissimus olla
 In vitrea (de more prius quam perlino creta)
 Viginti quatuor, Stygius si plurimus imber
 Vis pluat in terras, tenuato sulphuris asles:
 Bisque octo adjicias nitri, dum solvitur atra
 Materia, attritus spargatur pulvis; in unum
 Illa ut conspirent: olla mox igne remota,
 Infundes asles integri pulveris octo.
 Hinc ubi materies concreta est frigore, frange
 In segmenta, nuci quæ sint æqualia: & illa
 Ignea stupa tegat circum glomerata: coruscus
 Desuper & pollen nitri conspergitur atri.
 His actis, ignita globus fragmenta cavatus
 E ligno accipiat: dein flammea grana camino
 Occludes, restimque foco, quæ suscitetur ignem.
 Cum vibrata tubis pila pendet in aëre, rupta
 Impete tum nitri, lethalis depluet imber:
 Qui Phlegætonæis latè obruat omnia flammis.

At si materiem, quæ ferrea vincula rumpat,
 Forte velis, miscere tuos fac ista ministros:
 Nimirum libras sex sulphuris, & salis octo,
 Fossilis & stibii geminas, pyritique quaternas
 Pulveris: inque unum coëant contrita, iubeto.
 Hinc gluten vulgare liqua, gummiq; Sabæi
 Quod mittunt, cerasusque, aut prunus plurima fudat.
 Glutine & infuso, vel gummi, confice massam:
 Totque illa efficit globulos, quot suppetit ipsa
 Materies compacta. Quis è, quis verberat aures
 Insolitus clamor? nova quæ tormenta tremendo

Imber igneus, qui
 & illius concitandi ars
 traditur.

Quomodo acrior ma-
 teria fiat ad dura quæque
 pertumpenda.

Inclamant bombo, ructantque incendia vasta
 Urbibus excidium miseris latura supremum?
 Audio (cuncta patent Vati, cum Phæbus Apollo
 Mentem agit, & sacræ veniunt ad plestra sorores)
 Alpibus extremis, Ligurumque è sinibus orti
 Terrifici reboant ictus, quæ tota remugit
 Ausonia, & pulsi colles, & litora plangunt.
 Regalem, augustam, portuque, & colle superbam:
 Atque palatinas tollentem ad sydera moles
 Urbem prospicio tetræ ardere favillis.
 Proh dolor! haud oculi spectare incendia tanta,
 Nec mens ferre potest illius flebile funus:

Genus incendium ab
 incendiaria Gallorum
 classe excitatum depin-
 gitur.

Ausonias inter quæ formosissima fulget
 Gemma velut: nostrique nitet maris alter ocellus.
 Proh superi! ignivomæ quæ dira incendia naves
 Eructant? quanti spatioso ex ære retorti
 Ingenti sub mole globi dant horrida cursu
 Sibila fulmineo, dum scindunt ætra, sursum
 Impulsi: & quantam dum per declivia flexi
 Mox recidunt, ædes supra, supraque deorum
 Templâ intacta sacris, & religione parentum,
 In segmenta creant rupti, stragemque, necemque
 Civibus, & quantam testis, murisque ruinam,
 Igne ferunt? latè circum ruit undique flamma:
 Et cuneus crebro prorumpens sydera lambit.
 Nil tutum, vacat igne nihil: tenet omnia serpens
 Vulcanus: nitidis nunc flammis tota relucet,
 Totaque fumifero tegitur nunc obruta nimbo.
 Non tantam unquam tempestatem Vesbius atram
 Subjectos latè in campos effudit: & ignem
 Non tantum fundo in cælum jaculatus ab imo est.
 Fervidus Oromedon cum nitro, & sulphure, tollit
 Impatiens caput, & circum quatit undique montem.
 Et cum horrenda vomit hæc ille incendia, nulla
 Ars contrâ tantis potis est obistere nimbis.
 Ignea vis artem superat, dextramque, animumque.
 Sic portentiferi Ligures novitate metalli
 Attoniti, & vasto oppressi torrente, quod olli
 Opponant: quæ tuta petant loca, quosve recessus,
 Ignorant: spes una fuga subducere tanto
 Excidio sese, montesque ascendere in altos.

In Authoris Yates in-
 vchitur,

At vos tanta truces quæ nunc infamia, gentes,
 Occupat? & Furiis, quæ tantum torquet Averni
 Mentem incredibilis rabies, præcepsque nocendi
 Ira, modum supra stimulis agitata malignis?

Non

Non vos pulchra movent divum delubra? superba
 Non ædes tantæ flectunt, & marmora signis
 Egrediis insculpta: tholique, & perlita multo
 Auroque, argentoque, æquata palatia cælo?
 Non & opes nitidæ, non picta aula Britannis?
 Non pietas hominum, matresque, & virgineus flos?
 Scilicet ut rabies saturetur, & ira nocendi
 Vindicte studio, pereant quæcumque, neque ulli
 Parcatur, permixta trahat cuncta una ruina.
 At agite, immites si tanta ferocia mentes
 Invasit, tantumque placent incendia, & ignes:
 Vertite flammivomas Afrorum ad litora puppes:
 Cæsar inque Albam, Tripolimque, urbemque Tuneti,
 Tot secura annis Mauri prædonis ayla,
 Fulminibus petite, & vastis incendite flammis.
 Verum magnanimum si tangit gloria pectus:
 Imperii si tantus amor, properate sub Ortum:
 Inque Scytham immanem tantum exercete furorem.
 Non hæc in populos, nexu quos una sacro
 Religio jungit, fas intentare: futura
 Nulla quibus vobis laus est. Si talia Mauri,
 Si Numidæ crudi facerent, si barbarus ora
 Threiciæ regnator: alit vel Caucasus horrens,
 Hircanæque suo quos tigres ubere lactant:
 Credo equidem (mites non toto è pectore sensus,
 Nec pietas animis tota excidit) illa fluentes
 Sponte sua vestro lacrymas ex ore cicerent.
 Inque Arabem cuncti immitem, immitemque tyrannum
 Auroræ, incensi stimulis iretis acutis.
 At nunc vos ipsi facitis cum talia, nullus
 Inficiet rubor ora? premet nec pectora sensus.

Sed quisnam inventi primus fabricator iniqui;
 Dicite? barbaricum quis morem induxit in oras
 Excultas populorum, & mitia pectora quondam
 In fera convertit, docuitque rigescere sensus?
 Quisquis enim fuit ille, hominum non sanguine cretus;
 Nec certè humano lac fuxit ab ubere: duris
 Aut illum Rhodope sub rupibus, aut fera vastis
 Africa desertis genuit, & sanguine pastus
 Tigridis Odrysiæ, vel lacte Libystridis ursæ.
 Illum Tartarei Manes docuere, carinas
 Igniferas solido fabricare e robore quercus:
 E quibus immenso mortaria fusa metallo,
 Mole globos vasta jacerent ad sydera; Galli
 Authores vocitant portentiferas Carcassas,

Esque horriatur, ut
 in Africanos prædones
 prius vertent, eosque,
 non Christianos petant.

Ingentis pyroboli for-
 ma, & fabrica traditur.

Magna quibus moles, sed forma est instar olivi,
 Quæ sint larga licet mortaria, non tamen illa
 Tota implent: sed magna super pars eminet ora.
 Copia fulminis quapropter pulveris ingens
 Occulitur gremio tormenti, & sæta tremendis
 Massa bituminibus: mox cum focus emicat, igne
 Accenso, volat ardentis pila vasta per auras,
 Turbine flammarum tam magno, & murmure tanto,
 Ut credas, vasto subter jaculante Typhæo,
 Inarimen ima volitare à sede revulsam:

Aut iterum mediis Vulcanum erumpere ab undis.
 Nec miseræ tantum Italiæ, Siculisque propinquis,
 Verum etiam toti minitari incendia mundo.

Ast ubi descendens sese disruperit, ædes
 Non unas tantum, aut turrim, mirabile dictu!
 Totam sola potest momento diruere urbem.

Sed quibus excidia, atque incendia tanta parentur
 Dicamus. Quod me rapuit furor efferus? & quod
 Hastenus innocuæ properant succedere Musæ?
 Hæc Manes Stygii tam cruda, & barbara tradant:
 Hunc & Avernalem festinent scandere callem
 Eumenides, quibus ingenium, & malefana nocendi
 Mens est. Parthenias tam dira piacula Musas
 Commisisse nefas: non hæc infamia nostros
 Inficiet versus: siquidem nescire juvabit
 Per me venturos tam sæva inventa nepotes:
 Degeneres quibus, & duri præcordia fiant.





BELLICORUM

LIBER OCTAVUS.

JAM quæ delectæ sit disciplina juventa,
 Qui mores animi, qui cultus corporis, & quæ
 Militiæ sint jura, quibus parere suecat,
 Cominus aggredior. Cæptorum hanc tu quoq; partem.

Aspice, CARDENIDE, duce te, Mavortia quando,
 Post humiles artes haurimus prælia, & altum
 Herois numeris Heliconæ, tubaque ciemus.

Nam tibi tot regum, quorum alto à sanguine utramque
 Clara per Hesperiam diffunditur & eribus, & gens
 CARDENIA, insignis titulis, & fasce superbo;

Egregiis palmis bellorum debita laurus.
 Et quoniam facilis vultu dignaris amico

Carmina, Partheniæ texunt quæcumque Camœnæ;

Gratia Parthenio pariter tua debita Vati.

Quare age, majori mecum nunc bella cothurno

Prosequere, & Martis campo bellare patenti.

Utque soles, animos mihi suffice. Quæ nova rerum

Offert se facies? atræ quæ signa cupressi

Aspicio? lætas quis tristat nuncius aures?

Ah miser! ah! teneo, quid deferat illa: recessus

Nempè in Sirenum, Boreæ torpentibus alis

Leucopetræ devescæ venit de litore, noster

Inter ubi patrios degebat CAROLUS hortos.

Hæu periit, nostræ decus immortale Camœnæ,

Magnus CARDENIDES! Parcis tantumne superbis

Concessum? tantum crudelia Fata tulerunt?

Immites Parcæ, non æqua & Fata: decori

Vates Mæcenatis sui
 factum deslet.

Non

Non ætas matura viri, non regia avorum
 Majestas, nivei mores, & amica benigni
 Vis animi, mens alta, omnesque exulta per artes,
 Evaluit sevis obfistere, quin data vitæ
 Protinus immani truncarent flamina dextra?
 Credo equidem, tantum nobis fortuna decorem
 Invidit: nec sæva diu tulit, auspice tanto,
 Per mare Parthenias, per terras ire Camœnas
 Securas palmæ, & plausus; vulgique favorem
 Instabilem, & variæ arbitrium contemnere fortis.
 Hei mihi! gnara mali mens hoc prævidit, ubi atra
 Tristitia immergi visa est: nec fallor, & ipsæ
 Præfensere suo divino numine Musæ,

Cujus jam præagus
 pueræ animus, & cæcæ
 fixæ sentiant Musæ.

Dum tristes nemus accelerant penetrare repostum:
 Nec consuetæ queunt revocari ad carmina: amœnas
 Spreverunt sedes agrorum, atque otia læta:
 Et molles sprevere undas, & rupis opacæ
 Gratam umbram, Zephyrique leves sprevere susurros.
 Quis lusus ageret? quisnam cantaret, Apollo
 Cùm nitidos fusca crines ferrugine mersit?
 Quid facient posthac sine te? quo præside tutæ
 Per sacros Pimplæ lucos, per & hospita Tempe
 Errabunt, hilares vel ducent otia? tantum
 Nunc flebunt tua fata: suis & cuncta replebunt
 Quæstibus umbrosi loca Pindi, & Phocidos arva:
 Litora & hæc blanda, & placidam Cholomelidos oram:
 Atque hæc singultus inter, gemitusque sonabunt:
 Ite procul calami, cytharæ procul ite loquaces,
 Atque tubæ, atque lyrae, nervique, & consona fila,
 Blandiloqui procul ite modi, procul ite sonoris
 Carmina cum numeris: unum, quod restat, agendum est;
 Scilicet in lacrymas, in sletus ire: querelis
 Et nemus, & colles pulsare, & litora; quando
 CARDENIDES Fato nobis ereptus acerbo est.
 Sed quid mæsta queror? si tu cælestia victor
 Regna tenes, divisque agitas felicibus ævum:
 Nec te sollicitis vexant mortalia curis.
 Quare age, si nostræ bellacia carmina Musæ
 Auspiciis cœpere tuis, da grandia cœpta:
 Da tua jussa (nihil nam te non auspice quondam;
 Tentatum) Vati tandem complere cothurno
 Mantoo, & merita crines incingere lauro.
 Tuque adeo, tanti qui nunc mihi Principis instar,
 Author AQUINAE, meditata in prælia læto
 Omine succedis, par mente, & viribus olli,

Par

Par magnis animis, heroea ad cœpta præito.

Non tibi cura minor, quam quæ fuit ante, adhibenda,

Delectam, Proconsul, erit formare juventam.

Et quæ militiæ lex sit servanda, monere.

Quam dociles figant animis, versentque tenaces.

Nam pubem res nulla magis confectibus aptam,

Terribilemque hosti reddit, certamque triumphis.

Integra militiæ quàm disciplina: secundos

Una hæc eventus rerum parit: una superbo

Hæc nitidas potis est palmas de Thrace referre.

Nam quid Majores (non extra exempla petenda)

Tot validas contra gentes, populosque feroces

Armavit? fortes totque in certamina fecit?

Quid tantas magna populorum laude relatas

Promernit palmas, quàm disciplina? severus

Quam Consul pubem docuit servare: neque unquam

Militis arbitrio permissa licentia castris.

Hæc par Gallorum numero, frænare superbas

Evaluit gentes: Pœnorum hæc una dolosus,

Queis tantum valere, astus evicit: & una illis

Hæc Germanorum se vastæ opponere, moli,

Bellaces animas & debellare: remotos

Trans magnum Oceanum velis audacibus ausa,

Quærere, Hyperboreo sepositos axe, Britannos:

Europæque simul, regnoque adjunxit: & una

Indomitos victrix toties submisit Iberos,

Continuitque jugo indociles, Numidasque feroces,

Fidentemque fugæ Parthum, Maurumque subegit,

Getulosque, Arabesque, atque effrænos Garamantas.

Lusit & hæc artes Græcorum, ipsamque phalangem

Hæstenus invictam, Macedum perripuit: & omnem

Terrarum, victis domuit cum gentibus, Orbem.

Ergo cum tanti sit disciplina, Latino

Et tantum imperio potuit prodesse parando;

Illius idcirco magnam tu suscipe curam.

Semper & ut vigeat, conabere; castra juvenis;

Seu teneat, seu carpat iter, Brumæ rigente

Hibernis sedeat, sive arcibus excubet altis,

Nunquam dissimules, indulgens, crimina: nunquam

Glossere permittas vitium: citus inque nocentes

Lege age, crimen ubi se prodidit, & patet auctor.

Sic pubes effræna licet, formidine pœne,

Atque metu rigidi Prætoris, jura severæ

Militiæ servabit, eritque ad iussa Magistrum

Prompta animis, & prompta manu, fuscæque subibit

Quanta in juventute
instruenda adhibenda sit
cura.

Disciplinæ utilitas Ma-
jorum exemplo confir-
matur.

Rigidus disciplinæ cu-
ras sit Prætor, nec un-
quam glossere vitium
permittat.

Impigra, nec sanctas ausit contemnere leges.

At deses contra si castigare juventam

Negligis, aut facilis veniam concedis; in omnes

Continuò serpit vitium: seseque remittit

Paulatim rigor: & fractis audacia castris,

Irrumpit tandem, regnatque licentia victrix.

At leges, & jura novæ tradenda juventæ,

Quæ leges militi dan-
dz.

Hæc sint: Religio cunctis Romana colatur,

Antiquo Patrum ritu: veneranda Supremi

Majestas Genitoris erit, Natique, duobus

Quæque ex his, Sacræ, spirat per mutua, Flammæ;

Numen idem, mens una tribus, tribus una voluntas,

Vis una Omnipotens; ævumque in secla perenne.

Religio sanctæ serve-
tur: Trinumque Numen
colant universi.

Dein veteri pariter Superi de more colantur

Quotquot summa tenent Divi fastigia Olympi.

Atque ipsa inprimis Virgo veneranda, Tonantem

Quæ cæli peperit, læcæque; & gaudia mundo.

Quin etiam, quæcumque dabit servanda Quirinus

Jura Pater, cuncti teneant: procul omnis abesto

Impius è castris miles: Pietate merendum est.

Nempe pios fausto sequitur Victoria vultu.

Illa etenim cælo mortalibus ab Jove summo

Laurigeris volat in terras subvecta quadrigis;

Illius insigni nobis demissa favore.

At favor hic illis conceditur, alma frequenti,

Qui prece conciliant, & cultu Numina: quique

Perjuria è castris ar-
cenda capitali pœna, &
strepia item.

Sancta sacro ritu, & legis præcepta facessunt.

Idcirco è castris perjuria cuncta, nefasque

Arceto, rigide, Consul, formidine pœna.

Si Divos igitur quis verbo incescit iniquo,

Neve aris astat, sacra vel solemnia spernit,

Ille tibi, læsa pro majestate Deorum,

Morte luat merita pœnas: plectatur eadem

Qui stupro infami castrorum numina Divum

Irritat, quo castra stupro temerata relinquunt.

Unius ob noxam nonnumquam, Numine læso,

Cæsus ab imbelli est ingens exercitus hoste.

Magistro obediã prom-
pti juvenes: nec jussu
causam perant.

His super, imperio miles parere Magistri

Condiscat: quæque ille dabit mandata, repente

Audaci arripiat nisu, nullamque requirat

Præcepti causam: rapidis licet ignibus illum

Objiciat, certæque neci: licet inde futura

Nulla salus genti videatur, lucraque nulla.

Causam expendite
Prætoris est, milicis verbò
parere.

Nam Prætoris erit jussu perpendere causam,

Militis actutum dicto parere: futurum

Cui

Cui decus egregium, mandata expleſſe jubentis.
 Utque jubenda ducis animo verſare ſagaci,
 Cuncta gerendarum & momenta expendere rerum,
 Sæpius ante decet: ſic, ſint quæcumque, juventam
 In data pugnaci niſu deſcendere juſſa.
 Et quod mente illi meditati, protinus ipſa
 Egregiis curet factis, dextraque valenti.
 Qui ducis imperio tenuet parere ſupremi,
 Cùm gravis in medio res eſt, luat ille ſecuri,
 Quisquis erit, tanto meritas pro crimine pœnas,
 Si ſecus, expungi ſatis eſt, trudive ſub umbras.

At non ſupremo tantùm parere Magiſtro
 Aſſueſcant prompti juvenes ad juſſa: ſed ipſos
 Addiſcant etiam faciles audire Tribunos.
 Et quæ Centurio, quæ dant præcepta Decani,
 Quæque Inſtructores, ſtudeant implere: neque unquam
 Mandata in medium revocet, quæcumque, juvenus:
 Illius quando conſtructa eſt dextera, non mens.
 Namque ſuo haud poterit fungi dux munere; miles
 Perpendens ubi juſſa animo, inquirensque futurum
 Utile ſi certum populo, non debita præſtat
 Impiger obſequia; idcirco curate ſeveri,
 In tranſverſa ferat ſua ne ſententia pubem.
 Parendo juvenum ſtat diſciplina; ſecundo
 Qua ſola eventu devincimus ardua bella.
 Re ſuper hac nobis præclara exempla dederunt
 Spartani, multa qui quamquam laude ſuperbi
 Bellorum, tamen una fuit, laus maxima gentis.
 Præſectis parere ſuis: hamilesque Magiſtri
 Imperium, quodcumque ollis juſſiſſet, obire.
 Hic quoque Perſarum fertur mos aureus: atque hoc
 Tantum gentis honos, regnique potentia crevit.
 Idcirco ſummis Chryſantum Cyrus ad aſtra
 Laudibus evexit, magnoque ornavit honore.
 Nam ſimul ac litui ſignum fecere, rubentem
 Hoſtili è jugulo revocavit fervidus enſem.
 Nempè Duci potiùs duxit parere jubenti,
 Quàm calidas ſaturare iras, palmarumque referre.

Non tamen unus erit miles cogendus, ut alti
 Conſulis accipiat mandata, & fortibus auſis
 Expleat extenſiò: ſed compellendus & ipſe
 Legatus, reliquique duces ad juſſa: ſeverus
 Dura licet dederit, licet ardua Conſul, obire
 Vos ea: militiæ ſic diſciplina fovetur:
 Egregii veniunt ſic victo ex hoſte triumphi.

Ec 2

Reliqui etiam Duci-
 bus cuncti parant.

Nam parendo ſtat di-
 ſciplina, & victoria.

Hac in laudantur Spar-
 tani, & Perſæ.

Non milites tantum,
 ſed reliqui etiam Reſto-
 res Imperio Conſulis pa-
 rere debent.

Nam

Nam vos miles ubi spectaverit ire volentes
In mandata Ducis, se non venisse pudebit.
Nec minus est patriæ damnum, cladesque futura,
Si miles renuat, quam si parere Tribunus.

Atque hic in medio lubet illud ponere, arena
Quod Martis varia non raro occurrit: utrimque
Æqua lance juvat strictim perpendere; summo
A duce nonnunquam positus discedere iussis,
Si fas legato: nova quando scilicet offert
Se rerum facies: ratio seu temporis urget
Altera mutati, præsensve occasio, vel Sors
Improvisa petit fieri contraria: tantam

An liceat interdum
legato à Consulis iussu
discedere, cum se nova
offert occasio.

Sit quamvis certo litem decernere multum:
Ingeniumque ducum varium: Mars mille repente
In vultus se convertit: ceu gurgite Proteus
Mutat in instabili momento mille figuras.
Attamen hæc vobis dederim præcepta, secutus
Observata ducum varia, & monumenta priorum:
Ingenio durus si sit, rigidusque Magister,
Ut precibus flecti nequeat: ceu Manlius olim,
Posthumiusque fuit; data iussa capessere præstat
Legatum, reliquosque duces: mutare neque ausint
Quidquam: neve finem iussis prævertere sensam.
Quamquam aliud, variata vices, Fortuna reposeat:
Inque sinu stet certa novo victoria casu.

Si rigidus ingenio
Consul, non expedit.

Namque mali dabitur, quod tum committitur, olli.
Verum laurigeris si se Victoria pennis
Inclinat tua signa super certissima: & una
Libertas patriæ ex illa, gentisque futura
Tota salus: faxis si fecius omnis in omne
Perdita res ævum, & gens libera turpe subibit
Servitium: Patriæ pro libertate decorum
Devovisse animam cum sit, populi que saluti
Consuluisse sua; si se res offerat, hostem
Irrue in adversum, & felicibus utere Fatis:
Jusserit ante tibi quamquam contraria Consul.
Nam rigidus licet ille neci te dedat, ob ausum
Egregium, gemina quo te donare corona
Debuerat: tamen æterna te laude sub astra

Nisi certa in manibus
Victoria.

Gens servata feret, meritosque indicet honores.
Mitis at ingenio si sit Proconsul: & aurem
Dat precibus facilem, & rationem flexilis audit;
Fac, Legate, tibi quod fors oblata repente,
Quodque novi casus, & res data postulat: æquus
Laudabit Prætor factum: quod talibus ipse

Auspiciis, rerumque statu fecisset in illo.
 Haud equidem casus omnes, atque omnia rerum,
 Concessum momenta prius vidisse Magistro:
 Præditus ingenio licet acri: atque acrior usu
 Factus, & in Martis multum sudarit arena.
 Perpetuū varium Mars, & Fortuna: sed illud
 Rectores tota semper vos mente cavete;
 Iudicii ne fors vestri sine more tenaces,
 In præceps vos vestra trahat sententia: casus
 Maturate prius, rigidaque expendite lance:
 Atque semel, rursusque animo versate sagaci.
 Mox consulta sequi cautè, lentèque jubebo.

Non hic præteream nostro te carmine, Consul,
 Non te, Prætor, erit seu dux quicumque, supremo
 Qui tibi pubi imperio præsit, belloque, monere:
 Legati nonnulla sinas, Equitumque Magistri
 Arbitrio peragenda: tibi prudentia multa,
 Multa sit & quorum varii experientia belli
 Explorata: petit ratio, petit alca Martis
 Sic semper varians, rerumque reciprocos ætus.
 Hinc tibi quidquid erit, quod mox evenerit, illud
 Omnia versanti Fortunæ Fata dederunt.
 Illa, velis, nolisve, tuis tenet ardua in armis
 Arbitrium: palmas quo det, quoque auferat uno.
 Ille & mortales inter stultissimus omnes,
 Fortunam qui posse suis conatibus audet,
 Vel retinere bonam, vel propulsare malignam.

Perge, tuus fuerit cum doctus talia, tiro,
 Quod sequitur, mensis discat frugalibus uti:
 Et tolerare famem, & nunquam mollescere luxu.
 Quin etiam sufferre sitim consuecat: & annem
 Nasadum potius, quam luminis hauriat undam
 Vitiogeni: quo sæpè ruit mens ebria præceps,
 Insanæ pecudi similis, similisque furenti.
 Largius idcirco non vini indulgeat haustu:
 Neve gulæ studeat miles, ventrique replendo.
 Ne nimium gravis, oppressusque à mole saginæ,
 Latior aut ventrem, & multa pinguedine obesus:
 Non armis, duris non sit consistibus aptus.
 Nullus enim bello est illius corporis usus,
 Cuncta cui abdomen sunt inter guttur, & inguen.

Præterea frangunt animos potusque, cibisque
 Immodici: fractum sic Pœnum accepimus, & sic
 Perfarum perit, Medūmque potentia: luxu
 Res Macedum cecidit: nobisque accessit, & illa

At si militis, & flexibili
 Prætor, variandum,
 prout variaverit fortu-
 na,

Quia etiam præstat, ut
 multa illorum arbitrio
 celsquantur.

Perfimoniam servant
 Milites, & vino modera-
 tē utantur.

Frangunt enim ani-
 mos crapula, & ebrietas.

Luxu Perit, Persa, ac
 Macedones periclit.

Et

Frugalitas verbò Romanis Imperium peperit.

Qua in virtute insignes prisci Latini fuerūt.

Lex igitur sancta esto ab immodico potu iuvenes abstincent.

Vinum Veneri nutrimenta præbet, quâ nulla maior exercitui lues,

Et totus Latio terrarum subditus Orbis,
Frugali virtute Patrum, partusque labore est.
Hac & servatum virtute, & humine Divum,
Romanum stetit Imperium, legesque subactis
Annorum per mille dedit: quod gentis Eoæ
Mox labi luxu paulatim cœpit: at illud
In priscum hac etiam virtute erexit honorem
Carolus; idcirco dictus cognomine Magnus.
Quare olim mos ille fuit maioribus; omnis
Militis ut nostri properantis in arma supellex
Hæc tria sola forent, scyphus unus, & olla, verumque
Unum, cœna quibus fieret parcissima: & illi
Cespitem fas tantum textis discumbere mensis.
Quin etiam galea rivos haurire fluentes,
Atque in procinctu stantes consumere quadras,
Assuevere duces ipsi, primique Tribuni,
Et trabea insignis Consul, lauroque decorus.
Quin immò primus Persarum regibus illa
Lex fuit, & populis sanctè servata; subactam
Ut saxo Cererem, subitoque ex igne calentem,
Nonnisi frugali sociarent cardama mensa.
Cardama quippe, ferunt, torporem expellere membris,
Et vires animi, & frigentia corda fovere.
In primis igitur Baccho indulgere juventus
Immodicè, abstineat iussu Prætoris: & illum
Nonnisi cum sitiunt, vel cum jam classica clamant;
Parcius epotent: nimirum cordibus ardor
Martius incaleat, crescantque in prælia vires.
Nam si vina modum superent, crateribus amplis
Hausta, gulæ studio, confestim fortia quæque
Pectora, bellacesque animos, viresque remittunt:
Quin & degeneres, mollesque epota per artus
Insinuant Venerem: qua nulla nocentior unquam
Invasit vel castra lues, vel sævior hostis.
Lac Veneris vinum est, quo nutrimenta libido,
Et molles capiunt ludi, luxusque, jocique
Et ludos inter rixæ, cœcique tumultus.
Quin & hebes mens inde venit, tardumque creatur
Ingenium: perduntque suum vinosâ vigorem
Pectora: nec trepidis sua constant robora membris.
Idcirco, qui mente, duces, certamina Martis
Consilio, & pubem regitis, vos ipse monebo
(Credite Phœbus agit Vatem) indulgere Lyæo
Solertes, juxta majorum exempla, cavete.
Cernite Fabricios, Deciosque, acresque Catones:
Quam

Quàm consulta fuit mens illis sobria? quantum
 Ingenio valere? cibo, potuque remoto,
 Quàm fortes acie in media, invictique fecerunt?
 Hic ego non validum Theuti genus, & genus acre
 Laudarim Lechi, cum tot convivia toto
 Concelebrant prolata die: centumque Lyæi
 Pocula Pannonici libant, totidemque Mosellæ.
 Qui Martem sequitur, laurique affectat honorem,
 Fonte sitim potu levet, & jejunia quadris:
 Atque assis tantum, ceu mos Heroibus olim,
 Viscere nudato tauri, caprive bicornis
 Vescantur: subitas & dent cava tympana mensas.
 Consilio sic semper erunt, armisque parati
 In casus, quoscumque vocet Fortuna. Sed alter
 Jam subit è forti pellendus milite morbus;
 Nimirum Veneris nunquam saturanda libido.
 Nulla quidem vobis hæc defendenda, Magistri,
 Est castris, pubique magis, quamquam fera, pestis.
 Quippè lues hæc una potens prædura virorum
 Pectora, magnanimas confestim & frangere mentes.
 Hæc etenim enervat vires, roburque decori
 Corporis, in tenerumque animos emollit amorem.
 Quin etiam Heroum fortissima facta, secundis
 Incepta auspiciis, & magnum perdere honorem
 Sortis, & insigni partos virtute triumphos,
 Atque immortales posis est corrumpere lauros,
 Namque imbelles licet, tenerumque & molles, voluptas:
 Ardua, dura, tamen castrorum septa, profundumque
 Exsuperat vallum: & victrix regina sine armis,
 In castris, victisque viris dominatur: in ipsa
 Mœnia quin etiam, validis instructa metallis,
 Ac solidis circum aggeribus præcincta, subintrat
 Illecebris subnixa suis: his illa superbos
 Arietat in muros: cuneata his dejicit armis
 Propugnacla, feroxque altas pervadit in arces.
 Quin imò malefana Venus, virosa voluptas,
 Ingenerat pallorem animis, atrumque timorem:
 Qui sæpè armatas cogunt dare terga phalanges,
 Atque ignominias, & turpia funera portant.

Nec te decipiant Vatum commenta, vetustos
 Heroas qui sæpè canunt, Martemque ferocem
 Illecebris multasse animum: Venerique, suoque
 Interdum curis bellorum, armisque repositis,
 Ingenio indulisse: ipsumque per ardua qui tot
 Alcidem, fera monstra manu victrice cecidit:

Elcired minime lau-
 dandi Theutones, ac Po-
 loni.

Libido è castris omni-
 no abigenda.

Neque te capiant de
 heroibus Poëtarum fa-
 bulæ, quando illi eam
 fortes, Venere capiti pe-
 rierunt.

Qui-

Quique simul tantos magna virtute labores
Perplexus vario terrarum cardine, duros
Complexu nonnunquam animos laxasse: sinuque
Dejanita, tuo clavam posuisse tremendam:

Qua quondam victor Lernæam fregerat Hydram:
Et qua custodem Hesperidum, monstremque Erimanthi
Straverat insigni palma: parilique triumpho
Vicerat Antæum cum: Naupactæo Acheloo.
Nam sint vera licet; tamen hinc cognoscere fas est,
Bellaci quantum virtuti noxia mollis

Sit Venus, & quanto vires languore remittant
Fœminæ illecebræ, tenerique Cupidinis arcus:

Et quàm sæpè acri demessam pollice laurum,
Atque unâ insignes deturpavere triumphos.

Aspice comprehensum Vulcani rete Gradivum,
Ludibrio patuisse Deum; multaque furentem

Alcidem rabie media flagrasse sub Oeta:

Mollibus atque dolis captum cecidisse superbum

Peliden; clarosque alios Heroas in armis,

Martia quos virtus, quos Sors exexerat alta

Altra super, Divisque pares effecerat ipsis,

Fraudibus Idaliis periisse: & amoribus alium

Amisisse decus, concessaque munera Sorte.

Scorta igitur, Consul, tenerosque arcere cynædos,

Et quidquid turpes natum est accendere flammæ,

Viribus & cunctis, & lata enitere lege.

Qui miles contra sectatur turpia, signis

Turpiter expunctus, spoliisque exutus abito.

Tuque vel in primis animos servare pudicos,

Proconsul, conare: tuo sic cætera turba

Exemplo, facilis virtutis ad ardua durum

Corripiet, salebrosa licet sit semita, cursum:

Si faxis secus ipse, ruens per lubrica; frustra

Difficilem à molli virtutem milite posces.

Quam tu lege probas lata, pœnisque severus

Exigis, exemplo verùm mollissimus illam

Deteriore simul damnas, legemque refugis.

Aspice, Scipiares, quanta virtute refulsit:

Nec tantùm Hesperidum spoliis, palmisque superbus,

Quàm quod continuit captiva à virgine vultus.

Virgine, qua cunctas formosior inter Iberas

Nulla fuit, placido nec gratior ore puellas.

Quæ sola ingentes poterat succendere flammæ:

Et tenerum in sensum fortissima flectere corda.

Disce, pudicitiam sequitur comes altera, tiro

Qua

Molles expungendi,
omnique exuti honore
dimittendi.

Ipse vel in primis pu-
dicitiam servet Consul

Qua tibi formandus, demissa modestia: linguam
 Quæ primum, & vitæ cultum, moresque gubernat.
 Idcirco, Prætor, his legibus instrue pubem:
 Elati ut fastus, jactantiaque absit ab illa.
 Nam velut hæc tumidos animos pugnam ante ministrant,
 Sic timidos ipso mox in certamine reddunt.
 Non verbo audaci, sed facto Martis alumni
 Egregii, æque manu veniunt, non ore triumph.
 Quin etiam caveant convicia spargere; rixæ
 Accendi quibus, & diri fœvere tumultus.
 Plus audire viro forti, quàm dicere præstat.
 Promptus & ad dextræ, non ad certamina linguæ
 Sit miles: bello veniet sic utilis, & sic
 Victrici poterit redimiri tempora fronde.
 Pax, amor, & focias foveat concordia gentes:
 Inque hostes vertant ipsos convicia, & iras.

Modestiam colant ju-
 venci, & linguæ tempe-
 rent.

At verò in primis Patrum capitale cavendum
 Consulto, ne quis juvenum nimis effertus unquam
 In summos probrosa duces convicia jectet:
 Neve joco carpat scurrili, neve cachinno.
 Namque hinc seditio nonnumquam exorta, necesseque
 Illatæ, & totis immissa licentia castris.
 Idcirco ut pestem evellas radicibus omnem,
 Supplicio plecti jubeas, quicumque supremos
 Cerpere Rectores verbo temerarius ausit,
 Quo turbæ exciri poterunt; sic tuta manebit
 Majestas sacrata Ducis, sic vivida castris
 Disciplina. Duces pueri, ceu sacra colunto
 Numina: post divos illis honor alter habendus.

Capitali prena animad-
 vertendum in eos, qui
 in duces probra, convi-
 ciaque jaciunt.

Non tamen argutos ausim damnare severa
 Lege sales, lepidosque jocos: quæis fallere pubes
 Otia longa queat, bellicque levare labores.
 Spartanos olim sic, permittente Lycurgo,
 Consuevisse ferunt: quos omnis Græcia, & omnis
 Antiquo in Latio pubes Romana secuta est.
 Quin etiam ingenium, & doctæ facundia linguæ
 Accrescit, dum ex ore sales sparguntur acuti,
 Reddunturque vices dictorum, & mente feraci
 Jacta retorquentur dicta. Qui fera Martis
 Vexilla, & Sortis variantia fata sequuntur,
 Sint acres opus ingenio, & sermone potentes.
 At sine dente sales, & nulli noxia verba,
 Sint & amena viris dicta misla: lepore
 Defessos relevent animos; non bile maligna
 Exercent, iris nec nutrimenta ministrent.

Non tamen argui sa-
 les damnandi, Spartano-
 rum exemplo.

Quin & triumphos
Ipsid ornare salibus
mos Romanorum fuit.

Quin & Romanis olim mos ille, triumphos

Ornare argutis salibus: verbisque jocosis
Victores sociare duces: qui fronte serena
Pacatisque animis mordacia dicta ferebant.
Sæpè duces etiam turbati militis iram
Placarunt verbo lepido: magnosque tumultus
Sedavere animo præsentī, atque ore faceto.

Hinc & digressus, pubi qui cultus habendus

Qui corporis sit cul-
tus.

Corporis, & quali deceat se incingere amictu,
Expeditam. Veteres ibant in prælia tonsi:
Sed felis de more, pilis hinc, inde retortis,
Labra super, barbam, caussa terroris, alebant.
Nonnulli, velut Æthiopes, durique Agathyrsi,

Varii vasiarum gen-
tium.

Et qui Sarmatiæ coluere extrema Geloni,
Corpora pingebant gypso, minioque rubenti.
Verum cœruleo quondam sua membra colore
Tingebant glasto: summaque in pelle figuras
Barbarico horribiles sculpebant more Britanni.

Horridi apud Barbaros.

Ut nunc Ammericæ faciunt gens barbara, & Indi,
Ditia qui gemmis habitant tua litora, Ganges:
Quique colunt sparsas Eoa per æquora terras.
Gestabant nigros alii in certamina vultus:
Tartarei veluti Manes: nempe hostibus ipse
Terribilis foret aspectus: fractosque pavore
Hicet opprimerent armis victricibus. Afri
Idcirco pariter depicta pelle colubri

Induti, in pugnam, & magno clamore, ruebant:
At fulvis galeam exuviis fecisse liquorum,
Volsosque, Rutulosque ferunt, Marfosque vetustos:
Horrida sed Scythiæ gens cultu, & barbara ritu,
Hostili ornabat sese cute: quadrupedumque,
Ceu phaleris, illa collumque, armosque tegebat.
Et quamquam Epirotæ equites, & sæva juvenus,
Illyrici qui regna tenent, & signa sequuntur
Othomanum, Hircanos gestent pro casside rictus,
Et sese Libyci præcingant pelle Leonis:

Sic honestus Roma-
nis, & ab externo abstin-
neant.

Attamen haud nostro tales è milite cultus
Exposcam: immanes habeat gens barbara mores,
Humanos Romana colat: nam protinus ille
E visu illatus vanescit terror: & hostis
Contemptus sequitur, viresque in prælia crescunt:
Non igitur tonsus, sed quem natura capillum
Cuique dedit, gestare grave, & depectere nulli,
Ast altam nutrire comam, atque aspergere nimbo
Pulveris Idalii, caveat quicumque Gradivi

Castra tenet, palmamque cupit cum laude referre.
 Sed neque barbarico luxu, cultuque profano
 Ascitam capiti externo de vertice pompam
 Admoveat, niteatve suo non crine juventus.
 Hic animos sensim emollit, Venerique ministrat
 Cultus opem, validis & viribus officit; acris
 Quo virtus paulatim, ardorque ad bella tepefcat.
 Sit rigidus cultu bellator, ut acer in armis.
 Idcirco Patres veteri de more, senatus
 Consulto caveant, ne plebs ventura Quiritum
 Æmula barbaricos luxus, cultusque sequatur.
 Romanum quippe est alii imponere morem,
 Non verò accipere: & populis dat jura: neque unquam
 Roma petit: faxit qui fecius, ille parentum
 Degenerat ritu, & soboles aliena putanda est.

Atque hinc insignes vestes, auroque nitentes,
 Et tunicas jubeo manicatas, more vetusto
 Perfarum, è castris removeri: quæque virile
 Nil referunt: potiusque animis muliebribus aptæ.
 Indumenta, sagum, tunicæque è vellere textæ,
 Sint publi concessa: quibus non textilis ulla
 Vistæ, nec ex imo dependens fimbria limbo.
 E panno fiant femoralia: longaque crurum
 Tegmina gossypio, vel lino intexta retorto.
 Quod si pelliceis sagulis vestire juventam,
 Et thorace levi corio, & feminalibus; iustus
 Hostiles contra placeat, non ipse teneri
 Hunc morem renuo: poterunt sic frigora ferre,
 Atque æstus tolerare: simulque è more parentum
 Pelliceis contra caligis, imbresque, lutumque,
 Atque nives munire. Sed intingenda colore,
 Quo vestis, sequitur: morem, Romane, Lycurgi
 Scētatus, sac puniceo fucetur: ut olim
 Ipsi etiam fuisse Libys, priscique Latini:
 Quævis vestis rufata fuit pugnantibus usu.
 Nam color hic fufum valet occultare cruorem:
 Atque virum color est: animosque ad vulnera reddit
 Assuetos tinctura: sagum, tunicamque colore,
 Qui cineri similes, nonnulli intingere malunt.
 Namque insecta tegit, maculasque, imitatus: abundat
 Plurima quævis passim in castris ignava juventus,
 Threicii pullas, niveas, mirabile dictu!
 Æthiopes; varias Samnites, & simul aurcas:
 Virgatas verò Galli fecisse feruntur.

His super, incincta, & caligata ad munia semper

Qualis concedendus
 publi vestitus.

Qui sit vestium color,
 & quàm fuerit varius,

Sit pubes: sit munda habitu, semperque nitescat.
Cui contra immunda tunica, laceraeque dehiscant,
Plectit: fordescunt animi, cum sordida vestis.

Qualis summorum
Ducum habitus,

Sed nunc qui Ducibus, summo qui Consule dignus
Sit cultus, Vati dicendum: pulsibus æra

Jam me rauca vocant: jam pectus & ægide Pallas
Munit. Auratis tunicis vestirier illos,
Textilibusque sagis, gemmaque nitente coruscis,
Ductile & argento, & multo fulgentibus auro:
Incingique simul fulvo velamine Serum:
Et clamyde exornari humeros, quam læta Tarenti

Purpureo tinxere suo conchyliis succo,
Sive suo imbutam misit Sidonius ostro,
Haud equidem abnuerim: supremos quippè Magistros
Ornatus decet ille: Ducumque excelsa decoro

Majestas cultu sese commendat: & illo
Conciliat vulgi obsequium, meritos & honores.
Nempè ipsum, teneo, fama, factisque per omnes

Terrarum fines, perque omnia secula notum,
Sic regem in medios solitum procedere campos,
Inque suas hostem Pelæum urgere Phalanges.

Alexandri, qui & quam
decorus habitus fuisse,
describitur.

Bucephalo sublimis (erit pulcherrimus omnes,
Rex velut, inter equos, pugnax, generosus, & acer)

Fræna cui, & phaleræ gemmis, auroque nitebant:
Plurima & ex auro, argentoque, & vellere texta,
Tænia Seriadum latis pendeat ab armis.

Et cui acu Phrygia variatum, & nobile gemmis,

Impositum lato dorso fulgebat ephippium,

Aurea quo pendens radiabat stapes utrimque,
Encausto picta, & nitidis distincta lapillis.

Ipsæ renidenti galeæ, cui plumæ, ingens

Conus erat, tunicisque nitens squalentibus auro:

Et multo thoraca gerens adamante coruscum:

Totus & in gemmis præfulgens, totus in ostro,

Ibat in adversas acies, pugnamque ferebat.

Ipsæ & Romano magnus de sanguine Consul,

Robora qui primus Ponti, regemque superbum,

Dux idem primùm, & miles superavit: & egit

Egregium ex illo, Roma plaudente, triumphum;

Lucullus, veste aurata, & fulgentibus armis,

Ceu nitidum flamma fulmen, tendebat in hostem:

Quæ quamquam nostris laudari verbis, ipse

Vulgarem tamen ornatum Prætoris amabo.

Sit simplex thorax, nullis & penula gemmis

Præfulgens: medius quam nec transmissus ocellos

Vulgatis tamen lau-
dandus, conciliat enim
vulgi animos.

Ex auro globus adjungat, sed Serica tantum
Tænia connectat nodo: sic simplice cultu
Conciliare animos poterit, plebisque favorem.
Nunquam majori dux majestate refulget,
Quam cum demittit sese, similemque videri
Affectat reliquis, & fastus odit inanes.
Ceu Sol è mediis cum nubibus emicat, & cum
E pluvia emergit victor, crassoque vapore.
Atque hinc non auro, argentoque nitentia tela,
Ditæ nec multis laudarim cingula gemmis.
Sit ferrum, ferrique acies mucrone corusca.
Sint hæstæ solidæ, longæque, & cuspis acuta.
Sint calybe efficta è nitido, sintque ære polito,
Fistulaque, scoplique, & glandiferæ catapultæ.
Sit valida & nitri vis ignea: nobilis hoste
His etenim victo victoria contigit: illa
Cuncta sed hostili servantur præda furori.
Præcipies igitur, meliora secutus, ut enses
Sint semper nitidi, & tenuati cuspide acuta,
Fulmineæque vacent nigra rubigine cannæ.
Sit siccus pulvis, sit fomes & aridus, illo
Admoto, ut subitus, cum res petit, emicet ignis.
At verò ut tetra purgent rubigine scoplos,
Illinant oleæ assidue, smyrioque lapillo
Sæpè fricent: sic illa novo fulgore corusca
Semper erunt; Martisque feris aptissima pugnis.
Magna sed insequitur jam lex dicenda juventæ,
Scilicet ut furto abstineat, turpique rapina.
Et quamvis, ut fama refert, mandante Lycurgo,
Sparta suis quondam permisit furta; feroci
Prima rudimenta ut pubi, & tentamina belli
Prima forent, stimuli que acres ad maxima rerum.
Nam fures noctu vigilant, & frigora, & imbres
Est opus assidue durent; æstusque nocentes
Sole ferant medio, & multo sudore madescant.
Nunc cauti insidias ponant, atque invia lustrent:
Explorentque viarum aditus, saltusque fugaci
Transmittant cursu, & nudo pede flumina tranent:
Atque fami, & duro consuecant membra labori.
Sic & per similes casus, similemque per artem,
Paulatim docti veniunt ad munera belli.
Theutones hunc etiam morem, Francique secuti,
Equè impacati venientes tergo iberi.
Quem tamen haud equidem præsci tenere Latini:
Invisam nec, Romæ, tuam decet ille juventam,

Arma sunt nitida, &
polita.

Furto abstineant ju-
venes: cû Spartani per-
miserunt, aliiq; gentes

Fleſcendi qui aliquid
ex ſociorum agro ſub-
ripuerint.

Abſtinendum tamen à
rigidis pœnis, per mitia,
& blanda facilius cura-
tur.

Hoſiles tamen agros
prædæ permiſſum ſed
quibus à Prætoris juſſum
eſt.

Neve Patrum mores: quorum virtute paratum,
Tot ſtetit imperium ſeculis, ſtabitque per ævum.
Jure igitur ſcripto, Proconſul, præcipe, ne quis
Seu clam, ſive palam quidquam furetur ab agro,
Urbe vel è ſocia: nullique injurius unquam
Vim propter furtum violentis inferat armis.
Quisquis erit, qui juſ contra temerarius auſit,
Pleſtatur pœna, ſed qua? dicamus: ab agro
Si ſocio leve ſubripuit, citò reddere raptum,
Aut par præcipies: virgiſque è more vetuſto
Vapulet ab liſtore tot iſtibus, ipſa repoſcit
Quot furti moles: verùm ſi plurima rapta
Res fuerit, ſociiſque illata injuria, pœna
Pleſte gravi, rigidus nonnunquam Conſul, ab horto
Sublegit quia miles olus, vel vite racemum
Decerpiſt, dextram præcidi juſſit; ut omnes
Tam rigido moniti documento furta caverent.
Et licet interdum expediant exempla ſevera;
Ut lapſi mores, & multa licentia caſtris,
Ex vitio, vel deſidia Prætoris oborta,
Protinus expellatur: obelt mora rebus in iſtis.
Inque dies ſenſim creſcit gravis alea, tandem
Non ordo poterit, non diſciplina teneri.
Non crudum tamen ingenium, non ferrea jura
Laudarim ſemper: ſenſus Natura benignos
Eſt homini largita: virorum & pectora ſteſcent
Blanditiæ potiùs, quam dura, & triſtia juſſa.
Plus, Conſul, leni verbo, quàm ſaciſbus ipſis
Extorquere potes: tamen eſt tibi ſemper habenda
Temporis oblati ratio, iugenique virorum.
Quandoquidem nunc verba malum blandiſſima poſſunt
Propulſare: gravi nunc pœna, & ſaciſbus uti
Expedi: hunc blandi monitus Prætoris, at illum
Terrorificæ cohibere minæ, liſtorque valebunt.
Idcirco facies medica ceu nobilis arte
Olim Amythaonius ferrur feciſſe Melampus.
Caustiſta nunc adhibet, durumque ad vulnera ferrum;
Morbus ubi validus furit, immiſſumque venenum
Peſtiferum latè in venas, viſque eſſera ſervet.
Nunc contracta lues fuerit cum mitior, illam
Blanda per unguenta, & per mollia baſſama curat.
At non hoſiles latè prædaries agros,
Atque armenta rapi ſimul, & frumenta vetabo.
Attamen illi abeant prædatura rura, ſupremo
Ab Duce qui leſti: nimirum ut caſtra paratu

An-

Annonæ omnigeno, & proventu vitis abundant.
 At gravis hostiles preßet penuria campos,
 Plurimus & gentes timor occupet: omnia crebris
 Dum fata frænigeræ vastant excursibus alæ.
 Nam non ingenio prædæ, vel amore rapinæ,
 Sanguinis aut sitiens; prorumpat miles, & igni,
 Atque ferox ferro corrumpat cuncta: nefandum
 Ut prædas abigas, & vastes omnia flammis,
 Bella movere: Scythæ veluti, gens cætera, Ponti
 Quæ deserta tenet, Tanaimque epotat aquosum.
 Idcirco injussus si quis perripit in agrum
 Hostilem, furti damnatum crimine pleste.
 Et licet interdum prædæ insaturata libido
 Audentem faciat quæcumque pericula pubem:
 At virtutis amor, meritæque in sæcula laudis,
 Unus sit nostræ stimulus, dos una juventæ
 Nam fortes facit hic animos, & pectus ahenum.
 At qui dives erit gemmarum, & fulserit auro,
 Possessas ne perdat opes, non ibit in hostem
 Promptus, habens animum superare pericula certum.
 Verùm Martis ubi, gravis ingruit alca, retro
 Vertet terga: timens auro citò subtrahet & se.
 Dis uti, qui Divùm quoniam ditissimus, omnes
 Sic etiam divos inter timidissimus ille est.
 At quem pauperies, & dura in rebus egestas
 Armât, & in pugnam nihil est, quod tardet euntem,
 Ille audax, animosus init certamen, & ille,
 Securus referet prostrato ex hoste triumphum
 Non magis egregii factis, palmisque superbi,
 Nec fortes magis, invictique fuere Quirites,
 Quàm cum pauperie miscabant prælia tuti.
 Nec plus Roma potens visa est, Orbique timenda,
 Quàm cum non auro, sed ferro armata refulsit.

Has ubi iam tiro leges edoctus, in illam
 Intendat virtutem animos, mentemque colendam,
 Maxima quæ virtus, socialis & unica vitæ.
 Hæc & amicitia est, qua non præstantius ullum,
 Utile neve magis, Dii concesserè benigni,
 Dona licet nobis largiti plurima: solum
 Vincit amicitia munus, quæcumque dederunt.
 Quandoquidem hoc uno munimine tota beatæ
 Fulcitur vitæ ratio, ceu cardine nixa.
 Nam quisquis cupit in terris, ubi mille pericla,
 Ærumnæ, & morbi mille, & variabile Fatum,
 Tranquillam facili cursu tradutere vitam,

Ita eos animadverten-
 dum, qui injussu Ducis
 prædatum invecti,

Roma ferro, non auro,
 fortis, ac potens fuit.

Perquam utilis amici-
 tia, & ab amico quot fieri
 vitæ commoda.

Ille

Ille sibi fidum, comenique exquirat amicum:
 Aurei cui mores, cui mens sit candida, mite
 Ingenium, prudens animus, præcordia nullo
 Nectere nata dolos, nullique obnoxia fraudi:
 Et sit temperie similis, genioque, animoque,
 Conditione simul vitæ, sit moribus jisdem.
 Sic sanctum ambobus semper, firmumque manebit.
 Fædus: erit semper sic & mens una duobus.
 Ille tibi vitæ custos erit: ille futurus,
 Si doleas, curas qui consoletur amaras:
 Si plores, vultu lacrymas qui tergeat: & qui
 Subleuet, oppressus multo si fasce labores.
 Quique tibi in dubio versanti, protinus acris
 Consilio occurrat, brevibusque educat iniquis.
 Cumque gravis duro superimminet alea ab hoste,
 Illicet auxilium qui deferat, atque periculi
 In partem veniat: redeas si victor arena,
 Qui tibi gratetur palmam, æxornetque triumphum,
 Lætitiâ & læto cumulet: ô si mihi talem
 Quis bonus è cælo demittat divus, amicum.
 Hæc igitur cùm sic habeant, vitare summa
 Omnem, dux, operam, simul omnem impendere curam,
 Ut sancta in mediis vigeat concordia castris.
 Sit socialis amor, sit pubes mutua inter
 Nexus amicitia, quo latis agmina campis
 Pulchrius effulgent instructa, hostique tremenda.
 Hoc & tuta magis munimine castra, profundo
 Quàm circum vallo præcincta, atque aggerè longo;
 Hoc arces nexu, sunt hoc firmissima vinclo
 Mœnia, prævalido quavis de marmore surgant,
 Et prætenturis munita, & milite multo.
 Hoc est ipsa simul pubes fortissima nexu.
 Nam conjuncta magis quò pectora, eò magis horrida
 Acris unanimi, & sociali prælia dextra
 Miscebunt, contra luctantem, & tutis hostem
 Prosterment, una obnixi, palmamque merebunt.
 Non secus æ gemini, si junctis fluctibus amnes
 Descendant, socioque tumescant agmine aquarum:
 Non agger, sepesque valent, objectaque contra
 Saxa, trabesque altæ, venientem avertere vim vi.
 Sed sepes, scopulosque trahunt divulsa: refusus
 Perrumpunt & cuncta vadis, cuncta undique perdunt.
 Præterea quamquam fociis concordia vincis
 Omnem opus adnectat gentem, licet ipse paratus:
 Diversis fuerit terrarum exercitus oris:

Quæ-

Quæque tamen legio bellantum, quique manipulus
 Præcipuos servet nexus, & fœdera: cunctis
 Unus amor, lex una, sit & mos unus, & idem
 Sit genius, victus ratio sitque omnibus una.
 In medium collecta ferant: servantque fideles,
 Est quibus à Prætorè datum: mox venit ubi usus
 Illorum, nullo cunctis discrimine curent
 Per capita æquali partiiri lance decani.

Quæ servanda inter
 singulas legiones, & co-
 hortis.

Quin etiam totam, dux, per tentoria gentem
 Distribues denos per singula: Præstes & illis
 Unus erit, qui lege data moderabitur omnes.
 Hos inter nexus vigeat strictissimus; inter
 Ut sic centurias omnes, omnesque cohortes,
 Atque inter totam regnet concordia pubem.

At quoniam res nulla magis socialia solvit
 Vincula, quàm ludi: pariunt & jurgia, rixasque
 Atque odia, atque iras: nonnunquam & funera portant;
 Idcirco tota ludos depelle juvenia.

Ludi à castris remp-
 vendi, præter honestos.

Sic etiam mala furta, & sic perjuria castris
 Defendes: quæ damna unis nascuntur ab illis.
 Sic socialis amor, nexusque fovebitur: omnes
 Non tamen hic ludos ausim damnare, severa
 Lege, nimis rigidus: ne fors pejora sequantur:
 Nimirum deses labatur in otia pubes.

Quæ molles faciunt animos, Venerique ministrant
 Nutrimenta: malum removendum nequius illo.
 Non igitur publi lusus permittere honestos,
 Proconsul, renuo: reliqui, velut alea, tali
 Arcentur: non fraude vacant, rixisque cruentis.
 Et decoctorem faciunt, divisque nefastum
 Qui sine more illis, claudus ceu futor inhæret,
 Vel genii vitio, impulsusve cupidine lucri:
 Seu spe lactatus redimendi perdita: ludit
 Quæ mala spes multos, & mercede exiit omni.
 Hos igitur permitte, quibus longa otia fallant
 In castris juvenes: latronum prælia primò
 Ludere fas: lusus nam bellatoribus iste
 Convenit: ipsa etiam sic acres otia pugna
 Semper erunt: facientque animos, Martemque fovebunt.

Bis senis etiam sit honestum ludere scrupis:
 Nam speciem levioris habet certaminis: aptus
 Et rudibus magis est: pariterque pilæ honestus
 Malleus, & trudes: quibus & motamus inertes
 Corpora, uti crudum vitalis decoquat humorem
 Ignis, & accrescant vires: pariterque licebit

Tom. I.

Gg

Lu-

Ludere par, impar, digitisque micare: duobus
Verum his abstineant, humiles sunt quippe, Magistri:
Quos graviora decet sectari, & seria semper.

Sed nobis ultra non fas est ludere: Mavors
Jam lustrat, pugnaeque simul sese apparat acri:
Arma igitur, positus, capiamus Martia, ludis.





BELLICORUM

LIBER NONUS.

SED pubem bello instructam, cannisque nitentem
Fulmineis, jam rauca tonans Mars provocat: & jam
Tempus, ut hybernis maturo Vere relictis,
Cogant signa duces, inque arva patentia mittant:

Et conferre manus, pugnamque ciere parati.
Quare age, Romani lux formosissima regni,
Et columnen, nostrique jubar memorabile seculi,
Huc ades, & mecum patriis insignis in armis,
Descende optatum, Juvenis generose, sub æquor.
Ditis ubi carpenda manet seges aurea palmæ.
Et dum Bellonæ ex adytis, dum Martis ab æde
Te docet arcana Vates horrentia bella:
Suffice tu contra vires ad tanta canendum:
Heroaque tua carmen fac indole dignum.

At tu, Pontificis qui summi Nuncius isti
Concilium in magnum: dio quo numine Patres
Afflati, voto Regem concorde creantur
AUSTRIADEN: sacro dudum qui carmine dictus
Romuleus fuerat jam Rex, Cæsarque futurus.
Tuque illum primus, læta inter murmura Patrum;
Voce salutasti: regnique insigne Latini,
Et quæ Threicias inferret victor in oras,
Atque Asiam in magnam, Fidei vexilla dedisti;
Huc adsis (1) CANTELME: tuoque ad Carmina Vati

Ad Romanum Regem
Apostrophe.

Et ad Cancellum Pon-
tificis Legatum.

Gg 2

(Can-

(1) Jacobus Cantelmus S. R. E. Cardinalis Archiep. Neap.

(Cantantem quem sæpè soles audire benignus)
 O precor, ò facilis quoque vires suffice: & auras
 Pierias bonus auspiciis melioribus, affla.
 Christiadam ut cunctas sacra in certamina gentes
 Instruat; inque Scythen socialia conciat arma.
 Consilio ut quondam, dictisque potentibus, acres
 Lechiadis animos fecisti in prælia; pulchræ
 Ut tibi tot palmæ referantur, & alma trophæa.
 Ergo age, Mæonios submitte in pectora sensus:
 Quando etiam Latio præfulges clarus in ostro:
 Et factis simul egregiis, & mente capaci,
 Spes alis ingentes Orbis, Sanctique Senatus.

Tuque aded magnam Vati mentemque, animumque

Lojolam parentem in-
 vocat.

LOIOLA, inspira, dius Pater: inque repostum
 Castalidum penetrare nemus, Cyrrhæque recessus:
 Et sine Parnassi niveo per culmina ferri
 Subvectum curru, fontesque haurire beatos
 Pieridum, ut sacro repletus Numine, possit
 Belligeras animare tubas, & Martia bella
 Dicere, pulsa quibus sacri fastigia Pindi
 Bella sonent, totusque Helicon clamore resultat:
 Horrida & imbelles accendant prælia Musæ.
 Forsitan heroam si myrto adnectere laurum
 Arbitrio populi liceat, plausuque theatri,
 Tum te, Dive canam: toto tunc ore sonandum:
 Et tua Mantoa clarissima gesta per Orbem
 Conabor proferre tuba: te Seres, & Indi,
 Te simul Ammerici, & gemino gens si qua sub axe;
 Restat adhuc ignota, sacris te Numen in aris
 Imponet venerata: tuos cantabit honores;

Duo illi marmora do-
 naria templo figit.

Et supplex tibi vota feret, precibusque vocabit.
 Interea juvat instructo duo marmora templo
 Figere, primitias belli tibi, dive, futura,
 Hinc, atque hinc: medio fulgens spirabis in auro
 Ipse laborato, radiisque incinctus, & ostro:
 Qualis in astrigero confidis victor Olympo:
 Sub pedibusque undas, & terras arduus omnes
 Despectas: Parioque inculpam talia laxo:
 Et primum læva quod Fani in parte locabo,
 Vulnere te glandis fractum, thalamoque jacentem
 Incidam, & palmas Divorum, & facta legentem.
 Adjiciam summo visum de culmine cælum
 Expandi, nitidisque chorum descendere pennis
 Aligerum: quos inter erat dux primus Olympi,
 Claudere cui terris cælum, & referare potestas.

In his Divi gesta non
 ineleganter inscribit.

Illum syderio depingam rore medentem
 Saucia crura: novos & dio flamine sensus
 Infundentem animis: dubia sub luce colorum
 Præruptos faciam montes, & vertice templum
 Virginis, inque genu te pronum, arasque tenentem,
 Et galeam, scutumque Deæ, gladiumque sacrantem:
 Spes & fortunæ ingentes, titulosque superbos.
 Non procul incurva sub rupe insculptus in antro
 Squalenti barba, vilique indutus amictu,
 Atque fame, & nimio stabis vexatus ab æstu,
 Frigoreque, & rigidis discissus terga flagellis.
 Dura rudimenta, at sacri felicia belli
 Principia: hinc lauri centum, palmæque relatæ:
 Hinc illa egregii fluxit seges ampla triumpho.
 Marmore quæ signis dextro spirantibus addam:

Hic te delectos cogentem ad signa maniplos,
 Militiæque novæ leges, & prima locantem
 Fundamenta; facer terris uti cresceret ordo,
 Excidium extremum vitiis laturus, & Orco:
 Verùm pacato Saturnia secula Mundo.
 Illustres sculpsam Heroas te patre creatos:
 Saberiden, cladem Sygium, Ditiq; tremendum
 Borgiaden: geminos hunc juxta plurimus arte
 Appingam Juvenes, quos lilia cana coronant.
 Quos & olorinis tranantes aëra pennis,
 Puraque membra, nivis ritu canentia, pingam.
 Ponè sequens rutilo fulgens Antonius ostro,
 Ibit ovans! socium cui se Mavortius addet
 Marcellus: patria missus Sirenis ab ora
 Trans magnum Oceanum, primique cubilia Solis,
 Seras ad extremos, & Japonis ultima regna.
 Ibit & ille, suo qui te cognomine reddet,
 Agmine laurigero heroum stipatus ovantum.
 Et tu, quem comitem mox sunt habitura Deorum
 Concilia, immixtus tantis heroibus ibis,
 Carole, teque chorus lauro comitabitur omnis.
 Ibitis, & terno conjuncti fœdere, vos ò,
 Primitias Latio Patri quos mittit Japon.
 Atque alii: parvo si fas concludere saxo
 Tot magnas Heroum animas, qui vulnera passi
 Pro re Romana, signis meruere beatis
 Adscribi: & sacri quotquot docuere Magistri
 Romuleos gentes ritus, legesque sacrorum.
 Non tamen iniques saxo superaddere palmas
 Præteream: magnarum & tot miracula rerum.

Et magnos etiam ha-
 roas ab illo progenitos.

Hic

Hic miris elementa modis parere: fugatis
 Æquora nimirum pacari, atque aëra nimbis:
 Stare amnes: trepidare sinum telluris: & ignem
 Nunc pronum obsequio flammarum, & luce corusca:
 Impete nunc presso, in rores abiisse tepentes:
 Atque gelu, frigusque suum domuisse rigorem:
 Devictasque acies morborum, & pestiferam vim.
 His addam è tumulis educta cadavera, mortemque
 Horribilem, indomitam, formidandamque subactam.
 Illic Eumenides discisso crine jacentes,
 Atque triumphatum Stygia cum gente tyrannum,
 Tetrum, indignantem, flammisque ex ore vomentem:
 Attonitumque vadis stantem Phlegetonta reflexis,
 Insculpam: geminoque hæc scribam carmina faxo:
 De Mundo, & Luxu, victoque Acheronte trophæa
 Partheniæ hæc Patri Magno posuere Camœnæ.
 Hæc tibi nunc templo figam donaria: campum
 Tu jam miles adi, mecumque accende canoro
 Ære animos, ducibusque præi bellator in arma.
 Jam fera bella sonant Capitolia, jamque bifrontis
 Fana dei referantur: & alto à vertice totis
 Montibus assurgunt Alpes clamore secundo,
 Tyrrhenæque fremunt fulcatae classibus undæ.
 Responstant longè cava litora, & arma reclamant
 Pulsati colles, & totus detonat æther.

Lucida cum Taurus surgens bellator Olympi,

Cogendæ quando sint
 acies ad bellum.

Cornua verticibus terris ostendit ab altis,
 Cogat ab hybernis acies Proconsul in unum;
 Inque locum, distamque diem, lustrarier omnes
 Jussit ubi peditum turmas, equitumque Senatus.
 Atque hic imprimis iterans, iteransque monebo:
 Vos animo memores, res est non parva, tenete:
 Tempestate nova primi procedere in armis
 Festinate, duces, hostemque ad cæpta præite.
 Tempestivus erit campi quicumque Magister
 Possessor, hic victor erit: qui serus, abibit
 Re sæpi infecta: positisque inglorius armis.
 Commoda præterea primus majora referre
 E vacuis potis est agris, melioraque castris
 Designare loca, & validas submittere turres,
 Auxilium prius obsessis quam deferat hostis.
 Quin etiam primis jacitur qui terror ab armis;
 Ocyus irrepit, timidosque præoccupet: illos
 Hinc segnes facit, atque ad Martia munia tardat:
 Quapropter damnate moras, quicumque, subactis

Tempestivè, nimirum
 primo vere, quod ad pal-
 mam obtinendam pluri-
 mum confert,

Hosti.

Hostibus, egregium lauri affectatis honorem.

Sed qui lustrando melior locus: urbs tibi magna,
Et munita, frequens, rivoque imposta fluenti,
Designanda: cavis sic ferri annona carinis,
Et poterunt facile arma simul, bellique paratus,
Atque ipsæ juvenum vestari classe cohortes.
Sitque aditu facilis, quod se collecta juvenus
Non multis valeat castris deducere, & illam
Læti intercurrant colles, campique patentes;
Qui loca sufficiant metando commoda: quique
Sint Cerere, & Baccho dites, & pingua equorum
Pascua progignant: nec longè frondeat alta,
Plurima, materiem metanti, sylva datura.
Temperie sit & illa poli, terræque salubris.
Insuper extremo non longè à limite surgat
Imperii, præcox ut sit pervadere in agros
Hostiles, cursuque brevi tua castra ferantur.
Attamen haud regni sedeat pro finibus; acer
Ne tibi insultet crebris excursibus hostis.

Ut properè hyberna veniunt statione cohortes,
Castra locent urbem juxta, rivosque fluentes:
Aut sparsas habitent villas, vicinaque rura.
Atque hic te, dux, admonéo, ne mœnia pubem
Intus adire finas, urbemque errare per omnem.
Militiæ in media leges ne fortè severæ
Urbe labent, luxuque animi civile tepescant:
Aut ne ferveant rixæ cum civibus ortæ,
Cum merces venit, vel cum deducitur hospes.
Militis ingenium violentum semper, & audax.
Nonnullos tamen ire feras, qui à civibus, ære
Cuncta sibi, sociisque petant alimenta, soluto.

Præterea, quamquam longo discrimine distet
Hostis, ut excursus non sit metuendus, aperta
Attamen haud miles statione insidat: acutum
Singula quæque dato vallum pro tempore castra
Accipiant, portamque vigil custodia servet:
Atque unâ armatæ stent intervalla per æqua
Excubiæ: procul omnis erit fœcordia castris.

Sed postquam cunctæ, legiones mœnia propter
Confedere, dies lustrando & dicta refulsit:
Spumanti subvectus equo, tum Consul in alto
Insistat tumulo sublimis: & ære comanti,
Purpureaque nitens zona, gemmisque coruscis,
Insignisque armis, & majestate decora,
Fulgeat heroes inter spectabilis omnes.

Qui locus ad lustra-
tionem accomodus.

Copix extra urbem
metandæ, nec ulli liceat
muros ingredi, & cne?

Castrorum cussu dia
semper habenda,

Qui hac lustratio.

Qui

Solertes laudandi.

Increpandi segnes, vel
expungendi.Exin Concilium de
re habendum.

Qui mox subjecti spatiosa per æquora campi,
 Quæque suis legio distincta cohortibus, arma,
 Signaque certa gerens, procedat ut ordine, virga
 Præcipiat: simul ipse alto de vertice spectans,
 Interea numeros bellantum, & singula lustret
 Agmina, signa, duces, cunctorum & nomina discat.
 Magnanimos & lustret equos, & robora noscat:
 Singula & arma, graves sclopos, hastilia, & enses.
 Quos alacri gressu, nitidisque incendere telis,
 Atque juga, & versus servantes conspicit, illos
 Egregiis ornet dictis, & munere donet.
 At si qui segnes ibunt, atque agminis æquas
 Non servant leges, nec fulgent ære polito,
 Increpet: interdum si quem conspexerit arma
 Non bene tractantem, versuque errare soluto,
 Expungi jubeat signis, vilesque reponi
 Calones inter: rigido sic cætera pubes
 Induet exemplo solers, & honestior arma.

Ut jam belligeras lustravit ab aggere turmas,
 Censuit & numeros, & robora magnanimus dux,
 Se sua confestim in prætoria reddat: & omni
 Concilium indicat præconis voce Senatu,
 Ventura mox luce, viæ de rebus habendum.
 Ergo ubi jam roseo præfulsit crastinus ortu
 Titan, atque duces reliqui venere vocati
 Concilium in magnum, solio tum Consul eburno
 Confidas, vultu facilis, facundus & ore.
 At reliqui circum teneant subsellia Patres.
 Inde via super, & qua sit ratione tenenda,
 Discessuque roga, quæ sit sententia cuique:
 Quæ primæ properent turmæ, quæ deinde sequantur.
 Quæ media incedant acie: solertia quæque,
 Inter ut hostiles gradiens exercitus oras,
 Tutus eat, tutoque illi frumenta ferantur.
 Ut quæ visa sibi, Rectores verba dedere
 Re super in medio posita, tum callidus ipse
 Singula sub tacito perpendens pectore tecum,
 Quæ potior multis sedit sententia menti,
 Amplectenda tibi: sic omnes cautior ibis
 In casus, quoscumque ferat Fortuna: sequentur
 Nam mox bellorum si prospera, laude decora
 Cum ducibus simul ipse tuis ornabere: contra
 Si forsan rerum venient adversa, vacabis
 Crimine, & ipsa tibi dabitur prudentia laudi.
 Arbitrio res nulla tuo tractetur: & uni

Ne tibi confidas : nam prudentissimus ille est,
 Qui delectorum sequitur consulta virorum,
 Non quæ visa sibi. Ducibus tentoria missis,
 Castra diem posita qua sint ratione movenda,
 Indicas toti præconis voce juventæ.

At prius, hostiles armis quàm rumpimus agros,
 Est opus, ut vires, & robora cuncta Magister,
 Quæ sua perpendat, memorique in mente reponat:
 Et juvenum, quæ certa Scythæ sit copia, discat.
 Per quæ procedens loca moverit, aut quibus ille
 Sedibus insidat: vel si qua valle latentis
 Struxerit insidias, vel lucos inter opacos.

Id verò, ut certò teneat, sincerus in hostes
 Explorator eat quamplurimus: omnia cautus
 Qui loca rimetur, latebras speculetur & omnes:
 Quæque acies, quæ signa, quibus vel subdola sylvis
 Occulentur, agant & quos in bella paratus.
 Qui populos inter rumor, quæ fama feratur
 Crebrior, & trepidi quæ sit sententia vulgi,
 Centum oculis vigil accipiat, centum auribus: & quæ
 Explorata duci referat fidissimus: ille
 Concilio accito, in medium pensanda reponet.

Quin etiam, varii quæ vestigata tulere
 Exploratores missi, conferre juvabit.
 Observata magis quæ consentire videntur,
 Certa magis ducenda Duci, cunctoque fenatu:
 Illa & consilio pariter potiore tenenda.
 Verum quippe, refert quod plurimus author ad aures.
 Præterea fidos inimica è gente ministros,
 Conductos auri magna mercede supremus
 Dux habeat, qui cuncta sibi secreta recludant.
 Quæ sint consilia, & fraudes Ductoris operæ
 Adversæ retegant, scythalis transcripta Lacænis.
 Quæ non posterior solertia habenda: secundi
 Sæpè hinc successus cepere exordia: multo
 Et sine conatu, sine sanguine, palma sagaci
 Est ducis ingenio parta, & spolia ampla relata:

Verùm quanta sibi commissæ robora gentis,
 Explorare, duci labor est non multus, in albo
 Si primum numerus legionum, & nomina signet
 Cuncta ducum, & junctæ quot sunt legionibus alæ:
 Quot simul & legio bellantium, quæque cohortes
 Complectatur: equum turmas quot & ala sonantum.
 Et quot quæque cohors peditum, quot turma equitantum
 Corpora habet: sic notus erit numerusque, ducesque

Et quæ lux, quæ ho-
 stium sint vires.

Idque per explorato-
 res sedulo indagandum.

Qui visum recens-
 derum modus describi-
 tur.

Pugnacesque viri, totusque exercitus: omnem
 Ritè tibi summam si docta effecerit arte
 Subductor: multam, dux, hic impendere curam
 Imprimis conare: virum nam cognita turba
 Cuncta tibi, in certas si sit divisa cohortes,
 Ordine quo miles sit deducendus in hostem,
 Noveris, & primo quot fortes agmine turmæ;
 Agmine quot medio, quot posteriore locandæ:
 Instruere in campis aciem, & committere pugnam:
 His super incinctos equites levioribus armis
 Præmitte, ut colles, aditusque, & cuncta viarum
 Explore: montes nimirum, abruptaque saxa
 Si superanda, cavæ seu valles, live repostæ
 Sint sylvæ, aut rancus torrens, vel flumina lata;
 Sive lacus veniant pigri, effusæque paludes:
 In quibus insidias struere, & comprehendere turmas
 Illicet erumpens valeat subitaneus hostis.
 Vel si planities campis felicibus æqua
 Occurset, facilesque aditus, tutique recessus.

Per expeditos equites
 exploranda via, deque
 hostibus inquirendum.

Solertia habenda, ut
 annona, & novi delectus
 continuè, & tutò in ca-
 stra ferantur.

His super, illa prius, studioque impensior omni
 Cura adhibenda, viæ quam se committat, & arma
 Undique in hostiles agros, & prælia portet,
 Solertem legisse virum, qui semper ab urbe
 Supplementa novis mittat delectibus, & qui
 Continuo castris alimenta, aurumque ministret.
 Que si fors desint, servari tempore longo
 Integer haud equidem, validisque exercitus alis,
 Inque hostem nec bella geri felicia possunt.
 Milite sed veteri sensim morboque, fameque,
 Et crebro simul amisso certamine, totus
 Labetur fato tandem: tibi maxima cura
 Idcirco, dux, semper erit servare juventam,
 Annona assidue, tutoque in castra relata;
 Atque novo semper delectu ad signa vocato,
 Attritam reparare lue, & certamine pubem.

His animadversis, ubi jam statione movendum
 Castra duci, inque hostes bellum deducere certum est;
 Ære cavo acciri totam ad Prætoria gentem
 Imperet; utque suis omnes è sedibus unà
 Convenere, thoro tunc ipse exorsus ab alto,
 Talibus accendat bellantum pectora dictis:

Priusquam dux mo-
 veatur, ad cõcionem pubes
 vocanda, inque bellum
 hortanda est.

O pubes generosa, piis quæ nomina signis,
 Sub ducè Romano, sacrata in bella dedistis
 (Nam non ambitio regnorum, aurique cupido
 Torquet, agens animos in prælia: sola Latini

Rel-

Religio patris, & superi tutela Tonantis
 Nos armat) toties optatum supplice voto
 Tempus adest, quo sacra Scythæ sunt arma ferenda,
 Numine divino (monuerunt Numina quando)
 Auspice sed tanto gerimus si bella, secundas
 Res sperate, viri, certumque ex hoste triumphum.
 Quid non præsentî sperandum Numine? ab illo
 Insignes uno veniunt post prælia palmæ.
 Præterea, si laudis amor (laude inclyta fervent
 Pectora) magnanimis tangit præcordia curis,
 Hinc vobis ventura seges largissima laudis,
 Quæ merito nomen plausu, famamque perennet.
 Nam qui partus honor virtute, & fortibus ausis,
 Immortale parit, magnumque in secula nomen.
 Insuper, egregio quia munera semper opima
 Victori debentur, erunt amplissima vestræ
 Præmia virtuti, juvenes, opulenta tyranni
 Armaque, divitiæque, auroque nitentia vasa,
 Et torques gemmis destincti, & divite pulchri
 Penna, & lucifero insignes adamante galeri:
 Et scuta, & galeæ, stellisque ardentibus enses.
 Præmia quin etiam vobis stant fertilis Hebri
 Florentes campi, & felices Strimonis agri,
 Ruraque Macedonum læta, & viridantia Tempe
 Æmonia: vobis quæ jam Victoria donat.
 Quare agite, ô juvenes, Latii fortissima regni
 Robora, spes patriæ meritò firmissima vestræ,
 Ite alacres, audete animis, præsumite magnam
 Spem belli, memores regni, & virtutis avitæ.
 Spondeo læta: dabunt nobis Di læta secundi.
 Haud equidem vobis longum expectare: futura
 Lux tempus dabit optatum, quo castra movenda:
 Omne nunc læto, jam certis corpora rebus
 Procurate viri, & splendentia tela parate.

Hec postquam magna cum majestate profatus;
 Et nitida ornatus clamyde, & fulgentibus armis,
 Concilium dimittat, & in regalia sese
 Magnifico incedens gressu tentoria ducat.
 Majestas veneranda ducis, gressusque decori,
 Et nitidi simul ornatus, & regia vestis,
 Conciliant animos, atque addunt pondera dictis.

Ast ubi clara dies roseo præfulsit Eo,
 Et matutinus jam Lucifer occulit astra,
 In sua signa citi pedites, equitesque recurrant;
 Vestibus ornati nitidis, armisque coruscis;

H h 2

At priusquam se tri-
 peti dux committat, in-
 struenda ei astra, quæ
 pugnam iutura,

In-

Instructor quā quisque suum vagus explicat agmen.
 Centurio hinc, factō inceptet procedere, signo,
 Prætor ubi totam legionem stare iubebit
 Instruat lato in campo, quo castra movenda.
 Singula sub propriis postquam digesta Tribunis
 Agmina: calones & jam tentoria cuncta
 Convellere, citi lixæ & sua vasa ligarunt:
 Tardigradis & cuncta simul composita quadrigis
 Tormenta, & nitrum, cistæque, & plurimus uncus:
 Castrorum summus tum dux, cui facta potestas
 A Præto, manus ceu collaturus, apertis
 Explicet in campis acies. Fiducia nunquam
 Vos teneat quæcumque, Duces; semperque cavendum,
 Neglecto incedat ne pubes ordine, quamquam
 Per tutos sociorum agros decurrat, ubi omnis
 Est hostis formido procul; tamen ordine Martio
 Agmen eat: semper consuecat ut ordine pubes.

Sed tandem, jubare exorto, cunctisque paratis,
 Carpere ductor iter, sua per divortia, turmas

Quo ordine exercitus
 procedat, vates docet: Et
 primò si per apertos cam-
 pos via sit,

Imperet: ordinibus verò quibus agmina in armis
 Procedant, paucis, animos adverte, docebo.
 Si vobis extenta agris, & aperta secunda
 Planities, hac lege phalanx iter omnis inibit:
 In medio binæ peditum stent agmine partes,
 Instruat in turmas, bellatricesque cohortes:
 A dextra, lævæque suis tormenta ferantur
 Curribus, & cuncti propter tormenta ministri
 Incedant; quos læta manus comitetur euntes,
 At geminas alas hinc illinc occupet, æquas
 In partes divisus eques tibi totus: & ille
 Sit pariter geminas utrinque instructus in alas:
 Tertia pars peditum postremum terminet agmen:
 Totæque turmatim longis terat arva manipulis.
 Frænigeras inter turmas, aciesque pedestres,
 Materies belli, victus, castrentia vasa,
 Atque minora rotis simul æra imposita ferantur:
 At verò, ut facilis via sit tendentibus, ante
 Quam castra è prima moveat statione juvenus,
 Præcipe, fossor uti cum lignatore recurat
 Plurimus: & truncos hic ab radice securi
 Cædat, humum rigidis ast ille lignonibus æquet.
 Ne qua virum, currumque citis mora cursibus obstat.

Præmittendi ligato-
 res, fossores ad æquanda
 itinera,

Ast age; si campum collectis viribus hostis
 Occupet, inceptum tibi vi, vel subdolos astu
 Turbaturus iter, denso magis agmine, Prætor,

Præ-

Præcipe tum gentem procedere : perque quadratas
 Ire manus peditem, medioque sub agmine : & omnis
 Ignivomi hæc illac stet machina Martis, & ipsa
 Impedimenta : latus quorum stipentur utrumque
 Hinc, atque hinc, gemino versu, fortissima pubes.
 Ast equitum numerum quatuor partitus in alas,
 Fac gemina hinc geminæ tumentur cornua frontis:
 Hinc totidem firment tergus : sed jam via campo
 Corripienda, tubæque inclamant ære canoro.
 At Solis nimii quoniam gradientibus æstus
 Sæpe nocent, generantque lues, febresque malignas;
 Idcirco juvenes sub iniquo fasce, Magister,
 Non multum jubeas spatii persolvere : aperti
 Bis sex mille tibi passus sint æquoris æqua
 Intervalla, die quæ pubes hauriat uno.
 At verò obsessis fuerint si forte ferenda
 Auxilia, aut sociis comprehensis valle sub alta:
 Sive ut perveniens non expectatus ad hostem,
 Illicet incautum, dux, aggrediare, sub uno
 Viginti lapides bellator currere. Sole,
 Non durus renuat : labor improbus omnia vincit,
 Cum patriæ, cum laudis amor, vel sancta reposcunt
 Fœdera. Sed major sequitur cura, inter opacum
 Cum nemus, aut montes, vel crebræ concava vallis
 Angustum metiris iter, saltusque repostos,
 Et labyrinthis erroribus abdita lustras.
 Si via per montes tibi sit carpenda malignos,
 Seu per declives, & præcípites convalles,
 Tum juga cursores jubeas suprema subire;
 Ut vigilæ alto prospectent culmine, circùm
 Quæ loca, qui pateant aditus, cœcive recessus:
 Quique homines habeant : & si quis delitet inter
 Confraga, vel nemorum saltus inimicus opacos;
 Sollicitique oculis simul omnia circumspectent.
 Quique situs pariter referant, positusque locorum.
 Densa sed arboribus si sylva occurrat, acuto
 Fac lignatores ferro rescindere lucos:
 Atque aditus aperire; suis instructa manipulis
 Per quos tota cohors tutò procedat : & illos
 Ante dies quàm, dux, moveas, præmittito terno;
 Ut tempestivè valeant absolvere cœptum;
 Agminis arreptos cursus mora ne qua retardet.
 Utque fabri densas securi cedere sylvas
 Evaleant, illos equitum tutarier alas
 Delectas, hostemque jube depellere saltu.

Quid cum hostis si
 maris viam occupat.

Justitina XII. mil-
 lia passuum non excedant,
 ni aliter necessitas
 cogat.

Traditur modus in ho-
 stes vadendi cum per ne-
 mora, ac montes moven-
 dum.

Sed

Sed postquam via facta, leves præcedere turma
Incipiant equitum: celeres quas ponè sequantur
Bellaces peditum, juga per stipata, cohortes.
Inde suis lociata ruant tormenta ministris,
Currusque, & totum succedat protinus agmen:
At postrema sequens equitatus cætera claudat.

Si prærupta locorum
superanda, cum impedi-
mentis per æquiora cur-
sus circumflectendus.

Exuperanda jugis loca si prærupta rigescant,
Inter & angustas pateat vix semita valles:

At tibi si fasces tamen, & tormenta necesse
Devehere; in longum tum circumflectere cursum.
Æqua per & spatia, & non difficiles convalles,
Prætor opus: multum nec te perferre laborem
Pœnitcat, longasque moras tolerare viarum.

Atque illud vellem te, commemuisse frequenter:
Illa brevis, facilisque magis via semper habenda,
Qua securus eas, veniasque ad mœnia tandem,
Quæ petis, & tutò valeas offendere in hostem.

Cum inimicus aditus,
& montes occupat, præ-
mittendi fortes, qui il-
lu n ab infestis locis vi-
sitant.

His & sylvarum spatiis digressus iniquis,
Non melior via per valles, & culmina montium

Alipede est magnis stimulis superanda citato:
Quæque inimicus habet, servatque angusta viarum.

Cura igitur sit prima, equites præmittere fortes
Sub duce delecto, qui primi expellere ab ipso
Contentant hostes aditu, saltusque recludant.

Mox ubi, vi facta, secura est semita, miles
Protinus incipiat densis properare manipulis:

Paulatim dextra veniens distractus ab ala
Interea, ut vallis per confraga tuta juvenus

Incedat, validæ teneant fastigia summa
Centuriæ, & circum scopis stipentur ahenis:

Inque imis aliæ densentur vallibus, alto
Ne forte armatus de culmine fulminet hostis,

Missilibus crebris, sternatque in valle catervas,
Aut improvisus veniens è faucibus arctis,

Occupet, & medio comprehensos funere plestat:
Sive ignominias, & tristia iussa subire,

Non bene depositis cogat violentior armis.
Ut quondam culpa (fama est notissima facti)

Incauti Prætoris, inexpertique locorum,
Hanc ignominiam vitare Latina juvenus

Caudinas nequit ad Furcas: ubi sub juga missa,
Romanum jubar æterna caligine tinxit.

Vos igitur cantî, per sylvas ire, cavete,
Implexas, vallesque, & per prærupta jugorum:

Ni prius in summis densatus miles in armis

Cavendum ne te ho-
stis, in angustis vallibus
comprehendat: ut ad
Caudinas Furcas Roma-
nos Samnites, atque ini-
qua pati cogerunt.

Verticibus fidat, vel valles occupet arctas:
Tutaturus iter sociis, hostemque ruentem
Culmine de summo, seu depulsurus ab ima
Valle, loci fretus munimine, atque sua vi.

Sed quæ planitie in lata, post invia iustra,
Duraque difficili saltu superata locorum,
Occurrunt, nesciuntque moram properantibus? alta
Nosco equidem, ceptos remorantur flumina cursus.
Qua largos igitur valeas transmittere rivos,
Arte canam: facilis nec cura est ista Magistro.
Præcipies pontem primum compingere: illum

Arte traditur, quæ flu-
mina transmittenda,

Pluribus è ratibus pueri componere certent.
Atque rates fundet gravis anchora: strataque cymbas
Mox tabulata super facient longissima pontem
Qui tibi sit latus, solidoque è robore; totus

Ut tutò valeat transire exercitus illo.
Fac & latefeat tanto discrimine, quantum
Est fat, ut instructis bis deni incedere possint
Ordinibus, junctique adversam invadere ripam.
Ponte igitur vasto fluvii super æquore strato,
Per sua signa, manusque, omnis transmissa juventus,
Ingredjatur agrum, & villa excipjatur amica.

Vespere curanda cor-
pora, valloque pro tem-
pora castra munjenda.

Vesperè nam factò, placidæ ruit hora quieti
Commoda: fessa gravi curandum & membra labore,
Et victu vires fas instaurare labantes.

Hæc si Romani sit fœderis, acrior hostis
Nullus et incurfu subito vicinia vastet,
Membra fatigatæ pubi, dux, parces: coruscis
Attamen assiduè villam circumdata telis,
Vestibulo vigil in primo custodia servet.

Ast inimica colat si gens confinia, vallo
Tunc aditus pagi cunctos munire memento
Atque ipsi in medio currus, & cuncta reposita
Martia vasa, dabunt subitum pro tempore vallum.

At verò adversam fluvii si plurimus oram
Hostis habet, pueros interclusurus ab alveo:
Tum pontem instruere, & latum superare fluentum
Difficilis res est, & magni plena periculi;
Ut tamen evincas, quæ sunt tentanda docebo.

Quæ industria, ac co-
natus fluvios transna-
te cum adversam ripam
armatus hostis infedit.

Quippe nihil quod vi, quod non vincamus & arto.
Præcipies igitur, disploso sæpius ære,
Hostes adverso depelli è margine: turmæ
Interea lectorum equitum, mora nulla, patentem
Mittere se in fluvium, subitoque tenere natatu
Conentur ripam adversam, flantemque sub illa

Con-

Conficiant hostem: & tota vi fonte potiti;
Insurgent tunc pontem: rivoque remenso,
Illicet objecto ripæ se margine vallent.

Atque hic sæpè malum latos tranentibus amnes
Ingruit illud, agens nocitura pericula; primæ
Ne fors adversam cum jam tenuere cohortes
Transmissæ ripam, confestim plurimus hostis
Incumbat super, & magnam ferat undique stragem;
Nam cum ponte uno nequeant transducier omnes
Continuò turmæ, focis discrimine in illo

Quæ arte cavendum,
ne parte copiarum in al-
teram ripam transmissa,
illam validus hostis, in-
vadat.

Laturæ auxilium, non æquo Marte priores
Pugnantes, cladem accipient: dux talibus ergo,
Curato studiis instanti occurrere pesti:
Pluribus instratis primò superare fluentia
Pontibus, atque amplis adnitere: plurimus illis
Miles in objectas ripas, atque ocyus ibit.
Præterea multis etiam pontonibus uti,
Et lembis poteris, patiens si rivus: & illos
Saxobolis, sclopisque jube majoribus, alta
Præfixis priora, munier: intus & acrem,
Imponique omni delectam è pube juventam.

Nam sic fulmineis, crebròque tonantibus, hostes
Tormentis poterunt pulsi de margine ripæ
Discludi, tuncque exponi in litore miles.
Confestim texto qui vimine, quique ligone

Plurimus effossa tellure, & cespite multo
Extruat attollens vallum: munimine quo se

Protegat objecto: reliquæ dum flumina turmæ
Trajicient. Validus sed ripas occupet hostis,

Et stricto ferus ense, cavo tuctur & ære
Assiduè explosò, chytrisque in flumina jactis,

Virtute ut nulla fluvium superare juvenus,
Arte queat nulla: tum fraudes callidus ipse

Instructas adhibe: quæ vis non obtinet, astus
Sæpè dabit. Variis in partibus amnis æquos

Configes te velle vadum transire sonorum,
Sic distractus ubi diversa recurret, ibi ipse,

Quà via visa tibi facilis, citus ingruet totis
Viribus, objectæque potire crepide ripæ.

Sed ruit intereà nox humida, clarus & altò
Lucifer Oceano surgens, lucemque, laboremque

Advehit, & somnos mortalibus excutit ægris,
Itur in hostiles agros: loca cuncta bipenni

Vastantur: prædasque ferunt è ruribus alæ
Emisorum equitum, & terroribus omnia complent:

At

At si forte velis, vallo circumdare castra,
Instantem opperiens hostem, ratione locanda
Qua sint, quoque loco, posituque (gravissima quando
Hæc sunt) non paucis, aures adverte, docebo.

Imprimis ratio (res tota hoc pendet ab uno)
Captandi tibi multa loci sit semper habenda.
Ergo age, qui melior metandis accipe: clivo
Est locus in facili, vel aprico colle legendus,
Temperique poli lætus, terræque benigna:
Ne noceat tibi gravis aër, & mala tellus.
At non vicinus confurgens altior alter
Immineat collis, rauris ferus unde metallis,
In tua castra frequens, & pubem fulminet hostis.
Vitæus & juxta decurrat rivus; aquari
Ut tua gens omni valeat secunda periclo.
At putres, glaucique lacus, & inertia longæ
Semper erunt tibi stagna; quibus gravis humor ad auras
Expirat, nebulisque obfuscat sydera densis.
Commoda præterea statio, si flumina propter
Magna fluant, quæ cuncta cavis alimenta carinis
Conveſtentur: erit tamen illud rite cavendum,
Imbribus è cælo ne forsan flumina lapsis,
Aucta ruant ripam supra, camposque patentes
Undique fusa tegant, & castra furentibus undis
Invadant, unaque viris tentoria vertant.

At quia colle valet tutari castra juvenus
Et secunda magis, & fortius, illa supino
Idcirco figenda duci sunt colle: patentes
Cui campi subsint: placeat si ponere clivo
Illa in demisso, summum custodia montem
Delecta è primis juvenum defendat: athena
Sint summo tormenta jugo vallata profundis
Aggeribus, textis factis de vimine: propter
Cædus assurgat lucus, lignarier illo
Ut facile evaleant lixæ, castrisque locandis
Materiem vestent, propriis ne plurimus adsit,
Impensè caveas; ne circumtectus opacis
Instruat insidias sylvis inimicus: aperti
Undique sint campi circum, & florentia rura:
Non minor interea victu stravisse ferendo
Securam sub castra viam, manet altera cura:
Nam secus ex illis cogeris abire; propinquus
Hostis ubi jam terga premit: vel cuncta necesse
Agmina dispereant tristi morboque, fameque.
Idcirco tanti cum sit res ista, sagaci

Tom. I.

li

In-

Traditur æt castra
munienti cum hostem
opperimur.

Petior in colle locus
fluvio vicinus, at longe
à palude tristes, nebulis
expirant.

Sint & sylvæ non
multum remota.

Cutandum, ut facilis
ad ferendum annonam
via præparata sit.

Ingenio studeas lectis angusta viarum
 Præditiis firmare, ferant quæ tuta catervæ
 Belligeræ frumenta, boyes, & dulcia Bacchi
 Dona: simul longo conjunges flumina ponte.
 Turris & impositæ firma munimine pontem,
 Sint quoque non longe præcinctæ mœnibus arces;
 Intus ubi è villis, agrisque hostilibus omnis
 Servetur collecta Ceres, laticesque Lyæi.

His animadversis, æstutum figere castra
 Solicitus labor insequitur: vallatæ Magistri
 Pugnares confestim acies munimine longo
 Castrorum, subitis pateant ne forte periclis.
 Ergo age, qua forma potius metabere, disce.
 Et primum quadrata loca, si commoda sedes
 Quadrato si visa loci: qui longior una
 Excurrat si parte, oblonga attollere, Tecton,
 Ne pigeat: nunquam verò metare rotunda;
 Quamvis arva petant; neve illa triangula fiant:
 Antiquis quamquam ducibus hac sæpè figura
 Pro campi metata situ: non aggere vallum
 Attollas recto, veterum de more: sed illum
 Dentato facies, sua per discrimina, ductu:
 Ut latere è gemino, objectaque à fronte petatur
 Missilibus crebris inimicus, ut agmine castra
 Aggreditur denso veniens: fac, angulus instar
 Sit propugnaculi: cui frons extenta, duoque
 Sint latera, & medio facies sit plana: propingui
 Aggeris inque latus tantum producta, canoro
 Quantum ex ære fugit protrusum missile plumbum.
 Quin etiam, nimium si frons hac longa, frequentes
 Turriculas medio faciei attollere quadris
 Profuit aggeribus, raucisque armare metallis.

Præterea, positis quadruplex sit janua castris:
 Auroræ in roseos spectet Prætoria vultus,
 Sive hostem contra, vel quæ carpenda per æquor
 Est via: prætento firmetur & aggere porta,
 E facie adversa pateat decumana: seruntur
 Quæ miseri ad pœnam fontes: sitque una sinistro
 In latere, in dextro sit & altera: largaque tantum
 Porta sit, armato quantum satis esse maniplo
 Ducitur. Adverso si non sit terror ab hoste
 Plurimus, è cæsis viridi tellure bipenni
 Agger cespitibus, ceu murus tollitur, altus
 Qui pedibus surgat ternis: sitque ante recessus
 Celsæ ubi, facili, subitoque instructa labore

Fossa, pedes tibi lata novem, septemque profunda
 Acrior at magni si vis superimminet hostis,
 Legitima vallum tum fossa ambire necesse est.
 Fiat & ampla pedes bis fens, altaque subter
 Sit murum illa novem: quatuor sed murus in altum
 Surgat: ab aggesto, ceu sepes, cespitè factus.
 Margine in extremo fossæ defigere circum
 Præcipies altos, & acuta cuspide palos:
 Qui venientem hostem objecto munimine tardent.
 At verò ut subiti calones castra reponant,
 Instrumenta ferant agrestia, rastra, ligones,
 Atque uncum, & palam, textosque è vimine qualos.

At non difficili vallari castra labore,
 Cum propè nemo premit nos adversarius: at cum
 Jam ruit incumbens, res ardua: tum citus ipse
 Dux equitum turmas omnes, peditumque valentes
 Instruat, hostilem vim propulsurus aperto
 Aequore: sed certam vitet committere pugnam.
 Interea reliqui pedites, moderante Magistro
 Castrorum, faciant congesto è cespitè vallum.
 Utque opus est tandem completum, protinus omnes
 Sese in castra acies inducant, ordine quo tum
 Paulatim, signo facto, concedere Prætor
 Jusserit: ast illud caveant, ne sorte sequendo
 Hostis terga premat, mixtusque ruentibus intret
 Castra, aciesque omnes ætutum impune trucidet.

Nunc age, vallatis longo munimine castris,
 Ordinibus figenda quibus tentoria campo,
 Expediam: medio castrorum pone supremi
 Prætoris sedem: circumque altare cohortem,
 Cui commissa ducis custodia præcipe: cuncti
 Dispositi & sint papiliones ordine quadro.
 Sitque Forum hinc dextra, atque illinc Prætoria læva,
 Ordine quo reliqui pariter tollantur: & æquis
 Inter se spatiis distent, discrimine recto.
 Sint & structa equites juxta præsepia equorum;
 Prompta ministeria ut sint quadropedantibus: illis
 Pabula seu dantur, seu deducuntur aquari.
 Ante suas etiam turmas stent fixa Tribunalorum
 Alta tabernacula: atque duci vicina supremo
 Legati teneant, data jussa capeffere prompti.
 Unius in medio lateris tentoria lixæ,
 Et sua calones ponant: currusque locentur
 Juxta omnes; alimenta quibus, nitrumque repostum,
 Plumbatæque graves, atque omnis copia Martis.

Quæ diligentia adhi-
 benda sit metando sit,
 cum hostis premit.


Qua arte, & quo ordi-
 ne figenda tentoria.

Acie Prætoris pot-
tam sit extenta planities
in qua explicari copias
valeant.

Traditur modus faci-
lis metandi, si mox mo-
venda sint.

Hic pariter, si visa tibi sit commoda sedes,
Turriculani vice stellarum turrisve quadratæ,
Attolli actutum jubeas: tormenta locari
Ænea qua possint, servari & milite multo.
In primum quæ versa patet Prætoria Solem
Porta, sit extentus latè æquore campus aperto;
Possit ut omnis eo, instructis exercitus alis,
Stare hostem contra, si sint tibi dura gerenda
Prælia, vel sit iter spatiosa per arva secandum.

Nunc age, quæ facilis hac tempestate locandis
Sit castris ratio, si sint mox illa movenda,
Dicamus: triplici disponas ordine totas,
Dux, acies: primò quadrato tramite turmæ
Considant, acie instructa quæ frontis honorem
Acciperent, meritum palmis, & fortibus ausis.
Quique acie in media propugnare stare secundo
Ordine fac, Prætor: post hos qui Marte calente,
Suppetias sociis laturi extrema tenerent.
Hac sint lege tamen tentoria fixa, cohortes
Stent mediæ peditum, geminaque equitatus in ala.
At turmas inter peditum tormenta reponi
Præcipio: pulvis dextra Vulcanus, inter
Postremam, mediamque aciem, plumbumque locetur,
At currus, victusque omnis, lixæque sinistra.
Hæc juga lata inter recto via tramite currens
Biscentum sit quæque patens amplissima passus.
Ter denos, quinosque equitatus singulæ habebunt
Florentis campi turmæ: totidemque tenebit
In medio sectura, queat transire per illam
Tota cohors armata, manus conferre necesse
Si fuerit. Peditum numero majore cohortes
Stipatæ, poterunt quadrati ruris habere
Vicanos quater, & totidem sectura patebit.
At verò pedites inter, turmasque equitantum,
Ordinis intersint passus unius in unguem
Quadraginta, soli pro conditione. Sed aures
Jam tuba terribili sonitu diverberat, & jam
Belligerum hinnitus longè responsat equorum.





BELLICORUM

LIBER DECIMUS.

HACTENUS in levibus pugnae praelusimus armis:
Viribus at totis, toto nunc Marte ciendum
Hostem in praetentum campo certamen aperto,
Et quoniam suprema dies jam cominus instat,
Tentanda incerti confictus alea summa est.

At tibi non, Flos AUSTRIADUM, regnoque paterno,
Sub dubio trepidans nutu, Victoria pendet:
Certa manet, quamvis interdum sera moretur.
Namque tui, & patrii caelo custodia regni est.
Quare age, discis, statu quo rerum pugna ferenda;
Tempore quo, quibus in campis, quaque arte magistra;
Ut certam valeas palmam, laudemque referre.
Et quoniam AUSTRIACUM in bellum comitabere Regem,
In partem ut plausus venias, partemque triumphi,
Huc age, AQUINIADE, mentem converte sagacem:
Quaerque notanda super pugna, jam suscipe nostro
Carmine, victrici niteas uti tempora fronde:
Majores qua saepe tui micuere superbi,
In sacra dum patrios sociarunt praelia Reges.

At vos, bellorum praesentia Numina, Vati
Ferte, precor, vires, dubiisque in rebus adeste:
Tu, qui Romulidum primus diis additus, alme
Flaviade, caelique inter felicior astra,
Latius imperio Romano, & latius Orbe
Terrarum toto regnas: Tu Carole, tanto
Non impar genitore: pares virtutibus ambo;
Atque armis, gestisque pares ingentibus ambo:

Ad AUSTRIACUM, CAESAREM apostrophe.

Et ad MAECENATEM.

Constantinum MA-
gnum invocat.

Et Carolum Magnum,
duo bellorum Numina:
e quibus orum Austria
ca domus habet.

Di

Di similes, ipsoque æquales nomine Magni.
 Discordes quamvis uno: nempe ille sub Ortum
 Transtulit Imperii sedem, soliumque locavit
 Auroræ in gremio periturum: victor at ipse
 Rursus in occiduas, Fatis melioribus, oras
 Vexisti: cæpere novi, te Consule, fasti.
 O agite, & Vati concordî numine carmen
 Inspirate animis; pariterque horrenda futuri
 Præsenti regite auspicio certamina Martis:
 Et generi palmas vestro, laurosque parate.
 Quandoquidem vestro juvenis de sanguine cretus,
 Vos animo, vultuque refert: vos fortibus ausis,
 Et magnis referet factis: primusque sub Ortum
 Romanas Aquilas victricibus inferet armis:
 Atque redux Augusta domus sua tecta reviset
 Flavia: mutato quæ nunc cognomina fertur
 AUSTRIA, Cæsaribus centum, centumque superba
 Consulibus, totoque domus clarissima Mundo.
 Ite duces igitur belli, nutuque favete
 Unanimi, generique dii succurrite vestro.

Quando de serum sum-
 ma acie decerandum;
 cum scilicet Barbara pe-
 runtur Regna, augendum-
 que impetium est.

Principio, ante aciem quàm latis instruis arvis,
 Quæ causas, rerumque status, qui prælia poscat,
 Accipe: Regna petis si barbara, sceptraque gemmis
 Affectas ornare novis, & plurima lætæ
 Robora sint pubis, certam committere aperto
 Ne dubites campo pugnam, & te fidere Sorti.
 Pro spe quæsitî jacienda est alca regni:
 Cunctaque Fortunæ ab nutu pendere licebit.
 Una dabit tibi pugna, dabit victoriæ regnum
 Una; triumphales decernat & una curules.
 Ter nitidis devecta rotis Victoriæ ab alto
 Pelleo totum Regi concessit habendum
 Afidis imperium magnæ: dedit illa Latinis,
 Emilio ductore, sumel delapsa nitenti
 Æthere, res Macedum: Libyæque ingentia regna,
 Atque Cartago, classesque, atque æquoris omne
 Arbitrium, unius Romæ data præmia pugne.
 Solus Pharsaliæ campus: solique Philippi
 Cæsaribus Mundi imperium peperere duobus:
 Una etiam pugna Romanus Flavius Orbem
 Promeruit: quid plura sequor? quando varians Sors
 Memento reges, & regna potentia versat.

Si verò à Barbaris illa-
 ta vis propulsanda, acie
 abstinendum.

At si ab externo sit vis illata tyranno,
 Quem tibi, quem populo, & regno defendis avito:
 Ne præceps jactu ex uno pendere salutem

Aufis

Aufis communem, & regni irreparabile damnum.
 Longas nocte moras: nimirum sæpè morando
 Vincitur: & vires quos non domuere, neque arma,
 Prudenti durata duci patientia fregit.
 Sic tantis olim pugnis concisa sinistris,
 Cunctatore stetit Fabio, Romana: sed ingens,
 Cunctante astutum nullo, res Persica lapsa est;
 Mille supra steterat, quæ clara, immobilis annos.
 At verò Imperii si propugnacula prima,
 Munimen populi quibus, & spes nititur omnis,
 Aspicias dura circum obsidione tenèri:
 Atque laborantem jam jam discrimine pubem
 Extremo; dubiæ pugnam committere Sorti
 Ne renuas. Dubiæ interdum se credere Sorti
 Arbitrio juvat: & spe animosa sæpè merendum est.
 Non secus & ferro stat decertare, paratam
 In manibus laurum dum prospiciat, ipsaque dat res.
 Re semper caveas concessa segnius uti:
 Momento quoniam rerum momenta feruntur:
 Inque alias mutata vices Fortuna recurrit.
 Non tibi, Pœne, favens Sors defuit, ipse virentem
 Passus mollitiæ desces marcescere laurum.

At si gentis honos, servandaque gloria regni,
 Et famæ gestis partæ, & felicibus armis,
 Consulere est opus: irritat Mavortia quando
 Acrior hic stimulus bellantum pectora, Martem
 Magnanimo tentare duci, pubique licebit.
 Namque cadant quamvis adverso numine, vincent.
 Talia quandoquidem volventes facta minores,
 Virtuti pugnasse dabunt, sed cætera Fato.
 O vos insignes animæ, præclaraque Romæ
 Lumina, quæ sancto Patriæ pro nomine, Pyrrho
 Non terga ignavi, sed pectora dura dedistis,
 Vincere securi: quoniam Victoria vobis
 Fama erat, ætates victrix victura per omnes.
 Sunt alii rerum casus, quibus ire patenti
 Certatum campo præstat, totisque catervis:
 Qui quæ Consulibus fuerint ratione notandi,
 Interdum res ipsa, atque observata docebunt.

At quicumque sibi casus deposcat aperta
 Prælia, consilio numquam miscenda Magistro
 Illa repentino; verum sunt mente sub alta
 Mature volvenda diu, peragendaque cautè.
 Ac veluti, ludo indulget qui plurimus, auri
 Captus amore, sibi concessas sorte, figuras

At si res ferat, & faveat
 fortuna, totis copiis di-
 micandum.

Item si famæ, gloriæ-
 que consulendum, com-
 mittenda Sortis arbitrio
 est pugna.

Numquam incenda est
 pugna, nisi maturo con-
 silio.

Sedulus inspestat, quæ sint, quæ commoda ferre
 Possint: quas primò jaciat, quas deindè secundò:
 Nec prius exponit mensa, quàm singula penset
 Momenta, & casus qui sunt post inde futuri.
 Et legit, & relegit: nam si semel alea jacta est;
 Haud iterum nobis illam revocare potestas.
 Non aliter (minimis si fas conferre suprema)
 Qui ludit varia Martis bellator arena,
 Regnaque, & insignes sunt pro mercede triumphi:
 Omnia perpendat rerum momenta: futuræ
 Certa manet palmæ si spes: si militis ardor
 Sit responsurus voto: si commoda pugna
 Visa sibi sedes: si tempus, & aura secundet
 Fortunam belli; fuerit fraus si qua timenda;
 Et tandem damno si sit victoria major.
 Namque instructus ubi descenderit, haud potis inde
 Detrectare aciem, & tuta cum laude reverti.

Quæ ante pugnam præ-
 videnda,

Conciliandus primum
 Superum favor, sacris ad
 aras factis,

At si de summa rerum decernere visum est,
 Præ tibi quæ cura multa, studioque videnda
 Sint prius, horrifono quàm pulses tympana cantu;
 Expediam. Summo quoniam Victoria munus
 Ab Jove demissum cælo mortalibus ægris:
 Idcirco precibus multis, & supplice voto
 Conciliandus erit Superum favor: inque cruento
 In primis Agno Patri de more litato,
 Præsentem tibi opem, totique merere publi.
 Inceptum si ritè, operis pars altera facta est.
 Nec ritè inceptum ni sint exordia ab alto.
 Ergo sacerdotes patrio de more Latini
 Vestibus induti nitidis, ostroque decori,
 Inque habitu, gressuque, & majestate verendi
 Procedant: illosque pii comitentur ephebi,
 Insignes albis; Phrygio quicquid fimbria textu,
 Atque auro niteat; bini simul ordine: & ipsi
 Incedant gressu, palmis, vultuque modesti.
 Mox populo coram sacris operentur ad aras,
 Votaque pro Re concipiant, gentisque salute.
 Æterno Patri, Gnatoque, Auræque Supernæ,
 Omnibus atque sui Supcris dicantur honores.
 Inque deinde genu flexi, divosque, deasque
 Auxilio properare pios, & adesse secundos
 Ritè petant, ipsi primum, plebs tota sequatur:
 Unà omnes humili repetentes carmina voce.
 Inde tibi, reliquis quæ cura impensior, omnis
 Antiquo de more Patrum lustranda juventus.

Sic etenim nobis Di conciliantur amico
 Fœdere, sic faciles venient ad vota vocati.
 Numina qui bello præsentia flagitat, ille
 More piet patrio pietatem, & crimina fletu
 Diluat, atque animum divino carmine purget.
 Et quoniam exemplo trahitur gens tota Magistri,
 Illius & cunctis mos est lex unica: & ipsa
 Facta magis suevere animos, quàm verba movere;
 Idcirco prior ipse palam, spectante senatu,
 Atque unà populo, sacram prostratus ad aram,
 Quæ tristant animum, turpantque piamine noxas,
 Numen & aversum faciunt, purgare studeto.
 Corpora mox, animos, & mentem purus, & ora;
 Accumbens mensis, Agno vescere sacrato.
 Hoc & rite duces omnes, hoc cætera pubes
 Continud faciet, Restorum exempla secuta:
 Sic Superum favor, & belli secura petuntur
 Auxilia. Haud equidem poterit ductoribus istis;
 Non propter è summo labi Victoria Cælo.

Vicissi geminos replicata clade tyrannos,
 Flaviade, & toto victor simul Orbe potitus:
 Sed pia signa sequens, labaris victricibus Æther
 Præfussit, primumque intorsit fulmen in hostem.
 Vicissi, numero pariter tu, Carole, divum
 Additus, & palmas retulisti, Henrice, superbas,
 Divus & ipse; polo sed tum Victoria ab alto
 Promerita insigni pietate allapsa resedit
 Vestra super signa: ipsique in certamina divi
 E cælo venire pii, pia castra secuti.

Sic animis igitur verbo lustrale piatis,
 Arbitriumque Dei meritis, securior acrem
 Venturæ mentem converte ad cætera pugna:
 Et primus labor est, quid de certamine miles
 Sentiat, explorare: manus conferre paratus
 Si sit, sive aliquis pertentet pectora terror.
 Non opus & mulcis hoc internoscere: tristis
 Formido quoniam verbo se prodit, & ore:
 Et patet ex ipso pariter fiducia vultu.
 Si miles facie pallet, si frigidus ore
 Verba sonat, timor invasit trepidantia corda.
 Ignea si facies ardet, si provocat hostem,
 Increpitatque minax, verbisque audacibus urget,
 Nulla timet, Martisque ferocia bella reposcit.
 Sed ne tironis vultu capiare sereno.
 Dulce inexperto tironi pugna: sed inflat

Tom I.

K k

Ho-

Inde cuncti animos
 pient. Ipseque reliquis
 dec Prætor exemplum.

Sic Flavius Constanti-
 nus, & Carolus Tyennos
 viccunt.

Mox explorandi mi-
 litum animi, an para-
 ti ad dimicandum, & ar-
 dentes animo sint.

Hoflis ubi propior, stridetque volatile plumbum,
 Territus exemplo dat terga fugacia: & illum
 Non juffu, monituque queunt retinere magiftri,
 Nec trahere extemplo focii in certamina poffunt.
 Si metuant igitur Veterani, prælia, Conful,
 Maturè differre juvat, fi vincere cordi eft.
 Atque hic te cautè admoneo, monitusque memento:
 Intempeftivè caveas committere pugnam:
 Nec celer affcctes viâtricis præmia lauri.
 Feftinate Duces lentè: Viâtria feris
 Serta optata ferens descendit ab æthere bigis.

Qua arte formidini
 occurrendum fit.

Insuper his, quoniam mortalibus indita cunctis
 Formido, in campo dum ftant certare parati:
 Atque ipfi in primo trepidant certamine fortis.
 Hinc, illinc acies inftitutæ, horrorque tubarum,
 Æris & explofi ftidor, fremitusque pilarum
 Grandinis in morem fupra capita ipfa volantum,
 Nimbiferique ignes, & terrifici reboatus,
 Magnanimas etiam pullant formidine mentes.
 Idcirco primùm tanto te opponere morbo
 Nitere fic: alto priùs ipfe in vertice collis,
 Unde tui poffint juvenes dignofcere vultus
 Hoftiles, illisque fimul confuefcere difcant,
 Belligeras certo difpones ordine turmas.
 Et levia interdum mifcentes prælia, dedant
 Corpora multa neci, cogantque capeffere turpem
 Multa fugam: fic arma, viros, moresque tenebunt:
 Sic veniet tiro è primo audacior ausis.
 Nec trepidabit, ubi jam Mavors fulminat, & jam
 Conftitu in medio fervent ftagesque, neceſque.
 Horrida namque minus, veniant fi crebra fub uſum,
 Perturbant terrore animum, mentemque fatigant.

Ad enſionem vo-
 di, incitandique animi ad
 certamen: & quibus ri-
 montis.

Præterea fermone ducis, velut humor ab igne,
 Fervet amor pugne, juvenumque accenditur ardor,
 Et virtus, animique, & fiducia plurime crefcit;
 Præſertim palma fi ſpem præſumere certam
 Audcunt alacres: idcirco Prætor ab alto
 Accendat dictis animos, & pectora firmet.
 Sed quæ commemoret, ſint hæc: ignavia, & error.
 Sic & inexpertos belli contemnere miles
 Audeat; ignavos petat & fidentior hoſtes.
 At ſi acie quondam victi, domitique fucere,
 Facundo canat eloquio: generoſaque corda
 Irritare novi ſtimulo conetur honoris.
 Fortis honor ſtimulus, cum primùm quæritur: at cum

Pos.

Possessus servandus erit, fortissimus ille est.
 Quin etiam dicenda, valent quæ protinus ira
 Inflammare animos, odiisque urgere calentes.
 Acrior ardenti ruit inflammatus ab ira
 Miles in adversos hostes: odiisque furorem
 Concipit: atque animis robur furor effersus addit.
 Quin cùm præcipiti fertur, mens cæca furore,
 Nil timet, atque ultrò Martem, mortemque laceffit.
 Et quoscumque odio nos insectamur acerbo,
 Acrius aggredimur. Ferveſcat plurimus ira:
 Plurimus atque odiis ruat in certamina miles:
 Insuper, ingenti quoniam mortalia corda
 Auri sacra fames vi torquet, & ardor habendi
 Sopitos potis est animos accendere; Consul
 Plurimus idcirco bellanti præmia publi
 Spondeat, & lætos campos, & pinguis rura:
 Et sua quæ quisquis pugnando effecerit armis.

His accensi animi, jam jam feralia poscunt
 Prælia; quadrupedumque unâ micat æmula virtus.
 Haud mora, dux acies in campis explicet: æquum
 Sed primum legisse locum, quo pugna ferenda est,
 Sedulus insudet: sperati magna triumphi
 Pars locus: idcirco colles, clivique supini
 Captandi: quoniam vehementius acta volabunt
 Tela in subiectos, & vulnera certa reponent.
 Impete quin etiam nixi majore repellent
 Hostes in summa clivi statione locati.
 At clivo adverso veniens qui nititur, idem
 Cumque loco, fortique simul configere pube
 Cogitur: & frustra nonnunquam spicula torquet,

At si te pedites multi comitentur, & hostis
 Acer equis instet; pete semper summa locorum,
 Aspera que, latè que jugo discissa frequenti.
 Contra si pedites inimici vincere gestis,
 Edictiora quidem, sed querere plana memento.
 Non sylvæ circum, caligantesque recessus,
 Neve lacus sparsi fuerint, mollesque paludes.
 Cretosique tibi vitanda est glareæ ruris.

His super, editor si sit locus, æra locato
 Illic flammigera, & glandes emittere in hostem
 Assiduè iubeas (tota hinc Victoria pendet
 Interdum) firmaque locum tutare cohorte.
 At si præveniens festinus vertice sedit
 Hostis, & invectis stat machina firma metallis:
 Est juvenum virtute jugo pellendus ab alto

Qui locus aptior ad
 pugnam.

Editor locus accommo-
 dus, si pedicatus multus.

Planities Equitatu
 comoda.

Editor locus totimen-
 tis firmatus.

Vitanda, quæ receptui
obesse possunt.

Ante tibi; tuto si vis decernere Marte
Si secus haud aciem tentes producere. Nunquam;
Prætor, inæquali pugnae discrimine fortem
Credere se pubem, vel iniquo Marte jubebis.
Perge, nigri saltus si sint, & flumina, retrò
Flumina habere, fugæ Fatis ne forte sinistris
Opponent sese, cautus vitare memento.
At poterunt firmare latus, ne fortior hostis
In latus irrumpat: pariter tutetur utrumque
Sylva latus, primo verùm custodia loco
Firma sit; insidiæ latebris ne subter opacis
Occulentur: erit semper via tuta receptu,
Si campi pateant, & propugnacula retrò.

Quæ prænoscentia præstet
quàm acies instruat.

Sed jam raucifono strepitantia tympana cantu,
Stridulus & fracti fragor æris, & horrida Martem
Cornua pulsa sonant, hostemque, & prælia poscunt!
Quare age, bellator Juvenis, generosa propago
Magnanimum heroum, & bella ad victricia natus,
Parthenopæus adest quando, frænumque remordet
Ornatu insigni sonipes, & ephippio aureo,
Jamque ferox saltu te bellatoris in armos
Mitte agili: mecumque aciem dux instrue campis.
Sed prius, armatas quàm jussis ire cohortes,
Prænoscentia tibi sunt hæc, quæ plurima possunt
Conferre ad palmas pugnaci ex hoste ferendas:
Conversa ad Solem ne sit frons agminis; igneo
Lumina ne radio transverberet. Annibal astu
Romanos tali deceptos vicit acerba
Ad Cannas pugna: maduistis sanguine Cannæ
Romuleo; quoniam perstrincti luce maligna
In Pænos juvenes telum torquere nequibant.
At Cimbròs astu Marius devicit eodem.
Insesta quoniam Cimbris lux Solis, & æstus
Præsidio, & palmæ authores venere Latinis.

Cavendus ne ventus
in os ruat.

Est etiam ille malus cautè bellantibus error
Evitandus, in ora ruat ne ventus, & unà
Pulvis in adverso oculos, ictuque fatiget.
Aut nebula, pluvisque effusis incidat imber.
Quid quod Romuleo defluxit sanguine campus
Claudius, & Cimbri primum vicere, domandi
Consule mox illo, quo primum, Marte secundo;
Signa potiti, iterum magno reddenda triumpho?
Scilicet in Latios inopino turbine Cimber,
Ventosum nactus Solem, nebulamque nigrantem;
Irruit; inque plagas acies instruxit Eoas.

Con-

Continuò ventus, ventoque impulsus in ora
 Pulvis, & obductus tetra caligine turbo
 Decidit: & roseo radii fulgore, corusco
 Ære reperiçulli, cœlum succendere visi.
 Territa quo pubes casu, nimboque laborans
 Pulvereo, solitis non viribus ire feroces
 In Cimbros potuit: cessit Victoria & hosti.
 Quin etiam adverso propulsæ flamine glandes,
 Vim perdunt, & tela: secundis ocyus auris
 Ista volant contra; penetratque potentior ictus.

At si nocte sedet, vel res consigere poscat,
 Imprimis Lunæ rationem semper habendam
 Præcipio, Magni exemplo, qui Pontica fregit
 Agmina, nocturnis inimicum aggressus in umbris.
 Nam sic ille aciem campo direxit, ut hosti
 Ignibus adversis splenderet lucida Phœbe;
 At contra radiis pulsaret terga suorum.
 Hinc illa è pelago niveis surgente quadrigis,
 Romani, anticæ spargebant corporis umbras:
 Ponticus umbrarum falsa sub imagine captus,
 In spectra incassum mittebat inania tela.
 Quo casu insignis Magno Victoria parta est.

Verùm hæc, in pugna quæ sunt vitanda magistro,
 Non operis multi fuerit cognoscere, quando
 Congressuræ acies lato extenduntur in arvo.
 At verò solertis erit ducis, ante futura
 Illa eadem vidisse, die ne forte ruente,
 Vertigo noceat Solis mutata reflexi.
 Tempore vel certo Corus de cardine surgens,
 Pulvereamque trahens nubem, pugnantibus obsit.
 Ille mihi doctus dicetur navita, ventos
 Qui scit, & horrendas præcognovisse procellas.
 At non qui tantum præsentia flamina novit.
 Idcirco, bello qui præsidet, ille peritus
 Sit cœli, Lunæ vultus, & sydera norit,
 Atque vices anni varias, solisque rotatus;
 Nubila uti, & varios possit prædicere ventos.

His animadversis, Acies (sic nomine nostris
 Dicitur instructus geminis exercitus alis)
 Ordinibus certis campo, spatiisque locanda
 Jam tibi, magnanimum si Martis adorea pectus
 Tangit, & optati stimulat te cura triumphi.
 Ordinis & semper statuendi, prima supremi
 Cura ducis: Justo si fortes ordine turmæ
 Bellantum campo steterint, Victoria certa est:

Sic Cimbrî primum vi-
 cère.

Noctu habenda etiam
 Lunæ ratio est: sic Pom-
 pejus Ponticos vicit.

Sit cœli, ventorumque
 peritus Dux.

Ordo in certamine plu-
 rimùm valet.

Delecti, ac fortes fronte in prima locandi, & in ultima acie.

In explicanda acie praevenire hostem opus.

Art. dividendi totum exercitum in tres partes & quae sunt singulae explicatur.

Si secus, egregii quamquam, franguntur ab hoste.
At quoniam gente in magna, non fortibus omnes,
Insignes animis, non arte, & viribus aequi:
Idcirco lecti juvenes, qui plurima bello
Præmia, qui plures & promeruerunt triumphos,
Semper erunt prima statuendi in fronte; futurae
Hoc pugnae momenta, innixaque vertitur omnis
Cardine res: fortisque volat Victoria fronte.
Insuper, extrema pariter virtute locandi
Bellaces acie juvenes, qui Marte sinistro
Subsidio actutum properent, pugnamque feroces
Instaurant: his sæpe datum meruisse trophæum.
Robora prima, duces, juvenumque ferocia Marti
Corda laboranti servate, speique supremæ.

Sed ne te celer, atque instructis viribus, hostis
Præveniat (serò producere signa caveto).
Primus adi campum, atque aciem campo instrue primus).
Tempus, ut armatas exponas ordine turmas.
At tibi qui modus, & quæ, dux, adhibenda (1) podisimi
Sit ratio melior hac tempestate, docebo.
Et primò quoniam pubes tibi tota pedestris
Cognita, in æquales illam partire cohortes:
Inque pares etiam turmas, mox divide totum
Cornipedum numerum. Quique hinc emerit equorum
Frenigerùm pariter numerus, pariterque cohortum,
Tres æque in partes, si gens sit multa secetur.
Si secus, in partes non æquas divide: quarum
Sit postrema minor media, sit maxima prima.
His actis, primò statuatur in ordine prima.
Hæc olim Frons dicta, Acies & prima Latinis:
Ast Italici (2) Antica modò Custodia fertur.
Inde jugum in medium, jubeas properare secundam:
Quam mediam veteres Aciem dixere vocantes
Romulei: pugnae (3) quæ nunc de nomine nomen
Accepit: totum quoniam certamen in illa est.
Ordine succedens tandem stet tertia tergo,
Romanis postrema Acies, tergusque vocata,
Certaque subsidia in casus ventura sinistros.
(4) Postica est Italici quæ nunc Custodia, primæ
Si parti par illa: secus spes ultima pugnae

Jam-

- (1) Est dimentio pedibus facta; seu dimentio inter pedes, quæ inter versus, & ordines servanda.
(2) Vanguardia. (3) Battaglia. (4) Retroguardia.

Jamque laboranti (1) Manus Asservata juventæ.

At juga certa inter quæ sit distantia; passus
A primo centum, Prætor, distare secundum:
Eque jugo hoc jubeas his centum abscedere ternum.
Namque agri sic justa tibi data copia, turmas.
Marte sub adverso victæ si forte recedant,
Protinus instruere, instructasque in prælia rursus
Mittere, & amissum confestim acquirere campum.

Quæ distantia statuenda
inter acies.

Quod superest, Aciem sic pones ordine primam:
Quadratæ in media peditum statione cohortes

Art explicandi primam
aciem traditur.

Tot stabunt, subducta dedit quot summa: sonantum
Alipedum hinc, illinc pariles, duo cornua turmæ
Belligeræ tutentur: erunt fortissima quæque
Robora, quæ validis defendant viribus alas:

Et geminum latus hoste tegant, transversa ruente:
Verùm inter turmas equitum, peditumque cohortes
Tantundem spatii teneat scutura, quadrati

In longum quantum frons ipsa extensa patefcit;
Ut medio instructæ quæ perstant agmine turmæ,
Auxilia æstutum properantes, agmine verso,
Scuturas implere queant, pugnamque labantem

Instaurare, locumque unâ præbere secussis.
Idcirco (propere ingreditur pars altera) cætus
Sic acie in media juvenum sit cura locare,

Scuturas contra ut primi extendantur in unguem.

Et secundam, ac ter-
tiam.

Non aliter medii scuturas agminis ipsæ
Postremi aspiciant turmæ, sed tergora primi.
Sic etiam poterunt latum per inane ruentes,
Subsidio properare acies, versasque suorum

Sustentare manus, Martemque accendere rursus.
Intervalla juvat nonnumquam explere manipulis

Nonnullus equitum; qui si certamine primo
Sclopiferi fundant, turbatis versibus, hostem,
Ocyus irrumpant; subitoque horrore labantes
Latè inturbant acies, cedantque sequendo.

At contra, sociæ si fors formidine captæ,
Ordinibus cæptent versis nutare catervæ,

Accurrant alacres ipsi, trepidasque phalanges
Sustineant, hostemque novo conamine sistant.

Non fecus ac subitis cum torrens imbris auctus,

Anietat in ripas, & victor vincula rumpit;
Impiger accurrens, si admotam protinus addit

Fossor

(1) Corpo di Riserva.

In ultima acie fortium
cohortes juvenum Lacon
no more locandæ, ut no-
tantes firmem, & versam
aciem remittant.

Fossor humum, reparatque novo molimine ripas;
Vertit aquas, redimitque vadis jam naufraga rura.
Atque hic admoneo nostro te carmine, Prætor,
Fortia post aciem veterano è milite lecto

Subsidia ad socios, cum res, ventura juvandos,
Pellendumque hostem, Spartano è more locare.
Subsidia hæc primi, si vera est fama, Lacones
Disposuere: Tyri, quos mox imitata juvenus:

Et tandem Patres servarunt ritè Latini.
Hi pariter primi poterunt accendere pugnam,
Immotæque acie, & perstantibus ordine eodem
Agminibus cunctis, inimicum irrumpere cornu.

Aut circumventos à tergo urgere valebunt.
At tibi nulla retrò si sint servata, Magister,
Subsidia: in turmas si forte irruerit hostis,
Et sternat, cædatque; jugo tum mittere ab ipso

Cogere auxilia: atque acies tennata fatiscet.
Solertes laxare acies, & inane cavete,
Rectores, spatii namque his si providus hostis
Ingreditur, certæque neces, stragesque sequentur.

Quin etiam, turmas inter manus illa reposta,
Veles erit miles, simul & Rorarius, imbrem
Qui tenuem primò spargens, exordia pugnae
Prima facit, Martisque explorat Fata futuri.

Creber & hic primo pariter stet in ordine Veles,
Stet quoque multus ibi Rorarius, impete primo
Qui roris ritu jactans per inania glandes,
Martem inecat, tentetque levi certamine pugnam.

Ergo ubi iam campis acies instructa refulsit,
Inque lux steterunt legionis fronte Tribuni;
Ipse acie in media Consul, tumultoque residat:
Ut sic cuncta queat pugnae momenta futurae,

Observare, omnemque aciem lustrare patentem.
Illius & geminus cornu Legatus utroque
In medio insistat versu, geminasque gubernent
Alas: & juvenum Prætozem plurima circum

Stipetur manus: inque omnem percurrere partem
Prompta animis, unaque ducis mandata referre,
Et quæcumque duci mittent responsa ministri.
At Martis concessa cui tormenta, Magister

Suggestu vigil incumbat: curetque sagaci
Ingenio adversum flammantia vertere in hostem
Æra: & continuò, cum res, explodier ictu.
At mihi vos, divæ, præsci quæ temporis acta,

Et

Inter vacua spatia lo-
candi Velites, ac Roratis.

Prætor stet in medio,
in utroque cornu Legati.

Et veterum meministis adhuc monumenta virorum,
 Dicite, tantorum Vati sub fine laborum,
 Quis Deus (inventi quoniam mirabilis author,
 Haud fallor, deus ille fuit) bellacia certo
 Ordine qui primus distentis agmina campis
 Explicuit, legesque dedit certaminis æquas,
 Dicite: quandoquidem memores ea facta tenetis.
 Tuque adco Bellona, tua (nam credere dignum est)
 Ille instructus ope egregias mortalibus artes
 Extudit, & ritu gentes ratione potentes
 Humano docuit configere: cætera quando
 Ordine permixtim pugnant animalia nullo.

Quis primus exercitum
 suos ordines explicuit.

Pan Deus Arcadiæ delectam ad prælia pubem
 Ægrogæ laudis, regnique cupidine captus
 Euphratem supra rapidum, Tigrimque sonantem,
 Regna sub Eoa, & felices duxerat Indos.
 Et jam Cappadoces, Galatasque, & rura feracis
 Armeniæ, mollemque Syrum, ditemque Niphatem,
 Imbellesque acies Persarum, extremaque Bactra
 Vicerat, & leges dederat, moremque subactis.
 Hinc fasces insignis palmarum, speque futuri
 Elatus certa (fuerat quæ prima cupido)
 Tandem signa rubros victricia movit ad Indos.
 Hic ubi diverso fluvii sub litore vidit
 Innumeros latè populos; quot millia cælo
 Densa locustarum volitant examina, & omnem
 Eripiunt lucem terris, noctemque reducant;
 Constitit attonitus: totusque exercitus unâ
 Aspectu tantorum hominum conterritus hæsit.
 Et jam victores Asiæ dare terga parabant
 Parrhasii juvenes, ipso trepidante magistro.
 Conditur interea Titan, & cæca ruens nox
 Latè umbra cælum, terrasque involuit opaca,
 Arcadis atque sygam: summo descendere Olympo
 Parrhasio conspecta Deo Bellona, comanti
 Insignis galea, & pectus thorace nitenti.
 Fortia crura ocreis circum succincta cornicis:
 Ægida & horrenda cælatam Gorgone læva,
 Æratam verò gestabat dextera pinum.
 Terribilis, virgo quamquam pulcherrima visu.
 Atque ferox ingressa, Deo sic ore locuta est:

Non inelegans fabula:
 qua Pan traditur, mira-
 bilis artis inventor.

Quis novus invictos animos timor occupat? ecquæ
 Imbelli dare terga hosti dementia cogit?

Bellona Panem allo-
 quitur.

Quò mens, quòve animi, tantisque exercita bellis
 Nunc virtus, validæque abjערunt robora dextræ,

Tom. I.

L I

Plu-

Plurima quæ letho demisit corpora, quæque
 Rettulit insignes Asiæ de gente triumphos?
 Anne nova insuetæ terrent formidine gentes?
 Sed non majores animi, non major & illis
 Vis est, quàm victis inerat Persisque, Syrisque.
 An mentem numerus populorum percussit ingens?
 Ast acie numero non vincitur: ordine vires
 Instruētæ, bello inviētæ, numerosaque plebis
 Agmina debellare valent, si legibus æquis
 Consistant campo pueri, ferventque, magister
 Quos dederit, certo pōsitos discrimine versus.
 Quare age, quique tuis sit dandus gentibus ordo,
 Innumeri Indorum populi cū prælia poscent,
 Accipe: confusas acies, mixtimque ruentes
 Insternet campo domitas Mavortius ordo:
 Et te victorem Nysæ ad capitolia mittet.
 Quin etiam inventi venies Deus author: & alta
 Posthac venturi bellacia cornua fronte,
 Pro facti laude, imponent monumenta nepotes.
 Hæc ubi diu modum, quo campis explicet agmen,
 Edocet: & certo numero, spatique cohortes
 Instruit: in medio qui sint, qui fronte locandi.
 Hinc dextrum jubet, hinc lævum decedere cornu.
 Quæque resident fulgentes ære catervæ
 Hinc peditum latus, atque illinc tutentur equorum.
 Et quæ subsidia in tergo servanda, sinistra
 In pugna, turmas instauratura labantes.
 Quin aciem populi totam, cunctasque cohortes:
 Versantis Rhombi in morem, moremque jugantis
 Ire datis jubet ordinibus: nam legibus illis
 Instruētam, fore victricem, indomitamque phalangem,
 Prædicat Bellona, suo & rem numine firmat.
 Mox & diva docet Panem curvare cohortem:
 Nunc cuneum, & rostrum versu formare juganti:
 Et modo versanti: turmas nunc ire quadrato
 Ordine: lunatas acies nunc explicat; & nunc
 Implicat inflexas: ovi nunc circum instat.
 Implexas Dea niox reddit, mox curvat easdem.
 Hinc ut parte phalanx geminetur longior una:
 Et transversa modo quo sit facienda, recludit.
 Hæc sibi, terribilem dextra Dea protinus hastam
 Direxit, densosque ferox intorsit ad Indos.
 Haud dubio, palmæ prælagia certa futuræ.
 Omine & ancipitem firmavit Pana secundo.
 Mox cita sydereo gressum deflexit Olympo.

Et illum animat ad pugnam.

Eumque aciem explicare docet, & in varias figuras disponere.

Et

Et lætè horrendum fugiens dedit æthere bombum?

Pan sonitu excitus tanto, lætoque repente

Omne firmatus, gentem citus ore canoro

Imperat acciri: concurrunt undique factò

Extemplo populi signo, & tentoria regis

Denfantur circa trepidi: tumulto Deus alto

Affurgens, tali plebem sermone locutus,

Aggreditur: Faciles aures adhibete Magistro,

Flos lætus juvenum, Martisque potentis alumni:

Læta fero, divina, Dæque ostensa tremendæ.

Quare agite, & tristes animo deponite curas:

Indorum vos regna manent ditissima: vester

Indus erit rutilus gemmis, & flavus arena

Purpurea Ganges, & Thetys gemmea conchis.

Ipsi etiam nitido montes adamante rigentes,

Et virtutes erunt vestræ tot præmia gentes.

Nunc etenim mihi visa loqui dea Martia, duris

Quæ bellis regina potens, & præsidet armis:

Erexitque animos, & spem præsumere iussit.

Exin bellaces docuit me diva catervas

Instruere ordinibus certis, quibus acris hostem

Innumera exciperem: pecudumque è more ruentem

Turmatim in jugulum, missoque in pectora ferro,

Bruta velut, cunctos æquali sorte necarem.

Quare agite, ô læti juvenes, atque agminis æquam

Jam legem accipite, & monitis parete volentes

Virginis horrendæ. Vix hæc cum lætus ovantum

Exortus clamor, festique ad sydera plausus:

Atque deam belli dominam gens tota salutat.

Circum festivo responsant murmure colles:

Vifus & ex imis affurgere fluctibus Indus.

Hinc Deus accepto pugnaces ordine turmas

Explicat: & sæva in certamina provocat Indos.

Extemplo magnum tranantes fluminis alveum,

Approperant Indi: mixtimque incondita turba

Arma movent, densoque accendunt prælia nimbo.

Parrhasii legem servantes ordinis, illos

Excipiunt: cuneoque ruentia pectora rumpunt.

Ordine quo tandem palmam retulere decoram:

Cumque suis Indum gemmis, Gangemque superbo,

Et dites Asiæ populos duxere triumpho.

Sic acies primùm campis instructa, cohortes

Explicuit, certo versu, numeroque locatas.

Et tanti Deus inventi dux primus: & inde

Pan suos vocat. eoque
Dex monens ad conti-
lum hortatur.

Pugna committitur,
visæque Indi.

Pyrhus in occiduis oris, exempla secutus
Magna patris, gentem docuit: nec tempore longo
Ars ignota Patres latuit, plebemque Latinam.
Sed miscenda vocant me prælia: detonat alto
Fulmine Mars; latèque obvelant nubila cælum.





BELLICORUM

LIBER UNDECIMUS.

A S t age, bellatrix quando nitet utraque latis
 Instructa in campis acies, & quæque superbum
 Opperiens hostem stat pugnatura: tremendam
 Jamque hastam Bellona quatit, jam detonat ære
 Fulmineo, & magna circumtegit ægide pectus.

Ipseque laurigeris hæc illac desuper alis
 Æqua volat, neutrique favens Victoria pendet:
 Jam tempus precibus Divam, & virtute mereri.
 Ergo ubi jam signum Prætor dedit ære tonanti,
 Protinus in terram desexi, supplice voto,
 Numina adesse petant præsentia: semper ab alto
 Eventus rerum felix poscendus Olympo est.
 Hinc pugnam ordiri Dux imperet: illicet illi,
 Sors quibus est primi tentare pericula Martis,
 Agmen in adversum properent, roraria plenis
 E pateris postquam de more hausere vetusto.

Sunt, qui principio magnis clamoribus hostem
 Invadunt, animosque ingenti murmure tollunt.
 Vasta feras veluti cum per deserta petivit,
 Rugitu sonat immani vis dira leonum.
 Ast alii ferro taciti, non voce lacescunt
 Hostiles acies, dubique in prælia Martis
 Irritant animos rauco stridore tubarum.
 Hunc nostri morem teneant: clamore fugaces
 Altra Scythæ pulsant, & barbarus incola Ponti.
 Quamvis ingenti juvat addere voce timorem
 Nonnumquam trepidis; nutans horrore pericli,

Ante pugnam funden-
 dx pro felici eventu pre-
 ces sunt.

Magnis clamoribus qui-
 dam certamen incunt.

Alii silentio: sed tuba-
 rum sono incitantur.

Ob-

Juvat nonnumquam
clamore addere timo-
rem trepidis, Liberi exci-
plo.

Obruitur tandem mens perturbata tumultu.
Non secus, ut perhibent, Liber Nyseus ad Indum
Attonitas fudit gentes: primusque Gygantes
Alcisono conchæ Triton clangore fugavit.

Insuper, adversum properatis passibus hostem
Nonnulli invadunt primi, primique reponunt
Vulnera: atque immoti venientes, impete presso;
Excipiunt hostes alii, fessosque trucidant.
At illi modico prima in certamina gressu
Succedunt: celerantque gradum, ut Fortuna dedit se.
Et quamquam celeri cursu bellator in hostem
Cum ruit, audaces animi fervore calescant,
Nec certum videat mens irritata periculum:

Moderato gradu in ho-
stem eundem est graditi.

At quoniam primus cum deficit impetus, una
Lentescit vigor ille animi, viresque labascunt,
Omnis & interdum turbatur Martius ordo;
Ideo gressu non miles in arma citato,

Equi vero citato cur-
su.

Neve ruat segni: sed iustis passibus hostem
Aggrediatur, agit si rem pedes: arduus alto
At si vectus equo ruit in certamina, fulmen
Excussum de nube velut, prorumpat: equorum
Ignea vis magno fervescit concita motu.
At totis instructa locis si forte, Magister,
Est acies, numeroque potens super ingruat hostis,
Tum bellatores ipsa in statione jubeto
Expectare: locis sic luctabuntur iniquis,
Et simul excipient hostes tua vulnera fessi.

A dextro cornu inci-
pienda est pugna.

Verum ubi jam primum sparfit Rorarius imbrer,
Grandinis horridæ, victorque adversa fugavit
Agmina, continuo motis succedere signis
Præcipies aciem pugne, Martemque ciere;
Prima tibi dextrum, si fors contraria poscat,
Incipiet de more Patrum certamina cornu.
Mox & cornipedum sua lævum pectora acutis
Solicitet stimulis, pugneque, hostique propinquet.
Hinc pedites inter bellacia cornua equorum
Extenti, totis accendant prælia turmis.

sclopi non explodendi;
nisi intra viginti passus.

Verum illud cura, Prætor, solerte caveto,
Ne pueri explodant Vulcania tela, priusquam
Intervalla petant; frustra ne concidat ictus,
Atque errore tuo captum te te occupet hostis.
Vicini ut passus, non amplius, inter utramque
Interfunt aciem, cum tempus aenea flammæ
Concipere, & celeris gremio detrudere glandes.

Ergo ubi jam totis certari viribus, armisque

In-

Inceptum, dubio eventum, partibusque periclis,
 Dux magnum referens animum, mentemque per omnes
 Se vertat rerum casus, & singula penset.
 Ut si quâ vultu, tum se Fortuna benigno
 Obtulerit, mora nulla, sequi, & felicibus uti
 Auspiciis, ventoque expandere vela secundo.
 At contra incipiat si tristior ora videri,
 Adversis citus occurrat, damnumque futurum
 Consilio avertat præsentis, & fortibus ausis.
 Nam licet humanis in rebus plurima possit
 Instabili Fortuna rota: tamen æquore Martis
 Una regit belli cursus, una omnia versat.
 Fulguris in morem, nunc lumine fulget amico,
 Spem facit & magnam palmarum: ast illicet illam
 Ni teneas animosus, it & quâ Diva, sequaris;
 Indignata fugam subito molitur, & aufert;
 Quam dederat tibi, spem. Vultu si forte maligno
 Fulserit adversata: minas si pectore duro
 Sustineas, placesque Deam conamine forti,
 Mutabit placata vices: teque omine dextro
 Protinus egregiam in laudem, palmamque vocabit.
 Hoc quæ momento ridet Fortuna, sequenti
 Se tristem dabit: & momento flexilis uno
 Dat palmas, adimitque, & cuncta fugax citò vertit.

Præterea multi casus, inopinaque rerum,
 Nec prævisa Duci facies, prodesse merendas
 At palmas poterunt, concessis impiger uti
 Si valeat, tristi vel tum se opponere Sorti.
 Si secus, illa eadem venient nocitura triumphis.
 Panicus invasit si mentes terror, & ingens
 Si turbo averfus surgat, si rumor inanis
 Spargitur in vulgus: dederis quæ iussa, minister
 Si malè percipiens, contraria rettulit: & si
 Cæca superstitio tenuit trepidantia corda,
 Ingentes poterunt clades asferre, repente
 Ni tu consilio occurras, ortuque sub ipso.
 Ne crescat latè serpens, confeceris hydram.
 Quæ mala principio si castra hostilia turbent
 Insperata, nimis poterunt conferre secundis
 Successis, Sortem si tu promptissimus, ultro
 Oblatam, accipies, & quâ via panditur, insles.
 Sæpè levi casu, quem dextra excepit amica,
 Ingens solerti victoria parta Magistro est.
 At qui despiciens, animo neglexit inertis,
 Et tristes ignominias, & funera passus.

Attendat Prætor ad
 omnem casum, & si se
 dedit, occasionem attri-
 piat.

Si minus, malo forti-
 ter, ac tempestivè occu-
 rat.

Varia fortuna, eique
 opus, ut se Dux accomo-
 det.

Multi improvisi casus
 in pugna occurrunt, qui
 & prodesse, & obesse pos-
 sunt prout gnarus, igna-
 rusve fuerit Dux.

Consul priora cina-
us turma aciem sedulus
percurrat.

Non tamen in aperta
se pericula inferat.

Proderit, si delecti mi-
lites in adversum ducem
inimicantur: eo enim
caso, relata victoria est.

Si duces sibi occurrant,
seriandum quando duel-
lo sit.

Ideirò lecta Consul comitante cohorte,
Scipiadae magni exemplo, stet promptus in omnem
Ire aciem, dubii quò postulat alea Fati,
Consilio, & dextra cunctis succurrere: & arte
Plurimus insudans, nunc hos, nunc temperet illos:
Ast illud te te moneo, creberque monebo,
Ne primo, Prætor, dum jam certamine Mavors
Ardet amans stragis, ferventque, ictusque, necesseque,
Palmarum, & nimia laudis dulcedine captus,
Viribus & fidens, te in aperta pericula mittas.
Nam cæso Ductore, cadet spes omnis: & ingens
Tum gentem timor invadet, caedesque sequetur.
Idque mali pariter metuendum, tardus acerbo
Vulnere si pugna decedere cogitur, illo
Dum trepidis opus est, dum perturbata laborant
Agmina, & ingenti jam res casura ruina est.
Ceu moles immensa, gravi quæ nixa columna,
Illius solo in fundamine tuta recumbit,
Si casu ruat hæc subito, vitiove fatiscat,
Decidet & moles inna: sibi consulat ergo,
Et publi Prætor, seque ad meliora reservet.

Proderit (arte viri quoniam bellamur, & astu)
Interdum juvenum fortissima corpora, dulcis
Quos auri cepit, vel honoris amica cupido,
Delegisse, Ducem qui densa per agmina querant
Hostilem, sævoque inventum vulnere cadant,
Vel captum referant: magnis sinaverit ausis
Sors, letum pugnae statuens imponere finem.
Nam velut amisso percunt rectore carinae:
Sic acies, Duce sublato, dispergitur omnis.

At si dum multo fervercit sanguine Mavors,
Permixtæque cadunt equitum, peditumque catervæ,
Obvius occurrens venit adversarius, & te
Provocet, haud illo renuas certare duello,
Par ætate tibi si sit, par viribus; æquo
Ut valcas pugnae sortem decernere Morte.
Si secus, & lucta sese subducere honestum,
Fas erit occursum tibi tum vitare: decorum
Si minus id fuerit, famæ, gestisque peractis
Consule, & incertæ vitam committito Sorti.
Teque hic admonco: cum decertare paratæ
Stant campis acies, & jam Mars igneus ardet,
Audaces aliquot nonnumquam ex hostibus æquor
In medium armati insiliunt, totidemque tuorum
Quos laudis tangat stimulus, clamore lacessunt.

Has

Has tu sed luctas, nec conductura duella
 Consulto caveas: nam tristia sæpè futuri
 Hinc solet auspicia ignavum desumere vulgus:
 Eque levi interdum casu certaminis omnem
 Arguit eventum, & rerum momenta rependit.
 Quin etiam egregii frustra conflictibus istis
 Sæpè cadunt, quorum poterat virtute referri
 Rebus in extremis victoria: plurima fortis
 Unius quæ sæpè viri conamine parva est.

Cavenda initio pugnae
 duellæ & cur?

At si de summa rerum certare Tyranni
 Forte velint, Martique caput sacrarier unum,
 Haud renuo. Quo fonte sinunt mala semina belli,
 Atque odia, atque iræ, regnique insana cupido;
 Fonte fluat pariter, fas est, ut sanguis eodem.
 Authores belli pereant: innoxia turba
 Servetur populorum, & pace fruatur amica.

Si tyranni certare de
 summa duello velint, ip-
 sis permittendum.

Verùm si monitu Superùm, jussuque Deorum;
 Dum res accisæ, nec spes jam restat in armis,
 Barbarus & victor verbis insultat amaris;
 Numine vir plenus sese offerat ire duello
 Certatum, & meritas ex hoste resumere pœnas;
 Ne prohibe: si Fata vocant, pede Fata secundo
 In pugnam venient, palmamque è sydere mittent.
 Non uno infracti jam se certamine castris

Numinis duæ certare
 duello interdum expe-
 dit.

Abdiderant trepidi laciæ, tristisque tumultu
 Jam certam Patriæ cladem, & sua funera flebant.
 Ante Phylistæus stans vallum immanis, & atrox,
 Terrorem miseris, nec quidquam audentibus addit,
 Horrendum ferro minitans, dictisque superbis.
 Quæ vos nunc latebræ, vel quæ spelæa ferarum
 Ima tenent, leporum timidissima turba? neque ullus
 Vos laudis tangit stimulus? non mortis honestæ
 Gloria magnanimis pullsat præcordia curis?
 O si fœmineum genus inter, ineptaque Marti
 Pectora, vir saltem fuerit generosior unus,
 Illicet in campum mecum certare duello

Davidis exemplo con-
 firmatur ejus certamen
 cum Phylistæo accuratè
 describitur.

Descendat, pulchramque petat per funera laudem.
 Nam pereat quamvis (neque enim se vincere quisquam
 Me speret pugnante) tamen laus, & decus olli
 Hac nostra cecidisse manu: sic molè tremenda,
 Aspectuque Gygas horrendo, & voce minatur,
 Et cum luce diem fert Sol, conditque relatum.
 Hisce minis pulsi còlles, vallesque resultant.
 Horrendumque sonans trepidas vox territat aures
 Ilacidum, castris qui se, valloque tenentes,

Gigas jactans minitan-
 do Hebræos provocat.

Supplicibus tantum votis pia Numina poscunt.

Hæc cum Bethlæos pascens armenta per agros,

Acciperet pastor Jessûus (illa citatis

Id David indignè ferens
ire in barbarum confli-
tuit.

Undique Fama volans jam pervulgaverat alis)

Indignans animo, generosa incanduit ira:

Atque hæc flammato simul ore effatur (& illum

Attonitis audit grex auribus, & stupet omnis

Insolitam accipiens vocem, impacata canum vis)

Quisne his contemptor Divumque, hominumque superba

Talia qui nostræ genti, fastuque Tonanti

Exprobat? an frustra Omnipotentis numen adorent

Illicidæ, frustra que aris sua thura reponant?

Est equidem, est Deus in nobis, quo fretus in hostem,

Bellacem quamvis, vastaque in mole timendum,

Ibo alacer, populi vindex, vindexque Deorum,

Haud equidem nostra factum virtute, ferocem

Quod manus hæc ursum discerpsit, quodque leonem

Horrificum, ingentem laceravit: ab æthere vires

Largitus puero Deus est: dabit ille superbum

Ante Phylisthæas acies, ante ora suorum,

Hæc nostra pariter dextra superare Gigantem.

Hæc ubi, jam cæsi præcinctus pelle leonis,

Et spe plenus in Tere-
binthi vallem, ubi castra
suorum, & hostium erant
progrederetur.

Et pastorali armatus, fundaque, pedoque

(Nam non ille gravi galææ, tunicaque trilici,

Non hastæ, ferroque, armis nec sidit ahenis,

Sed tantum Superis) it pugnaturus arenam,

Ut pastor vallem Terebinthi venit opacam,

Castra Phylisthæi qua dextra in parte tenebant,

In læva Illicidæ, magnam, mora nulla, Gygantem

Provocat in campum, solumque in prælia poscit.

Ille sed immensa confurgens mole sub auras

Altæ instar pini, instar & æræ cyparissi,

Ingreditur, nubesque ingenti vertice lambit.

Gygæ defestibitur.

Prægrandis galææ, solidoque ex ære nitentis,

Palma velut, conus cui fluctuat orbe comanti,

Ingens ambit opus caput ingens: pectora thorax

E calyce investit latissima: latus & ipse,

Et gravis ære, duplex: quem non fregisset acuto

Alcides ferro, non Pelias hasta: politæ,

Et grandes ocreæ succingunt grandia crura,

Fulgentique nitent electro, auroque recocto.

Læva tenet clypeum gyro septemplex textum.

Magnus & orbis erat, nitidoque ex ære coruscus,

Ceu rota Phebæi currus: medioque renidet

Lx auro totus solido grandissimus umbo.

Im-

Immenſam magno gravitantem pondere pinum,
 Cui libras centum pendeſbat ferrea cuſpis,
 Dextra quatit minitans: ille non impare cingit
 Enſe latus: clavus quem circum argenteus ornat
 Plurimus, è duroque acies adamante riſceſcit.
 His fidens armis, Superoſque, homineſque, laceſſit
 Barbarus, & palmæ, infelix! ſpem paſcite inanem.
 At verò ut juvenem venientem ſpectat ab alto
 Cum paſtorali pera, fundaque, pedoque,
 Paſtoris ritu armatum, ſed cætera inermem;
 Hæc inter riſum indignans, interque furorem,
 Altius intonuit: Quæ te dementia cepit,
 Infelix puer, ut mecum certare duello,
 Bellatore viro, atque armis tentaveris iſtis?
 An canis ipſe, petas quem ſaxo, aut fuſto latrantem?
 I puer, i miſer, & ſanam jam concipe mentem.
 Quam tua non meruit præſens inſania, vitam
 Largior, indignum puero certafſe, feroces
 Cui ſolitus domuiſſe viros. Haud illa meretur
 Quæ non de forti venit victoria, laudem.
 Barbarus hæc: breviter quem ſic Jeſſeus heros
 Excipit: Haud equidem tua te ſententia fallit.
 Ceu rabidus canis oblatras, hominumque, Dùmque
 Contemptor; meritis te idcirco, perfide, telis
 Aggredior: rumpamque gravi tua tempora ſaxo.
 Hæc ſimul, & lapidem pera deducit: & illum
 Imponit funda: Diviſque in vota vocatis,
 Prævalido torquet niſu: volat ille per auras.
 Excuffus funda pernicioſus ocyor Euris,
 Inque Phyliftæi toto ruit impete frontem:
 Irrumpitque imam cervicem, hauritque cerebrum.
 Protinus, iſta velut contorto fulmine pinus,
 Aut turris terræmotu concuſſa repenti,
 Procumbit, magnamque trahit clamore ruinam.
 Ut decidit, puer inſiſtens Jeſſeus enſem
 Hoſtili educit vagina, & crine præhenſo,
 Proſtrato deforme caput præcidit: & illud
 Conſeſſim medios victor demittit in hoſtes.
 Hi trepidi extemplo fugiunt, reſtore perempto,
 Non bene deſpoſitis armis, caſtrisque relictis.
 Inſtant Iſacida, & fugientes, undique cædunt.
 Unus & pugna cunctis victoria parta eſt.
 Ipſe Phyliftarum fulgentibus exiit armis
 Iſacides, quæcunque aſſigens lætus in alta,
 Victori Divo Tercbinthi in valle ſacravit.

Qui venientem pacem cum funda, & paſtorali pera, quaſi canem re-
 pulſum non ſine riſu
 concernit.

Arripit Deo ſilens il-
 lum lapide, è funda ex-
 cuſſo, proſternit: Iſacida
 que accurrens ſuo ſili ca-
 put acinace obruncat.

In hoſtes projicit, eoſ-
 que in fugam, vertit.

Usque adeo, ductore Deo, felicia bella.

Undique ferventi sed jam se reddere pugnae

Tempus, & inceptum Martis decurrere campum:

Si hostiles alæ in fugam
versam pedes victri-
bus alis irruendum.

Quare age, cornipedum si cornua belligerantum

Hostiles equitum perturbavere catervas,

Attritas cæde ingenti, longæque fugarint,

Præcipe tunc equitem, conversis ordine signis,

In peditum latus hinc, illinc irrumpere utrumque:

Qui fido socium nudati robore equorum,

Et latere è gemino, simul ipsa à fronte petiti,

Haud equidem poterunt non æqui pondera Martis

Sustinuisse diu, quamvis generosa juvenus,

Et quamvis toto non iusta ad prælia nisa

Confurgat: positis, vel se victoribus, armis,

Confestim dedent, vel retrò signa resistent,

Præcipitique fuga quæret sibi quisque salutem.

Atque hic solerti cura, Proconsul, oportet

Invigiles, peditum ne dum victricibus alæ

Perturbant armis aciem, pugnamque secundis

Conficiunt cæptis, & Sorte utuntur amica,

Cavendum ne Equi
instauratis ordinibus in
pugnam redeant.

Instauratum equitem, signisque, animisque repente

Adversarius acer agat, laxumque tuorum

In latus incurset, turbatoque impete versu,

Profiget, cædemque parem pro cæde reponat.

Idcirco è toto delectas agmine turmas

Bellatorum equitum servato insistere campo

Ordine præcipies; ut si certamina rursus

Instauret, sortemque velit tentare secundo,

Principio depulsus eques, non dispare casti

Extemplo prompti accipiant, iterumque repellant.

Interea reliquæ festinent prælia, & omnem

Nitantur lato peditem prosternere campo.

At si fortè tuæ, numeroque, & viribus alæ

Hostibus æquales non sint, convertier illas

Ordinibus nexis in pugnam præcipe cunctas.

Inque pedes peditem toto conamine surgat.

Ast eques effusus si longè effugit habentis,

Turbatusque omnis distractis versibus ordo,

Et sint cuncta metu, & trepido permixta tumultu;

Tunc omnem ruere in peditem vim præcipe equorum:

Sed cave, ne cæptis nimium capiare secundis,

Plurima nec teneat tum te fiducia: Namquam

Victori stat certa Duci victoria, tota,

Hoste trucidato, fuerit ni pugna peracta.

Insuper his, cautis etiam ductoribus illud,

Et qua id præstetur cu-
ra, atque arte,

Namquam certa victo-
ria, ni toto hoste prolli-
gato.

Prævidisse prius, & præcavisse necesse est:
 Ne turbata ruunt dum signa hostilia, prædas
 Se super effundant, versu, signisque solutis,
 Agmina: nec, cœptam properent decerpere laurum.
 Nulla lues damnosa magis victoribus umquam
 Obsit, in prædas quam cum solvantur avari,
 Ordinibus latè ruptis, atque impete fracto
 Felicis cursus pugnae, & bellantum animorum.
 Sic ausis rerum primis blandita, refugit,
 Inque citis alios Victoria decedit alis.
 Quæ cum sic habeant, vultu, iussuque severo,
 Præcipe, ne prædam sibi quisquam vindicet, omnis
 Delectus campo fuerit ni funditus hostis.
 Ni faciant, meritis dederint tibi sanguine pœnas.
 Quin ut militibus ferventur iussa supremi
 Consulis, æquali pœna curare Tribuni,
 Ductoresque ipsi signorum, ipsique Decani,
 Atque omnis pariter Substes jubeatur, & Astes.
 Perge, triumphales si jam Victoria lauros
 Decrevit, vultu te, Dux, dignata benigno:
 Ut pedites duro tandem certamine fracti,
 Atque acie victus tota tibi cesserit hostis
 Signa, præcans veniam, rauco tunc ære receptum
 Tibicen canat extemplo, quo signa reducat
 In sua se miles, positisque ferocibus armis,
 Exuvias sibi quisque petat; quas, hoste perempto,
 Et virtus sua promeruit cuique, & sua dextra.
 At quoniam (removenda lues hæc altera) sæpè
 Victores inter surgunt, rixæque, necesseque,
 Arbitrio dum quisque suo non dividit, æquè:
 Idcirco jubeas, æquata lance Tribunos
 Partiri prædam, merito pro munere, cuique.

Præterea juvenes, pugnae jam sine peracto,
 Imperet acciti sua sub tentoria Consul:
 Et donis oneret fortes, & laudibus ornet.
 Et si qui reliquos inter virtute præbunt,
 Fortibus & quorum parta est victoria factis,
 Illos insigni pariter redimire corona,
 More Patrum studeat, titulisque & torquibus aureis;
 Ut virtus, animique, & facta illustria poscunt.
 Non tu muneribus parcas, non laudibus: ingens
 Crescit amor belli, donis, & laude relatis.

His animadversis, quæ sunt graviora monebo:
 Dum tibi promeritam fera post certamina laurum
 Fractus eques fugiens adverso Marte reliquit:

Cavendum ne milites
 in prædam ruant, prius
 quam sit plenè absoluta
 victoria.

Cavendum etiam, ne
 inter colligendas prædas
 sive oriantur.

Laudandi milites pro
 concione, qui rem bene
 gesserint, & donis assi-
 ciendi.

Præ-

Dum fugiunt hoſtes,
ne terga premas: ne in
iram, ac deſperationem
aliâ cladem reponant.

Præcipio ne terga premas fugientis: & illum
Extremam in rabiem, deſperatamque ſalutem
Ne violentus agas: ſic palmas sæpè feroces
Amiſere Duces, manibusque elapſa repente,
Non juſtis Fortuna modis corrupta, reſugit,
Namque ubi dempta fugæ ſpes eſt, & ponitur unis
Tota ſalus armis, animique, & robora creſcunt:
Nec magis eſſæni, quàm cùm ſperare ſalutem
Non niſi pugnando perſuaſerit ira, furorque;
Idcirco palmæ quoniam, non funera landi
Magnanimo dantur victori, ampliſſima, victus
Dum fugit è campo, pateat via, largus & ultro,
Ne mora, ſternatur per te Pons ilicet hoſti.
Sint & qui ſociis acceptæ nuncia cladis.
Atque tuæ reduces, narrent præconia palmæ.

Cum hoſtes ſe depoſi-
tis armis dedunt parcen-
dum, & cur?

Quin & cùm victi dedunt ſe, Marte ſiniſtro,
Depoſitis armis, palmasque ad ſidera tollunt,
Orantes veniam, patrio de more tubæſtis
Parce pius, dextramque extende precantibus: ultra
Victricem in miſeros pubem ſævire vetato.
Fortunæ memor humanæ, Sortisque caducæ,
Fac ſpem ſupplicibus, verbisque aſſare benignis.
Nam res nulla magis Heroibus, & magnis Diis
Nos ſimiles facit, & paribus eum laudibus æquat,
Quam legem dare ſupplicibus, & parcere victis.
Quin etiâ tecum reputes (mortalia quando
Cuncta vices ſortita ſuas: nec ſemper eodem,
Magna licet, Fortuna loco ſecura quieſcit)
Quod modò quam victo veniam concedis, eandem
Victor & ille tibi forſan non tempore longo
Reſtituet, memor acceptæ. Qui plurimus alta
Mente viget, caſusque animis, & fata rependit,
Quam vellet ſibi concedi, poſcentibus ultro
Dat veniam. Tibi præterea ſit maxima, Prætor,
Cura, triumphali rorantem ſanguine pubem
Præoniis ſuccis, doctaque Machæonis arte,

Sau cia pubes omniſtu-
dio curanda.

(1) Schipanden ſeu ſcitum aliquem, (2) Redumve mederi.
Namque illis tanto te, dux, impenſius æquum eſt
Conſulere, inſignis quantum victoria factis
Illorum egregijs, & fuſo ſanguine parva eſt.

S'c

(1) Marius Schipanus inſignis Medicus Calaber, omni-que
diſciplinæ genere excultus, (2) Franciſcus Redi
Medicus Florentinus, & vir planè doctus.

Sic magnas reliqui capient in prælia vires:
 Vulnere & obducto, & revocatis viribus, illi
 Acris in Martem venient, pugnamque subibunt.
 Quæ tibi sollicito pariter solertia habenda est,
 Dum medias inter pugnas fortissima passim
 Corpora cæsa cadunt, aut vulnere tarda morantur.
 Si secus, illa virum præstantia robora, bellum
 Dum reparare velis, ventura in prælia deerunt.

Hæc impensa tuis, ut jam pia cura, iacentes
 In campo pariter hostes curare memento.
 Sic Pietas, Patrumque fides sic prisca reposcit.
 Quin etiam poteris (neque erit damnabile lucrum)
 Hostiles tali populos ratione mereri,
 Ut te victorem, & victricia signa sequantur.

His actis, ubi se tandem tentoria palma
 Cum parta, & turba Consul stipante recepit,
 Numinibus, quorum dono venere triumphis,
 Gratia multa pio ritu referatur, & ipsi
 More Sacerdotes decantent carmina sacro.
 Interea gens tota preces, clamore secundo,
 Et tormentorum strepitu comitetur ovanti:
 Cornuæque, lituæque, & tympana pulsa reclangunt.
 Quæ Superis operosa inter certamina vota
 Concepit, patriæ pro re, gentisque salute,
 Impiger, & Latio faciens de more resolvat.
 Nam sic insigni culti pietate, futuris
 Præsentibus aderunt pugnis, & amica juvabunt
 Agmina: sæpè Duces victores reddidit una
 Religio, & claros Pietas dedit una triumphos.

Atque hæc cum sacro fuerint tibi reddita ritu,
 Insequitur pars major, uti victricibus armis,
 Et benè re gesta valeas feliciter uti:
 Scilicet obsidio confestim cingere fortes,
 Ut properes arces, & propugnacula regni.
 Namque tuis armis, & terribili clade suorum,
 Se facili arbitrio dedit victoris, & ultro
 Expandent portas venienti, & iussa volentes
 Accipient. Armis acceptam sicubi cladem
 Instaurare novis hostes conentur, in illos
 Signa move: inque ipsis conatibus opprime primis.
 Nam si cunctando consumes tempus, inertis
 Oppressus luxu, aut nimium felicibus armis
 Confusus: primo terror, qui major in ortu
 Esse solet, cursu sensim tenuatur: & ipsa
 Principio ingentes retulit quæ Fama triumphos,

Et ipsi hostes captivi
 vulneribus curandi.

Gratia habenda Superis,
 & solvéda si quæ con-
 cepta sunt vota.

Utendum victoria, Ur-
 berque obsidendæ.

Pau.

Paulatim Ducis ingenio, vitioque tepeſcet.

*Nunquam ſegni mora
corrupta victoria eſt.*

Hinc magis accreſcunt animi, ſociiſque vocatis,

Deleſtiſque novo reparatis viribus, hoſtis

Infert ſe campo, & conamine tarda ſupini

Frangere vel potis eſt, vel perturbare Magiſtri.

Dum viret, & juveni fervet Victoria palma,

Proſtratique jacent animis, & viribus hoſtes;

Utere ſorte data, cœptiſque inſiſte ſecundis.

Oditi enim Fortuna moras, quæ præpete ſemper

Itque, reditque rota, & neſcit conſiſtere eodem.

Hæc, ut pugna Ducis ſuccceſſit proſpera votis,

Palmaque non magno venit ſudata labore:

Nunc cum difficileſ patiuntur prælia caſus,

Et tibi fata Dæm, & Sors averſata repugnat.

*Quid, Duci agendum
ſorte contraria, & quan-
tum tunc illius ingenium
eluceat.*

Atque hic adverſis, quæ ſit fiducia rebus,

Ingeniumque, animique, & quantæ Conſulis artes,

Clariùs elucet. Nam ſi fortuna ſecundet

Eventum pugnæ, & facilis Mars annuit auſis,

Quiſque valet palmas, ut ſit virtute, mereri.

At verò, ut lævo refugit Victoria vultu,

Et Mars difficileſ, nimboque remugit opaco,

Horrendumque tonat Cœlo non Juppiter æquò:

Audaces inſtant hoſtes, tua ſigna laborant,

Ordinibus verſis, & ſenſim territa inani

Jam referunt terrore pedem, trepida omnia nutant,

Viciſſe, aut certam ſaltem viſaſſe ruinam,

Id Ducis eſt magni, varii cui plurima belli

Cognitio, mens alta, omnique interrita caſu,

Atque animi nunquam frangendi, & peſtus ahenum;

Ut ſciat ingenio, poſſitque audacibus auſis

Obviuſ adverſis properare, & vincere Fata.

Non ſecus, ac placido ridet cum marmore Nereuſ,

Et lenes ſpirant auræ, curſumque ſecundant,

Quiſquis erit rector, moderari puppiſ habenas,

Et tuto tandem poterit ſuccedere portu.

*Uti Gubernatgæ in-
genium in tempeſtate.*

At cum turbato fremit imo à gurgite pontuſ,

Ingentesque ruunt revoluti ad litora fluctuſ,

Albeſcunt altæ rupes, & pulſa reclamant

Æquora, crebeſcunt nimbique, atræque procellæ,

Et velum diverſa ferunt: ipſique repugnant

Diſcordes intuſ nautæ, trepidique pavorem

Veſtores addunt, ſuntque omnia miſta tumultu:

Qui tantis, cœlique minis, pelagique procellis,

Et clavum verſare, & ſævo occurrere vento:

Et quod majuſ opuſ, diſcordes flectere mentes,

Ad.

Addere spem pavidis, unus non territus ipse,
Hic est magnanimus, hic pollet plurimus arte.
Quare age, difficiles quando Sors invida casus
Apparat, & multo despondet sanguine palmam,
Ingenio, magnisque animis, & viribus acres

Nutantem in pugnam, & dubii rem Martis eamus.

Si cum prima ineunt equites certamina, pulsi
Forte fugam capient, actutum occurre labanti
Confluctu; & validas è versu emitte secundo
Suppetias: subito quæ, motis ordine signis,
Insultantem hostem, & fugientum terga præmentem,
Densato frangent cuneo, laxisque vagantem
Ordinibus cædant: & non felicia crepta

In melius vertant, & Fata obstantia vincant.

Interea excussos trepida formidine dictis
Sistere magnanimis, stimuloque accendere honoris,
Speque animos revocare nova conabere: versus
Utque iterum celeres instauravere Magistri,
Præcipe in adversos subito convertier hostes;
Ut damnum pugna acceptum reparare, decusque
Amisum certent auso renovare recenti.

Hæc inter, melior cornu fortuna sinistri
Si suat, inceptum peragat generosa juvenus,
Dat clarum qua parte decus Sors, & sua dextra.
Tunc læva ex ala poteris, res prospera quando,
In dextrum fortes aliquot demittere cornu
Bellatorum equitum turmas, qui pulsa suorum
Agmina sustineant, primamque evincere Sortem,
Omnibus adnisi concentur viribus: ala

Sed cave ne interea nimium tenuata fatiscat:

Ne qua parte acies absolvit prælia viatrix,
Consulis ignavi culpa, vincatur eadem.
Præstat enim simili, atque alterna clade mereri

Æqualem pugne palmam: totius inani
Quam spe deceptum, concessam amittere partem,
Quam certam in manibus, cælo donante, tenebas.

Præterea æquato pugnant dum Marte cohortes,
Quæque obnixæ loco non cedere, quæque ferocem,
Luctantemque hostem, confertaque signa tenentem,
Vi conata loco depellere; non tamen illi,

Non isti cedunt: Gemini velut ære venti,
Cum paribus pugnant animis, & viribus æquis,
Stant ipsi obnixi, stant nubila, stat mare pulsum.
Illine cuncta necis metuenda, & cuncta triumphii
Sperandi, pendent quando momenta, Magister

Tom. I.

N n

Se

Occurrendum illico
hosti versas acies insult.
æatit.

Si sinistri cornu melior
fortuna, ex ea parte ur-
gendum.

Quid cum æquo Mag-
ister pugnatur?

Se major super affurgat dextraque, animoque,
Major & ingenio: ut valeat sic vincere Sortem
Æqualis Fati, & palmam extorquere morantem.

Perrumpenda acies
rhombo versante.

Idcirco electis juvenum stipatus, in ipsum
Irrumpat latus, effusis, cœu fulmen, habenis
Præcipitans sese rhombo versante supra hostes.

Vel tormentis è colle
explosis.

Hoc neque si possit turbatum fundere nimbo
Insistentem hostem statione, atque ære tonantem,
Suggestu ex alto, aut vicino è colle, jubebit,
Contra illum crebrò tormenta explodier istu.

Vel Equitum sobitu
agressu: qui se nova au-
xilia simulent.

Et si quâ, assiduo laceratus fulmine, cedat,
Illicet invadant, & quâ via strata, subintrent.
Aut nemore è denso, vel culmine montis opaci
Delectorum Equitum jubeat descendere turmas
Ingenti strepitu, & magno clangore tubarum,
Majorem, ut simulent numerum, viresque recentes.
Sique hostes subita capti formidine, versa
Nutabunt acie: flectentes signa juvenus
Confestim cædant, & versus undique turbent.

Quid duci agendum
cum acies per vices pre-
munt, hostes mox pre-
stantur.

Insuper adversis, dum pugnant agmina signis:

Et velut alterno pelagus fervescit ab æstu,
Nunc hi, nunc illi veniunt ad litora fluctus,
Obnixique petunt scopulos, fractique retrorsum,
Impete mox presso, nistrique feruntur inani.

Sic cùm sanguineis campo Mars æstuat undis,
Hæc modò prorumpens acies ruit, & modò cedit:
Instat & illa premens: mox & propulsa recedit.

Itque, reditque: vices & Mars fortitur easdem:
Et volat incertum, & nulli Victoria versis
Inclinat sese pennis, tunc maxima, Prætor,
Aurea magnanimum si tangit adorea pectus,

Cura sit, ut retrò majore relabatur æstu
Cum propulsa acies, illam majoribus ipse
Viribus ætutum, densaque sequare phalange;

Ut tandem toto fugiens ruat agmine victa.
Non secus ac, magnæ cùm turbavere procellæ
Æquora, & immensi montes voluntur aquarum,
Spumolæ incolumem tunc puppim advertere ripæ,

Si quis rector amat, vigili stat mente, ruentes
Observans fluctus à gurgite, cùmque recessit
Unda minax, deno post acta volumine, & instat
Non tanto resuens æstu placatior, ipse

Tunc nist ingenti ruit ocyor, & tenet oram.
Si secus, & segni diverberat æquora remo,
Illicet à tergo magnus præcumbet aquæ mons.

His super (interdum neutri Fortuna secundat)
 Tempore si longo pugnatum viribus æquis,
 Cladibus æquate clades: insignia signis,
 Et fuerint paria arma armis amissa relatis:
 Candida spes nulli niteat, nigra immineat nox,
 Aut pluvia, aut magno descendat turbine ventus:
 Tunc præstat (parti quando Mars æquus utrique est)
 Defessam pugna sub castra reducere pubem.
 Te, præco, mandante, cavo canat ære receptum;
 Ut factio redeat pugnandi sine juventus.
 Hic tamen arte, Duces, monitisque cavete severis,
 Ne perturbato decedant ordine turmæ,
 Versibus & versis, gressuque ad castra citato.
 Ne vigil observans hostis citus ingruat: & quam
 Non potis ille sua palmam virtute tulisse,
 Spontè tuo tandem concessa errore finatur.
 At si quæ multò vitare incommoda nifu
 Invigilas, eadem non prævidisse supinos
 Aspicias hostes, quam dat sub fine laborum
 Sors laurum, totis confestim amplectere palmis:
 Neve piger tantum, Prætor, corrumpere favorem.
 Maxima sed semper fuerit tibi cura receptus:
 Ardua quandoquidem res est, & plena periclis:
 Et magnos petit illa Duces, qui plurima bella
 Experti, plures & qui retulere triumphos.

At si principio res inclinata fatiscit:
 Ulla nec optatæ spes palmæ fulget; aperto
 Sed tutum campo sit se subducere, cauti
 Extemplo celerem vicina in castra receptum
 Maturate: velut quando per cœrula rector
 Vela dedit, dubiique secat maris æquor: ab alto
 Si forte horrendo tempestas turbine surgat,
 Naufragium, mortemque minans: nec surgere contra
 Arte, manuque valet, rapidosque evincere nimbos:
 At verò in portus iterum penetrare relictos
 Si datur, extemplo vortit sub litora cursum:
 Et durat ventos, tempestatesque sonoras.
 Nam juvat interdum longum differre morando
 Fortunam pugnae, & Sortem superare ferendo.
 Nec pudeat campos hosti cessisse superbo;
 Tutus enim, docta properatus & arte receptus
 Instar erit magna parti cum laude triumphî.
 Nec minor extremo cives servasse periclo
 Gloria, pugnando quàm sit vicisse. Faventis
 Hoc datur arbitrio nonnunquam Sortis: at illud

Si longo tempore æquis
 viribus certatum, nec
 spes victoriæ fulgeat,
 pugnet utrique acceptum
 canere.

Et si in receptum spes
 niteat, utendum fortunæ.

Si principio res male
 cedat, recipiendus tempe-
 stivè miles in castra.

Properatus arte recep-
 tus, est quasi victoria, &
 Ducis aciem cômendat.

Magnum opus ingenii versuti, artisque magistræ.
Præterea rursus servatis civibus, ire
Pugnatum campo poteris, palmanque referre,
Cum melior tibi spes, occasio dedita cum sit.
Ast acie victus, si gentem amiseris omnem,
Haud facilis reparare labor: res perditæ, & actum est
De veteri Patrum imperio, Patriæque salute.

Sed te qua pubem campo, quaque arte reducas
Bellica vasa, animos, mentemque adverte, docebo.

Quæ arte in re tali re-
cipienda in tuto castro-
rum sit pubes.

Quæ reliquis equitum veterano robore turmæ
Præcellunt, hosti opponas, vallumque receptu.
Qui statione data venientem fortiter hostem
Obnixi teneant, & longum prælia ducant.
Interea tormenta rotis imposita citatis,
In tutum duci jubeas, bellique paratum
Omnem, sollicitis devesum curribus: & quæ
Militibus variumque cibum, potumque ministrant.
Cætera mox solers referat sua vasa juventus.
At celeres currus, Vulcanique æra jubeto
Hinc illinc fortes juvenum stipare maniplos.
Sed prius in clivum, quod tuto castra receptu
Deducis, geminas peditem præmitte cohortes,
Quæ teneant collem, & si res, tutentur ab hoste.
Castraque metentur: subitumque ligonibus omnes
Calones, lixæque altum sustollere vallum
Concertent, circumque citi munimina ponant.
His actis, sensim pedites sua signa reducant;
Inque nova ordinibus nexis se castra receptent.
Mox equites, pulchro revolutis ordine signis,
Nimirum rhombo versante, simulque jugante,
Postremi è campo decedant, tutaque cursu
Pernici loca, quod socii venire priores,
Accipiant tandem, defessaque corpora curent.

Quæ servati securè ce-
perunt, relinquenda, ne
damnum sit lucro majus.

At si quæ fuerint, quæ non sine sanguine multo
Martia vasa locis educat miles iniquis:
Multum cunctando poterunt, & obesse, libenter
Desere: nec tanti tibi sarcina vilis ematur.
Sæpe levis damni, tenui vel honoris inanem
Jacturam vitare tenax, damnoque, probroque,
Dux majore simul palman, & rem perdidit omnem;
Quin immo, valeant si plaustra relicta morari
Irrumpentem hostem, & defendere terga tuorum.
Illa volens hosti objicias, ultroque relinquas.
Nam tibi materiem, qua belli machina fiat,
Præmula sylva ferax semper præbebit, & æra

Montis inexhausti submittent viscera: fortes
Non semper juvenes urbes, & rura ministrant.

Verùm si clades hominum manifesta sequatur:

Nec nisi pugnando restat spes ulla salutis,
Astrugas animis maior, majore periclo.
Quamque averſa negat Fortuna, tibi tua dextra
Concedat palmam, vel famam mortis honestæ.
Qui dedit effuſo generoſam ſanguine vitam,
Caſibus extremis pugnando fortiter, ille
Egregia non laude vacat. Si vincere ferro
Non hoſtes potuit, ſed vicit, & ardua vicit.

Ergo ubi jam fractis Acies antica manipulis
Terga dedit: Mediæ jam caſus, & imminet idem.
Cum tota ad fortes res acta Giraspidas, & cum
Spem facit ipſe ſua virtute Triarius unus:
Hos, Prætor, ſermone brevi, qui peſtora poſſit
Optatam in palmam, aut mortem inflammare decoram,
Hortatus voce impavida, vultuque ſereno;
Hoſtem in victorem, ritu torrentis aquoſi;
Duc ipſe ordinibus denſis, dextraque ſaluti
Pande viam forti: quam ſtratam pone ſequantur
Fortuna meliore tui. Caſuque repente
Si percuſſa pedem referant contraria ſigna,
Urge, inſtans armis victricibus: inque labantem,
Incumbant acies hoſtem, turbentque, necentque,
Magnanimis his ſæpè auſis via facta ſaluti,
Et decus immortale Duci, partique triumpho.

At neque ſi tantis ſaveat, factisque, animisque
Invida ſors: Fatigue tuis hoſtilia Vata
Obſiſtant contra: neque ſit revocabile terris
Conſilio, virtute, ſuo quod Juppiter ante,
Proſpiciens caſus hominum, decrevit Olympo:
Ut ſpes, utque acies campo proſtrata patenti
Tota jacet: ceſſitque hoſti Victoria, ceſſit
Res omnis, curvus, inſignia, victaque caſtra:
Conſilio meliore cito, dextroque receptu,
Subtrahæ te pugna, & Patriæ ad meliora reſerva.
Nec pigeat ceſſiſſe, viri cum cætera fortis
Præſtiteris magnis animis, atque arte magiſtra.
Nam decus egregiæ mortis, per & alta petitæ,
Poſthabuiſſe rei Patriæ, populisque ſaluti,
Dignum equidem ſummis eſt laudibus. Arcis amicæ
Ut muros tandem tenuiſti, & viribus artus
Deſeſſos luſta reparaſti, & curſibus hauſtos,
Reliquias omnes pugne infelicis in unum

Si recipi miles sine cla-
de nequit, pugnandum.

Breviter hortandi ad
pugnam Triarii, inque
hoſtem irrumpendum.

Et si fors ſaveat urgen-
dum eſt.

Sin minus receptu ſibi
ipſi conſulat Prætor, ſe-
que ad meliora referret.

Colligendæ max di-
spesi exercitus reliquæ,
& reparandum est bellū.

Colligere extemplo cures; ne victor apertos
Per campos latè palantes opprimat hostis.
Ast ut reliquæ tuta sunt arce receptæ
(Quod sequitur) bellicæ novos conare paratus,
Delectus & habere novos: simul undique coges
Auxilia: & multo replebis milite turres,
Victor ne obsidio circumdet, & occupet hostis.
Ast ubi jam vires reparatæ, i rursus in æquor.
Et levibus pugnīs, quidnam valeat nova pubes,
Experiare: favens & si Fortuna sequatur,
Ne dubites totis iterum consigere signis.
Acceptas clades; & tristia funera quondam
Pensabit tibi parta nova Victoria palma.

Quicumque accidat
casus, nunquam omitten-
da spes est.

Sed quæcumque fero tempestas Martia nimbo
Te, Dux, verset agens, res & quicumque maligni
In transversa ferant casus, ne tristibus umquam
Successis frangere, aut Fato oppressus acerbo
Desperes: magnas sed magnis concipe semper
Spes animis, & Sorte assurge excellior omni.
Fata vices patiuntur: habet Fortuna regressum.
Quæ solet adversis in rebus sæpè supremos
Exercere viros, non plectere: quosque periclis
Instruit, ad claros jam destinat illa triumphos.





BELLICORUM

LIBER DUODECIMUS.

MAGNANIMÆ quicquid virtutis, quicquid & artis
 Bellatricis erat, pugnando explevimus: acri
 Nunc est ingenio certandum, astuque sagaci.
 Nam quos arte Duci, dextraq; referre, negatum,
 Insignes astu fas extorquere triumphos.

Quandoquidem frustra non junxit viribus altum
 Ingenium Natura homini, mentemque capacem:
 Nempe dolis etiam, atque instructis fraudibus uti
 Posset, & ingenio vires pensare, potentum
 Et facile adversos sic interrompere nifus.

Quin etiam brutis versutas provida fraudes
 Elargita, licet rationis dona negarit.
 Ut quæ non vires illis, non arma dedissent,
 Commoda seu vitæ vellent perquirere, tutum
 Sive hostem contra munimen habere, dolosæ
 Sufficerent artes, vassæque astutia mentis.

Nonne vides, mediis ut Progne abscondita dumis,
 Accipitrem vitet? densatos frigore rivos
 Aspice quærentem properatis cursibus Alcen,
 Martius adversum quoties lupus irruit: illa
 Sit quamvis animo timidissima, seva duella
 Non renuit secura loco: namque ungue bisulca
 Firma gelu insistit: quo non vestigia ponit
 Tuta lupus: viden adventantem, ut remige penna
 Obverso expectet Falconem interrita rostro
 Ardea, quo longa veluti procul arceat hasta?
 Cuspide & obversa Pelicanus in æthera, somnum

*Utendum in bello mi-
 licari astu, atque ingenio,
 quo vel beata prædita
 sunt.*

*Quotum aliqui mibi
 adus crearentur.*

Cat.

Carpit humi; jaceat nimirum tutus, inermem
 Neve illum incautum adversarius occupet, alis
 In pugnam subitis cum se demittit ab alto.
 Aspice, ut aërio sub nigra cubilia saltu
 Insiliat lepus, intactamque relinquat arenam:
 Scilicet ille solo sua ne vestigia retrò
 Deferat; indicio ne fors sint illa sequenti
 Arrepti cursus: vaser, inspicere, lustra subintret
 Ursus ut averfus veniens: sicque ille reposta
 Se cavea egressum simulat: fortissimus ipse
 Sæpè leo fraudes adhibet: vestigia gressu
 Imprimit, & subitus dispersa delet arena.
 Ut sua, versutus veluti dux, hostibus abdat
 Consilia, exploret contra quæque ille perégit.
 Sed quid plura; suis cunctis animantibus astus
 Natura concessus; agant quo longius hostem
 Prævalidum, vitamque sibi tutentur amicam.

Prisorum Ducum ad
 imitandum celebriores
 astus referuntur.

Quæ cum sic habeant sese, te plurimus artes
 Arcanas, Prætor, bellorum, & furta docebo.
 Et quamquam nostro complecti singula versu,
 Quæ sua cuique duci mens suggeret acris, & ipsa
 Per Martis durata dabit prudentia casus;
 Difficile: & cunctis ratio non gentibus una est.
 Ingeniosa tamen veterum commenta Magistrum,
 Plurima quæque dedit varii experientia belli,
 Expediam, quibus ipse, tibi cum dedita poscet
 Res, uti valeas: collataque facta rependens,
 Persimiles possis, Dux, commentarier astus:
 Insignique frui sine clade, & sanguine palma.
 Nomen, & egregium magna cum laude mereri,
 Cuncta triumphali victurum in sæcula fama.
 Disce igitur doctæ simulatam Palladis artem,
 Inque imis astuta animis inventa reponere.

Sexti commentum, quo
 Gabios domuit.

Principio, valida si res cum gente geratur,
 Vincere quam vires nequeunt, astutia frangat.
 Bellaces veluti Gabios versutia Sexti
 Edomuit: multo percussum verberare natum
 Ire jubet Gabios: habitus hic transfuga genti,
 Inque patrem magnis odiis accensus iniquum.
 Ira fidem mentita facit: dat credula turba
 Imperium belli puero: sic illa suavis
 Ut facili capta est, facili quoque ducta triumpho.
 Non & dissimili Cyrus Babilone potitus
 Consilio: toto discissum turpiter ore
 Fraudis in ignaros dimittit Zopyron hostes.

Et Cyriad subigendam
 Babyloniam.

Ut miserum indecori turpatum vulnere pubes
 Aspicit Assyria, & lacrymas, tristesque querelas
 Audit in immanem; & gaudentem cæde tyrannum,
 Hospitio miserata virum suscepit: & ille
 Iram dissimulans, ipsum per tela, per hostes,
 Cum Cyrum adversus peteret; pro talibus ausis,
 Proque odio in regem bello præfectus, & urbi.
 Quam mox, exutus mentita veste, tyranno
 Tradidit, & regnum pariter Babilone receptum est:
 Ne faciles hosti, ne credite: nulla adhibenda
 Est odiis, iræque fides: latet abditus illis
 Sæpè dolus. Credat quis posthac amplius ulli?
 Si vel mollis amor dura sub veste furoris
 Occulitur: fervetque suis non ignibus ardens.
 Præterea non cura minor, Proconsul opima
 Adversæ Ducis ingenio mercede potiri.
 Quod si fortè tibi successerit, aurea laurum
 Vis dabit optatam, ferroque, & sanguine parces.
 Et ferro, & pubis parcendum sanguine semper.
 Hoc astu Pericles, auroque Cleandride capto,
 Attiacis olim Megarenses finibus egit.
 Ille etenim caussas prætexens fictor, ab illis.
 Prætores hortatus victricia castra movere,
 Inque Corinthiacos lætos inducere campos.
 At si fortè animus nequeat mollescere donis;
 Ut reddas hosti suspectum nitere, magni
 Regis ad exemplum Pellei: qui licet armis
 Cuncta metu victor Persarum regna repletet,
 Non fraude indignum Fortunæ urgere favorem
 Duxit: ut oblati accepit Mæmnona donis
 Haud equidem potuisse capi, prædantibus, agris
 Parcere Mæmnoniis tantùm præcepit; ut illo
 Mæmnona suspectum indicio Darius haberet.
 Quid non ingenio, quid non conatus & arte
 Villius, ut tota eximeret formidine Romam:
 Quæ numquam secuta metu, & pacata fuisset,
 Annibale incolumi, & rursus nova bella parante?
 Ergo Asiæ regi, cui bella suaserat author,
 Corrupti procerum primis, auroque cœmptis,
 (Nec multum fuit id: factis heroa superbum,
 Externumque virum, fretumque favore tyranni
 Invidia, atque odiis infectabantur acerbis)
 Suspectum facit Antiocho: quia scilicet hosti,
 In Pœnos flagrans odio, patriamque, favebat.
 Sed properè insequitur versuti Consulis alter

*Exedit interdum co-
 cæti Ducis animum do-
 no capere, ut fecit Peri-
 cles.*

*Quod si auro capi ne-
 queat: suspectus Regi
 reddendus est, ut Alexan-
 der, & Villius fecit.*

Si via obfessa ab hoste,
Angere te per alium iu-
rum opus est.

Astus, ut ignavum fallat feliciter hostem.
Si via, qua pubes castris ducenda refixis,
Angusta, & crebris passim sit rupibus aspera,
Illius & multo stipata milite fauces;
Ut vel difficilis, nimioque cruore petenda
Illa tibi, vi sive sit impenetrabilis omni;
Tunc quam dextra nequit ferro, mens pandat acuto
Invento: promota viam tua castra secare
Finge aliam: subitus tua cum conamina sensit
Hostis, & antiqua venit statione relicta;
Infeditque, aditus interclusurus; ibi ipse
Postremas acies, conversis ordine signis,
Præcipe sollicito properare sub ardua gressu.
Perque vias astu miles procedat apertas.

Pericles insigne strata-
gemina refertur.

Hæc sed major erit solertia, vallibus altis
Si fors deprehensum te circumvenerit hostis.
Qualem fama refert olim ostendisse Periclen.
Cum per præruptas, horrenda cacumina, rupes,
Aviaque invitus posuisset confraga castra,
Undique & adverso præmeretur milite, fossam
Ingentem ducit, quo se defendere vallo
Dissimulat: pontesque parat, quibus illic illa
Transmitti potuisset: adit mox æqua, fugamque
Mentitur: celeres illuc se protinus hostes,
Agmine deducunt denso, prohibere parati
Vi, feroque viam: stratis tunc pontibus ille,
Quæ non crediderant inimici, elabitur: & se,
Servatosque suos tuta in campestria ducit.
Quis non excisos præruptæ in montibus Oetæ,
Pellico mandante, gradus audivit: & illis
Macedonum totam demissam ab rege phalangem,
Talia confieri numquam vi posse putantes
Oppressisse hostes, & Thessala rura petisse?

Et Alexandri.

Et cui contextæ sylvestri è vite Vesevi,
Qua riget hic scopulis, non distat in vertice scalæ;
Demississe quibus fugitivum Spartacus agmen
Ferrur, & attonitos hostes, audacibus ausis,
Elusisse? ferox quæ non audacia, & astus
Intentare valent, angusto & pressa loco mens.

Et Spartaci.

Et Hippicratis.

Præterea, juvat interdum de parte tumultum
Exciri dextra, lituis, atque ære sonante;
Hostis ut accitus veniat quæ rumor: & ipse
Interea è læva populum in secura reduces.
Hunc olim Hippicrates imitandum tradidit astum.
Quin etiam de nocte tibi si castra movenda,

Cum

Cum validus premit adversarius, omnia flammis
 Illa micent: sintque excubiæ statione frequentes;
 Ut vigili cura sciat hostis cuncta teneri.
 Interea tacitæ deducant signa cohortes,
 Cumque loco miles securo insedit, & ipsa
 Vasa simul, currusque leves, tum denique noscat
 Hostis ab incensis castris te tuta petisse.

Perge, minoris erit, Prætor, superare laboris
 Quos segnes, vel parva recens victoria fecit,
 Sive aliquis felix casus distraxit ab armis.
 Est ea quippè hominum, rebus natura secundis;
 Sortis ut immemores variæ, immemoresque pericli,
 Desidia facile in mollem labantur inertes.
 Quid, nisi magnificis victoria lata triumphis
 Cæcropides olim resides, urbemque Minervæ
 Perdidit? heu miseras fecerunt gaudia gentes!
 Lætitia effusus populos ut vidit, Eoi
 Victor Alexander, Peparethi ad litora classem
 Apparat, & celerem citat ad Pirææa cursum.
 Hic fractos luxu populos, & amica putantes
 Signa, repentinus victricibus occupat armis.
 Astus, & hic fregit Rhodios, Carumque superbam
 Servavit magnis cum laudibus heroinam.
 Classibus hæc Rhodiis terra præcincta, marique,
 Cumque pari posset non vi sperare salutem,
 Fœminea major mente, ingenioque virili,
 Martis in arcanas artes confugit, & astus.
 Sese quisque supra deprensus surgit in arcto:
 Quasque negat natura, dat ipsa angustia vires.
 Obsessæ gemini longo discrimine portus
 Urbis erant, partesque duæ simul urbis: & illas
 Secreta obliquo jungebat tramite fossa.
 E geminis alter multa cum merce relictus
 Hostis in arbitrio portus, pars altera & urbis.
 Hic, deses spoliis inhiat dum victor opimis,
 Et trepida fugisse putat formidine Cares,
 Egregias juvenum ductans regina cohortes,
 Callis erat secretus ubi, prorumpit: & hostes
 Intentos spoliis super, & nil tale timentes
 Occupat, & victrix ingenti clade trucidat.
 Et quoniam cæptis dum Sors audacibus, & res
 Annuit, astutum felici insilire cursu
 Præstat, & extremam bene cæpti attingere metam;
 Classe sua, & captis Rhodiorum navibus, altum
 Corripuit pelagus victrix regina: Rhodumque

Segnes vel victoria,
 vel alia causa, oppri-
 mendæ hostes, ut fecit
 Alexander, Athenis ex
 improvviso captis.

In ægis & astus Arce-
 miæ, quæ Rhodus est
 capta.

Appellit, cursu præcurrens præpete famam.
 Ut tenuit, læti venere ad litora cives
 Gratari sociis victoribus: ipsa fuorum
 Signa dabant mentita; fidem Regina propinquum
 Ut litus cepit, confestim milite in oram
 Navibus exposito, prima inter prælia inermem
 Oppressit civem: portuque, atque urbe potita est.
 Usque adeo celerant præsentia facta triumphos.

Tum invadendi hostes,
 cum te desidem, sopitum-
 que credunt.

Sic Persæ Scythas vi-
 cerunt.

Est etiam secura tibi victoria, Consul,
 Si tùm, cum totis invadas viribus hostem,
 Cùm te sopitum, nec pugnas mente, neque arma
 Versantem credit: dedit hæc versutia regi
 Persarum, Scythica clarum de gente triumphum.
 Militibus paucis, ægrisque ad castra relictis,
 Pluribus, atque onagris media in statione locatis:
 Hi dum raucifonos tollunt de nocte ruditus,
 Accensis illi collustrant omnia flammis,
 Versari ludo Persas, atque otia castris
 Ducere, non astus meditari, & prælia suadent.
 Parte alia instructis legionibus, ille Scytharum
 Aggreditur castra, & crudeli funere plectit.

Simulanda interdum
 victoria, cujus imagine
 capti hostes facile pos-
 sunt: sic Claudius vi-
 ctus cum se victorem su-
 mutasset, incolumis eva-
 sit cum reliqua clauē.

Utilis ille etiam semper pugnantibus astus
 Esse solet; sese commissa fingere pugna
 Victorem, aut plures quàm sint prætere vires:
 Infrastratosque suos pacem deponere: longæ
 Hac nam fraude moræ necuntur: & Ardua sæpè
 Exigua res parta mora: vitataque magna
 Est populi clades, urbesque & regna recepta.
 Talia majorum si forte exempla requires,
 Accipe. Navali à Pœnis certamine victus
 Claudius, audaci reliquas tutissimus astu
 Adverso incolumes servavit Marte carinas.
 Cùm per præsidia intendendus Punica cursus.
 Victrici proras jussit redimire corona,
 Et læto juvenes incumbere murmure remis.
 Et quia victores cuncti veneramur, cuncti,
 Quamquam essent plures, non ausi occurrere Pœni.
 Et simul integrum victoris imagine capti
 Amisere decus: servatis civibus, ille
 Promeritam populo retulit plaudente coronam.
 Usque adeo intrepidi fraus ingeniosa Magistri,
 Et victis cùm laude potest prodesse saluti.

Perge, triumphato documenta ex hoste teneto:
 Insigni Patrum fractus virtute Philippus,
 Ut se cùm reliquis servaret, tempus humandis

Defunctis pugna petiit, quo cæde peracta,
Jure dari, postique potest nil sanctius unquam. —
Se vaser ille pio prætextu, more Pelasgo,
Subduxit campo, & nostros pietate fefellit.
Ne faciles hostis pietati credite, vivis
Consulere est olli studium, non lumine cassis.

Ut neque tu pacem credas, sædusque petenti,
Hæc dabit incautus Siculorum exempla tyrannus:
Vicerat hic Pœnos, cæsoque Magone, superbos
Finibus è Siculis hostes ejecerat: illi
Aesturi, inducias poscunt, de pace: frequentes
Dum veniunt, redeuntque, & longum tempora ducunt:
Classe nova, vires instaurant: bellaque rursus
Indicunt, vincuntque dolo, qui vicerat armis.
Ne tempus speret, cui stat benè tempus agendi.

Quin etiam ad palmas inimica attollere signa
Proderit: alma velut Carum regina solebat.
Sic etenim falsa deceptus imagine signi,
Vitatur tutè adversarius, atque saluti
Consultitur: quin parta dolis his plurima parvo
Sanguine nonnunquam victoria: verus & ille
Haud inimicus erit, qui non se fingit amicum:
Et virtus fraus est, peperit quæ Martia palmam.

Præterea solertis erit Prætoris, opacis
Interdum nebulis uti, fumoque, geluque:
Tempore dum certo densi è tellure vapores
Emergunt, ingensque volat sub sydera fumus,
Accensis latè sylvis deducere pubem
Hoc testus vallo poterit, vel milite lecto
Tutius insidias ductor molirier hosti.
Non hic ipse tuos fileam, fortissime Cæsar,
Bellaces astus (ars hæc tibi plurima) Gallo
Queis Alpes olim nivæ rubuere cruore.
Vicino quoniam densæ de flumine nubes
Surgebant, Aurora mari cùm surgeret, ille
Has inter tenebras absconditus, ardua multis
Mililibus juga conscendens, superimminet hosti.
Hinc magno clamore, cui mox illicet omnes
Vallibus ex imis focii assensere, jacentes
Invadunt hostes, subitum ceu fulmen: ibi acer,
Haud mora, non ferro, sed magno exterritus auso
Gallus terga fugæ dat protinus: & nece victor
Insequitur Cæsar, domitas & præterit Alpes.

Sed vos hic Vatem, Musæ, quibus ardua Martis
Prælia sunt cordi, Palmæque, & clara trophæa,

Philippi astus refertur,
quo cum inducias ad hu-
mandum mortuos pete-
ret, evasit.

Juvat interdum ini-
mica signa attollere, ut
faciebat Cæsar Regina.

Utendum fumo, &
nebulis ad fallendum
hostem,

Sic Cæsar Gallos ad
Alpes vicit.

Numine defessum vestro, cantuque juvate.
Magna quidem dicenda, ducisque exempla supremi
Laudibus æternis ornanda, & carmine sacro.
Ergo agite, heroo concedite digna cothurno,
Ut cælo meritis æquetur cantibus heros.

Bellaces inter fraudes, & Martia furta,
Sæpè quibus fortes animis, & mente capaces
Ductores magnis Bellorum in casibus usi,
Hæc fuit, egregiis sed vix tentanda manipulis:
Ardua nimirum conari, & fortia, numquam
Tentari quæ posse sibi persuadeat hostis.

Audaci nonnumquam
ausu, & improvise fal-
lendi hostes,

Sic res improvisa, reique ingentis imago
Attonitos reddet, Martisque ad munia segnes.
Et quamquam præclara ducum monumenta priorum
Plurima sint, ævo non defunt & sua nostro,
Tempore quæ quamquam, non sunt virtute secunda.
Non longè, Sicorim propter qua surgit llerda,
Hesperias urbes inter non ultima, magnus

Quo usus Andreas
Cantelmus, cujus laudes
Vates celebrat.

Dux (1) CANTELMIADES pietate insignis, & armis,
Scottorum soboles & præclarissima regum,
Imparibus quamvis armis (exercitus olli
Millia vix septem numerabat læsta virorum
Corpora, viginti sed millia Francus habebat)
Arte sed egregia pugnam commiserat acrem:
Et magnis animis, magna virtute, minorem
Pensabat numerum, factis & Fata vocabat.

Qui victoria Invidia
amictu, se in arcem reci-
pit,

Nec mora turbati convertunt tergora Galli,
Inque fugam effusi sese dant: protinus ingens
Fit cædes: prostrata jacent immixta cruentis

Arma viris, Sicorisque tumescit flumine major,
Et se purpureum sine more immiscet lbero.

Læta triumphali jam se victoria lauro
Obtulerat blandita Duci: proh Fata Deorum!
Quam non felicem Fortunam, & prospera rerum,
Invidia livens animus, cæcoque furore

Percitus, evaluit corrumpere? maxima summo
Deturbare potest de culmine, lætaque verso
Ordine factorum subito mutare sinistris.

Ergo equitum renuens mandata facessere ductor,
Invidiæ tetro flagrans livore (supremo
Invidet insignem palmam, laudemque Magistro)
E statione data decedit, & hostibus æquor,

Con

(1) ANDREAS CANTELMUS Catalauniæ Prætor.

Conversis ultrò signis, concedit habendum.
 Versaque fors pugnae: invitusque recedere campo
 Non hostis virtute, mala sed fraude suorum,
 Cogitur: & paucis equitum comitatus in arcem
 Vicinam recipit sese: mora nulla, feroces
 Incumbunt hostes, & circum mœnia cingunt.
 Obsidione peti cùm se CANTELMUS, & arcem
 Aspicit, ingenti major virtute, animisque
 Se super assurgit, magnam & vim concipit armis,
 Ac velut inclusum, magna cingente corona,
 Cùm leo, venantum, se prospicit, æstuat ira
 Plurimus, horrendumque fremit, rabieque remugit,
 Rauca sonans, vallo impatiens, armisque teneri.
 Hæc, illac sese versat: totisque repente
 Rugitu immani collectis viribus, Euris
 Ocyor alatis, irrumpit, & ungue rapaci,
 Vique viam, magno venantum sanguine, pandit.
 Non secus hostili vallo conclusus, in iram
 Magnanimam totus surgit CANTELMUS, & ingens
 Vique, animoque micat, vultuque interritus igneo.
 Nunc hæc, nunc illac se mente, & corpore voluit.
 Nil humile, abjectumque nihil, sed magna, sed alta,
 Et præclara agit, quæ non felicia pugnae
 Compensare novis possint insignibus ausis.
 Proh dolor! his tandem prorumpit, in æquore victos
 Non virtute sua, sed proditione meorum,
 Mœnibus hæc Gallus concluso illudat? adempta
 Invidia si palma mihi, non mens, animique,
 Non hæc dextra potens erepta, & Martius ardor.
 Ille ego, qui toties Gallorum sanguine victor,
 Et Batavo toties madui, totiesque Sicambro.
 Versus & ad socios simul hæc: Fortissima bello
 Pectora, totque olim magnis experta periculis,
 Nunc tempus solitis virtutem accendere flammis,
 Et decus antiquum, & partos reparare triumphos,
 Et cumulare novis: per vos, per fortia facta,
 Per ducis & vestri nomen, devictaque bella,
 Fidite ne muris: ferro per castra, per hostes
 Quod minimè rentur, via stat rumpenda: patefcet,
 Hostibus invitis, virtuti, credite, vestrae.
 Magna quidem, focii, vos in discrimina rerum,
 Hortor, & obicio, fateor, sunt maxima; vobis
 Æqua tamen, sunt illa duce, & dignissima vestro.
 Non CANTELMUS ego? non vos CANTELMIA pubes?
 Addite, magna petit Mars, & Fortuna: faventque

Cumque obsideretur,
 cum foribus suorum
 erupio nem medicatur.

Suos hortatur, porta
 que illico præfata erū-
 pit, perque media Gallo-
 rum castra moleis truci-
 datis, victor evadit.

Nu-

Numine concordi magnis conatibus ambo.

Hæc ubi, dat signum, portæ panduntur: & illis
 Ceu leo diffracto de carcere, currit apertum
 In campum, sequiturque ducem densissima turba,
 Ore omnes igneo, nudo omnes ense feroces,
 Spirantes Martemque animis, & terrificam vim.
 Ut procul adventare globum videre sonori
 Fulminis in morem, perculsi protinus hostes
 Re mira, insueta, plenaque audacibus ausis,
 Attonitis stupuere animis: cecidere trementi
 Arma manu: nec sese opponere fortibus ausi.
 Res nimirum audax, & non prævisa, vel ipsos
 Mole sua fortes exarmat, & opprimit ultrò.
 Evictis horrore suo, & cedentibus illis
 Sponte sua Gallis aditum, & jam limine fracto
 Castrorum, antevolat CANTELMUS victor, & astu
 Magnanimo servat socios, hostique decorum
 Eripit è manibus magna cum laude triumphum:

Duce hostium attoni-
 to, & farente illud non-
 nisi à Cantelmo tentari
 potuisse.

Nuncius interea Franci rectoris ad aures
 It subitus, trepidaque refert formidine, densi
 CANTELMUS clausa erumpens vice turbinis arce,
 Fregerit ut dextra victor victricia castra.
 Ille hæc attonitis dum percipit auribus, hæret
 Immotus, nec quemquam aggressum talia credit.
 Mox superata videt dum castra, necemque suorum
 Indoluit, simul hæc fatur: Jam credimus, ipsi
 Nostram ingnominiæ quando, cædemque videmus.
 Ast unus CANTELMUS erat, qui fortibus armis
 Hoc tantum tentaret opus: non æqua sinistri
 Vincere, cui Fati arbitria, & meditarier alta
 Insigni virtute datum, laudemque mereri,
 Mente acri, magnisque animis, & robore forti.

Apoſtrophe ad Reſta-
 num Cantelmum. Vast
 amicus sinum.

At quoniam patrui tangit te cura, decoræ
 Æmulus, & laudis data per vestigia Martis
 Jam campo graderis pugnator, & ardua nisu
 Ingenti conaris, & adorea plurima cordi est,
 Huc, (1) CANTELMIADE, propera, præclaraque gesta
 Aspice, quæ valeant magnis accendere flammis
 Bellaces animos, & maxima quæque parantes:
 Acer enim stimulus magnorum facta parentum.
 Fors erit, ut tua Partheniæ felicia Musa

Bel-

(1) RESTAINUS CANTELMUS Populi Dux, Summus Tor-
 mentorum Præfectus.

Bella canant, cantuque almis heroibus æquent.

Interea Vati bellaces suffice vires,

Instrue & infuetum pugna bellator in arma.

Ergo agite, ò Musæ, tanti dum Principis aura

Implet vela favens, per apertum currite campum

Martis, & egregiam pugnando carpite laurum.

Ergo tibi, Prætor, si cum tirone gerendum

Prælia, ne subitum fervens certamen inito.

Sed præstat differre: rudem, infuetumque laborum

Tutius, & plebis sine sanguine frange morando.

Namque ubi defessos æstu, infractosque labore,

Invades, facili poteris devincere pugna.

Sic olim indociles magni juga ferrè Quirini,

Samnites Fabius domuit, Gallosque feroces

Submisit: victorque æstu Lucullus eodem

Pugnacem fregit Mithridatem, & Pontica signa.

Est etiam fraus illa rei cum laude gerendæ

Opportuna, petas geminis si è partibus hostem.

Qui sentit se fronte peti, tergoque suevit

Turbari facile, & versis decedere signis.

Id, Mario pugnante, truces didicere Sicambri,

Et magna Cimbri deleti clade, ferique

Theutones: Alpina fluxerunt sanguine valles

Barbarico, doctæque suo tot funere gentes

Italiam frustra tentari viribus, una

Publica cum toti res est, & præsidet unus.

Felicem tamen hanc sortem, quam numine, & acri

Majores virtute sibi peperere, secuti

Non post degeneres illis meruere nepotes.

Tristia quid repeto? sed me ventura levabunt

Fata deum meliora: vices Fortuna rependet

Mitior. Interdum facili victorie voto

Insequitur, hostes tibi si diversa petantur.

Nam velut ingenti cum crevit flumine torrens,

Obijce si ripæ rupto, violentior una

Parte ruit, magni non est reparare laboris,

Aggere confuto, sanctusque tenere ruentes.

At si multiplici ruptus descendat hiatu,

Difficilis sarcire labor, cursumque morari.

Hæc si fortè tènes, ruit illac plurimus, & vi

Extuperat, stragemque satis, campisque minatur.

Non secus armorum pleno cum flumine in hostem

Irrumpis, diversa petens, nequit ille ruinæ

Impar sufficere, atque omni se opponere parti,

Hanc si forte velit defendere, latius illa

Torn. I.

P p

Ob-

Cum tirone lentius
agendum, ut facilis vi-
ctoria: sic Fabius Samni-
tes, Lucullus Ponticos
domuit.

Varia è parte petendi
hostes, ut facilius vincā-
tur: ut Marius cum Cim-
bris fecit.

Diversis in locis ho-
stes petere, plurimum
conducit.

Obruitur victus, ceditque potentibus armis.
 Sic Annibal Romanos, Hac nostros olim majores Annibal arte
 Aggressus, varias clades, stragesque creavit.
 Robur & hac contra Macedum, regemque Philippum
 Et Quintius Philip- Quintius edomuit, Græcosque redemit iniquo
 pum, Grecia servata. Servitio, magna Patrum cum laude; superbos
 Quorum hostes domuisse fuit, non æqua petentes:
 Et socium leges, libertatemque tueri.

At non dissimilis sequitur fraus altera Martis:
 Scilicet in patrios cum fines irruit hostis,
 Cuncta igni, ferroque vorans, perdensque rapinis:
 Tum Prætor, Curii exemplo dimitte cohortes
 Hostilem in terram, quæ flammis omnia vastent,
 Atque pares olli strages, & furta reponant.

Juvat, cum te domi
 hostis premit, illum pro-
 pria in terra petere.

Sic Scipio, habita prius
 ad Patres concione fecit,
 & Annibalem ab Italia
 victorem in Africam re-
 vocavit.

Italæ gremio tot victor inhæserat annis,
 Excidium Romæ minitans, rebusque Latinis,
 Annibal, & spoliis, & nostra clade superbus.
 Et neque Consulibus tantis, tantisque repelli
 Agminibus poterat: serpens per viscera pestis
 Altius in fibris radicem fixerat, & jam
 Cuncta minabatur fatali evertere casu.
 Hæc dum sollicita versat cum plebe Senatus,
 Et varios diversa tenet sententia Patres,
 Confestim media procerum, populique corona
 Scipiades surgit, sicque incipit ore profari;
 Si quæ dicentis spectatis facta, Quirites,
 Haud equidem vestras aures, vestrumque favorem
 Promereor: verum si tot præclara meorum
 Aspiciere est animus, possem mihi jure, Quirites,
 Et vestros, Patres, animos, mentesque mereri.
 Quodque magis cupio (patriæ ventura salutis
 Spes illo, nec vana quidem, modò Juppiter adsit)
 Conciliare fidem dictis: via tutior una
 Et brevis, & vestræ patet opportuna saluti:
 Africa nimirum vobis, & Punica regna,
 Ipsaque Carthago Romana classe petenda.
 Nam sic spontè sua nostris è finibus hostis
 Discedet, Romamque metu, sociosque levabit.
 Ardua & hæc, fateor: verum via sola salutis est:
 Virtutem decet & nostram: Fortissima quando
 Et facere, atque pati, Romanum. Dixerat ille:
 Et magnam dictis, læto & spem fecerat ore.
 Continuo festa plaudentes voce Quirites,
 Et Patres unâ fremitu assensere secundo.
 Decernunt bellum: belli dux ipse creatur.

Africa & in votis cunctorum, & Punica regna.
 Jam finis belli, jam visus & Annibal omni
 Italia infestis Pœnorum excedere signis.
 Nec spes falsa fuit, Pœni revocare coacti
 Annibalem, victique acie, bellumque peractum est,
 Hinc totam belli molem divertere in hostem
 Discite, qui patriam cupitis, regnumque tueri.
 Vincere præterea si vis tutissimus hostem,

Qui vallo fidens castris se continet, armis
 Finge fugam versis, raptimque abscedere campo,
 Bellica vasa tamen nonnulla, & ditia quæque
 Hostibus ad prædam, pariterque alimenta relinque.
 Nonnullos quoque desertoris imagine mittes,
 Teque fugam, celerante metu, cepisse reportent.
 His etenim indicîis deceptus, castra relicta
 Hostis ut ingreditur sparsim, nullo ordine, & armis
 Depositis, spoliisque inhians dispergitur, ipse
 Illicet aggredere, & præda citus opprime onustum,
 Hoc olim versuta dolo regina superbum
 Vicit Amazonidum tora cum gente tyrannum
 Perfarum, & cedam nati tot millibus ulta est.
 Quique fugam simulans, armis victricibus, olim
 Messagetæ domuit, fuit astu victus eodem.

Scilicet incautos interdum perdidit astus,
 Qui modò servavit, peperitque ex hoste triumphum.
 Hic ego vos moneo: memores mea dicta tenete
 Vos cauti sub mente, Duces, fugientibus ultro
 Ne faciles semper, ne credite; non fuga, fraus est.
 Qui sua cum posset tutò deducere, campo
 Deseruit, fecisse dolo censendus. Amico,
 Sentio, nunc aures mihi numine vellit Apollo:
 Ne tu prætereas LOTHARI præclara trophæa
 Admonet, atque novo mentem mihi concitat æstro,
 Stat monitis parere Dei, totumque ciere
 Parnassum, & cunctas revocare ad carmina Musas.

Post cladem Thracum insignem, socialibus armis
 Illatam, rursus reparatis viribus urbem
 Barbarus obsidio vallarat: & ærea muros
 Machina continuò pulsu perfregerat: & jam
 Obfessis erat extremam illatura ruinam.
 Egregiam simul ac tali discrimine pubem,
 Atque urbem pariter versari accepit amicam,
 Accurrit LOTHARUS, delecto milite, promptam
 Conclusus laturus opem. Sed castra teneri
 Præsidio ut vidit valido, valloque profundo:

Revocatus Annibal
 ac victus, ac bellum p. o.
 fugatum.

Ficta interdum fuga,
 vasis ab prædam hostite.
 lictis, victoriam peperit.

Hoc astu victi Persæ
 ab Amazonum Regina.

Idcirco ultra fugien-
 tibus minimè præstanda
 est fides.

Velle neque his fidentem hostem concurrere aperto:
 Infidias meditatur, agi certamine quando,
 Vique nequit Fortuna: citis decedere signis,
 Atque fugam simulare suos jubet: inque fidelem
 Castra inimica virum dimittit, cedere qui se
 Conscilium trepida captum formidine dicat.

Hoc item astu Lotharingæ Dux Turcas vicia.

Falsus, & è castris acies educit, ut hostem
 Irruat in pavidum, cædatque impunè fugacem.
 Vix aciem campo explicuit, cùm CAROLUS ægmen
 Versibus instructum paribus jubet ire reflexum:
 Et quoniam pugnae data copia, cominus hostem
 Fulmine raucifono, nudoque invadere ferro.
 Nec mora, frustrati voto, cessere repente
 Turbati Thraces: positisque inglorius armis,
 Ipse fugam primus dux arripit: almaque summo
 Descendens cælo nitidis Victoria pennis
 Austriacos placidè super inclinata recumbit:
 Virtuti data dona tuæ, clarissima regum
 Gloria, & AUSTRIADUM columen, regnique Latini,
 CAROLE; qui primus docuisti posse superbum
 Othomanum vinci, totoque Oriente repelli.
 Sed proh Fata Deum, & numquam fors certa! repente
 Qui te nunc cursu è medio, & felicibus oris
 Eripuit turbo, & tecum spes abstulit omnes?
 Quæ varians tantùm rebus Fortuna secundis
 Invidit, vertitque retrò victricia cæpta?

Cujus immaturum obitus Vatem deslet.

Te Duce, per populos victor jam Cæsar Ecos
 Jura daret, captique novi, te Consule, falli.
 Nam te collegam, populo plaudente, creasset,
 Et tecum insignes duxisset in urbe triumphos.
 Sed quid mesta queror? summo jam victor Olympo
 Cælestes agitas meliori sorte triumphos.
 Et quando majora potes, age sydere ab alto
 Aspice nos, rebusque favens, precor, annue nostris!
 Et si dum terris vitam mortalis ægebas,
 AUSTRIADUM tibi cura fuit, non ultima, cælo
 Dum fidis, tutare domum tibi, divus, amicam.

Exploratores è castris expellendis, & quæ industria ad illos dignos, cendos adhibenda sit.

Sed jam difficiles properata ad bella labores,
 Et postrema vocant me munera, cùmque doloso
 Milite certandum: levior quæ pugna peractis
 Haud equidem ducenda. Sagax conaberis ergo,
 Explorator uti varius prodatur: & illum
 Infami plectes merita pro crimine pœna.
 Maxima sæpè dolis exploratoris iniqui

Interrupta Ducum molimina, versaque retrò
 Fortuna, & certi è manibus cecidere triumphi:
 Totius & gentis magna cum clade ruina
 Unius ob fraudes nonnumquam parta: nocenti
 Huic ergo vigil incumbas te opponere pesti.
 At verò ut certis occultam agnoscere signis
 Contagem valeas, paucis, attende, docebo.
 Sedula castrorum fervet custodia portas:
 Neve ullum finat elabi, priùs omnia certò
 Ni Præfectorum doceat cognomina, & ipsa
 Cui scriptus recitet certissima signa cohortis,
 Astitis, atque sui nomen: manifesta referre
 Quandoquidem quicumque nequit memorata, tibi ille
 Explorator erit: castris versutus acerbam
 Hoc pepulisse Chares contagem dicitur astu.
 Præcipies cunctos etiam ad sua signa reduci,
 Et versus explere suos: quicumque vagatur,
 Aut superest, suspectus erit. Juvat omnibus unum
 Præposuisse virum hospitibus, cui nomina cuncta
 Cognita sint juvenum, minioque notata papyro.
 Sic intermixtus si qui sit proditor, olli
 Notus erit: studioque id cura impensis omni,
 Cunctaque signa virum crebrò, & capita omnia cense.

Præterea, caveas, ne creber transfuga ad hostem
 Transeat, atque tuæ quæ vires, quæque reportet
 Consilia, & noto cùm desertore remissis
 Ultrò, citròque scythalis commercia jungat.
 Id calles crebrò, & divortia nota viarum
 Perlustrans, duce sub fido, custodia quibit
 Propulsare malum, scriptasque cavere latebras.
 Quin etiam certos homines, Proconsul, habeto,
 Qui clam permixti per castra frequentia oberrent:
 Et juvenum observent nutus, & singula verba:
 Quæ collata dolos poterunt aperire latentes.
 Insuper his (præstat cùm fraude occurrere fraudi)
 Hos adversa jube per castra errare frequentes;
 Ut fraudes hostis retegant, fraudesque tuorum.
 Consilii fures, venatoresque dolorum
 Ut, Prætor, plures habeas, ne plurimus auro,
 Ne parcas: numquam tibi tanti impenditur aurum,
 Quàm cùm structa tibi fraus est retegenda, vel ipse
 Cùm fraudem instruere incautum, meditaris in hostem.

Nonnumquam tanta in bellis momenta retesti
 Ferre doli potuere, Duces ut sæpius ipsi,
 Atque ipsi interdum mentita veste tyranni

Cavendum, ne plurimi
 ad hostem transfugiant.

Et quæ id cura præ-
 standum sit.

Juvat etiam habere
 exploratores, qui res ho-
 stium vestigent.

Reges ipsi interdum
exploratum vires ho-
stium profecti.

Exploratum in terram, inimicaque castra profecti,
Rex velut Ægypti perhibetur barbarus olim
Vesperis in fines, Nilo venisse relicto,
Consilia Europæ scrutatum, & robora regum.
Ipse & Pannoniæ factis, famaue superbus
Rex, quondam agrestis non dedignatus equis
Castra sub Othomanum (quis talia crederet?) ipsa
Ordea convecrare, per & tentoria circum
Distrahere, & pretium repetens assarier hostem.
Sic & consilia, & cunctas dignoscere vires,
Castrorumque situm potuit metirier ipsum.
Omnia mox hosti quæ cùm transcriberet, ille
Percussus trepida formidine, castra refigit,
Et palmam insidiis partam concedit, & ausis.

Cum nobilibus fidei
suspectis, officiis agendæ
Marcelli exemplo.

At Proceres inter primos si proditor, illo
Magna ut seditio si post ventura, necato;
Tunc blandis agere officiis, & fingere oportet,
Marcelli ducis exemplo; victricia primus
Agmina qui fregit Pœnorum, & posse ferocem
Annibalem vinci docuit, speque extulit acri
Fortunam Romæ: dignis hic Bactea pœnis
Cùm sine nobilium motu, populique tumultu,
Plectere non posset, simulat pro tempore: & illum
Ad sese jubet acciri, vultuque benigno
Excipit accitum, magnis & laudibus ornat:
Atque fidem pariter multis commendat, & acri
Donat equo, sociumque sibi subistere castris
Imperat: officiis Marcellus talibus usus
Bactea non solum, verùm sibi quotquot & illo
Nolanos inter cives Pæno ante favebant,
Conciliat. Juvât interdum clementia victrix
In desertorem: quem si punire severo
Supplicio nequeas pro crimine, flecte rebellem
Blanditiis animum, atque oblato munere firma.

Præstat, ut simulati
transfugæ plures ad ho-
stes transcant, & euri?

Plurimus, interdum prodest, si perfuga ad hostem
Transcat è castris simulatus, & instruat olli
Callidus insidias, crebroque in prælia ductans
Occultas agat in casses, fraudemque paratam.
Illud & hinc pariter capies, dux, utile; vero
Ut desertori credat non amplius hostis.
Hac vaser in Gallis retinendus usus Amilcar
Est arte, & voto eventus successit. Iniqui
Si desertores multi tua signa relinquant,
Ne desertores illos patiêre vocari,
Corpora sed juvenum fortissima, quæ tua iussa

Ex-

Expletes, fîcta sub proditiõne dolosos
 Se structuri astus, inimica ad castra tulerunt.
 Idque exploratore suo cùm noverit hostis,
 Accipiet pro te scelerato à sanguine pœnas.

His super, haud minor adversis constantia rebus,
 Quam promptum ducis ingenium confingere fraudes.

Scilicet his valeat tum confirmare suorum
 Nutantes animos, sociùmque tenere labantem
 Per mentita fidem commenta, instructaque miris
 Verba dolis: quæ sæpè cadentem restitunt rem.

Plurima majores præclara exempla dedere
 Re super hac, nobis imitanda, reposcerit ipsa
 Cùm fors, sive idem recidens ad prælia casus.

Vejentes mixto dùm jam certamine Tullus
 Acrior urget equo, se Albani protinus omnes
 Eripiunt pugna, tumulosque feruntur in altos.

Res nova Romulidum turbavit pectora: at ille
 Illicet insigni occurrit promptissimus astu:
 Ne, socii, trepidate: meo petiere supremos
 Consilio Albani tumulos, quibus, impete facto,
 In circumventum descendant ocysus hostem.

Credita res vulgò, & Romanis additus ardor,
 Hostibus at timor, & res instaurata repente est.
 Non minus insignis quondam, & felicior astus

Luculli: stabat dum campo instructa patenti
 Pugnam acies initura, leves levioribus armis,
 Macedones subito consensu signa relinquunt.

Cominus id Consul tumulo cùm vidit ab alto,
 Confestim canere ingenti jubet omnia signum,
 Tympanaque, lituosque, & cornua cuncta: citusque

Delicta immittit geminas virtute cohortes,
 Quæ desertorum fugientia terga sequantur.

Barbarus, ut pugnae percepit signa, simulque
 Adventare globum prima in certamina vidit;
 Macedones contra ruit efferus, atque repente

Imbre sagittarum denso latè aëra texit.
 Ergo ut Macedones se non admittier hoste,
 Atque premi post terga vident, meliora capeffunt

Consilia; inque hostem, cuneo densante, phalangem
 Irrumpunt, deduntque neci, veniamque merentur
 Facta per egregia, & palmam virtute relata.

Cuncta adversa tibi cedent feliciter, acri
 Ingenio si, dux, & aheni pectore præstes.

Sed neque si toto descendens numine Phæbus,
 In mentem toto pariter se infunderet æstro,

Præptum sic Ducis
 ingenium ad confingeh-
 das in adversis causis.

Tulli exemplum.

Et alterum Luculli in
 sagæ.

Astus, experientia, &
 prætorum exemplo, ad-
 discendi.

Bel-

Bellaces cantu fraudes, & furta valerem
 Omnia complecti: seges est amplissima, & ingens
 Campus ad insidias hosti cum laude parandas.
 Multa dabit quæsitæ Duci experientia, casus
 Per varios belli, perque alternantia Martis
 Arbitria: atque acris prænoscere multa sibi mens
 Suggestet opportuna: dabunt sed plurima præsci
 Annales, quibus acta Ducum descripta priorum.
 Idcirco quicumque Ducis cognomina Magni,
 Et laudem egregiam, æternumque affectat honorem,
 Plurimus assidue majorum facta parentum
 Discat ab antiquis annalibus, atque sub alta
 Mente memor, fuerint quæcumque imitanda, reponat.
 Nec minor Heroum fortissima facta doceri,
 Virtutemque animi insignem, verumque laborem,
 Cura duci: vivis expressa coloribus olim
 Munere quæ sacro afflati pinxere Poëtæ:
 Quatenus illa forent ævo monumenta futuro
 Inclyta majorum, stimuli que nepotibus acres
 Ad similes simili palmas virtute merendas.
 Magnus Alexander, lecto sed magnus Homero.
 Mæonio quoniam succensus carmine, Achilles
 Æmulus evasit: viresque ad fortia, & artes
 Heroas belli monstrante accepit ab illo.
 Et quamquam multi volventes gesta priorum
 Egregii venerè duces, tamen omnibus unus
 Præ multa Lucullus erit cum laude ferendus.
 Qui non in varia Martis pugnatore arena,
 Nec fremitus inter licuorum, ardentiaque arma,
 Sed mutas inter tabulas, & carmina Vatum,
 Martia, tranquilla veluti pacatus in umbra,
 Felici tantum successu prælia doctus;
 Ut regem indomitum, populisque, auroque potentem,
 Versatumque dolis bellorum, & fortibus armis,
 Ipse sua insigni Mitridatem fregerit arte.
 Solertes igitur monumenta ediscite præca,
 Magnanimi Heroes, devotaque pectora laudi,
 Difficile, & durum Martis qui curritis æquor.
 Vos, & Partheniæ quæ dant præcepta Camæniæ,
 Ex adytis Cyrrhæ sacris, Pindique recessu,
 Bellorum super arte, animis versate frequentes:
 Hac iter ad laudes, immortalesque triumphos.

Idcirco Duces annales
assidue evolvant.

Alexander crebro Ho-
merum lectitabat.

Lucullus Romanas
fortias, ex quibus um-
bratili velut ex pugna
Magnus Dux evasit.



BELLICORUM

LIBER DECIMUSTERTIUS.

HACTENUS extento collatis æquore signis,
Certatum cum Thrace; subit nunc altera duri
Pars operis, vallo præcinctas scilicet alto
Expugnare, quibus jam victus clauditur, arces.

Ergo age, quæ propriæ capiendis urbibus artes.
Quàm variæ, & docti solertia quanta Magistri
Molibus objectis, operisque irrumpere muros,
Dicamus. Cæpti pariter hanc aspice partem,
Et mecum obsessas victor quate fulmine turres,
Magnus AQUINADIS gentis decor, & novus almæ
Euboicæ Sirenis honos, atque inclyta Martis,
Gloria: quæque tuo veniet de munere Vati,
Dùm cantu exercet magnos heroas in armis,
Serpere victricem da per tua tempora laurum.
Teque novo AUSTRIACUS dum Rex dignatur honore,
Inter & HISPANÆ Magnates excipit aulæ,
Tu pariter decus adde novum, Vatique, operique.

Apostrophe ad Hæce.
næcem.

Principiò vallata priùs quàm mœnia cingas,
Illa tibi pensanda, situs si scilicet arcis,
Et si præsidia, atque ea sint munimina muri,
Ut tandem validis cessura assultibus, ante
Quàm regno è toto collectis viribus, hostis
Auxilio properet, teque ipso in fine laborum
Defessum, pube attrita morboque, fameque
Opprimat, aut saltem cogat delistère ab auso.
Insuper, annonæ si suffectura paratæ
Copia sit genti, Martisque horrenda supellex.

Mantè pensandum an-
tequam ostensione urbem
cingamus, si capiendâ
tandem sit.

Tom. I.

Qq

Et

Et insuper si annona,
& apparatus sufficiens,
si opportuna anni temperies
& quibus de causis,

Et si è vicinis via tuta ad castra pateat
Urbibus, ut pueri possint vestire recentes
Suppetias, & quæque satis prædantur ab arvis.
Nec minus, obfidio fuerit si commoda cœli
Temperies, annique vices variantis: iniquus
Nam plures aer, quam barbarus abstulit ensis.
Non & subsidia, aut tantum iuvare profundæ.
Obfessos fessæ, lunataque cornua, quantum
Dispersi in vulgus morbi, febresque malignæ.
Et quoniam (juvat hæc crebro mensinisse) sinistra
Unius interdum obsidii Fortuna peracti,
Magnarum subito casu, variantibus astris,
Interrumpit iter rerum, famæque secundæ,
Qua sola gentes nonnunquam, & regna subacta:
Idcirco vos cuncta prius pendite cauti,
Felici eventu quæ conductura putantur,
Hostiles quam castra urbes metata coronent.

Adhibendia istos & va-
ria excursibus fallendi
sunt hostes.

His animadversis, sequitur labor arduus, arcem
Expugnare: dolos primos adhibere ministros
Ne pudeat: quando simulata tutius arte
Vincitur: idcirco vario tege plurimus astu
Consilium: turres, quas obfessurus, acuti
Sit licet ingenii, nunquam prænoverit hostis.
Hæc iter, atque illac te carpere velle, refixis
Sæpius & finges diversum excurrere castris:
Ut videre urbes nunc has, nunc tendere ad illas.
Ut vagus ignaro, dubioque illuseris hosti,
Quam non prævidit cingendam, & milite raro
Munit, ætutum signis, atque agmine flexo,
Aggredere, atque suo deceptum errore teneto.
At lento primum dum gressu castra moventur,
Nonnullas equitum turmas, ductore sagaci,
Præmittes: ferro, & flammis quæ mœnia circum
Evertant, quæcumque hosti prodesse videntur,
At nocitura tibi: nam quæ conducere possunt,
Defendes igni, & ferro: semperque caveto,
Ne sacras vires ædes, & templa Deorum.
Illa etenim servata juvant, excisa nocebunt.
Si tamen antiquas præstat subvertere sedes,
Sacratos primum lapides, & ipsa Divum
Præcipe solemni pompa, sacroque ministris
Transferri de more aliò, & meliora voto.
Sic illi faciles aderunt, armisque favebunt.

Præmittendi Equites,
qui circum omnia vastis
terrisque affertant ini-
micos.

templa tamen servan-
da.

Hæc præcursores ut perficere, Magister
Delecto juvenum cœtu stipatus, apertum

In campum veniet, latè loca singula, & arcem
 Visurus, densis quam circumplectier armis
 Apparat: & fossas, & propugnacula, & altam
 Aggeris objecti molem, prætentaque muris
 Castella observet, cum forcipibus dentatis.

His jam perspectis, certa metanda figura
 Castra tibi, & varia miles statione locandus.
 Irriguos circa fontes, & curva secundum
 Flumina bellaces equitum considere turmas
 Præcipe, & in pictis herboso gramine campis.
 At pedites clivos, & apricos visere colles,
 Commoda ubi sedes, loca tuta, patetque benignus
 Aër, subiectique patent clementius agri.
 Quique magis dorso confurgit, & imminet urbi,
 Opportunus erit, primumque tenendus: at imæ
 Non placeant valles, non confraga fraudibus illa
 Objecta, & sedes non apta imponitur inter
 Præruptos apices, & per devexa maligna.
 Ne tamen hæc fraudi pateant, solertior arctas
 Delectorum equitum fervet custodia fauces.

Sed quæ metandi ratio, quæ certa, docebo,
 Intervalla: tenet centum quæ corpora turma
 Belligerorum equitum, biscentum postulat agri
 In latus emensi, sed prima in fronte notatos
 Septuaginta pedes: spatiis quibus alta ministri
 Distincta in quatuor figent tentoria veisus.
 In mediis stabulentur equi, juvenesque tenebunt
 Ultima: lata octo, bis senos singula longa.
 Quadrupedumque inter sedes, sedesque virorum
 Ampla pedes octo sit semita: fronte sub ipsa
 Rectoris statio figenda amplissima; & illam,
 Atque inter primo præfixas ordine scenas,
 Viceños latefeat iter: post tergora lixæ
 Extento varias attollant fune tabernas.
 Non secus & reliquæ ponent tentoria turmæ:
 Et passus quatuor sese inter singula distent.

At si centuriæ statio ponenda pedestri,
 Quinquaginta pedes, & sex frons latior arvi
 Dimensi pateat: biscentum excurrat utrumque
 Hæc, illac latus: & versu divisa quaterno
 Milite pro gemino facies tentoria quadra.
 Octonosque pedes latefeat semita, & illa.
 Ipse tabernaculi primi sub fronte locabit
 Centurio, sociusque olli vicina tenebit:
 Ultima lixarum capiant ignobile vulgus.

Dux progressus urbem,
 & ejus munimenta ob
 servet.

Castra quæ ratio ac, &
 loco metanda sint.

Tradit art, quæ me-
 tari castra oporteat, &
 quæ spacia servanda.

Modus traditur val-
landi castra.

Cuncta ubi multiplici circum statione reposta
Mœnia gens (rauci sit & extra fulminis ictum
Lecta tibi sedes) docto vallanda magistro
Jam sunt castra, suis & per discrimina certa
Turriculis firmanda; timor si certus ab Euro
Venturum obfessis Thracem succurrere: & altis
Aggeribus circum, & fossa cingenda profunda.
Si secus, haud tantus labor impendendus: at ipsum
Qua potiore struas vallum ratione, modoque,
Dicamus. Niveo Geometres cortice primum
Urbem omnem, & muros, & propugnacula plumbo,
Vel minio inscribat: quæque hostica mœnia propter
Circumstant, campi, & valles, collesque supini,
Ædesque, & mediis labentia flumina villis.
Ut descripta locis sua per discrimina certis
Omnia sunt, vallum castrorum signet eodem,
Turriculis firmet rivos, & pontibus illos
Conjungat, longo quos nexis ordine cymbis
Componat: castella struat, quibus æra locentur,
Sulphuraque, rigidaque pilæ, igniferique lebetes.
Urbis ut exemplar, vallique, & cuncta locorum
Intervalla, suis mensuris scripta papyro,
Ipse Duci spectanda ferat, doceatque magister,
Qui situs, & spatia, & valli quæ forma locati.
Hic ego sed vellem, (sic res felicior iret)
Arcis ut hostilis tibi plurima semper imago,
Dux, foret in promptu, certò sic cernere posses
Omnia: nimirum qua nexis fascibus agger
Vallaris ducendus erit, quæ turris, & urbis
Quæ munita minus pars perrumpenda: supremus
Qui primum armato firmandus milite collis:
Excubet & dubia sub qua custodia valle.

Et primum in papyro
singula delineanda sunt.

Urbis, & castrorum
semper imago præocu-
lis Duci habenda est.

At operi ut Tecton faciendo incumbat, & acres
Ad data, jam tempus, fossiles iussa reposeat.
Ipse igitur, postquam Patres exempla probarunt,
Figat humi vallos loca per signata, reductum
Perque illos funem extendat, pariterque notatis
Turriculas struat in spatiis. Cumque omnia campo
Descripsit, depicta velut jam cortice, durus
Tum palis fossor, pannisque lignonibus altam
Excavat assidue fossam: cui plurimus ipse
Incumbat miles: quin & versare refossam
Laurigeris terram manibus non Maximus ipse
Dictator, Patres non dedignentur & ipsi.
Crescit amor operis: vulgi vis æmula crescit,

Modus describitur, val-
landi urbem juxta exem-
plar jam positum. Operi
omnes incumbant, vel
& ipsi Duces.

Inclaya dùm primi præbent exempla magistri.
 Effosso è sabulo deducitur agger: & altus
 Quinque pedes extra, sex intus, largus & octo:
 Interiore gradus sub calce adnæstatur: illum
 Sclopifer ascendet, glandem missurus in hostem.
 Firmior utque agger consistat, vimine torto,
 Structa vel arboreo prætexes mœnia fasce.
 Ac veluti obliquo ductu præcingimus arces,
 Et restas facies, & propugnacula acuta,
 Interdùm, & portæ parmam prætendimus, ipsa
 Sic & castrorum moles facienda: profundæ
 Quam propter, lato ducantur tramite fossæ.
 Ast obvallatis si plurima turribus insint
 Præsidia, ut crebris possint insultibus ipsas
 In juvenum fedes, & aperta irrumpere castra,
 Altera vallaris ducenda est linea, contrâ
 Quæ muros objecta, ruentes arceat hostes.

Duplex agger, seu val-
 laris linea ducenda.

Ergo age, sunt gemino postquam circumdata vallo
 Castra, nec insultus utraque ex parte timendi,
 Tempus ut accingas operi te, Prætor, agendo.
 Concilio tamen in medio prius ipse require,
 Expugnanda fame si sint, aut mœnia ferro.
 Nam licet hoc ævo non arx, validissima quamquam,

Videndum mox an
 fame, an vero vi urbs sit
 expugnanda.

Quæ possit secura diu consistere: muros,
 Muniti quamvis sint arte, situque, nocendo
 Ingeniosa nimis hominum solertia rumpit.
 Attamen interdùm prærupto in vertice turres
 Impositæ, cinctæque mari, non fulmine ahenò,
 Non & vi facili superantur; tutius illas
 Idcirco obsidione, fameque domabis acuta.

Si fame, curandum ne
 quid annonæ in arcem
 inseratur.

Ergo omnem impendes operam, te opponere victu:
 Nimirum obsessas ne quid vestetur ad urbes.
 Ast exercitibus magnis si victor aperto,
 Hoste procul pulso, dominaris in æquore, turres
 Has largo obsidio potius, nulloque labore,
 Expugnabis, hyems rigido dùm plurima nimbo
 Contristat cælum, & victum negat arida tellus.
 Urbes, quidquid adhuc populatis restat in arvis
 Hostiles circum, ferro vastetur, & igni.

Atque vias omnes, quæ inimica ad mœnia ducunt,
 Et cæcos aditus, & latos occupet amnes
 Plurimus in telis stipatus miles: & acres
 Circum excursuores latè loca singula cursent,
 Ne quâ subsidia oclusas mittantur ad arces.
 Sic Thrax amisit Regalem barbarus Albam,

Facile hyeme larga ob-
 sidione expugnari arces
 possunt.

Sic

Sic & inaccessis circum præincta lacunis,
Dedita Cæsareis Canisia, & invia stagno
Ingenti circum Sigethia, dedita colle
Agria in abrupto, & prætentis ardua muris.

Quæ pars urbis prius
oppugnanda.

Ast age, tormentis si visum evertere turres,
Quæ tibi principio pars oppugnanda, teneto.
Saxeus obsessæ minus est qui firmior agger,
Scilicet obliquus quoniam, vel acutior exit,
Nec firmatus humo, nec tectus ab objice parmæ,
Ille tibi tentandus erit. Cognoscere primum
Id Tecton poterit; forti si milite septus,
Urbis ad hostilis speculatum mœnia pergat,
Intentoque animo prospiciet singula: quæque
Tuta minus sunt visa, petat. Samniticus olim
Ceus lupus, ingenti stimulo irritatus edendi,
Per caulas agilis decurrit, & omnia lustrat:
Et si quâ sepem minus altam prospicit, illac
Cominus irrumpit, vi facta, hædisque potitur.

At prius obliquo repetas quàm mœnia ductu,
Instrumenta tibi, quæ, Tecton, ante paranda,
Præmonco. Si molle solum, sit plurima pala,
Prælongique simul vestes, curvique ligones.
At si dura silex, contexto è vimine cistæ,
Suffertique una sacci, fascisque parentur.
Lignea præterea tibi sint sarcimina, arena
Et dolia ingesta, corbæque, & mobile septum,
Cui Batavus primum inventor cognomina fecit.

Quibus machinis ve-
terea arces expugnabant.

His, terræ varia pro conditione, repostis,
Tempus opus tentare: at non quæ patribus olim
Machina, nunc eadem subigendis arcibus; idem
Non modus idcirco, non ars manet: altera major,
Et præclara petunt doctos inventa magistros.
Illicet in muros protecti corpora scuto,
Densò irrumpebant cuneo, propinque ferebant
Tormenta, & subter densa testudine tuti
Ariete ferrato, vel prævalidis balistis,
Mœnia vertebant iterato exilia pulsu.
Turribus interdum quernis, multoque rotarum
Ordine transvectis, instabant cominus urbi,
Plurima deque Phalis contorta phalarica, cives
Spiculaque, radique, & grandia saxa necabant.
Quin, & demisso nonnunquam ponte, suprema
E turri in clausas intrabant deluper arces.
Nunc quoniam solidè defendunt ignea muros
Tormenta, & flammæ, & ferrea turmina vibrant;

Quæ.

Quæque Phalas licet ingentes, licet ærea scuta,
 Dissingunt violenta, virosque ad sidera jactant.
 Altera quapropter hac tempestate tenenda,
 Et diversa quidem nobis via: tramite tecto
 Præstat ad hostiles paulatim accedere turres,
 Pulsibus & crates, mollenque opponere arenam.
 Sic etenim, cedente solo, cadit irritus æris
 Ictus fulminei: retrò discrimine parvo
 Viminæ sepi, stat fossor, & aggeris altum
 Securis molitur opus, seque urget ad arcem.

Et primum fit cura locum captare, struendi
 Aggeris incipiant quo duci exordia: jactum
 Sit pyrobalistæ situs extra: ut tuta juvenus
 Ocyus insistant cæpto, & sine sanguine: athena
 Si majora operi poterunt explosa nocere,
 Tunc pubes longè incipiat majoris ab ictu
 Tormenti, vallum castrense aperire: juvabit
 Ordiri pariter, quâ moles, quâve ruinæ,
 Aut sepes: his namque tegit sua corpora miles,
 Ut sedes delecta, operis primordia ponant
 Fossore furva sub nocte (accommoda vallo
 Ducendo semper nox est; nam cuncta tenebris
 Tunc obducta latent, ictusque incertus oberrat)
 In genua acclines fossam deducere ductu
 Obliquo incipiant (sic ranco emissa metallo
 Fulmina vitabunt) descendat quinque sub imum,
 Bis denos sit larga pedes: quæque inde ligone
 Eggerit tellus, congesta crepidine in ipsa
 Anteriore, citò vallum fastura, locetur.
 Sic vario accessus dum serpit ita, redituque,
 Paulatim veniet præcincta ad mœnia: & unâ
 Succedet pubes vallare sub aggere tecta.
 At tellus si dura, graves longo ordine corbes,
 Scilicet dolia, aut denso suffertæ pulvere telæ,
 Extendantur: erit mox, jam calonibus agger
 Impositus, circum aggesta firmandus arena.

Per noctem vallo dum fossor plurimus instat,
 Illum lecta cohors juxta consistat equorum,
 Defensura, manus si fors ruat hostica ab urbe,
 Latè opus, occisis, interruptura, ministris.
 At minor, ut labor, & citius vallaris ad arcem
 Agger eat, crebro nè serpat tramite: rectus
 Attamen ille nimis fac ne procurrat; acuto
 Ne pateant igni juvenes. Arcere ruentes
 E vallo ut valeas hostes, discrimine certo

Præfenti ævo novis
 experimentis reperitis, altera
 tenenda est via,

Ex quo loco, & qua
 arte obfionales acceffus
 ducendi, quo ad mœnia
 arcis perventum fit.

Ut citius opus perficiatur,
 accessus non singulis obliqui.

Tur-

Turriculæ per inter-
valla faciendæ,

Quotuplex sit pulso-
ris machinæ,

Et qua arte construc-
ta.

Turriculas facies texto de vimine quadras:

Arbuteo & septo, & fossa præcinge cavata,

Vel crate: & tanto distent discrimine, quantum

Sat visum, ut sibi opem possint per mutua ferre

Auxilia. At propior quia mœnibus imminet agger;

Suggestu adlutum structo, tormenta locemus.

Est autem triplex pulforia (1) machina: prima

Alta stat in tumulis, & munimenta supernè

Fulminat: hæc simplex cognomine dicta, sub ipsa

Aptatur tellure humilis: Depressior imam

Tertia subter humum struitur: nostrique Sepultam

Idcirco vocitant: insultus utraque frænat

Hostis, & æra rotis deturbat, & aggere ab alto

Murorum expellit juvenes, atque omnia nudat.

Si simplex facienda tibi, communior usus

Cujus in obsidio, biscentum assibus arce

Obsessa procul, & ducti post tergora valli,

Turriculam propter statues: pila torta metallo

Aggeris objecti lorica rumpet, & æra

Hostica diffinget: si longius illa reposta,

Tum globus immenso volitans per inania tractu;

Impete consumpto, deperdet fulmineam vim.

Utque loco certo data machina, protinus illuc

Clam, tacitique ferant fossiores vimina texta,

Et quidquid visum est operis castrensibus aptum:

Utque hostem lateant calones sînge tumultum

Parte alia, vertat quod se citus hostis: & illuc

Explodat tormenta, assultum & tentet inanem.

Interea pueris fabricatur machina, tantum

Longa, sibi quantum venientia plaustra requirunt.

Viginti, binosque pedes sibi singula poscunt,

Armamenta: decem palmos latefeat hiatus

Per quem flammivomum tonat æs, murumque lacescit.

Et magis ille extra pateat, minus intus; in arcem

Ut facile hæc, illac versetur machina, & ipse

Tutior adverso maneat librator ab ictu.

Quadrato postquam præcineta est aggere, in illam

Suffultus vestentur equis: ponantur & ipsa

Ostiola ut contra prospectent ora metalli.

Non secus in tumulis, & aprico machina colle

Instruitur: quæ tuta loco, minus indiget arte.

Sic & suggestus facies tellure sepultos:

Æra.

(1) Batteria Italica audit.

Æraque distabunt sese inter passibus jisdem.
 Ast agger tormenta tegens, erit ipse refossi
 Finitor campi. Geminæ si forte locandæ
 Machinæ in adversæ duo propugnacula turris,
 Tum fossa accessus inter castrensis agenda,
 Mutua quæ pubis commercia jungat: & illa
 Est etiam turri firmanda, aut forcipe acuta.
 Nam sic sclopiferi poterunt sibi ferre vicissim
 Auxilia, è clausis cum mœnibus emicat hostis.

Ergo ubi tormentis munita est machina, muros
 Verberet assidue, & violento dicat ictu.
 Suggestu in medio pariter mortaria pones
 Ignea: protusi quibus in sublime ferantur
 Pyroboli, obfessis tempestas urbibus horrida.
 Hoc pyrio cives nimbo, ardentique procella,
 Oppressi, fractique animo cogentur, ut arcem,
 Et sese arbitrio tradant victoris. At ictu
 Interea assiduo dum detonat ignis, & ore
 Vulcanum toto revomunt, ceu Vesbius, æra,
 Stat prætenturas, si fors præcingitur illis
 Arx inimica, manu delecta invadere; muros
 Ut facile, his primum captis, perumpere possis:
 Nam secus incassum conaberis. At prius illas
 Quo subito superare queas conamine, dicam.
 In cuneata tonent alto de pegmate athena
 Propugnacula, globoque intus latus undique quassent;
 Illo ut diffracto, cædes non una feratur.
 Hæc inter, lecti juvenes, quibus ardua rerum
 Prætentare datum, succincti pectora lævi
 Lorica, galeaque caput, dextramque corusco
 Armati ferro: quos centum pone sequantur
 Qui bolides jacent in faxea septa: sed ante
 Incedant scalas alii post terga ferentes.
 In fossam hi primi insiliant, gradibusque repente
 Admotis muro, scandant: nudoque feroces
 Ense petant, ausi quotquot se opponere: mala
 Exarsura alii sub vallum ignea jacent;
 Donec signa ferant victricia. Milite parma
 Plurima si turri, aut portæ prætentata, tenetur:
 Quique ferox Vulcanum ipsum, Martemque lacescit,
 Tunc opere instructo pubes frangenda superba.
 Est igitur recto vallaris linea ductu
 In munimentum celeri ducenda ministro.
 Ut verò valeat se à tempestate tueri
 Grandinis ignivomæ, tunicas vallantibus aptas,

Tom. I.

R r

Objec

Si plures faciendæ.
 agger eas conjungat, ut
 se mutuo eueantur.

Suggesto jam instru-
 do, & tormentis in eo
 locatis arui diruendi.

Interea prætenturæ
 sunt invadendæ, quo fa-
 cilius superari incursu
 possint.

Qui, & quibus armis
 armati juvenes lunata
 munimenta aggredi de-
 bent.

Quod si plurimo præ-
 dio teneantur, ducendus
 prius agger, ut tutius
 invadant.

Objectam aut craterem lateri prætendat, & ori.
 Ut tali accessu fuerit via testâ subacta,
 Inque ipsam ventum est fossam, Vulcania subter
 Mœnia continuò tibi machina ritè paretur.
 Atque ubi succensus murum in sublime cuniculus
 Projecit, per saxâ, patet quâ largus hiatus,
 Exanimis tonitru, & correptos ignibus hostes
 Cominus aggredere, & cornu potiere revulso.

At tibi victori cum celsit parma, periculum

Cavendum, ne capto
 monumento, in latentes
 subter ignes milites in-
 cidant.

Arceendum est illud, cæco nè fortè camino
 (Struxit in extremos quem casus providus hostis)

Flammeus in cælum erumpens Vulcanus apertum
 Horrendam publi stragem subito igne reponat.
 Ideò, ut magnis inimicus viribus alta
 Cornua propugnavit, agens; cædemque, necemque,
 Deferit extemplo, simulatque recedere, cautus
 Ne credas: latet astus: amat te ferre paratas
 Insidias inter, celerique absumere flamma.
 Ergò ubi jam cornu fueris lunare potius,
 Ne lævus dulci palma resequare fugacem,
 Ni consternatus subito terrore refugit.
 Sed tantum primo subsiste in limine, quantum
 Sat cæcæ ut pateant, succenso fomite, fraudes.

Aggere muniendi mi-
 lites in capto munimen-
 to. Et si paratæ ab igne
 fraudes, effossa terra re-
 tegantur.

Fascibus aggestis, acie tollatur acuta
 Intercæ vallus, quo miles, utrimque tegatur.
 Ignea nec pueri cessent immittere chytra;
 Ut tota tandem convulsa è parte coronæ
 Decedant hostes: simul ipsi cuspide in illa
 (Qui locus occulto solet esse innanis ab igne)
 Sclopiferi actutum multo se vimine certent
 Obspire, simulque tubis explodere glandes.
 At si compertum sulphur tellure latere,
 Munimenta tenent qui primi, protinus illud
 Effosso retegant sabulo, vitentque ruinam.
 At si errore suo falsus, vel fortis iniquæ
 Arbitrio, fraudem miles non vidit: & illum
 Abripuit cita flamma, ferens tumultumque, necemque:
 Præcipe tum lectos juvenes, qui prima sequuntur
 Signa, sub abruptum succedere, & ense corusco,
 Fistula, & adversos arcere; atque aggere factis,
 Tuta loco capta statio figatur in arce.

Providendum etiam
 Duci, ne hostis ab arce,
 improvisus erumpens i-
 epus incedat, & ju-
 venes crucietur.

Verum hæc difficili postquam superata labore,
 Altera subsequitur, nec erit minus ardua cura:
 Nempe erumpentem subitis insultibus hostem
 Frenare, instructisque operis defendere flammam.

Accessus igitur vallares undique propter,
 Inque locis, imposta quibus stat machina, & urbem
 Fulminat, egregiæ solers custodia pubis
 Excubet: occurrentes quæ fortibus illic ausis
 Accipiat venientem inimicum, & funere plestat.
 Interea ut signum custos dedit ære, cohortes
 Sors quibus auxilium sociis deferre, citato
 Appropere cursu, atque instaurent prælia fortes:
 Avertantque citi violenta incendia vallo.

Et quoniam (juvat hæc olim meminisse) sinister
 Unius interdum insultus successus ademit
 Spes omnes subito casu, indecoresque coegit
 Prætores operi tandem desistere cæpto:
 Idcirco magno semper conabere nisu,
 Impete ab hostili vallum, pubemque tueri.
 Id verò ut facili obtineas, consistere in armis
 Præcipe continuò, vigilemque sub aggere turmam,
 Inque ipsos oculos, animosque intendere muros,
 Si forte obfessi veniant: quæ maxima habenda est
 Cura tibi, juvenum cum magno oclusa tenentur
 Oppida præsidio, qui crebro erumpere aperto,
 Pluribus & valeant evertere viribus omnia.

Insuper his, quoniam per amica silentia Lunæ
 Vigilia mos est prima, scilicet vertice Olympi
 Cum paribus libratur equis Sol altus, ab arce
 Tentari insultus, his ergo pervigil horis
 Queis valli commissa, viri, custodia, cursent.

Ast ubi nequidquam tantis aggressibus hostis
 Obstetit incepto, & fossæ confinia ventum est,
 Protinus (1) acclini sigenda crepidine sedes.
 Illius exterior mox & lorica, nocente
 (2) Porticus à plumbo quæ circum tuta recurvat.
 Confestim magno nisu superanda. Sed artem
 Accipe: labra tenet gens ut declivia, reclus
 Extendatur (3) obex; sese fossore tegente
 Subter crate, rotis sensim versantibus acta.
 Hinc ut promotus, structusque in margine clivi
 Agger erit: latere hac illac consurgat utroque,
 Inque crucem sepes vallaris celsipite facta.
 Miles ubi reclus stationem figat: & illic

R r 2

Si

Idque serid cavendum:
 nam unius eruptionis fe-
 lix exitus obsequentium
 res omnes evercit.

Prætoris superat
 in crepidine fossæ locan-
 da sedes: & mox re-
 via superanda.

- (1) La spianata, dicunt Itali. (2) La strada coverta del-
 la contrascarpa, iidem audit.
 (3) Trinciera, è traversa.

Si locus, & celeri patitur res facta labore,
Turriculam statues: ex qua pulforia muros
Machina, & obfessos iterato fulmine pulset.

Quimodus superanda
lorica traditur.

Atque hæc eventu cum succedere secundo,
Loricata tibi tentanda est semita, publi
Si fidis, longumque piget consumere tempus.
Ut subito assultu mavis declivia fossæ.
Exsuperare, virum tibi corpora delige lecta.
Qui cuncti telis brevioribus ilicet ut se
Munivere, citi, & fossores fascibus adstant:
Cumque alii scetis audaces ignibus ollis,
Ipse & scissuram ramalia septa securim
Carpentarius acer agit, tum luce corusca
Da signum pugnae: conferti protinus omnes
Invadant hostem, ferroque, & sulphure edaci
Et loricato vi pellant tramite: vallum
Discendant, flammis dent cuncta: & cominus ipsi
Fossores certent pubem palare, ligone
Effossa acutatum tellure, & fasce reposito.

Lorica capta in fossam
iterumgendum.

Ut jam loricam fera post certamina fossæ
Victor habes, statio juvenum, mora nulla, locanda.
Altus & agger ea de parte attollitur, ala
E tecta adversæ stridet quæ machina, turris.
Tutius ut miles se contegat. Ast opus ingens
Jam properè insequitur, fossam superare profundam.
Pergeamus, quocumque vocant Mavortia cæpta,
Et trahit effulgens nitidæ spes æmula palmæ.

Quæ pars urbis primum
petenda traditur: quæ
ciliis res tradat.

At prius obfessæ dicam, quæ pars erit urbis
Invadenda, virum minor ut jactura sequatur.
Inter protentam duo propugnacula muri
Ne faciem oppugnes; quoniam manifesta juventæ,
Magnaque nex veniet: nam sic latus inter utrumque
Præcinetæ turris gens interposita, nocentem
Hinc, indè accipiet glandem, nec pectore tuta est.
Nec propugnaculi frontem tentabis: utroque
Adverso frons est lateri subiecta, patetque
Lætibis adversis, quamquam longissima distet.
Non alam; rapido petitur nam plurima plumbo.
Idcirco facies, qua faxeus eminet agger,
Sola tibi est igni, ferroque petenda: retorto
Nam parte ex una tantum vexatur ab ære.
Illius & partem, quæ in frontem vergit acutam,
Aggredi: minus tormentis illa resistit:
Et lateri adverso minus est obnoxia pubes.

scilicet propugnaculi
facies.

His animadversis, instat descensus in altam

Ten-

Tentandus fossam: quæ si sit flumine sicca,

Hac poteris multa sine cæde potiri arte.

Et primum, ut juvenes descendant tutius, ipso

In loricato statues tormenta recessu,

Quæis munimenti facies adversa petatur.

Sic etiam assiduo pulsu referatur hiatus:

Ut labor hinc facilis fossoribus ire cavatum,

Effossa tellure; fœcum, quo Vesta locetur.

Exterior mox veste tibi lorica redunco

Dirumpenda; solumque illinc murale refossam

Accumulet juxta calo; descensus ab alto,

Nam sic in fossam per & aqua, & mollia fiet.

At verò, ut primum descenderis, agger in illa

Transversus struitur: faciemque excurrat in ipsam,

Quæ petitur muri, pedibus sex latus, & altus

Quattuor: ille suo sic, obteget objice pubem.

Ast ea cura tibi major succedit, ab igne

Desuper injecto juvenes defendere: propter

Aggeris erecti molem tibi vinca fiet,

Aut pluteus, devexa quibus sint tecta, rigentis

Inque innexa vicem ferri quæ plurima lamina

Vestiat, aut cespes, vel quidquid posse furenti

Est visum flammæ, piceoque obistere nimbo.

Verum majus opus, replent si flumina fossam,

Surget: at evincat quo tandem industria nisu,

Expediam paucis: Stagnat si Nais, aperto,

Vicinum in campum tibi deducenda, canali.

Ast ut constructo de tramite profuât, ipso

Sit ductus valli fundo declivior: agger

Inde, ut præscriptum, puteusque imponitur olli.

At si terra luto sit lubrica, tum tibi longo

Reticulo faciendus obex, si flumine vivo

Mœnia torrentes præterlabantur, aquosum

Tunc opera pueros multa divertere rivum,

Præcipies, aliò, ut perfosso destuat alveo.

Et quanquam videatur opus conatibus impar:

Est tamen eventu facilis, si plurimus olli.

Incumbat fossor, nec dedignentur honestum

Egregii cum pube duces properare laborem.

Nam nil difficile, & non exsuperabile, quando

Unanimi veniunt consensu ad munia dextræ.

Ast age, per latos fontem diffundere campos

Arduum, & è fundo semper multa emicet unda:

Tum pubem in sylvas, & lustra horrentia mitte:

Quæ valida truncos, & robora dura securi

Qua arte sicca fossa po-
tiri facillè possis.

Et qua arte ab emissio-
desuper igni tueantur.

Arta præscribitur, qua
fossa evacuanda, ut facillè
transmigraretur.

Quid cum nova sem-
per emicet aqua?

Plu-

Plurima succidat: crebro gemat arbutus ictu;
 Fagique, platanique, altæque in montibus orni.
 Mox cæfos truncos; prædamque in castra virentem,
 Vimineosque ferat falces, & cespitem ab imo
 Abreptas sepēs, ramosque; & quidquid hiantem
 Demissum in fossam, poterit replere lacunam.
 Cunctaque sub vallum quæ cùm devecta, profundis
 Immittantur aquis: longo quibus aggere facto,
 Ponte velut strato, quat alta in mœnia pubes.
 Interea rivum dùm pertransire juventus
 Conatur, testō stationem in tramite miles
 Qui tenet, adversum plumbatis fulminet hostem,
 Assidue; & laceros non cessant ignea muros,
 Diruere, & juvenes è vallo arcere metalla.
 At rate si properent obfelli rumpere pontem,
 Fragmine multiplici fartum, plumboque minuto;
 Majus in hostiles tormentum explode carinas.
 Ipse cavis etiam lembis investus in hostem
 Irrumpes, totoque ferox prohibebis ab alveo.
 At vero è summis immissa incendia muris
 Vitabis, si strata super sit vinea ponte,
 Quæ flammis superesse queat, picibusque liquatis.
 Nulla quibus juvenum cura est, gaudentque feroces
 Sanguine: quæque suis possunt obistere cæptis,
 Indociles perferre moras; ubi tuta subacta
 Porticus, in fossam subito descendere pubem
 Præcipiunt, magnisque animis succedere muro
 Utque glandifero valeat latus imbre tueri;
 Desuper & caput injectis defendere ab ollis,
 Vallari obducunt tunica, vel ductile crate.
 Utque hæ Vulcano possint superesse rapaci,
 Caudenti, tenuique obtexunt ultima ferro.
 Verùm hos promerita juvenutis funere ovantes,
 Non ego Prætores ornarim laudibus: ipsi
 Nec poterunt laudare Patres, mitesque Quirites.
 Præstat sera magis fuso sine sanguine palma,
 Quam cita, sed multo juvenum prosperata cruore.
 Vincere cùm possis servato milite, durum est
 Perdere momento, quem vix tibi quinque dederunt
 Lustra virum; semper præstantior illa Magistri
 Gloria, perdomitos hostes, arcisque receptas
 Incolum: cùm pube. magisque irumpere muros
 Ingenio potuisse suo: quàm sanguine, quàm vi.
 Præterea miles Prætorem semper amabit,
 Olli si charam præsenlerit esse salutem

Dum opus peragitur,
 continud tormentis ho-
 stis, ne se opponat, pe-
 tendus est.

Audaciores Duces, ut
 capta cæsa via est, mili-
 tem in assultum mittunt
 tunicis munitum.

Sed minimè laudandi
 & cur?

Ipsæ suam: vilem contra si novit haberi,
Despiciet, ne iussa libens violenta facisset.

Barbaricus mos ille fuit, quem dira tyranni
Invenit rabies, Scythica qui primus ab urbs,
Ardua per juga Riphæorum, & Caspia claustra;
Victor agens agmen Furiarum, Orcique ministros,

Europæ, Asiæque omnem vastavit, & urbem
Excidit, Eo leges quæ mille per annos
Dixerat, & prolem cum Cæsare sustulit omnem.

Hic immanis, atrox bello captiva sub arces
Assultu in primo mittebat corpora: & illis
Turmatim occisis, fossas æquabat: & inde

Ponte cadaveribus constrato, armisque suorum,
Mœnia per faciles aditus inimica petebat.

Barbare, quæ primum Stygis eduxit labiantris
Te Furiæ inter Furiarum maxima? quæ te

Bellua progenitum lætavit? ab angue venenum,
Credo equidem, Eumenidum suxisti, perfide, non lac.

Humanum pietas animum, crudele ferinam
Arguit ingenium naturam. Dite sub imo

I nunc, & Furiæ inter frungere, impie, pœnis
Cæde tua partis, proprio & te sanguine pasce.

Dum supera nos luce tuum execramur, inique
Morem atrum, & Diris nomen, tamamque sacramus.

Sed quis me furor in pallentia duxit Averni
Tartara, & æterna damnatas nocte latebras?

Non hæc est Vatum sedes: non aurea Tempe
Hic sunt Æmonia, fortunatique recessus

Parnassi, dulces non Pimplæ, aut flumina Cyrrha.
Sed circum loca nigra, nemusque informe, Stygisque,

Et mæsti Phlegetontis aquæ, turpesque paludes.
Sed non me casu sedes vexere profundas

Numina: nosco omen; Vulcania machina, turres
Impete flammarum quæ diruat, inque supremum

Æra cum sonitu ingenti, vastaque ruina
Mœnia de penitis vibret eruta fundamentis,

Nunc mihi Tartareis est educenda cavernis.
Sed quæ tanta hominum cæcæ dementia mentes

Corripuit, sua ut immites in viscera Manes
Verteret, & terras laxato Dite moveret?

Scilicet impatiens iræ, irritatus & acri
Vindictæ stimulo, Venerisque cupidine captus,

Non sibi sufficiens animus, sub Tartara Diras
Horrendas adiit, totumque; Acheronte recluso

Perniciem in mundi movit de sedibus Orcum.

Mahometes Turcarum
Rex captivos in fossam
primus mittebat, ut illis
occisis sui per struem ca-
daverum in muros va-
darent, quam Vates bar-
baricæ Diris prosequi-
tur.

Perniciem Vatem, quod
se Diris miscuerit.

Sumit hic occasio-
nem lepide fabellæ de
cuniculi inventione.

Cardine ab occiduo, Libanusque coëscet ab Arcto;

*Triplex Arabia deficit-
bitur.*

Arabias dixere: patet quæ lata sub Ortum

Inque Syrium campos, amnemque excurrit aquosum,

Planitie immensa, solis squalescit arenis,

Ac deserta siti regio: quæ vergit Idumes

Arva in palmiferæ, præruptis ardua surgit

Montibus, & Rubri despectat regna profundi.

Tertia felices campi, collesque beati,

Quos geminique sinus, vastaque amplectitur unda

Oceanus, felix cognomine; quippe deorum

Sacratissimæ foci dat odoriferum thus:

Cinnamæque, & truncis sudantia balsama gignit,

Gemmiferasque imo Thetis educat æquore conchas.

Desertas terræ tractus, montanaque circum

Barbara gens habitat, Saraceni nomine, dicti.

*Saracenorum gens, &
mores describuntur.*

Qui Nomadum ritu sparsim per sola vagantur,

Camporum spatia, atque greges, & plurima equorum

Armenta, atque larem secum, tectumque ferentes.

Hi scenas, sua regna, virens quæ rarus arenas

Pinguia desertas inter dat pascua campus,

Oblitus & limo puteus se pandit aquarum,

Desigunt, subitasque casas, urbesque reponunt.

Ast ubi jam pascuæ viduarunt prata capellæ,

Et jam siccati potu, pecudumque, hominumque;

Defecere lacus, scenis tellure refixis,

Extemplò vaga castra movent, nova regna petentes.

At dum grata greges villosi pascua tondent,

Sparsaque foeminei servant tentoria cætus,

Ipsi tùm Scythico turmatim more pererrant,

Et latos Syriæ campos prædantur, & arva

Lætæ Palestinæ, desertaque forte per alta

Quotquot in Ægyptum merces, vel Persida vèstant.

*Ex his ortus Mahometis,
& quis hic fuerit?*

Hoc olim infami Saracenùm è sanguine cretus

Vir fuit, & patrio Mahometes nomine dictus.

Mostrum, horrendum, atrox, quo non crudelior Orco

Erupit pestis, nec erit post dirior ulla,

Ni quæ sub finem mundi ventura supremum

Certa manet divùm oraculis, monituque Sybillæ.

Invisum Superis caput, & mortalibus ipsis:

Cujus erat præcursor Arabs: qui corpore grandi,

Atque sagax fuit ingenio, robustus, & acer,

Inventu solers, versutus fingere fraudes

Doctus: & ire novos semper promptissimus astus;

Mentiri facilis, confidentissimus, audax.

Sed placidos hominum mores, mentemque benignam,

Tom. I.

Sf

Atque

Atque gravem interdum simulatæ conscientia artis
 Fingebat gressum, majestatemque decoram.
 Impubes prima celeres ætate camelos,
 Per desertæ vagus duxit: mox aspera circum
 Arabiæ furiis cepit genialibus ætus
 Prædari: & dux impositus prædonibus ipse.

Se Profanam simulat,
 & novam sciam vaser
 impossibilis inducit, affectus
 colligit, brevique per
 Arabiam & vicina cir-
 cum loca pestem diffun-
 dit.

Hoc neque contentus, majorem affectat honorem:
 Mentiturque Dei jussu se sedere ab alto
 Demissum, nova qui populis arcana referret,
 Et nova sacra: quibus mundo felicior omni
 Lux parta, & toti data lex mitissima genti.

Capta dolis Arabum assentit vanissima turba,
 Nec simulata fidem facerent quæ, plurima deerant
 Portenta, & fictis mentita insomnia visis.
 Nec mora, sit hominum rex idem, idemque sacerdos,
 Ut solio sedit, trabea spectandus, & ostro,
 Insula & infames ut crines texit, Avernis,
 Everfura omnem pietatem, omnemque pudorem,
 Et sacris Divum æternis contraria sacra
 Eduxit latè in gentem, infecitque veneno.
 Ignarum capitur vulgus novitate, soluto
 Cui fræno mos ire; novoque licentia ritus
 Conciliat circum momento effusa per omnes
 Dira superstitio populos, vimque arma dedere.
 Utque lues Arabum tractus pervasit, in ipsam

Mox & remotas Re-
 giones.

Ægyptum diffusa, Syriamque amplissima regna,
 Hinc Libyam latè in magnam, Getulæque rura,
 Et Numidum campos, & Atlantis ad usque nivosi,
 Manibus infernis, Furiis & agentibus ipsis,
 Culmina pervenit: perque ardua tuta recurrens;
 Hæstenuis innocuos contage invasit averna
 Athiopes, Raptique oras, Garamantiaque arva.
 Parte alia bigis Erebi furialibus acta;
 Auroræ populos, quos hinc rapidissimus ambit
 Euphrates, illinc Ganges nitidissimus auro,
 Præruptisque jugis discludit summus ab Arcto
 Caucasus, atra lues oppressit: & ilicet ipsa
 Montis inaccessi perrupit culmina: & omnes
 Axis Hyperborei gentes, Tanaimque nivalera
 Corripuit: secuta fuit non ipsa veneno
 Europe: tanta immani vis indita pesti!

Hinc Res Arabum plu-
 rimùm diffusa, Romana
 senum labante,

Principiis istis totum diffusa per Orbem
 Res Arabum, cepitque retrò Romana relabi.
 Nempè Deus sic ipse suo decreverat axe,
 Ut lapsum imperii morem, luxumque nefasque

Illatum sacris, puniret, vindice Mauro.
 Discite virtutem, & ritus servare Deorum,
 Si gentes amor incolumes, & regna tenere.
 Sextus ab infami Mahomete creatus Jasbes,
 Afrorum terras, ubi jam Carthaginiis altæ
 Imperium stetit, & Numidas ditione premebat.
 Hinc laudis studio incensus nova bella Sicanis
 Intulit, & magna contritos clade subegit.
 Sæpius Ausoniam frustra tentavit, iniqua
 Ter victus pugna, paucis vix ipse carinis
 Servatus rediit, magnisque invitatus ab aula
 Destitit: atque armis tandem belloque relicto,
 In Venerem, mollesque animum transduxit amores.
 Et jam præmissi Reginæ ad limina centum,
 Pacem Oratores aderant, & dona ferentes,
 Dummodò se regi dignetur jungere Jasbæ.
 Cajeta, ut Maurum prætenlit amore teneri,
 Cui ne conjugio societur sacra, pudorque
 Obstabant, animum referens generosa virilem,
 His Oratores dictis affatur: In oras
 Ite iterùm Siculas, regique hæc dicite vestro:
 Conjugio tali Reginam jungier olli
 Virgineus pudor, & superi intemerata Tonantis
 Jura vetant: mihi quæ misit, sua dona, remitto.
 At pacem accipio, si pacis vincula possunt
 Servari sine connubio: si socius, arma
 Expediat: nostras defendent numina sedes.

Dixerat, in fines illi rediere Sicanos.

Et quæ virgo dedit, referunt responsa tyranno.
 Ille iræ impatiens, postquam connubia sensit
 Regia despexisse, retrò & misisse superbam
 Munera Reginam, parat arma: novoque furore
 Percitus, ac veteri, totam ad sua signa reducit
 Trinacriam, Libyamque simul: mox classe parata,
 Litus in Ausonium tendit, campanaque rura.
 Intercæ in Megaræ Virgo confugerat arcem,
 Præsidio secura loci, & virtute juventæ.
 At magis illa Dei (semper spes certa) potenti
 Auxilio confisa, cui pia vota, pudorque
 Virgineus cordi: summoque aspectat Olympo
 Tutaturque pios. Sed jam Maurusia circum
 Castra fremunt muros: oblectaque cœrula classes
 Cuncta tenent. Verùm terra præcincta, marisque
 Arx media assurgit, prærupta in rupe reposta,
 Quam frustra crebriò pulsoria verberat ictu

SS 2

Ex hoc Jasbes progre-
 nitus in Africa regnabat,
 Siculis subactis, æque
 bello in amorem con-
 versus Oratores mittens
 qui Cajetam petant.

Cajeta conjugium re-
 spuit.

Jasbes repulsa impa-
 tiens bellum Virgini in-
 fert.

Et Megaræ in
 arce frustra obsedit.

Ma.

Machina: præcise quando latera ardua rupis
 Mœnia sunt, duris elustatura metallis.
 Nec vallum lunata audet transmittere pubes:
 Usque aded obnixi turrato in vertice faxi
 Urgent Cajetani aditum prohibere sonanti
 Grandinis imbres: pluunt latè toto aëre glandes
 Lethiferæ, & nigræ tot sunt, quot vulnera mortes.
 Barbarus hæc summo, dùm culmine cernit Jasbes,
 Infremit, indignans animo: magnoque furore
 Exagitur miser, & spumas vomit ore cruento:

Tratus Jasbes, quod
 arcem superare nequirit,
 ad magicas artes confu-
 git.

Atque hæc è tumido mox pectore ructat: In uno
 Una mihi saxo illudit confusa puella?
 Anne unum in scopulum tot cursibus usa secundis
 Impiget Fortuna? erit hic victoris Jasbæ
 Palmarum limes? cui non Garamantes, & Afri,
 Getulusque ferox, Numidumque effrena Juventus:
 Non ausi Siculi, & Sardoa obistere pubes,
 Una hæc audebit se nunc opponere virgo?
 O genitor, pariterque Deus, Mahomete, supremo
 Aspicias hæc cælo, & pateris tua numina temni
 Christiadis? an te nostri jam nulla fatigat
 Cura? Deos nequo si flectere, cuncta ciebo

Faver Regi Siculo in
 magicis artibus versatissi-
 mus.

Tartara: sic fatus vocem vix ore repressit
 Igneo. Forte fuit Siculo de sanguine cretus
 Auletes senior, qui religionis avitæ
 Desertor, Stygiis dederat sua nomina sacris.
 Hic noctu vana scrutari Sydera cura,
 Fulgura quid cæli, quid avis portenderet alis,
 Aut cantu; quid visa agerent insomnia doctus,
 Quin & Thesfalicas artes, herbasque nocentes
 Noverat, & nigro Manes revocabat ab Orco.
 Illum ad se jubet ætutum properare tyrannus.
 Ut venit: flammante seni sic ore locutus:
 Quid cessas, segnesque sinis requiescere Manes?
 Infernos i, posce Deos: Cocytia monstra,
 Eumenidesque cie, totumque Acheronta moveto;
 Tantùm ut præruptum fas illud scandere saxum.

Barbarus hæc: Senior sacris feralibus aras
 Pronus adit, adolerque umbris pia thura nefandis.
 Et Stygium Ditem, Noctemque, Erebumque profundum
 Consultit: excussa subitò tellure cavernæ
 Horrendum sonuere, tetroque fluentibus undis,
 Ingemuere vada: & cælum obtexere tenebræ.
 Illicet ex Orco vox hæc pallente remissa
 Mugit, & dubias rerum perterrituit aures:

Ditem consultit: à quo
 doctus cuniculi extruen-
 di ad everrendas arcès
 assem doctus.

Sub.

Subter erit scindenda tibi durissima ferro
 Rupes, & cæcos referendus calle cuniculus.
 Cùmque sub obsessæ, varium serpente inatu,
 Mœnia turris erit tandem deductus, in orbem
 Formabis caveam: pyrio quæ pulvere plena,
 Ut mox immixtam nitrato è fomite flammam
 Hauriet, exemplò convulsa è sedibus imis
 Arx tota in cælum exiliet, sonitumque tremendum
 Conciet, atque uno secum trahet omnia casu.

Hæc ubi Tartarei Manes responsa dedere,
 Conticuit Phlegethon, subitoque occulsa vorago est.





BELLICORUM

LIB. DECIMUSQUARTUS.

AT Stygiis licet inventis nova machina mundo
Tradita, coepta tamen iuvat illa absolvere: & armis
Ni se confestim dedant victricibus, igne
Fulmineo abrepti pereant cum mœnibus hostes.

Ergo ubi promoto transmissa est agere fossa,
Propugnacula tenes & jam declivia, subter
Præcipe fossorem cœcos aperire meatus.

At primum potior, quæ crebro venit ab usu,
Ars olli nostro tradenda est carmine: terris
Et quoniam diversa subest natura, videndum

Ars, modusque effodiendi cuniculi traditur

An tophus, vel dura silex, argillave mollis,
Glareave, sabulumque insit si mobile: vel si
Stagnet aqua, effossique latebant ante cunicli.

Vulcani quibus incassum successu cadat vis.
Hæc simul ac perspecta, patent quæ rupta metallis
Munimenta, solum subter tibi semita agenda est
Stricta, obliqua, humilis: facili quam ducere nisu
Ut valeas, genua inflexus molire laborem.

Pariete de duro si propugnacula, acuto
Uteris cuneo, saxi & veste ruendis,
Sive unco in rectum transverso, sive securi.

Et quæ sint pro soli conditione instrumenta.

Instrumenta tibi pariter sunt hæc adhibenda,
Si rigeat prædura silex: si mollis arena,
Glarea vel levior, pala: si densa, ligone

Illa tibi removenda: cavis quam plurima pubes
Egerat in cistis: rumpenda & mœnia propter
Accumulet; sit pronus uti consensus in arcem.

Et

LIBER DECIMUSQUARTUS. 315

Et quamvis iter in rectum producere, multus
 Non labor, obliquum quàm cum serpente meatus;
 Tutius at quoniam varios per itus, reditusque,
 Et voto respondet opus, tibi semita senos
 Obliquanda pedes: atque his ambagibus errans,
 Ut Mæander aquis resluentibus herbida currit,
 In certum ducenda locum, Vulcania ponti
 Semina ubi visum, solidosque evertere muros.
 Quid cùm perventum, superest incidere saxo
 Fornice curvato cellam: totque altior illa,
 Et tot lata pedes, quot copia postulat atri
 Pulveris, accensus qui turrim emittat in altum.
 Si terra in molli struitur, ceu tessera, fiat
 Cella: juvat supra nonnunquam incidere conos,
 Ut via Vulcano pateat non una, tonanti;
 At prædura flex si non consentit ad ictus,
 Aut uno si Vesta foco successa, sub astra
 Haud multum muri sit projectura, caverna
 Plurima tùm rigida fossori in rupe cavanda;
 At si durities nullo sudore domari,
 Non ferro poterit, serpentes marmore venas,
 Mitior ipsa minus quàm cautes icta resistit,
 Incides, largosque magis protende canales
 Sparsa quibus rapidi concludes semina nitri,
 Materiesque cadis, saccove ingesta, cuniclo
 Clauditur: & pyriam sic juxta apponere restim
 Curato flammam ut cùm conceperit, omnes
 Corripiat simul illa cados, & totus in illis.
 Momento pariter sal temporis ardeat uno
 Sulphuris at molem, quæ suffectura: ruendis
 Mœnibus, haud nostro facile est describere versu
 Illud enim fossoris erit, discernere: & usus
 Plurimus, & rerum varia experimenta docebunt.
 Hæc, tamen accipito: si vasta à sede movenda
 Ingens turris erit, vix nitri mille tonantis
 Sufficiens libræ: si prætentura, vel agger
 Vertendus minor est, tercentum impone. Paratum
 Postquam opus, & positio jam jam de fomite flamma
 Eruptura: jube faciem ad mœnia primum
 Pergere, ut obfessis prænunciet omnia flammis
 Corripienda, Duci dedant nunc cominus urbem
 Si moniti renuant, confestim accendere sulphur
 Præcipe fossores: avulli protinus imo
 Cardine proflant ipso cum milite muri.
 Legibus humanis, & religione teneri

Quæ ratione cuniculus
 ducendus sit.

Et quæ suffectura cel-
 læ ars.

Quæ pulveris moles
 in cella sit locanda.

Ubi instructus jam est
 cuniculus, facialis mor-
 tendus ad obfessos, ut se
 dedant, nisi flammis acce-
 re velint.

Hanc

Hunc tibi præcipio morem. Pietatè gerendum
Semper exit bellum: sed jam flagrante camino,
Ingenti sonitu, celi cum strepit aëre fulmen
Excussum, & magno cælum tonat omne fragore,
Illicet erumpit vis ignea, lataque multo
Mœnia subvertit, nisu: rapit omnia magno
Turbine flammæ, fumoque involuit opaco.
Celi cum materiam sub vastis Ætæa cavernis
Tempore concessit longo, calefactaque flammæ
Concepit, rupto confestim viscere montis,
Immensam jactit in cælum succensa ruinam,
Et tegit horrida sub tempestate: propinqua

Incenso cuniculo, si
dederet se, cœnans, viden-
dum si per murorum
fragmina, æqua scanden-
tibus via patcat.

Tum Catane concussa tenet, tremat omnis ab imo
Cardine Trinacria, & circum Thetis ætæa remugit.
Ut tandem cecidit fragor, excussusque resedit
Pulvis, & ipsa suo facies jam reddita cœlo est,
Præcipe in avulsos descendere Testona muros:
(1) Fragmina qui vigil, & totum rimetur hiatum:
Nimirum pateat via si scandentibus æqua,
Sit ne capax aditus: surgat si desuper agger
Qui ceptum valeat bellantum sistere cursum.
An lateri adversæ pateant obnoxia turris
Fragmina, suggestu vel si pulsantur ab alto.

Sin minus aliter paran-
dus est cuniculus minor.

His & prospectis, redeat prætor: & ipsi
Observata duci referat, cunctoque senatu.
Si facilem convulsa aditus dant mœnia, & amplum,
Tempus in assultum generosam immittere pubem.
Ardua si nimis, angustoque pateat hiatu
Semita facta, novo soveam properare labore
Alteram in alterius stat: fragmine; larga sub arcem
Majori ut tandem pateat via strata ruina.
At si difficilis tantum consensus, athena
Præcipe continuè tormenta explodier: ictu

Et complerari etiam
tormentorum idu frag-
men poterit.

Sic æquata dant mollem tibi laxa recessum.
At propugnaculi si denudata pateant
Iactibus, aut muri suggestu objecta faciscant,
Vimineo tum fasce, latus tege, tota priusquam
Induat insignis hostem aggressura juvenus.
Et quoniam nex magna virum ventura, revulsa
Mœnia cum turris contexta è parte flagellant
Æra, & lethiferi grando volat horrida plumbi:
Idcirco in media, structa prius aggerè, fossa,

Po.

(1) La breccia dicunt Itali.

LIBER DECIMUSQUARTUS. 317

Ponantur tormenta: illorum & verbere crebrò
Dejicere è plaustris primùm conabere fractis,
E latere objecto stridentia turris athena.

Interea, dùm consilium de rebus habetur;
Ille cui commissæ operis custodia, curet
Ne vallo super instructo se muniat hostis.
Id verò efficiet, si crebrò machina pulsu
Interturbet opus: sique illum missile plumbo
Turricula ex alta juvenes, feriantque, necentque.

At si consilio visum perrumpere in arcem,
Expedienda priùs tibi tela, virique legendi.
Quos igitur juvenes superandi gloria muri
Victores manet, & muralis dona coronæ,
Loricæque gravi, galeæque armabis, & ense,
Et pilo majore, & raucifona catapulta.
Ast illi, quibus est valli commissæ struendi
Cura, ferant fascēs, ferroque bicuspidē vèctēs,
Vallares tunicas, pellesque, & vimina texta.
Verùm alii, quibus ut sociis via tuta pateat,
Palique, tribulique, & Frisius asper. ephyppio
Evertendus equus, quæque invia plurima sternunt
Aspera, dura, dolis hostes fallacibus usi,
Ferreæ rastra ferant, radios fractura, refertos
Pulvere vel saccos, rigidis quibus horrida rostris
Spicula sparsa tegant, & lethiferam tribuli vim.
Sintque manus inter unci, bisidæque secures:

His enim Ericius, & pali seinduntur acuti.
Quæ cùm præsteris, bellantum delige florem,
Attollant qui signa super victricia turres.
At quoniam primis sese objectare periclis,
Inque arcem primum assultum tentare, decorum
Ducitur, & tali quisquis se dignat honore;
Ardua res igitur Prætori incumbit, ab omni
Emeritis tantùm juvenes decerpere cœtu.
Id verò ut præstet, præcellat plurimus æquo
Judicio, & vultus sit majestæte severus:

Illo promeritos ad munera destinat, ista
Continet haud gratam passi qui ritè repulsam.
Quapropter, devicta quibus sunt plurima bella,
Elige: fortiri primum muralis honorem
Hos ferti decet: egregii quos inde sequantur,
Proxima quique tenent factis, fama que secundi.
At primos inter majorum more memento,
Prætor, eos censere, die quibus aggeris illo
Vallis fuit, & custodia credita parvæ:

Tom. I.

T t

Ut

Curandum ne hostis
evulso in muro se mu-
niat.

Quæ tela gerenda sis,
qui in muros aggressuri
hostes vadunt.

Flos juvenum deligen-
dus, ut in assultum eat:
quod sanè perdifficile:
idecirco hac in re prudens
sit Prætor, & æquus.

Qui deligendi.

Delecti in tres manus
dividendi.

Inter hos Nobiles viri
mittendi, quos non mer-
ces, sed gloriæ stimulus
acrius agit.

Hi vulgaribus vestibus
incedant, & cur?

Dum calet pugna, ne
pio quidem preceptu, acie
cadedat.

Ut juvenum selecta tibi sunt corpora, cunctos
In ternas, quatuorve manus partire, priori
Quadraginta viri se sistant ordine: ductor
Quos Legatus agat, quos Signifer, & duo fortes
Unâ instructores dextrâ, lævâque sequantur.
Hoc major numero succedat ponè secunda,
Quæque animis primam, & præsentî robore firmet.
Inde manus reliquæ veniant, structo agmine, lectæ.

Præterea juvat hos inter (quæ maxima pugna
Semper erunt ducenda tibi momenta) decoros
Nobilitate viros, & avito fasce superbos
Adlegisse, sacri quos non ad prælia Martis
Lucra trahunt, pulchri sed provocat ardor honoris.
His sæpè eventu res est confecta secundo.
Acrior est virtus, claræ cùm pabula laudes
Sufficiunt, quàm cùm merces plebeja ministrat.
Atque hic nobilibus, ducibusque ad prælia lectis,
Præcipio ne se nitidis in vestibus ornent,
Auratosve ferant torques, vel gemmea texta.
Vulgari induti tunica, vulgaribus armis
In pugnam properent. Heroas Martia virtus,
Non gemmæ, aut rutilum à vulgo discriminat aurum.
Illud enim persæpè malum deforme timendum,
Ne si forte cadant lethali vulnere pulsi,
Gemmarum turpi miles correptus amore,
Conficiat: proh grande scelus, vix pectore dignum
Barbarico, Stygiisque ipsis damnabile monstris!
Sed quò non avidam per atrociam, & impia mentem
Ducit avarities? licet ipso in crimine sæpè
Deprensus raptò vitam fur ponat in auro.
Verùm si pietas (virtus in milite rara)
Curandes pugna subduci suaserit: iste
Dum pius officio, campo se subtrahit, ille
Distrahitus prædis inhiat, certaminis acer
Defervet calor, & paulatim pugna labascit.
Ut tandem turbata retrò det terga juvenus.
Idcirco pœna capitali præcipe; primis
Ne quis dùm Mavors fervercit eadibus, & dùm
Utrinq; in dubio nutans victoria pendet,
Vulnere languentem, quicumque est ille, reducat
Ex acie, aut spoliis denudet lumine cassos.
Ast ubi res confecta, pio tum munere scissos
Missilibus proceres curatum in castra reportent.
Et spoliis, quem dura fames tenet, exaturet se.

His jam præmonitis, superest tibi cura, feroces

Præ-

Præclaris animos bellantum accendere dictis.

Sed breviter, subitis noceant ne plurima cæptis.

Magnanimos, quos altus honor, quos gloria tangit,

Sic hortare: Patet, juvenes, via strata sub arcem

Jamdudum vobis, & votis mille petita,

Ægredia stat ubi laurum virtute mereri.

Quàm dabit, & præfens Deus, & sua dextera cuique,

Vestraque jam video (lætum mens augurat, omen

Et manifesta Dei per somnum visa dedere)

Tempora promerito cingi victricia ferto.

Sed frustra currentis equi calcaribus armos

Solicitamur: agunt dum latè incendia flammæ,

Nutrimenta damus frustra: satis impetus ipse

Urget equum: satis ipsa ferunt sua robora flammæ.

Ite igitur, quò raptat amor, quò gloria: & alta

Arce super capta victricia figite signa.

At reliquam plebem sociorum, & vulgus avarum,

Quò trahitur, multo inflamma mercedis amore,

Talibus ingressus: Perrupit machina muros,

Qui tot divitias argenti, aurique cornu.

Tantaque vallabant, concessaque tempore longo

Omnibus ex agris Bacchi, & Cerealia dona,

Velligerosque greges, armentaue plurima equorum,

Debita virtuti, & sudori præmia vestro.

Ergò agite, & magno quà stat via facta labore,

Ite alacres, tantis & finem imponite cæptis.

Nec teneam vos ipse: trahit sua quemque cupido:

Et certa in manibus vires jam præda ministrat.

Hæc sublimis equo cum fecit verba Magister,

Majestate gravis, bellaci & flammeus ore

(Ut gestu juvenes ipso, pariterque minaci

Accendat vultu, Martemque inspiret, & arma.)

Signa dari jubeat manifesta: dabuntque minaces,

Pyrobolo accenso, flammæ, vel athena: sed acres

Assultus tentare decet, quo tempore, dicam.

Hostiles noctu caveas invadere muros.

Difficiles sunt nocte viæ per dura, labantque

Saxa per, & tribulos vestigia: nocte latefcunt

Insidiæ, & facilè à sociorum infernier ictu.

Luce palàm jubeo generosam ad prælia pubem

Mittere te: fraudes quando, & via luce patefcit.

Præterea, lucente die, micat æmula virtus:

Excitat, & pigros vis æmula: & acriter urget

Testis in arma animos, magni laudator & ausi.

Plurima sed contra in tenebris ignavia crescit;

Omnis stimulus, & quilibet irritandi: quique sint: Nobiles honoris, & gloriæ.

Plebei mercedis, & lucti.

Concione habita, de vadendi signum.

Quo tempore insultus tentandi.

*Pessinandum in assultu,
& cur?*

*Et variis in partibus
tentandus.*

*Capta urbe victores
spoliis potiantur.*

*Continendi à luxurie
militis, & fanis Divorum.*

*Certum direptionis tem-
pus statuendum.*

*Victoria resata, Divis
sacro more grates per-
solvenda.*

Atque fugæ indecores, & inertia facta teguntur.
Lucem, Prætor, ama. Valido sed lucida bombo
Fax micat: irrumpunt iuvenes: Mars, undique fervet:
Magnanimos urgete, duces: certamina quando
Ista petunt celeres ausus & præcipitem vim.
Nam si dura tibi per fragmina scandere primo
Non datur assultu, trepidaque potiri urbe,
Haud equidem, pestes licet, assequere secundo.
Idcirco felix succedat ut impetus, arcem
Multiplici tentare loco conabere: ruptus
Non solum quâ murus hiat, sed quâ integer, altis
Admotis te velle simul conscendere scalis,
Fingito: sic variis distractus partibus impar
Hostis erit, verus quâ fortiter impetus urget.
Imò ubi neglectum servat custodia murum
Rara, stat interdum perrumpere, vique tenere.
Sic sæpè insignis parva est victoria. Cæptis
Si favit Fortuna tuis, primoque repulsi
Aggressu cessere hostes, & mœnia capta:
Quod superest, multa spoliis mercede paratis,
Se gens exornet victrix: sed cura secundis
Non minor in rebus tibi tunc adhibenda; juventam
Luxurie effrenem turpi, necibusque pudendis,
Æie simul prohibere sacro, fanisque Deorum.
Idcirco in civem nè quis deserviat ultra,
Nè vim virginibus, vel matribus inferat: auro,
Communi simul abstineat, templisque, iubeto.
Quin imò; ut nimias prædas, & stupra, necesseque
Tutius amoveas, certum decernere tempus
Te moneo: quicumque ultrà vi colligit, illum
Plestito: sic miti discent parere volentes
Victori cives victi: juvat usque mereri.
Devictorum animos, laudemque ex hoste referre.
Integra quin etiam, servato cive, nitebit
Urbs, & servatæ major, quàm gloria captæ.
Supplice sed voto Superis persolvere grates
Jam tempus, meritosque aris incendere honores,
Balsamino succo, & Nabathæo thure calentes,
Majorum de more. Dei delubra Latini
Intrabis magna procerum stipante corona.
Cernuus hic cœli venerabile pignus adora,
Virginis & sacræ numen, divosque, deasque,
Sunt urbes, sunt regna quibus commissa: triumphi
Et quorum auspicio veniunt, palmæque decoræ.
Votaque deinde memor persolves, plurima in altis

Figens dona tholis: perfecto latus honore,
Victricem pubem in victricia castra reduces.

Haecenus aggressu cum res confecta secundo.

At propugnaculi si te superare cacumen
Subnixi prohibent hostes, tum figere in ipsa
Præcipies stationem acie, subitoque parato
Aggere muniri, glandesque arcere, iuventæ.
Quin tu cautus, eam non ultrâ ascendere partem
Primum erumpentem jubeas sub mœnia, muris
Dum manus in summis stat plurima. Tutius arces,
Promoto sensim vallo, per lenta domantur
Obsidia. Insultu nam si contraria primo
Sors fuit, & juvenum lætissimus occubuit flos,
Solvere tunc decet obsidium, & sine laude reverti.
At si forte fame, & perituram labe juventam,
Atque fuga, certo indicio prævideris, aut si
Non longum obsessis laturum noveris hostem
Auxilia, assultus non tum tentare negabo
Fortunam primi pariter, pariterque secundi.
Marte perire viros spe palmæ præstat, inert
Quam luc consumi sine lucro, & laude decora.

Insuper, obsidii quando fortuna secundi
Pendet ab imposita, & servata in fragmine sede;
Idcirco totis tutari viribus illam
Nitere: delectæ nec pubi parce: struendo
Insistas, operique vigil: nam non locus ullus
Insultu pateat, aut magis est obnoxius igni.
Hinc jubeas (jactis flammæ depellere flammis
Fas quando) assidue juvenes demittere in hostem
Pyrobolos, ignesque sacros, liquidumque bitumen,
At sibi flammiferos defendere tutius ictus
Ut valeant, dura vallum testudine cingant,
Æratisque simul tunicis sese undique vellent.

Ut statio munita tibi, firmataque forti
Præsidio, decet extemplò superare receptum,
Quem propugnaculi integra in parte locavit
Hostis, & effossa subitus sepavit arena.
Inde alium, retrò si fidentissimus illum,
Indomitusque struat; magnas cum credula vires
Et spes subsidii, numerusque, situsque ministrat.
Quantum ille objecto spem ponit in aggere, tantum
Nitere tu contrâ perumpere. Turre sub alta
Quæ vexilla nitent undanti candida lino?
Anne hostes fracti victori tradere muros,
Seque velint? sic est: pacem, veniamque precantes

Andio

Si non datur in urbem
vadere, figenda statio in
capta propugnaculi acie,
& munienda; sententia
festinandum.

Quod si ventura ad ho-
stes auxilia prævidean-
tur, iterum ire in assul-
tum præstat.

Omnis adhibendus co-
natus, ut posita in frag-
mine statio servetur.

Exin superare tutricu-
lam, in quam se obsessi
repperunt aditum præ-
stat.

Cum se dedere hostes
volunt, excipiendi.

Quæ deditibus impo-
nendæ leges sūt.

Numquam duræ leges
dandæ, ne acrius fero-
ciant.

sed honestæ, & quæ
illæ sūt.

Et quam variæ condi-
tione hominum, ac tem-
poris.

Audire: securos populorum jure venire
Præcipe legatos sancitum sœdus: eburno
Tu folio, trabeaque illos insignis, & ostro
Excipies, populi pro majestate Latini:
At reliqui hinc, illinc teneant subsellia primi
Densa duces, auroque ipsi, gemmisque nitentes.
Utque Oratores tentoria celsa subintrant,
Victrices Aquilas venerentur, & arma Quirini.
Mox humiles, ubi professi se dedere, & arcem,
Tu legem victis impone, & sœdera fangi.
At varia est populis lex perscribenda subactis.
Mitior illa novis, sed dura rebellibus: isti
Sic meritas solvent pœnas, iterumque cavebunt
Detrectare jugum: placidis sed moribus illi
Accepti in sortem sociorum, nostra volentes
Sub juga descendunt, & ovantes iussa capeffent.
Verum quisquis erit, Latiis qui deditur armis,
Sentiat ingenium Romæ, moremque benignum,
Quæ gremio accepit victos, civesque vocavit.
Edomitis legem, Consul, ne durus iniquam
Gentibus imponas: ne fortè ferocius illæ
Rursus in arma ruant: nimium velut ictus acutis
Sævitur equis stimulis vehementius, & tumet ira.
Corpora certa mori, quæis desperatio vires
Sufficit, & solis fiducia restat in armis,
Altus in accessus, nec vi superabilis agger.
Nonnunquam rigidi vitio Prætoris ademptæ.
Jam pene è manibus turres, & regna fuere,
Ingenti sumptu quæsitæ, & sanguine multo.
At si præsidio regum, quæis bella geruntur
Pro sacris, sociisque, urbes firmentur, honestæ
Deditionis erunt leges: ut scilicet urbe
Excedant juvenes armis, vexillaque passa,
Accensasque ferant restes, & tympana pulsant:
Et secum tormenta aliquot, suæque omnia vestent,
Ac defensa abeant per fragmina, & ordine Martio.
Has quamquam leges mos sit deditibus urbes
Præscribi: tamen una potest non omnibus esse
Conditio: mihi nec cunctas decernere promptum est.
Nam sine more tibi si oblectavere feroces,
Connixi rerum tentare extrema, merentur
Vix equidem veniam: verum clementia proficit
Romula: permixtim sine fasce, armisque recedant.
At si parva manus nullo munimine tuta,
Ausæ sit armorum felices sistere cursus,

Præ-

Præcipe captivos se tradere: solus & uno
 Præcinctus ferro liber Præfectus abito.
 Indignus tali ni forsan visus honore
 Audacem ob factum: fortem experiantur eandem,
 Qui geminæ amisso turris munimine, & omni
 Subsidii spe, victori concedere captam
 Jam fermè in manibus turrim noluere, superbis
 Tantum animis fisci, seque in postrema malorum
 Dejecere: pati dignum sibi condita dextra
 Fata sua. Quæcumque tamen lex dicta subactis,
 Inque vicem firmata, patrum de more, simulque
 Tradita jam portæ custodia, & obses utrimque,
 Castra per, & turris commercia mutua sunt:
 Insidiæque, dolique mali, & simul omnia cessent
 Hostica: sed vigilum tum sit solertia major,
 Ne tendat fraudes hostis, scitaque latebant
 Deditioe doli: tibi semper ab hoste cavendum est.
 Impendenda etiam quæ cura, ubi cæde peracta,
 Inducias poscunt inimici, & tempus humanis.
 Quas pius & concede illis, & posce vicissim.
 Hic cassis debetur honos: tumulata quiescant
 Pectora, quæ duris mortem appetire sub armis.
 Mortua non equidem sevire in corpora fas est.
 Interea cautus, dux, observare memento,
 Prætextu ne forte pio se muniat ille.
 Qui tibi si fraudis fuerit suspectus, amicas
 Nec petito inducias, nec tu concede petenti.
 Quidquid enim tum peccatur, peccatur ab hoste.

Sed quid cunctamur segnes? stat dedita supra
 Mœnia victrices Aquilas attollere: pacta
 Phœbus ut optatos devexit luce triumphos,
 Præcipe uti campis legio veterana cohortes,
 Hinc illinc geminas equitatus & explicet alas.
 Ipse sed heroa præcinctus tempora lauro,
 Inque alto sublimis equo stes ordine primo.
 Et ponè insistat nitidis prætoria in armis
 Interfusa cohors: juvenumque insignior omnis
 Officiosa manus geminum latus ambiat, artes,
 Te duce, qui belli varias, & prælia discunt.
 Ut signum mox ære datum, sic urbe subactæ
 Prodebunt gentes: Equites procedere primi
 Incipiant, currusque graves, ægrique sequantur.
 Hinc pedites humero gestantes æra quaterni,
 Accensasque manu restes, & pelle sonante,
 Agmen agant: sua dein insignia signifer auris

Præscriptis legibus, ac
 datis obsequiis, mutua
 sunt commercia, dolique
 mali abint.

Non tamen negligenda
 custodia est.

Inducias pro sepeliendis
 mortuis concedendæ:
 sed capite.

Pacta die, qua urbs vi-
 ctori tradenda: quo or-
 dine prædicatorii excedant
 describitur.

Explicet: hastati tandem longissima pila
 More ferant: tales pactæ si fœdera leges.
 Si secus, hi terris demissa hastilia retrò
 Lenta trahant, curvis illi supposita lacertis
 Æra minora humiles gestent: collectaque signa
 Vexillarius ater agat, lituique fuscant.
 Post gravibus delecta rotis tormenta trahantur:
 Quæ gemini armati stipent hinc, indè manipuli.
 Postremum subvectus equo complectitur agmen
 Præfectus virga insignis, armisque decorus.
 Hic propè victorem cùm jam prospexit, ab alto
 Acer equo exiliens, pronus veneretur: & arcis
 Tradat ei claves: forti quas reddere pulchrum est.

Secura custodia dedu-
 cendum ad pactum lo-
 cū præsidium est.

Ast ut præsidio pateat via tuta, jubeto
 Delectas illud comitari ponè catervas:
 Ne struat insidias, ne vim quisquam inferat olli:
 Utque hostis vacua tandem discessit ab urbe,
 Tum victor, dux, ingredi, & delecta juvenus
 Te comitetur ovans: & læto murmure plausus
 Ingeminent tutis explosa timoribus æra.

Si adverso Marte sol-
 venda obsidio sit: qua
 arte, solertiaque præstan-
 dum id sit, traditur.

Sed non successu semper fortuna secundo
 Affulget: nam sæpè lues, febresque malignæ,
 Pestifer & vapor, & duri inclementia cœli,
 Incæptisque hyemes præperæ felicibus obstant.
 Ardua sæpè loci munimina, & ipsa juvenus
 Effera, conatum celerem, aggressumque morantur.
 Solvere ut obsidium Prætores sæpè coacti.
 Interdum totis collectis viribus hostis,
 Obsessam venit auxilia immissurus in urbem.
 Quare age, quid tibi tum vario discrimine agendum
 Expediam: tu dicta memor sub mente reconde.
 Si pubes tenuata truci contagio, labori
 Impar, nec numero fuerit par illa tuendis
 Aggeribus tantis, latèque ferociat atra
 Contago: properent hyemes, imbresque sonantes,
 Suppetiæque novæ nullæ mittantur ab urbe:
 Nec quidquam afferri populatis ampliùs arvis:
 Tum, quoniam sic Fata ferunt humana: neque illa
 Unquam mortali concessum evincere cuiquam;
 Cede volens forti, cœptoque assiste sinistro.
 Verùm castra tibi qua tum ratione movenda,
 Accipe. Gentem omnem in ternas divide partes:
 Prima, minor numero, falcem, & cætera secum
 Vasa ferens præeat: lixæ comitentur & illam,
 Et quotquot tristi morbo, vel vulnere tardi.

Altera pars major succedat, & ænea vœtet
 Tormenta, & pyrio mistas cum pulvere glandes,
 Quæ postrema venit pars maxima, robur in illa
 Pubis erit, totum veterano è milite lectum.
 Hi castris igni correptis, ordine certo
 Decedant ex arce, cui non terga, sed altam
 Ostentent frontem, ne fors audacior hostis
 Erumpens, celeri assultu signa ultima carpat.

Cavendam re hostis
 erumpens proterram
 aciem carpat.

Sed non parva licet sit summi ea cura Magistri,
 Maxima quæ sequitur, magnam mentemque, animumque
 Atque usus belli varios, artemque requirit.
 Scilicet obfessæ cum barbarus appetit urbi
 Suppetias multis stipatus ferre catervis.
 Quid tibi tum potius pro re sit, Consul, agendum,
 Da mentem solers, res est operosa, docebo.
 Si circum fundens magnis se viribus hostis
 Appropere: pubes tibi contra attrita frequenti
 Assultu, & morbo pariter malè sana fatiscat,
 Nec spes certa brevi cessuram aggressibus arcem,
 Solvere tum decet obsidium, tutumque receptum
 Accelerare: ducis quæ non laus ultima magni est.
 At si florentes numerosa ad signa phalanges
 Cogis adhuc, paribusque potes certare periclis,
 Urgendum obsidium, veniens & barbarus Ortu
 Expectandus. At interea tu consule primos
 Ductores, totis si pubem educere castris
 Conveniat, latis pugnam & committere campis:
 Tutari an potius vallum, atque arcere ruentes.

Quid agendum cum
 hostis ad ferendum ob-
 sessis auxilium cum ma-
 gnis copiis properat.

Consulendi Procetes,
 expertique Duces.

Sed quæ concilio procerum discrimine tali
 Valeat melior sententia, carmine nostro
 Expediam, & magni superaddam exempla Magistri.
 Si duplex valido firmet munimine castra
 Agger, & impositæ sua per discrimina turre,
 Fossarumque moræ latæ, pariterque profundæ,
 Et faveat situs, & camporum commoda sedes,
 Contineas vallo juvenes, hostemque repelle.
 Tutior in dubiis præstat sententia: fossæ
 Si minus extentæ, nec sit firmissimus agger,
 Castrorum situs obliquus, statioque maligno
 Structa loco, multis castella & passibus ablint:
 Tum tibi, tum ducibus potior sententia primis
 Hæc sedeat: latum nimirum erumpere in arvum,
 Atque ultrò pugnam venienti offerre tyranno.
 Conclusi interea ne quid molirier arce
 Obfessa tentent, vallare sub aggere pubem

Quæ melior tum sit
 sententia, & Vate præferri-
 bitur.

Et quæ præcautiones
habenda.

Egregiam duce cum forti, claque relinque,
Servet ut accessus, & fragmina, pulset & hostem
Arce erumpentem, sociosque juvare parantem.
Sed ne te falsa capiat sub imagine pugnae
Barbarus, ut campos acies educta patentes
Cum tenet, & sua bellator quisque expedit arma,
Per cæcos ipse, incustoditosque recessus,
Furtim subsidia obfessam submittat in urbem.
Sique ausis faveat Fortuna, haud amplius ille
Sortis ad arbitrium pugnam committet: & ipse
Sistere ab incæpto, falsus cogeris ab astu.
Idcirco cæcos multo custode recessus,
Aviaque, latosque amnes, vallesque tuere:
Ne qua dolo pateat via cæca. Quis occupat aures
Festinus rumor? clari quæ fama triumphi
Perque urbes Italum, perque arva sonantia Tibri
Invehitur, niveisque volat delata quadrigis?
Audio magnanimum LOTHARO de sanguine cretum
Victoremque heroa canit, meritisque sub astra
Laudibus attollit, divisque potentibus æquat.
Cujus virtute effectum, promittere nemo
Quod sibi dux, quamquam confidentissimus, ausus.
Arduum, inaccessum regni munimen Eoi,
Scilicet Austriacis asserta Sicambria signis.

Confirmat exemplo
Ducis Lotharingæ Si-
cambriam obfidentis.

Vos mihi, vos Musæ, quæ fortia facta soletis
Pieria proferre tuba, totumque per Orbem
Heroum insignes cantu celebrare triumphos,
Huc agite: umbrosos Pindi liquisse recessus
Paulisper juvet, & Pimplæi gaudia fontis,
Et tacitas sedes, & amica silentia sylvæ.
Castra sequi placeat, turbasque, & prælia regum,
Et celebres plausus populorum, & ovantis signa.
Sic post bellaces fremitus, Martisque tumultus,
Et vobis rivi, & nemorum sit gratior umbra.
Nec minus, o magni ductores, inclita facta
Si vobis conari animus, nitidamque mereti
Laurum, & perpetuum seclis transmittere nomen,
Huc faciles animos advertite, claque magni
Accipite hæc exempla ducis, linguisque favete
Unanimes: sic par contiget gloria vobis
Sorte pari partis post Martia gesta trophæis.

Musas in te grandi in-
vocat.

Quarta recurrebat bellis felicibus ætas,
Magnanimos & in arma Duces, pubemque vocabat,
Cum Cæsar Patrum cogi de more Senatum
Aulæ in medium, primos & adeste magistros

Senatus à Cæsare ha-
beretur, in quo de bello
agitur.

Con-

LIBER DECIMUSQUARTUS. 327

Concilium in magnum summis de rebus habendum,
Imperat: acciti replent subsellia Patres,
Atque duces clari bello. Sedet ipse secundus
Carolus, Augusto dictus cum Cæsare Consul:
Sub quibus insigni palma, nitidoque triumpho
Annus erat fastis, Roma plaudente, notandus.
Hinc ubi confedere, rogat, sententia, Cæsar,
Quæ sit cuique ducum de rebus visa futuris.
His aperit mentem LOTHARUS, primusque profatur:
Eventu quamquàm fuerit tentata sinistro
Pannonici sedes regni, tamen illa Latinis
Est armis repetenda iterùm: cadet alta tyranni
Turris, inaccessible patebunt denique muri.
Spem facit & præsens Deus, & flos iste juvenæ;
Carolus hæc: reliqui Rectores, Cæsar & ipse
Assensere: Viro tantum stat pondus in uno.

Ex Lothari sententia.
Sicambriæ obûdio decer-
nitur.

Nec mora, concilium dimittitur; atque potentes
Signa duces cogunt: totisque Sicambria castris
Murmure festivo resonat, atque omine læto.
Namque sub Auroram visum transcurrere fulgur
Cardine ab occiduo, latèque ardescere cælum.
Quo viso, Eo portendi funera regno,
Prædixit Vates, animisque infedit amicum
Omen; & ingenti jam spe sua castra movebant.
Prævertuntque fuga ventos, & vota suorum.
Mox ubi sub medio libratus cardine Titan
Constitit, excelsa de colle Sicambria visa est.
Ut conspecta, citi tollunt ad sydera voces
Lætitia effusi juvenes, urbemque salutant,
Urbem exoptatam, votis & mille petitam.
Castra locant, vallo præcingunt, turribus agger
Munitur, vastus, constratis pontibus, Ister
Jungitur: accessus vallares mœnia contra
Succedunt: tormenta fremunt, validique labascunt
Assiduè rauco quassati fulmine muri:
Fragminaque, plenæque aditum dant, undique fossæ.
Itur in aggressum: superatur parmula, cæsis
Hostibus, obnixis quamquàm non cedere, quamquàm
Torquerent vi multa, animisque ferocibus arma.
Fortibus edomiti fortes: superavit & ingens
Austriadum virtus audacia pectora Thracum.

Felici omine castra
movent, urbemque ob-
sident.

Et tormentis continuè
petitur.

Et lunarum propugna-
culum magna victric su-
peravit.

Virtuti ut palmam devicta superbia cessit,
Undique Cæsareis, & prætentura tenetur,
Viribus obnixam sub propugnacula totis
Ire jubet pubem Consul, fossæque potiri.

Interea magnus resonare à vertice clamor
Incipit, & latè exaudiri classica mille.

Turcæ ad ferenda auxilia magnis copiis advolant.

Continuè subitus rumor per castra vagatur,
Subsidio properare Scythas, totumque teneri
Præsidio collem, turmasque instare sequaces:
Millia multa virum, toto quæ barbarus Euro,
Et Tanai è toto, totoque acciverat Austro.
At non Cæsareis tanto timor ullus ab hoste
Illatus, lauri nec spes concepta pendit.

Quisque micat fideus oculis, quisque expedit arma:
Ingeminantque animos, & bella ferocia poscunt.

At variis inter proceres sententia primos

Visa est: in castris, ipsoque sub aggere valli
Expectare hostem pars hæc censebat: at illa
Actutum in campos animosam educere pubem,
Viribus & totis confingere. Consul ab alto
Tum sublimis equo tali sermone juventam
Alloquitur: Sit vestra licet mihi cognita virtus

Lotharus suos intra castra continet, eosque erumpere gestientes admouet sursum tueri castra sua valida, ac vallo.

Tot pugnis, ut certa queam spondere trophæa,
Et Deus hanc certo pariter spem numine firmet:

Attamen hæc potior mihi nunc sententia menti,
Et jam maturata sedet, defendere castra

Tuta situ valido, & duplici circumdata vallo.
Urbis, & obsidium simul omni urgere operum vi:
Et dabitur superare, suis dum militat æther,
Et conjurati veniunt ad classica Divi.

Et quod majus erit, dabitur superare, tyranno
Threiciùm tantis coram spectante catervis.

Qui citus Aurora venit, mihi credite, ut esset

Virtutis vestræ testis, vestrique triumphi

Spectator. Præsignis amat victoria testes.

Ipseque gloriæ futurum quod validam urbem, coram hostili exercitu expugnassent.

Spectatore nitent & pulchrius hoste triumphi.

Nullo suppetias urbi, obsessisque ferente,

Expugnasse, quidem, fateor, non ultima palma:

At verò, innumeris cum viribus hoste propinquo,

Et faciente animos, & opem spondente, feroces

Edomuisse viros, & perrupisse sub arcem,

Hoc equidem sublime decus, hæc gloria summa est:

Consul ut hæc, omnes fremitu assensere secundo

Austriaci, visumque omni sedet omnibus, ulla

Nec mora, Dux vallum victricia signa sub ipsum

Explicat, opperiens, si fortè irumperet, hostis.

Interea peditum lectas virtute cohortes

Sors quibus aggressum tentare, & fortia facta

Obvenit, tali breviter sermone profatus,

Accendit stimulis: Hæc est, fortissima pubes,
 Illa dies, vestrum quæ tollet in æthera nomen:
 Laudibus & summis ventura in sæcula mittet.
 Quod paucis Fortuna dedit, (quis crederet?) ultro
 Contigit en vobis: vestræ virtutis ut esset
 Testis & ipse, suis & tot cum millibus hostis.
 Et tacito quamquàm vobis applauderet ore,
 Robore se vestro vinci potuisse: decoras
 Ite igitur forti palmas decerpere dextra;
 Quæ vos perpetuis, quæ Romam laudibus ornent.

His flos delectus juvenum succensus, in arma
 Irruit, & muri per fragmen adire sub arcem
 Conatur: magno contra luctamine Thraces
 Obstant, certi non cedere: sensus utrimque
 Funera dura ferens torquetur ferreus imber.
 Threicique cadunt passim, mistique Latini.
 Fortis Aladinus labat istus, & acer Alastor,
 Ductores Thracum primi: quis tempora glande
 Astiades gemina fregit, mistique sub Orcum.
 Astiaden contra, divumque, hominumque Ramartes
 Contemptor, cædit, per strata cadavera muros
 Scandere conantem, turrinique subire parantem.
 Lata venenato perfringens pectora telo.
 At tanta Medicæus ovantem cæde Ramartem
 In latum intorta trajecit glande: simulque
 Occupat objecti latus aggeris: atque ruentem
 Vi magna Arminem deturbat. Opertus Alynnum
 Ense petit, mediumque inter præcordia condit:
 Et victor muro sese infert: ah! precor, ausis
 Ne tantum, juvenis: plumbi latè obrutus imbri
 Decidit, & secum patriæ spes abstulit omnes.

Parte alia turmas inter supereminet almus
 Marforum Dux, egregio qui clarus avorum
 Nomine, & insigni titulorum fasce superbus,
 Majorum virtute sua affectabat honorem.
 At non æqua viro favit Fortuna: ferocem
 Nissea dum ferro cædit, dum cædit Orontem,
 Et super incumbens durum Cidona trucidat,
 Plurima qui dederat fortissima corpora letho,
 Fragmine subnixus medio, latus ignea rumpit
 Glans olli, siphone cavo quam durus Halesus
 Intorsit: tamen ille, leo ceu pulsus, in hostem
 Vertitur, & valido discindit Memnona ferro
 Per medium: celeres quem non juvere sagittæ,
 Non tunicæ auro squalentes, atque ærea scuta.

Mox copias ingra val-
 lum explicat, suosque ad
 pugnam accibus stimulis
 urget.

Urbs intecta invadi-
 tur.

Certamen describitur,
 in quo plurimi vicissim
 cadunt.

Marforum Dux Picco-
 lomineus laudatur, &
 illius more refectus.

Sed

Sed jam labentem multo præ sanguine dextra
Accipiunt famuli, & sua sub tentoria ducunt.
Hic duros inter stimulos, sævosque dolores
Magnanimus mortem appetiit: dux inclyte, quantam
Spem tecum rapis: ah! tristi te Fucinus unda,
Te patrii flevere lacus, mœstæque Napæ:
Atque ipsi in Maris fleverunt montibus urfi.

Sed non impunem passus Mormilis Halesum
Ire diu: subitis congressus passibus illum
Occupat, & valido transverberat ilia pilo.

Aliquo viri fortes ce-
lebrantur, inter quos
Paulus Carafa.

Mactat & hinc Ræsum, & fulgentibus exiit armis.
Quem manus Odrysiū telis stipata coruscis
Illicet aggreditur, crebros, & duplicat ictus.
Ille ferox, vultuque hostes interritus omnes
Sustinet: ac ferrum rotat indefessus: & arto
Vique ictus vitat cunctos, tectusque tenet se.
Donec bello acer dubia in certamina Paulus
Carafidis præclarus avis, gestisque superbus,
Occurrit: cuneumque inter se fervidus infert.
Fistula & Oromedum primò confodit athena
Ductorem Thracum, fociumque intercipit Hæbron:
Mox ferus eductum vagina assurgit in ensē,
Diffunditque humeros spontè occurrentis Arini:
Addit & huic Steropen, cujus discissa cerebrum
Tempora diffundunt: sequiturque hunc proximus Arcon,
Cui latus ingenti connixus robore findit.
His cæsis, valido portæ cen' limine fracto,
Hostiles aperit cuneos, seque urget ad arcem.
Quem ponè insequitur victor Mormilis: uterque
Calcidicæ Sirenis honos, & gloria Martis.

Barbarus interea per
occultam vallem sub-
mittit: auxilium aggre-
ditur.

Hæc dùm perfracta murorum in parte geruntur,
Barbarus auxilium sociis submittere, tali
Conatu aggreditur: cæco conclusa recessu
Vallis erat, firmo valli non aggere cincta,
Non turri, raris & custodita manipulis.
Ille hæc suppetias delectas ferre cohortes,
Imperat, & valido turmarum robore firmat.
Jam mediam tacito penetrarant agmine vallem
Threicii, & primo vigilum custode necato,
Jam jam disrupto properabant aggere in arcem.
Tum Consul magno accitus clamore fuorum,
Accurrit, lætasque trahens ad prælia turmas,
Cominus Odrysiōs intercipit: & simul acrem
Ductorem petit Orcanem, cui pectora glande
Fistula ab ærata displosa trajicit: alto

Accurrit Lotharus,
& hostes intercipit, &
magna clade repellit.

Pro-

Pronus equo labat ille, animamque reducit in Orcum.

Hinc enses gemmis intextum, auroque nitentem.

Gemmata pariter vagina educit, & Ælon

Audacem, ingentem transverberat: illicet ille

Guttura transfixus toto vomit ore cruorem.

Mox ferit Achmetem, ferit Hilon, Hippodamumque:

Horrendasque ciet strages, & funera miscet.

Non secus ac saltus cum perrupere feroces

Getuli, & parvos rapuere ex ubere natos,

Ira agitata fremens, toto furit ore Læna:

Audacemque domat primum, domat inde secundum:

Dentibus & latè clades, atque unguibus edit.

Despumatque atro venantum sanguine arena.

Confestim versi fugiunt, spectante supremo

E tumulo ductore, Scythæ: fremit ille suorum

Aspiciens stragem: sed non toto agmine belli

Fortunam tentare ausus. Quid, barbare, cessas?

Tum Consul longè increpitans: non dura tuorum

Funera, casuræque tuæ non urbis acerba

Fata movent? nullusne animum tibi tangit honoris,

Vel famæ stimulus? potius decumbere toto

Agmine præstaret, tali quàm vivere probro.

An forsan juvenum tot millibus usque reposito

Ex Euro venisti, ut certior inde tyranno

Nuncius acceptæ cladis, captæque redires

Urbis? habes tua vota: refer spectata tyranno.

Consul ut hæc victor Reçtori objecit Eoo,

Arcis ad obsessæ muros se vertit, ovanti

Agmine stipatus sociorum, & talibus orsus:

Vicinus, ò focii: castrorum ex aggere pulsus

Thrax abiit: clausis nec spes manet ampliùs ulla.

Obnixi licet obstant, licet omnia tentent,

Corporaque objectent pro vallo interrita, tandem

Virtuti cedent vestræ sua mœnia victi.

Ergo agite, & magna cœptos virtute triumphos

Perficite: ipse adero dux vobis, agmine primo.

Hæc ubi, prorumpit sub fragmina: sed citus alto

Ab Jove demissus nitido descendit Olympo

Ales, & ætherio protexit corpora scuto

Consulis, alato ne plumbo objecta paterent.

Cujus erat nimium magno dilecta Tonanti

Vita, triumphales starent quo sospite fasces,

Sanctæque Religio Patrum, ritusque Latini.

Protinus hinc illinc sclopis displosus æbenis

Plumbeus, & latè densus volat horridus imber,

Ceu Læna in catulo-
rum raptorem irrumpit.

Mox Igniviam Odrysi
Duci objicit, eumque
provocat.

Inde ad suos redit,
eosque magnis dictis ani-
mat, ut tandem in arcem
irumpant.

Et primus ipse hostem
aggreditur, & ne læda-
tur, vinclis regitur: sic-
que acerrima pugna.

Mille ferens secum mortes, & funera mille.
 Exultat multo Mars sanguine: nec datur ullum
 Ictibus effugium: ceu cùm densata repentè
 Turbine de cœlo crepitanti murmure grando
 Præcipitat sese in campos: fata protinus omnia
 Icta cadunt, culmique cadunt, excussaque passim
 Poma jacent: laceroque jacet strata uva racemo.
 Actutum percussa pilis sternuntur utrimque
 Fortia quæque virum bellantum corpora: cædes
 Vulnereque, luctusque, & plurimus undique sanguis:
 Inque oculis terror versatur, & horrificum mors.
 Ignivomi postquàm cecidit fragor æris, & acer
 Egregium pubis florem demersit imber,
 Cominus arma armis occurrant, atque viro vir
 Congreditur, deduntque neci, danturque vicissim.

Arduus ipse super muri stat fragmine ductor
 Threiciùm, pulsusque patet immotus ad omnes.
 Exemploque suos, dictisque accendit: & unus
 Sustinet adversas acies, & cominus ensim
 Fulmineum rotat impavidum, stragemque Latinis
 Magnam infert: magnus circumstat cædis acervus
 Illius ante pedes, multoque it sanguine rivus.
 Non illum tormenta movent Vulcania, bombis
 Explosa horrificis, non plumbi lethifer imber;
 Non fumi globus ater, & igne immixta procella.
 Atque sui quamvis se circum turbine tanto
 Concussi nutent, stat sed firmissimus ipse:
 Nec cedens retrò pugnacia pectora flectit.
 Non secus, ac corylos inter validissima quercus
 Cùm Borea concussa fremunt maria alta: flagello
 Aërio coryli pulsæ flectuntur: at ingens
 Stat quercus ventis, stat deluctata procellis,
 Mole sua immota, & radice innixa profunda.
 Magnum equidem, Scythico quamvis in pectore robur.
 O utinam Latia natus de stirpe fuisses:
 Quàm pulchra ornatus laude, & virtutibus ires.
 At quoniam insignes animi laudantur in hoste,
 Non ego te tacitum quocumque hoc carmine linquam.
 • Nostra hæc dum relegent ventura in secla nepotes,
 Fragmine te super obnixum, ferroque tonantem
 Victorum multa cecidisse, à cæde superbum,
 Laudabunt, plausuque ferent in sæcula nomen.
 At Consul tanta Thracis virtute triumphos
 Differri impatiens, volat obvius: & jactat ære
 Fulmineo glandem: ruit illa excussa per auras

Thracum ductor con-
 sta. aucacissimè pugnat,
 unusque ipse omnes sub-
 sistit: non secus ac quercus,
 Instante Borea.

Laudatur uti fortis, ac
 magnanimus.

Fulminis in morem, pulsuque irrupit acuto
 Trans thoraca latus, cordique infixâ residit.
 Confestim torvo Thrax nictu lumina torquens,
 Multa minans, bellumque ferens descendit ad Orcum.
 Haud mora, vi tandem, velut aggere flumen aperto
 In campos ruit, & victor latè occupat arva,
 Urbem in devictam fertur pleno agmine miles,
 Cuncta ferox terrore replens, & funere acerbo.

Tandem ab ipso Con-
 sule occiditur, ipsoque
 caeso, urbs capta.

Sic demum imperio superata Sicambria nostro,
 Accessit, domitique Avars, Hunnique rebelles,
 Egregia LOTHARI virtute, & mente sagaci.
 Æternum meritos statuet cui Roma triumphos,
 Perque omnes referens ætates fama superstes,
 Illius & palmas, & dignos dicet honores.





BELLICORUM

LIB. DECIMUSQUINTUS.

AT quoniam certo Fatorum ex ordine sæpè
 Alternat Fortuna vices, & fortior armis
 Hostis aperta tenet, structisque invadere turres
 Molibus, & raucis parat oppugnare metallis:
 Idcirco obsecros, quæ tum solertia muros
 Tutari, & validos operarum evincere nifus:
 Machina quæ contra sit agenda, & difficilem artem,
 Expediam. Vati Sirenes, numine vestro,
 Dum vestrum Elysium vetus hospes, & aurea Tempe
 Lætus habet, placidaque sedet sub pace, favete,
 Atque olli vires tantorum in fine laborum
 Instauratione novas, numerosque adjungite vestros.
 Nam velut à bellis procul, & civilibus armis,
 Tota quibus furiis Europa immanibus acta,
 Fervet, & agens latè luctus, & funera mille,
 Felici recubans hac tranquillissimus ora,
 Et Musas inter Vates, docet ardua fortes
 Bella duces, insuetamque ad certamina pubem
 Instruit, instructamque tuba simul excitat acri:
 Sic pacata licet sint vobis otia cordi,
 Et choreas unâ, & cantum exercetis ovantes
 Antra per, & scopulos, & saxa virentia musco:
 Attamen, ò Divæ, bellacia carmina, & cæstrum
 Fulmineum, & pugnas, Martemque assilare potestis,
 Quare agite, è vitrea spumosa Tethyos anla
 Huc ò præsentès, Acheloides, usque venite:

*Sirenes invocant, easque
 hortantur, ut in fine labo-
 rum novum æstrum in-
 spiciant.*

Inque operis tanti partem properate ministra.
 Inque tuo, Colomeli, sinu si dulcia Vates
 Otia Musarum, secretaque gaudia captat
 Autumno pingui, procul urbe, forique tumultu,
 In primis tu dextra veni, placidique foveto
 Temperie cœli læta, & felicibus auris.

Munitas cui cura arces commissa tueri,
 Plurimus invigilet, nitidis ut semper in armis
 Excubet, assiduoque labore exercita pubes:
 Desidia ne forte pigra deferbeat ardor
 Martius: atque minus pugnae, minus apta labori
 Illa sit, horrendo resonant cum classica cantu.
 Cura neque hæc tantum tibi, dux, adhibenda, subortum
 Cum bellum populis, atque armis omnia fervent:
 Verum etiam quando compositis fœdere rebus,
 Cuncta fluunt tranquilla: viget sic vivida virtus:
 Sic operi intentam non frangit inertia pubem.
 Quin etiam (secura diu pax nulla) repente
 Exoritur casu bellum, & versutior hostis
 Improvisus adest armis, nulloque cruore
 Protinus incustoditas intercipit arces.
 Sive igitur bellum, sint pacta, aut fœdera, semper
 Est hominum suspecta fides, quos fervida mutat
 Ira, vel imperii nunquam saturanda libido.

His actis, sequitur labor alter, scilicet urbis
 Omnia sint instructa, diu superesse ferendo
 Obsidio ut valeant, & spes frustrari hostis.
 Ordine sit longo vallis munita refixis,
 Aggere & obiecto via loricata, profunda
 Sint vacuæ pariter fossæ, sint mœnia firma.
 Sint armata suis & propugnacula ahenis
 Tormentis, semperque pilas torquere paratis.
 Si secus, haud longum poterit neglecta teneri
 Arx, habeat quamvis intus fortissima in armis
 Præsidia, & multum victus, bellicque paratum.
 Rebus in his pigri rectoris inertia sæpè
 Prævalidas positu, & munimine perdidit arces.

Solerti simul, illa duci stet cura, propinquis
 Plurima nimirum è campis vestire sub urbem
 Suffectura sibi geminos alimenta per annos.
 Nam licet hoc ævo, quatinus quo fulmine turres;
 Ignibus & rapidis, non urbs, firmissima quamvis,
 Ceu Troja, in decimum quæ hostes differat annum.
 (Altera vix illam inveniet nitidissima Luna.)
 At munita tamen quia sæpius oppida largo

X x 2

Obfi-

Accium custodia num-
 quam negligenda, sive
 pacis, sive belli tempus
 sit.

Arces semper instructæ
 sint omni apparatu: quo
 sine defendi diu non pos-
 sunt.

Plurima item sic affer-
 vata in cellis annonæ.

Et cætera ad victum
necessaria.

Obsidio cinguntur, amat cum mitior hostis
Expugnare fame validissima mœnia, non vi:
Quin etiam steriles agri opportuna negabunt
Nonnunquam victu, cum circumfundimur armis;
Idcirco semper frumentis horrea plena,
Sint cellæ Baccho, nec equis sua pabula defint.
Plurima præterea simul his servetur oryza,
Et cicer, & faba, lens, & castaneæ hirsutæ.
Sint carnes sale conditæ, sint & quoque pisces
Siccati ad Solem: nec copia desit aselli,
Anglia quem mittit, nec quem Trinacria, Thynni.
Sit quoque vi Vestæ de puro expressus Jaccho
Igneus humor: agit quo non præsentius ullum
Torporem procul è membris, frigusque malignum.
Ut benè consultum victu, seges horrida Martis
Sufficiens servanda tibi in certamina longa.

Et item, quæ ad tole-
randam obsidionem op-
portunæ sunt.

Tormenta in primis sint plurima: sint & ad usum
Armamenta, sit & pyrii quoque pulveris ingens
Copia: sintque pilæ, glandesque, & flammæ chytra:
Sed neque sylvarum desit vis multa, ruinam
Qua structo possit vallo, farcirier arcis:
Quaque alimenta igni dentur, victuque parando.
Insuper indumenta tibi sint plurima: miles
Ne lacero in pugnas unquam descendat amictu.
Nil etenim magnos animos demittit, & altam
Virtutem juvenum, quàm scissa, & sordida læna.
At nitidæ vires tunicæ, ardoremque ministrant.
Scilicet his fastum induimus: quo præpete cursu
In pulchram ferimur laudem, palmamque meremur.

Vires hostium inda-
gandæ, & sius item ca-
strorum.

Hæcenus illa, prius quæ sunt peragenda, propinquus
Mœnia quàm circum sedeat legionibus hostis.
Tempore nunc verò tali quæcumque gerenda,
Præcipiam. Sit prima igitur cognoscere cura,
Hostica quot teneant bellantes castra, quot æra
Pulsatura tuas habeant muralia turres.
Et quem quæque locum statio fixa occupet, & quot
Præfixæ: & primi quæ sit ducis, ampla, supremo
Vertice cui roseo niteant vexilla sub ostro.

Sicut navis Rector in
tempestate sedulus invi-
gilat, inque omni parte
præfens est.

His animadversis, primus conatus athena
Lethibus assiduus explodere: & undique signa
Hostica lethifero flammæ evertere nimbo.
Ac velut horrificus cum vasta per æquora turbo
Rectorem navis comprehendit, aquosus & æstu
Arietat in puppim magno Neptunus, & acres
Flatibus adversis discerpunt lintea venti:

Tùm tempestati sese ille opponit, & undis
 Impiger: ingentes dant ipsa pericula vires.
 Ergo hos in proram juvenes succedere, & illos
 Præcipit in puppim: latus his committit utrumque:
 Turgida vela aliis, dare nunc cùm jusserit, & nunc
 Contrahere, & rapidi vires eludere Cauri.
 Hos patulas mandat rimas farcire, fatiscat
 Si fors navigium: bibit & quos ante dehiscens,
 Egerat hic fluctus, æquorque remittat in æquor.
 Ipse sed assistens clavo monituque, manuque
 Cuncta regit, surgitque animo par omnibus unus.
 Quodque sui postquam perfecit muneris, ipsi
 Cætera Fortunæ committit. Non secus arcis
 Oblessæ Præfectus aget, cùm sæva procella
 Incubuit, magnoque fremitu Bellona tonitru.
 Virtute assurgens major, majore periculo,
 Præsenti occurrat fato generosus, & illos
 Robore præstantes in propugnacula mittat:
 Explorata fides quorum est, custodia portæ,
 Loricata aliis via sit commissa: ruentem
 Qui primi excipiant hostem, telisque morentur
 Fulmineis: vastas illos reparare ruinas
 Murorum jubeat, subitumque attollere vallum,
 Fascibus aggestis: alios erumpere, & omnia
 Eruere, in muros quæ jam deduxerit hostis.
 Arcis at ipse tenens concessæ fortis habenas,
 Consilio cuncta, & dextra moderabitur acri.
 Quæque suo complevit ubi pro munere, quidquid
 Venturum manet indè, sinat decernere Fata.
 Quidquid erit, quod Fata velint, virtute ferendum est.

Te verùm impensè monco, tu dicta revolve
 Assiduè, dulci correptus laudis amore,
 Ne te confestim, sub aperta pericula mittas:
 Præcipuè dubius cùm primo in limine rerum
 Mars pendet: sperare datur felicia quando,
 Præfecto incolumi, sociamque in prælia pubem
 Exemplo, magnoque ausu, & sermone vocante.
 Si verò intereat, spes occidet omnis, & urbem
 Certa manent tùm Fata: velut rectore revulso,
 It vaga naufragium pelago factura carina.
 Quin etiam oblessæ præfecto turris adempto,
 Dissidia interdùm (pestis creberrima primos
 Orta duces inter, cùm de moderamine certant:
 Quæ palmas sæpè, & munitas perdidit arces)
 Nascuntur, trepidis multum contraria rebus,

Sic faciat Dux in obli-
 dione opus est: idque ubi
 perfeceris, fortunæ cæte-
 ra committenda,

Cavendum ne Rectior
 se periculo exponat, nam
 scuti, navis Gubernatore
 sublato, illa fluctuat, tra-
 ducte occiso, amissa arcis
 ferenda spes est,

Hanc

Hanc arcere luem poterit prius ipse Senatus,
 Rectorem statuens, casto qui lumine primo
 Urbis in imperium veniat, bellicque gerendi.
 Sed quoniam premit insultans inimicus, & æra
 Collucent flammis, quæ sunt propiora sequamur.

Et primum, ratio quæ sit per mœnia pubem,
 Per prætenturas partiri, ubi machina muros
 Jam petit, instructoque hostes stant agmine, dicam:

Qua ratione per propugnacula, ac muros distribuenda sit pubes,

Si propugnaculis arx quinque incingitur, illa
 Corpora lecta virum tercentum singula poseunt.

Quinquaginta alios, si sex non amplius, adde.

Si septem fuerint, tum quadrigenta locato.

Sunt, bellatores qui tot voluere sub arce,

Loricata pedes via quot complectitur: una

Non tamen est cunctis ratio communis, uti una

Non est conditio: situs hanc tutatur, & amnis;

Pluribus idcirco non indiget: illa fatiscit

Si veteri munita modo, majora requirit

Præsidia: immensis si barbarus irruat undis,

Millia multa decet te tum submittere in urbem:

At cuneata tuos si munimenta recessus

Aggeribus saxorum altis, prætentave portæ

Præcingant, cives qui vincla jugalia non dùm

Experti (reliqui non apti ad prælia) turreis

Interiora sinas tutari septa: sed extra

Quæ muros instructa, hostisque objecta furori

Prima patent, jubeas veterana pube teneri.

Viribus electis semper primum excipe robur

Hostis, ut evaleas illi superesse: furentum

Unda velut pulsu ventorum agitata frequenti,

Si primum in scopulos porrectos incidat, illi

Frangitur: inque sinum vi mox confusa minori

Irrumpet: sic hostis ubi fuit impete fractus

In primo, veniet mox segnior. Altera Vatem

Sed jam cura subit custodia scilicet arcis

In propriis figenda locis, & tempore certo.

Affiduè muros, & propugnacula servant

Excubiæ: & fraudes, si forte parentur ab hoste,

Aut intestino si desertore, reportent.

Vestibulo in primo juvenis versutus in armis

Excubet in specula: verum si longior, ipsa

Quàm lex æqua petat, muri frons plana recurrat,

Illius in medio miles præfigitur alter.

Aggeris inque vigil statuatur cuspide. At horam,

Qua varianda tibi fuerit custodia turreis,

Si prætenturis præcingenda sit urbs, in his pubes locanda: cives urbem servent.

Quibus in locis vigiles locandi sint.

Accipe: cùm decima ab nocturno cardine raucò,
 Postque diem medium cùm redditur ære secunda,
 Tum custoditum procedat mœnia miles.
 Nam tum exiguas Sol excellissimæ umbras
 Cùm faciat, lorica viæ, fossæque patefcunt;
 Hostes fraude mala, ne forte abdantur in illis.
 Tunc etenim occultam cùm fraudem protegit umbra,
 Intercepta dolo nonnumquàm mœnia: cautè
 Idcirco mutandus erit speculator. At urbis
 Si qua minus pars tuta tibi prævisa, frequentes,
 Et fidos illa excubitores parte repone.
 At verò excubiæ ne sint in munere segnes,
 Sint aliæque vagæ, quæ circùm singula lustrent:
 Sique sua, observent, vigilēs statione residant,
 An somno oppressi jaceant: an hostibus ultrò
 Dent aditum, fraudemque malam meditentur in urbem.
 Qui sparsi circùm speculatum mœnia cursant,
 Sint gemini, quorum seniori tessera detur:
 Nocte facem cornu conclusam deferat alter.
 Quale ministerium non dedignentur & ipsi
 Interdum primi proceres, Consulque subire.
 Et quoscumque gravi somno, vinove jacentes
 Inveniunt, tanto capitis pro crimine pœna
 Confestim plecti jubeant: dignissimus illa
 Communem in populi peccat quicumque salutem.
 Austriadæ magni exemplo, qui primus Ibero,
 Primus & Augusto præfulsit clarus in ostro.
 Ille etenim noctu muros cùm videret, alto
 Demersum somno vigilem videt, illicet illum
 Præcipitem summo in fossam de vertice mittit:
 Inque suos conversus, Erat jam mortuus, inquit.

Sed quibus instantem valeat expellere somnum,
 Fallere longa moræ vel tædia, protinus addam.
 Principio statione juvat cursare frequenter:
 Non facilè irrepit, cùm quisque perambulat ater
 Somnus: & Ammericæ fumantem frondis odorem
 Fictile de calamo confert haurire libenter:
 Siccat enim nimium humorem, somnumque repellit.
 Præterea Bacchi, quo non præsentius ullum
 Torporém excutere, & solitum revocare vigorem,
 Stillatum epotet laticem, populique salutem
 Propinet: crebroque sonum ciat ære canoro;
 Quò se tum doceat vigilare. Sed illicet ipso
 Ab Duce danda aliis qua sit ratione ministris
 Tessera, præscribam: roseus cùm mergitur undis

Quibus horis per ceteras
 vices permittendæ custodiz.

Statuendæ etiam vagæ
 custodiz, quæ, aliorum
 studia, ne solertiam ex-
 plorent: idque munus
 ipsi Duces subeant.

Carolus V. cum sapi-
 am vigilem deprædissit,
 in fossam præcipitavit.

Qua industria vigilēs
 se à somno libereant.

Quando tessera danda
 à Duce, & quibus.

Sol Tartessiacis, currumque infleſcit ad Indos;
Præſectum, ut ſignum poſcat, Legatus adhibet.
Quodque velit tacitus ferat hic illius in aures:
Ne qui forte datum accipiant, hoſtique reportent.
Hinc accepit ubi Legatus, & ipſe ſub aures
Omnibus acceptum Inſtructoribus inferat: illi
Turmarum ducibus referant, primisque tribunis.
Teſſera, Reſtor, erit, Divi cognomen amici,
Seu Divæ, quorum eſt turris cuſtodia curæ.
At ne ſæpè eadem repetatur: & altera præter
Militibus primam ſi fors tradatur, ad arma
Si conclamari ſubito rumore neceſſe eſt,
Inſtrumenta tibi faciant tum bellica nomen.

Varianda identidem,

Verùm ſpargendus quando ſit rumor, ut arma
Expediant juvenes, noſtro jam carmine dicam.

Quando ſic clamore
ad arma conclamandum,
& quibus ex cauſis.

Terrorem è vallo cùm tu meditaris inanem
Hoſtibus inferre, ut ſubita formidine capti,
Ex operis fugiant ætutùm, ſede reſiſta.
Inſuper, ingenti varius ſi civis in urbe
Suſpectus tibi ſit, faveat quia forſitan hoſti,
Tum conclamari, ſed cautè præcipe: iniquo
Sic animo quotquot fuerint prodentur, & ipſe
Promeritam ſumes inſido à ſanguine pœnam.
Et quamvis quocumque cieri tempore poſſit
Clamor in arma, tamen nox eſt accomoda fraudi
Concubia: è falſo verùm diſcernere opacis
Non datur in tenebris, creſcitque per horrida terror.

Quomodo ab hoſtili
clamore cavendum ſit.

Sed non externo minus ab rumore periculum
Eſſe ſolet, quod tu poteris ſic ante cavere:
Continuò ſolers ultra cuſtodia foſſam
Excubet, adproperantem hoſtem cæſura, tumultus
Cum ſiunt: crebrò mutetur & utraque ſigni
Teſſera; ne qua nigra poſſit fraus nocte parari.
Si verò vigiles capti formidine inani
Clamavere, luant pœnas. Sed durior urget
Cura, per acceſſus obliquo tramite ductos
Sub murum tacitis venientem greſſibus hoſtem
Aggredi, & aſſiduis inſultibus exturbare.

Ars traditur eruptionis
facilez ad hoſtium ope-
ra, aggeresque extenban-
da; ut longè à muris ex-
ceatur.

Alit erumpendi quæ tempora, qui modus, addam:
Plurimus obſeſſa fuerit ſi miles in urbe,
Fiat in hoſtiles eruptio crebra catervas.
Si ſecus, illa tibi ſit rara, feroxque fatiga,
Dux, hoſtes, ut poſſe datur: ſic ſæpè moramur
Obſidium; quod ubi in ſeros procedere menſes
Incepit, validum minus eſt: & ſegnior hoſtis

Con:

Concepta sensim spe decedit: acrior artus
Lethifer invasit veluti cū morbus, & ægra
Paulatim membra insultans depalcitur: arte
Si quis Pæonia, fretusque salubribus herbis,
Fallere tum pestem poterit, lentēque domare:
Spes erit & vitæ misero: violenta remittunt
Paulatim sese, & longo post tempore cedunt.

Insuper, insultus quando: meditaris in hostes,
Ante dies aliquot claman præcipe sepel.
Fraude fatigatus tali lentescet, inani
Conclamata ruens inimicus ad arma labore,
Atque opus incēptum linquet: verū ipse caveto
Ne quis fortē stata erumpendi tempora noscat.
Hæc etenim, celeri ferventia prælia nimbo,
Improvisa valent hostem superare latenter.
Non secus, ac segnes nocturno sydere nautas
Cū subitus turbo comprehenderit, illicet alto
Absorbere potest: at si præviderit, astra
Observans cælo cautus de puppe magister
Excussitque suos: misitque in vela, pedesque,
Haud equidem tanto tempestas impetu pinum
Excutiet: prævisa cadit vis: effera ventis.

At quot ab obsessa prorumpant arce, tuorumque rota
Pro numero, obiectique situ muniminis ipse
Decernas: sed prima tibi sit cura videre,
Mœnia præsidio ne fors tenuata relinques.
Refectorem publi egregium, bellicque peritum
Præfice: tu cūquā commissa exhibis laburbe
Ipse gubernator: ceu nunquā à puppe recedit, dul si mal
Nec sibi commissas, alii concedit habenas.
Qui tibi delecti, brevibus stipentur in armis:
Funditor inter eat quos plurimus, ignea dextris
Mala ferens, fæcesque, ollasque bitumine foetas
Sint & fossores: vete, incurvoque ligohe,
Ut cepta incendant opera, exturbentque, ruantque hostes
Accipe & insultus quæ tempora: corpora postquam
Curavere hostes, media jam parte diei
Exacta: longos post prandia sæpè solemus
Cū tenni somno fessi diffindere Soles,
Atque cibo oppressi nimio torpemus: & æstu
Interdum de nocte juvat, ceu fulgur, in hostem
Turbine bellaci descendere: plurimus umbris
Augetur timor in furvis, crescitque periculum.
Quarta igitur cælo noctis cū labitur hora,
Vel cū jam primo festinat Lucifer ortu,

Ante dies aliquot quam
erumpis, fac ut ad arma
conclametur, curandum
que ne quis tempus erū
pendi prænoscat.

Qui ad eruptionem de
stinandi, & quibus mu
niendi armis sint.

Quo tempore eruptio
nes ab arce in hostes in
ciendæ.

Cavendum ne si recedere coacti juvenes una cum ipsis hostis in arcem ingrederentur: idcirco certis novis militibus signandi.

Egrediere: dies ubi dicta effulserit, alto
 Ponte super, cymbave, fluat si rivus, ovantes
 Transmittant turmæ fossam mox dirige & illas
 Largum ubi castellum valli procurrit in æquor
 Verùm hic est illud solertius antè videndum:
 Ne forte, incœptis si non Fortuna secundet,
 Dum pulsus retrò ruit in securam, solutis
 Ordinibus miles, tum tærga impune secutus,
 Intermistus agat sese simul hostis in arcem.
 Signa igitur ponas, quæ discernantur ab illo.
 Nimirum labaro nitèat si pileus albo,
 Cærule sive illum circumdet tænia, vel si
 (Interdum ludicra juvant) indusia tergo
 Extabunt educta: Quid ò tardamus? apertum
 En campum tenet adversarius, imminet & jam
 Marginibus fossæ victor, minitatur & urbi.
 Ergò agite, ò juvenes, nunc vi, nunc tempus & arte
 Tutari parmas, valloque arcem profundo
 Advitentem hostem: nam si pervenerit ipsa
 Mœnia sub turris, spes nostra labascet: ut ægro
 Atra lues nigro serpens cum forte veneno
 Oppressit miserum, penitusque irrupit, & limas
 Accior in fibras pervadens corripuit cor.
 Tunc ea Pergameum distentum cura Magistrum
 Sollicitat, penitas subeat ne noxia venas
 Contago: at primis tenuetur partibus humor
 Sic docti Rectoris erit solertia, longè
 Instantem retinere hostem, atque expellere vallo
 Nani si sub muris dabitur se figere Mavors
 Cor petit insultans, & spes vix ulla salutis
 Margine sed victor si jam confedit, & ære
 Verberat assidue parmas: quas scindere summis
 E latere adverso conator viribus, illum
 Tu contra prohibe stationem imponere fossæ
 Castello, aut ipsa perflare crepidine, sed quæ
 Arte queas hostem vallo defendere, tutat
 Ab telis circum quæ loricata recurrit
 Porticus, expediatur. Mediò stet tramite fossæ
 Lecta manus juvenum, latus omne intesta, sub ipsam
 Quæ crebrò adversam stationem fulminet ictu
 Præterea spissos subter tellure caminos
 Succendes, dimota ruat quæ terra sub alta
 Ignes interea jaciatur, sulphurque juvenis
 Agger, & insistens illo incendatur ut hostis
 At si non igni, sævoque bitumine pulsus,

Cum hostis in fossæ
 margine stationem po-
 suit, illic pellendus, &
 quæ industria, & conatus.

Missile nec plumbo, præfixa sede, movetur
 Adversarius acer, & ignibus ipse, globisque
 Perfurit; amissam tum turris distrahe partem,
 Aggere confestim sabulo; vel vimine structo.
 Ulcere ceu diro cum tota putrescere cœpit
 Dextra, nec evaluit Maris in montibus herba
 Quæsitæ, & succi Medorum, & balsama pestem
 Pellere, per reliquum serpens ne se cita corpus
 Contago insinuet, docta tum nobilis arte
 Continuo dextram Celsus secat; atque salutem
 Optatam, per acerba licet, dat protinus ægro
 Parmula si fuerit, ducis qua forte receptum,
 Angulus intus eat protentus cuspide acuta;
 In campum excurrat, si cornua, sive coronæ.
 Fascibus & vallum attolles, seu vimine: & illud
 Plurimus aggesta firmabit fossor arena.

At prius abiegno facies de robore capias,
 In quibus ignivomas concludes plurimus ollas,
 Et lapides, unaque æris fragmenta minuti.
 Quas mox subter humum sicco cum fomite miles
 Oculat: utque hostes jam conscendere, minister
 Det flammæ: accensa sinu cum Vesta tonabit,
 Dissiliant cum tota illi statione perusti.
 Ast abiegna tibi si non dant robora sylvæ,
 Exiguos ipsa puteos sub sede cavato:
 Inque illos sacco inclusum jace fulmineum sal.
 Indè trabes, lapidesque simul transversa locato,
 Et quidquid magnam natum est inferre ruinam.
 Restis & occulitur, quæ mox exfusetur ignem.

Sed superat quoniam adversarius, inque profunda
 Conscidit fossa, gressumque ad mœnia victor
 Intendit, numero pauci cedamus: at olli
 Non equidem fascēs, non submittemus iuvēti.
 Sed multa certum est virtute, atque arte magistra
 Tutari fossam, spes & præsumere palmæ.
 Quæ si sicca diu, defendi aptissima; quando
 Plurimus agger ea seu tum, sive ante parari
 Transversus poterit: variumque crepidine, & intus
 Fas opus attolli, longum quod distrahat hostem.
 At si stagnanti scateat, vel Najade viva.
 Haud equidem multo servatur tempore; raro
 Namque operæ in medio fabricati, flumine possunt:
 Arcibus idcirco semper siccata tuendis
 Aptior est, riguo quam quæ præcingitur anni.
 At si fortè velis cum fossam implere fluentis;

Quod si pelli nequeat,
 illa pars, quæ occupavit,
 ab reliquis abscindenda:
 aggere illi, d. extructo.

Subter etiam purei,
 vel cuniculi excavandi;
 qui mox accensi hostem
 perdant.

Cum obsidiores in fos-
 sam descendere; qua ra-
 tione ea defendi possit.

Sicca facilis servatur,
 quam aquis stagnans; &
 cur?

Obijce discluso, valeas præstare; feroci, cunctisq; effusa
 Commoda præ reliquis ducenda est illa. Gradiivo
 Quæque etiam grandi fluvio labente rigatur. Illa
 Ardua sed quamvis hostis apta videri
 Possit, humo in sicca quoniam procedere longis
 Aggeribus fas est; verum quia tota patescit,
 Ignibus, obfessi jaciunt quos semper ab arce;
 His igitur siccata favet, favet humida & olli,
 At quibus arentem valeas defendere, paucis.
 Expediam, quando premit hostis, & explicuit se.

Principio conare operis castrensis ignem

Oculum jaculari, inimicum & perdere: fossam
 Ideo totam juvat ante canalibus arctis

Fossa cuniculis ante
 cavata facili servatur.

Obliquum fodisse, graves qui sulphure quibunt
 Hostem insultantem magna depellere clade.

Ad Cretam ut Venetos fama est fecisse; ubi omnis
 Concava subter erat tellus persossa caminis.

Mox quibus incensis, Orco tot millia Thracum
 Demissa, & rapidis bis sunt data pabula flammis.

Præterea vallum tutari tempore longo

Agger transversus poterit, scissuraque crebra,
 Quæ propugnaculi latus extat, & aspicit aquor.

Servatur item aggere
 transverso, ex quo obse-
 si missilibus hostem pe-
 tani.

Loricam aggesto transversam cespitem tolle:
 Missilibus petat unde ferrox hostilia pubes

Agmina; dislineatque diu, ne fragmina muri
 Consendant, & signa illis visceribus figant.

Quam si forte, rucis delecto flore juventæ,
 Occupet hostis; ages mediis & mœnibus ipse

Tunc aliam, quæ se pubes generosa reducat: limos
 Indomitamque faciem virtute, atque arte fatiget.

Verum age, si fuerit stagnanti plena palude,

Vel scateat resurgente, quibus tutaberis illam
 Artibus, accipies. Cymbis invehis ab urbe

Si agilis abundet, cym-
 bis armato milite plenis
 teneri poterit, ollisque &
 muro jadis, & crebro
 tormento icta.

Egredere, & telis inimicum cede retortis:
 Atque ollis, summo murorum ex aggere jactis;

Imbribus & stygiis, & grandine coitete ferrea.
 Verum hostilis uti disrupsi vinea possit;

Qua rivum certant illi transmittere; tectis
 E latere, assiduo pulsu, tormenta reclament.

Sed quid jacti ignes, quid sœda bitumina, & imbrës

Tartarei valuerunt? quid & vibrata metallis
 Fulmina terrificis, totiesque ruentibus agger

Obiectus? quando fors æmula, cœcus & hostes
 Præcipitat furor, & medios immittit in ignes.

Accenditque animos, & vires sufficit acres

Vin.

Vindictæ stimulus, laudisque immensa cupido,
 Nec minor his, regni spes affectata tyranno,
 Quin etiam ingenium nobis magis acre nocendo,
 Nosmet tutando quam sit; quia scilicet ira
 Fervidior calet, & vehementior urget amore.
 Ergo ubi perripit per fulmina crebra, per ignes
 Adversarius acer, ovatque in sanguine victor,
 Et vacuæ dominus fuisse jam mœnia rumpit;
 Tu ne cede malis, sed spem, dux, concipe certam,
 Tempore non longo, magna stipante caterva,
 Adfore, suppetias sociæ qui deferat urbi.
 Quin etiam tabulas interdum fingere referri
 Accepisse, quibus jam ventura referri
 Auxilia, inque omnem rumorem spargere vulgum.
 Qui si vera, an falsa, ignara è plebe requirat?
 Credere quæ facillis, rerumque ab imagine duci.
 Quin etiam cuncti quidquid speramus amantes,
 Intuimur præsens, certumque tenere putamus.
 Et falsi quamvis, hac spe lætamur inani,
 Concipimusque animos, perque ardua tendimus ultro.
 Rebus in humanis ea stat, quam concipis, ipse:
 Et concepta trahit tua te sententia, non res.

Actius in nocendo in-
 genium, quam in defen-
 dendo, & nocentior ira,
 quam amor ferret.

In ultimis rebus num-
 quam amittenda spes imò
 vana etiam lætandi, spe
 militum animi.

Hac arte erectis animis, foscere cavari
 Noveris ut muros (poterit mercede referre
 Transfuga, vel crebro resonantia mœnia pulsu)
 Extemplò jubeas calones, intus acuto
 Vestè movere solum, fastoque per intima ductu,
 Occurrare hosti venienti, & perdere ferro.
 Quique latet cæco conclusus fornice pulvis
 Cominus extrahitur: sed primum recte remota,
 Ne Vestam insinuet: quam si remove negatur,
 Infundantur aquæ super illicet: ire cavanti
 Obvius ut valeas, certò, & disflare cuniculum,
 Stat varios hinc, inde cavos aperire meatus,
 Serpere & obliquum primæ de fornice cellæ.
 Semper ubi solers nitidis custodia telis
 Excubet, interiora petat ne subdolis hostis.
 Alta sit hæc tantùm; vir quantum surgit in antras.
 Ramos quinque pedes, non amplius, erige: & unum
 In latum accipiant hominem: rectaque cavandi,
 Quà murum bombardæ quatit: sic certius ipse
 Invenies, quos ille struit. Qui consulit ante
 Providus, ut primum se tollit saxeus agger
 Artifici factus dextra, tunc ille canales
 Molitur, mediamque incurvat fornice cryptam;

Cum hostis cuniculos
 ducere, cognitum, illi,
 aliis occurrendum, atque
 opus extorbandum: &
 quid arte petiscendum.

Miles ubi custos vigil adstat, & unde patefcunt
Diversum per cœca viæ, ramique latentes.

Sed quid tot profunt conamina? quidve futuri
Provida mens? magno resonant divulsa boatu
Mœnia, collucent ignes, & sydera fumus;

Quid præstandum, cum
hostis cuniculū incendit,
magnamque tuinam mu-
ro iniecit.

Et tellus submota tegit; caligine cœca
Omnia miscuntur: volitantque eiecta per auras
Saxa, trabes, tormenta, viri, vallumque revulsū:
Turbine & horrendo nutans arx tuta remugit.
Heu! valere hostes, ignemque dedere cavernæ.
Sed quid agas? quoniam sic vult fortuna, ferendum est.

At ne, Dux, animo desponde; est quippè magistræ,
Artis adhuc virtus: tantam reparare ruinam
Qua possis, cantanti animos adverte, docebo.

Si parva ruina muri
fuerit, illico fascibus est
opplenda, aggregataque terra.

Si munimenti pars evibrata patefcit
Fragmine non multo, confestim fascibus illa,
Congestoque opplenda solo, sumoque tenaci.

H's etenim subitus, solidusque attollitur agger:

Quo teneas currentem hostem, calidique remittas

Pectoris ardorem, & vires, facto objice, frangas!

Non secus undoso cùm ripas ariete rupit

Ingens flumen, aquis & jam superantibus undat.

Tum citus, & falces, & terram congerit altam

Agricola, & vallam venienti opponit: & illo

Vasta tenet refluxa, graves & supprimit iras.

Proderit & capsas ollis, & pulvere plenas,

Fomite cumque ipso medio supponere hiatu.

Accensæ, prohibere valent ne fragmina propter

Præsignant hostes, disiecti turbine, sedem.

At si fulmineo quæ à nitro facta ruina

Murorum, sit vasta, patefcant hiatus, & ingens

Fragminibus super, ut nequeas sarcire paratis

Ex fimo, terraque, & fascibus, aggere facto.

Si verò vasta, in illa
caminus cavandus est, &
pulvere, ac bitumine re-
plendus, atque incenden-
dus.

Tum propugnaculi postrema in parte cavari

Sollicito extemplo jubeas fossore caminum:

Nitratique cados ibi sulphuris occule, visum

Quot tibi, cumque una faxis miscebis acuti

Frusta minuta æris, sædumque bitumen; ut hostes

Vulneribus laceri, cœca caligine merfi,

Offensi nidore gravi, rapido igne præusti,

In rupto nequeant stationem ponere muro.

Aut raptim si fixa, citi decedere ab illa

Conentur, vitam vel nixi in fragmine linquant.

At si non operæ fumum castrensis haberi

Concessum, jacet assiduè quia missile plumbum

Hostis ab aduerso, & numerus latè ingruit ingens:

Fragmina lata super tribulos, armataque rastra

Cuspidibus sparges, plantas scissura cruentis

Ictibus, in pugnam gressu dum præpete currunt.

Quin iuvat, & tabulas radiis munire reflexis

Utroque in latere, & medio substernere hiatu.

Asper ibi pariter figatur Ericius: illo

Pubem oblucentem poteris per longa morari

Intervalla, cadat sic fortior impetus, & sic

Extructo valeas te circumcingere vallo.

Bellicus è solido ligno fit, Ericius: æreis

Et circum stimulis vestitur (carmine nostro

Hinc & Ericius appellatur nomine) trunco

In medio major, tenuatus vertice: & alto

Cardine firmetur medius, firmetur utroque

Extremo, gemino paxillo in fragmine fixo.

Est & Equus pariter retinendis hostibus aptus

Frisius, artificis patriæ de nomine dictus.

Fagineo oblongus formatur robore, feno

Distinctus latere, ut transversa foramina fiant,

Inque crucem composita: quibus mox præcipe longos

Inferat radios, tornatos arbore querna.

Quique decussatim excipiant per mutua sese.

Inter & hos alii rectâ figantur: & omnes

E ferro stimulis utrimque armentur acutis.

Plurimus hic nexus (muri cum larga ruina)

Oribus æratis transversum imponitur; acris

Ut contra juvenes venientes mordeat ictu.

Hæc cum præstiteris: non arti, neve labori,

Sanguine nec parcens, nulla virtute tueri,

Arte queant nulla, si fragmina, quid tibi tandem

Restat op's, quando non spes, non occidit omnis,

Accipe rem paucis: illa tibi faxeus agger

Parte abscindendus, valido qua dirutus igne est,

Lorica ætutum structa, valloque recincta.

Illius in gremium convergat & angulus: ipsa

Inque vicem sese latera, & convulsa tueri

Mœnia uti firmo possint munimine: acuti

Si propugnaculi, rarum id, non impiger hostis

In frontem molitur opus, fac corniger exet

Agger, ut è gemina miles tutarier illum

Parte queat: raucò quatiat sed si latus ære

(Rarius id faciet) ferrato linea ducta

Tollitur: hæc acies se porrigat, illa reducat

Intus: at agger erit totus si forte secandus,

Tribuli item, & rastra
acutis cuspidibus spar-
genda per fragmina.

Figendusque in igso
hiatu Ericius.

Item & Equus Frisius

Quid agendum, cum
instat hostis, & ulterius
procedere conatur, ut
victor propugnaculo po-
tius?

Scindenda nimirum ea
parte, quæ laborat: & quo
modo scissura faciendâ
sit.

Tur-

Turriculam medio in collo molire rotundam,
 Aut quadram: patrio quæ jam cognomine muri
 Appellatur Eques; quem circum linea currat
 Utroque è latere extremo producta: sed illud
 Solenter semper jubeo meminisse, refecti
 Ut munimenti tibi colla patentia ductis
 Aggeribus claudantur: erit simul altera structa
 Castrensis scissura, diù qua moenia ferves.
 Si fors festinato ad certa pericula gressu
 Interea properet sociis exercitus alis:
 Atque urbem obsidio promissis liberet & se.
 Et quamvis sperare juvet, tamen ulla propinquo
 De colle apparent notis undantia signis
 Vexilla. At multus per castra hostilia rumor
 Crebrescit, resonat Mars undique, & arma reclamant.
 Forsitan illa petit dux improvisus, ut arci
 Auxilia immittat furtim? spe fallor inani.
 Corripite arma viri, ferte ignes, scandite muros:
 Et solitos revocate animos, en appetit hostis
 Urbem aggersurus: globus è spectatis, ut ille,
 Flos juvenum, primi sortem fortitus honoris
 Tendit in assultum, seque in sua colligit arma.
 Sed vos, è socii, fortissima corpora bello,
 Viribus haud illis, haud & virtute secundi
 Ite, tot egregiis stat & hoc superaddere factis:
 Et palmas cumulare novis: se sentiat hostis
 Incassum tentasse virum tot millibus arcem
 Quam miles veteranus habet, scutoque tuetur
 Corporis objecti potius, quam molibus altis.
 Mœnia non urbi deerunt, dum pectora stabunt
 Hæc armata: novo semper non objice vallum
 Deficit, dum fortis habet hæc dextera ferrum.
 Talibus ut dictis animos accenderis, acres
 Præcipies mox arma viros, & cuncta parari
 Aggessum quibus eludas, tentataque ferves
 Fragmina: sed quæ tela, & quæ solertia, dicam
 Ut primum insultus meditari senseris hostem
 In loca, tormentis ingens ubi facta ruina,
 Et faciles aditus dant laxa instrata, jubeto
 Ærea pila, breves hastas, bifidasque secures
 Afferri: missæque illis sint fistulæ æhenæ:
 Cominus expelli quibus adversarius armis
 Consuevit, propius vallo cum se intulit, & cum
 Vicina occurrant arma armis, atque viro vir.
 Præterea è ferro tunica, faecesque ferantur,
 Vimi.

Cum hostis insulcum
 meditatur, hortandi mi-
 lites que ad extrema ma-
 gnus se animis comparat,

Quibus telis hi juve-
 nes armandi, qui ad pel-
 lendos è fragmine hostes
 destinantur.

Viminaque, & sacci, tribulique, armataque rastra,
 Atque pilæ, atque ollæ, bolidisque bitumine factæ.
 Armorum quæ cuncta foro longo ordine sistes.
 His actis, subit illa animum non ultima cura,
 Sese nimirum intestina à peste tueri.
 Si cives hosti faveant, ut ritè vereris
 Ne ferveat cum pugna, tuos post terga laceffant.
 Omnem exarmari populum tum præcipe: tutis
 Inque locis, quorum suspecta custodia servet.
 Occludes: fortisque fores custodia servet.
 Excubet inque foris custos, adituque viarum;
 Ne qui forte queant conciri à plebe tumultus,
 Hostis ut incubuit: tali quibus ordine cautum,
 Ut jam dicta dies insultu affulsit, & arma
 Sole percussa ardescunt, turmæque propinquant,
 Armari totam confestim præcipe pubem.
 In tres æquales quam mox partire cohortes:
 Unam, luce cui custodia contigit illa,
 Fragmina tutari, & venientem arcere jubebis.
 Quæ custoditis è mœnibus altera venit,
 Armorum stet lenta foro: manus ultima pubis;
 In reliquis divisa foris insistant: & omnes
 Stet prompta in casus, partesque accurrere, quod Mars,
 Quod vicibus subitò versis Fortuna vocabit.

Ut sit à cive cavendum, si hosti favere comperitum sit.

Quà ratione distribuendus sit miles.

Nulla pars muri prædicio vacua relinquatur.

Quæ sagularum cohortes arma gerant.

Atque hic præmoneo, ne bellatoribus ulla
 Mœnia nuda, licet per se tutissima, linguas.
 Hæc etenim interdum solet astu invadere totis
 Viribus adversi dux agminis, ut sine multo
 Sanguine signa super inimicas explicet arces.

Perge, labor properat jam Martius, & fera rauco
 Pulsa sono inelamant jam classica, & horrificum Mars,
 Et rigidum violenta rotat Bellona flagellum.
 Quæ pubes igitur fragmen sortita, maniplos
 In tres structa, super stet munimenta: feroces
 Præcedant, hostis fracturi robora prima.

Hos galea insigni, scutoque umbone nitenti,
 Loricæque teges, ut se defendere ab ictu
 Fulmineo plumbi possint; ærata sed ipsi
 Dextra pila gerant, & lenta hastilia, & uncus;
 Sintque bipenniferi nonnulli, alique secures
 Perstringant, & quod perrumpere posse videtur.
 Pugnantum cuneos, versosque insternere: & illi
 Siphone ignivomo, sclopoque armentur alieno.
 Agmine qui properant pugnas urgere secundo,
 Hi varios portent ignes, incendia cæca,

Dum calet certamen,
tormenta in hostem ex-
plodenda.

Atque ollas, & quidquid adurere posse creatum est.
At qui postremo succedunt ordine, vallo
Vertendo incumbant: vel si premat impete magno
Adversarius adnissus perrumpere, primis
Auxilia extemplò portent, firmentque labantes.
Interea, dum pugna calet, tu præcipe rauca-
Continuò è latere obtesto tormenta tonare,
Grandineque horrida pubem transversa ruentem
Sternere: nec glandes jaculari sclopifer altis
Cesset ab aggeribus, juvenesque immittere in Orcum.
Et quoniam dictis animi accenduntur, ut ignis
Nutrimenta capit vento, latèque relucet:
Idcirco socios hortare in prælia laudis
Spe tollens animos, magnæ & mercedis amore.
Plurimus & verbis, & vultu plurimus acri,
Sacramenta, quibus constricti numine divùm,
Juratæque fidem Patriæ, Sanctoque Senatu,
Intactam toto quam stat servare cruore,
Objicies, repetensque iterum, rursusque monebis:

Dux in o mitem se par-
tem verset, & cuncta
moderetur.

Præterea, magno dum nisu prælia fervent,
Tu vigil inspicito quæcumque juvare fugandis
Hostibus opportuna, tuisque afferre salutem,
Optatamque valent palmam cum laude mereri.
Unus & ipse, loco stabis præsentior omni.
Magna animos juvenum, & certamina mente gubernans:

At prius assultus quàm dura pericula tentes,
Hostis ut obsessam feciales mittit ad urbem,
Ut flammis ruitura solo jam mœnia dedas,

Præquam se Dux ad
repellen dum hostem ac-
cingat, consulat suos
si urbem hosti tradere
sit honestum: & quæ
hosti deditionis causæ
sint.

Militiæ primi procures præcone vocandi
Concilium in magnum: quos tu mox, singula pendens,
Consule, si turrim obsessori dedere, honestum.
Quodque illis visum unanimis, id & ipse sequare.
Sed quæ tradendi causæ: si turris iniquo
Structa loco, ut nequat defendi: plurima desit
Terra tibi, aut fascès, quibus obsepire juventam,
Divulsique queas muri sarcire ruinam.
Insuper, immenso pateat si fragmen hiatu,
Vel dejecta rotis tormenta, nitrumque, pilæque
Deficiant: non & pubes, non machina tanta
Suppetat, innumerum fractis è mœnibus hostem
Ut propulsurum speres sine cæde tuorum,
Atque urbis casu: quam præstat perdere, pube
Incolumi, inque novos quæ sit ventura labores.
Non virtus, furor est, unà cum turre juventam
Tot claram factis amittere: semper at illud,

(Quod

LIBER DECIMUSQUINTUS. 351

(Quod tibi, quod multum refert cavisse) videndum;

Ne fors prætextu servandi militis, urbem
Intempestivè dedas: crebroque repende,
Continuò juvenes generari in bella, sed arces
Non faciliè amissas iterum, nec regna renasci.

At si victori visum concedere muros,
Conditio dicenda tibi sit semper honesta.
Scilicet, ut liceat læto clangore tubarum
Passisque in ventum vexillis, ordine Martio,
Instructoque armis, curruque exire tonanti.
Atque suos genti fasces, suaque omnia ferre
Concessum: defensa aditus per fragmina detur.

At si conditio non hæc ferat arcis, & ipsa
Attenuata nimis pubes, nec tempora, leges
Accipe, quas poteris: sed non patieris iniquas.
Non turpes: præstetque necem pro laude pacisci.
Quin etiam interdum percussu laudis amore,
Invisi fiunt animi, sit pectus ahenum;

Sarciat ut labem murorum, hostemque superbum,
Haud sibi sperata, merita sed clade, repellat.

Et quoniam faciendus honor, tutelaque multum
Virtuti, fideique tuæ concredita turris;

Ne citò festines vana formidine, muros
Tradere, ab aggeribus viso vix eminus hoste.

Fac abs te potius populus, patresque requirant,
Cur serò obfessam, quàm cur citò dederis arcem.

Ast ubi majus opus, majoraque cœpta, revertor.

Si tibi jam totis venientem viribus hostem
Excipere, atque extrema subire pericula certum est:

At postquam multum pugnatum fragmine in ipso
Est dubio sub Marte, tui notare labantes

Incipiant, frustra alios in prælia mitti,
Hortarique animos frustra: timor imminet, urbem

Vi capturum hostem, tum dede, & cedito Sorti.

Sed si posse tua speres defendere vallum
Virtute, & focios exemplo accendere in arma:

Atque tuum seclis amor est transmittere nomen,
Morte vel insigni, servata aut arce, feroces

Haud renuo medios morituum irumpere in hostes:
Sæpè stetit ducis exemplo, & virtute ruens arx.

At verò ut votis ausus respondeat æquis,
Non temerè, ut casus fert, & Fortuna, supremam

In pugnam descende: locus si fraudibus, illo
Utere tu solers, artemque adjuuge magistram.

Delecti superant qui forte Giraspides, illos

Delecti superant qui forte Giraspides, illos

Numquam urbs in-
tempestivè dedenda est.

Conditioes sine sem-
per honestæ, ut res pati-
tur: numquam turpes:
& superbus hostis omni
conatu repellendus.

Quando tandem de-
denda urbs sit.

Quod si Dux speres
suo exemplo, & vetera-
norum virtute servari
arx possit, in hostem ruat.

Hortatus sermone brevi, citus instrue denso
 Agmine: pulsari mox tympana cuncta, tubasque
 Atque improvisos demitti cominus ignes
 Præcipe, quique latent, succendi recte caminos.
 Irrue mox acie densus: trepidoque tumultu
 (Si præsens Fortuna ausis, quique ardua Mavors
 Cæpta fovet) muris inimicum expelle, ruentemque
 Insequere, ut toto tandem de fragmine cedat.

Verum instauratis iterum si viribus arcem
 Agressurus adit: cui tu conatibus jisdem

*Sed si hæc spes decida-
 dar, fortunæ cedendum,
 ac deditio de more faci-
 enda est.*

Haud equidem speres te posse opponere, turres,
 Tandem dede: tuos, quorum jam cognita virtus,
 Ne patere hostili rabie, ferroque litari.
 Ergo ubi deditio, tibi jam meliora secutus
 Consilia, est tandem decreta, attollere summa
 Candida de turri juvenes vexilla iubeto:
 Vel festis pulsare modis cava tympana; signo
 Quo petere inducias te obsessor ab aggere noscat.
 Ne qua malæ intereâ fraudis queat hostibus esse
 Suspicio, astutum fac cuncta hostilia cessent.
 Cum vera de pace agitur, dolus omnis abesto.
 Non tamen interdum prætextu fœderis, urbi
 Illatam te posse veto farcire ruinam.
 Namque hostes in bello fallere, non dolus, ars est.

*Datis mutuo obsidibus
 arx viatori traditur.*

Ergo datis ultrò obsidibus, pariterque receptis,
 Conditionis erunt leges utrimque decoræ
 Scribendæ: pactisque, sacro de more Quiritum,
 Imperium tandem victori traditur arcis.

Sed me defessum post tot certamina Martis;
 Phæbeo & totum rotantem fonte, paterni
 Invitant colles ad gaudia nota, sinumque
 Ipsa suum Siren venienti expandit alumno:
 Utque humili quondam Musco, & mea tempora Myrto;

*Vates post tot Martis
 labores ad patris Sirenis
 otia se reducit,*

Sic nunc Heroa gestit præcingere lauro.
 Hinc Nefis, Megareque, & Olympia Mergillina,
 Hinc & Sebethus festivo murmure aquarum,
 Ac virides plaudunt horti, campique beati.
 Et procul hinc Prochyte circumsonat, Inarimeque:
 Hinc & bellaci subsultat Vesbius igne:
 Et Vicus contra, Stabiæque, & laxa Minervæ,
 Ac Surrentini resonant à vertice colles.

At tibi, Sors varium maneat quæcumque per Orbem,
 Sex mihi, sed vacuis sudatus mensibus annos
 Parthenius Mavors, sat erit si clarus AQUINAS
 Te vultu accipiat facili, versetque secundis

Au-

Auspiciis, dum bella gerens tremefecerit Hæbrum
Victor, & Eoas arces: sique inclytus ostro
Romulco, & patria præfulgens tempora mitra,
CANTELMUS legat interdum, Crateris ad undam
Dum concessa capit, sepositis otia curis,
Et plausu, ut semper solitus, dignetur amico.


F I N I S.




IN NAUMACHICIS

ERRATA SIC CORRIGE.

Pag. 1	versu 7	<i>lege</i>	Nitaris
Pag. 2	versu 42	<i>lege</i>	Lybiæque
Pag. 6	versu 35	<i>lege</i>	fuat
Pag. 13	versu 21	<i>lege</i>	pendet
Pag. 29	versu 19	<i>lege</i>	Dedecus acceptum
In eadem	versu 40	<i>lege</i>	fugassent
Pag. 35	versu 21	<i>lege</i>	nigrescunt
Pag. 53	versu 32	<i>lege</i>	crucesque
Pag. 54	versu 29	<i>lege</i>	magnum
Pag. 65	versu 15	<i>lege</i>	quia
Pag. 67	versu ult.	<i>lege</i>	muros.









1439

